







# କିରିନ୍ଦି-ବନ୍ଧିକ

ଶ୍ରୀ(ଅକ୍ଷୟକୁମାର) ମିତ୍ରେୟ  
ସଂକଳିତ

ପ୍ରଥମ ସଂସ୍କରଣ


ଶୁକୁଦାଳ ଚଟୋପାଧ୍ୟାୟ ଏଞ୍ଡ ସନ୍ସ  
୧୦୩/୧୧, କର୍ଣ୍ଣଗ୍ରାମିନ୍ସ ଟ୍ରିଟ, କଲିକାତା

ଆବଣ—୧୭୧୯

[ ସର୍ବସ୍ୱତ୍ୱ ରକ୍ଷିତ ]

ମୂଲ୍ୟ ଦୁଇ ଟଙ୍କା





প্রিণ্টার—শ্রীশরচ্চন্দ্র চক্রবর্তী

কালিকা প্রেস

২১, নন্দকুমার চৌধুরীর ২য় লেন, কলিকাতা

## সূচীপত্র

প্রথম পরিচ্ছেদ । পুরাতন বাণিজ্য পথ	...	...	১
দ্বিতীয় পরিচ্ছেদ । ইসলাম-বিপ্লব	...	...	১০
তৃতীয় পরিচ্ছেদ । নূতন স্থল-বাণিজ্য-পথের সন্ধান-চেষ্টা	...	...	১৯
চতুর্থ পরিচ্ছেদ । পুরাতন জল-বাণিজ্য-পথ	...	...	২৮
পঞ্চম পরিচ্ছেদ । অপরাজিত অধ্যবসায়	...	...	৩৭
ষষ্ঠ পরিচ্ছেদ । অসাধারণ আত্মত্যাগ	...	...	৪৬
সপ্তম পরিচ্ছেদ । উত্তমাশা অন্তরীপ	...	...	৫৩
অষ্টম পরিচ্ছেদ । ভারত-যাত্রা	...	...	৫৯
নবম পরিচ্ছেদ । কালিকট	...	...	৬৭
দশম পরিচ্ছেদ । প্রথম পরিচয়	...	...	৭৯
একাদশ পরিচ্ছেদ । ঐ	...	...	৮৯
দ্বাদশ পরিচ্ছেদ । আত্মরক্ষা	...	...	৯৮
ত্রয়োদশ পরিচ্ছেদ । বাহুবল	...	...	১০৮
চতুর্দশ পরিচ্ছেদ । রাজ্যলাভ	...	...	১১৮
পঞ্চদশ পরিচ্ছেদ । বাণিজ্য-বিস্তার	...	...	১২৮
ষোড়শ পরিচ্ছেদ । বাণিজ্য-নীতি	...	...	১৩৯
সপ্তদশ পরিচ্ছেদ । ভোগাভিলাষ	...	...	১৬৮
অষ্টাদশ পরিচ্ছেদ । প্রতিদ্বন্দ্বী	...	...	১৫৯
উনবিংশ পরিচ্ছেদ । প্রবল সংঘর্ষ	...	...	১৭১
বিংশ পরিচ্ছেদ । পরিণাম	...	...	১৮১
উপসংহার	...	...	১৮৪

## গ্রন্থকার প্রণীত

সিরাজদ্দৌলা	...	...	৩
মীরকাসিম	...	...	২১

## অবতরণিকা

‘সাহিত্য’-পত্রিকায় প্রকাশিত ‘ফিরিঙ্গি-বণিক্’ শীর্ষক প্রবন্ধ সংশোধিত কলেবরে শৃঙ্খলাকারে মুদ্রিত হইল। ইহাতে যে সকল ঐতিহাসিক তথ্য সঙ্কলিত হইয়াছে, তাহা আমাদের দেশের বিশ্ব-বিদ্যালয়নির্দিষ্ট পাঠ্যগ্রন্থে দেখিতে পাওয়া যায় না ; অথচ তাহা আধুনিক সভ্য-সমাজের অভূতপূর্ব ভাগ্য-বিবর্তনের প্রধান কথা,—যেমন ক্রৌড়হলপূর্ণ, সেইরূপ শিক্ষাপ্রদ।

মুসলমান ইতিহাস-লেখকগণ ইহার কোন কোন কথা লিপিবদ্ধ করিয়া গিয়াছিলেন। গোলাম হোসেন সলেমী “রিয়াজ-উস্-সলাতিন” নামক পারস্তভাষার রচিত বাঙ্গালার ইতিহাসে তাহার সারাংশ উদ্ধৃত করিয়া-ছিলেন। তাঁহার গ্রন্থ হইতে উপাদান সঙ্কলন করিয়া, ইংরাজী ভাষায় বাঙ্গালার ইতিহাস রচনা করিবার সময়ে ষ্টুয়ার্ট তাহা পরিত্যাগ করিয়া-ছিলেন। বাঙ্গালা ভাষায় যে সকল বাঙ্গালার ইতিহাস লিখিত হইয়াছে, তাহা ষ্টুয়ার্টের পদ্ধতি অবলম্বন করায়, তাহাতে ফিরিঙ্গি-বণিকের কথা যথাযোগ্যভাবে স্থানলাভ করিতে পারে নাই।

ষ্টুয়ার্টের বাঙ্গালার ইতিহাস “রিয়াজ-উস্-সলাতিনের” অনুবাদ নহে। তাহার একখানি অনুবাদের প্রয়োজন প্রদর্শন করিয়া, তৎপ্রতি বঙ্গ-সাহিত্য-সেবকগণের দৃষ্টি আকর্ষণের আশায়, সাহিত্যে “গোলাম হোসেন” শীর্ষক একটি প্রবন্ধ প্রকাশিত করিয়াছিলাম। উহা পাঠ করিয়া, শ্রীযুক্ত রামপ্রাণ গুপ্ত মহাশয় অশেষ অধ্যবসায়ের “রিয়াজ-উস্-সলাতিনের” একখানি বাঙ্গালা অনুবাদ প্রকাশিত করাইবার পর, বঙ্গীয় এসিয়াটিক্ সোসাইটীর উত্তম, শ্রীযুক্ত আবহুস্ সালাম জাহেব একখানি ইংরাজী অনুবাদ প্রকাশিত করিয়াছেন।

গোলাম হোসেনের গ্রন্থোক্ত ফিরিঙ্গি-বণিকের বিবরণ যতদিন কেবল পারশুভাষায় নিবদ্ধ থাকিয়া অপরিচিত হইয়া রহিয়াছিল, ততদিন ইংরাজী-ভাষানিবদ্ধ গ্রন্থ অবলম্বন করিয়াও ফিরিঙ্গি-বণিক্ সম্বন্ধে অধিক কথা অবগত হইবার উপায় ছিল না। তাহা তখন পৰ্তুগীজ-ভাষানিবদ্ধ গ্রন্থে ও রাজদপ্তরের কাগজপত্রে লুক্কায়িত ছিল। পৰ্তুগীজ-দপ্তরের যথাযোগ্য অনুসন্ধান করিয়া, তদবলম্বনে ড্যান্তার গ্রন্থ রচনা করায়, এবং শূর্ উইলিয়ম্ হণ্টার নানা তথ্যের আলোচনা করায়, যাহা পৰ্তুগীজ-ভাষানভিজের নিকট অপরিচিত ছিল, তাহা এখন ইংরাজী-ভাষাভিজের নিকট সুপরিচিত হইয়াছে। এখন বাঙ্গালা ভাষায় ফিরিঙ্গি-বণিকের বিস্তৃত ইতিহাস লিখিত হইবার সুযোগ উপস্থিত হইয়াছে। ‘সাহিত্যে’ প্রকাশিত প্রবন্ধ ১৩১২ সালে সমাপ্তি লাভ করে। কিন্তু এতদিনের মধ্যেও বাঙ্গালা ভাষায় ফিরিঙ্গি-বণিকের বিস্তৃত ইতিহাস রচনা করিবার জন্ত কোনরূপ আয়োজনের পরিচয় প্রাপ্ত হওয়া যায় নাই। তৎপ্রতি বঙ্গ-সাহিত্য-সেবকগণের দৃষ্টি আকর্ষণের আশায়, ‘সাহিত্যে’ প্রকাশিত ফিরিঙ্গি-বণিক্ শীর্ষক প্রবন্ধ পুস্তকাকারে মুদ্রিত করাইবার জন্ত চিত্র-সুহৃৎ শ্রীযুক্ত জলধর সেন উদ্যোগী হইয়া উঠিয়াছিলেন। স্বাস্থ্য-ভঙ্গে অবসন্ন হইয়া পড়ায়, তাঁহার অনুরোধ রক্ষা করিতে বিলম্ব ঘটয়া গিয়াছে। কতকগুলি অনির্বচনীয় কারণে এই গ্রন্থকে মুদ্রাযন্ত্রের কবল হইতে বাহির করাইয়া আনিতেও বিলম্ব ঘটয়া গিয়াছে।

বাণিজ্যেই যে লক্ষ্মীর প্রকৃত নিবাস, তাহা প্রাচীন ভারতে প্রবাদ-বাক্যে পরিণত হইয়াছিল। সে প্রবান এখনও অপ্রচলিত হইয়া পড়ে নাই। কিন্তু তাহার সমুচিত মর্যাদা রক্ষার অধ্যবসায় নানা কারণে ক্রমে ক্রমে অন্তর্হিত হইয়া গিয়াছে। যাহা এখন সভ্য-সমাজের অগ্রাগ্রহণে দেশে-অধিক উৎসাহ লাভ করিতেছে, আমাদের দেশে তাহা কেবল স্বপ্নকথায় পর্য্যবসিত হইয়াছে। কেন এমন হইল, ইতিহাস তাহার

উত্তর দানে অসমর্থ; কিরূপ ঘটনা-পরম্পরায় এমন হইয়াছে, ইতিহাস কেবল তাহারই যৎকিঞ্চিৎ বিবরণ প্রদান করিতে পারে। এই গ্রন্থে তৎসংক্রান্ত স্থূল বিবরণগুলি সঙ্কলিত হইয়াছে; মূলানুসন্ধানের প্রয়োজন দূরীভূত হয় নাই। তৎপ্রতি বঙ্গ-সাহিত্য-সেবকগণের দৃষ্টি আকৃষ্ট হইলে, সকল শ্রম চরিতার্থ হইবে;—প্রথম অপরিখ্যাপ্ত উত্তরে যে সকল ভ্রম ক্রটি রহিয়া গিয়াছে, তাহাও সংশোধিত হইতে পারিবে।

ইহাতে প্রসঙ্গক্রমে আরও একটি কথা আলোচিত হইয়াছে। ভারতবর্ষ না থাকিলে,—ভারত-বাণিজ্যে অর্থোপার্জনের সম্ভাবনা না থাকিলে, আধুনিক ইউরোপের পক্ষে নব-জীবন লাভ করিতে বিলম্ব ঘটিবার সম্ভাবনা ছিল। ভারতবর্ষই পরোক্ষভাবে ইউরোপকে যুগান্তর আনয়নের সহায়তা করিয়াছে। ইহা কতদূর প্রতিপাদিত হইয়াছে, পাঠক তাহা বিচার করিয়া দেখিবেন। অলমতিবিস্তরেণ—

রাজসাহী }  
শ্রাবণ, ১৩২৯ }



# ফিরিদ্দি বণিক্

## প্রথম পরিচ্ছেদ

### পুরাতন বাণিজ্যপথ

In no year does India drain our Empire of less than fifty-five millions of *Sesterces* giving back her own wares in exchange, which are sold at once hundred times their prime cost—Pliny.

জগদ্বিখ্যাত রোমক-সাম্রাজ্যের অভ্যুদয়কালেও তাহার সুপরিচিত ইতিহাস-লেখক মন্ড্রপীড়িত হইয়া লিখিয়া গিয়াছিলেন,—অগ্নিমূল্যে ভারতবর্ষের শিল্পদ্রব্য ক্রয় করিয়া, রোমক সাম্রাজ্য প্রতি বর্ষেই ভারত-বর্ষকে অকাতরে অর্থদান করিতে বাধ্য হইয়া থাকে! সে দিনের কথা এখন স্বপ্নের ছায়া অলীক বলিয়াই মনে হয়।

তথাপি তাহা স্বপ্ন নহে; ঐতিহাসিক সত্য। কোন্ পুরাকালে ভারতবর্ষ এইরূপে শিল্পদ্রব্য-বিনিময়ে বিবিধ দূরদেশ হইতে অর্থলাভ করিয়া সমৃদ্ধ হইয়া উঠিয়াছিল, ইতিহাসে তাহার সম্যক্ পরিচয় প্রাপ্ত হইবার উপায় নাই। এত পুরাতন কাহিনী কোন দেশেই লিপিবদ্ধ হইবার সম্ভাবনা ছিল না। তখন প্রাচ্যের তুলনায় অধিকাংশ প্রতীচ্য জনপদ নিরক্ষর জাতির আবাসভূমি বলিয়াই পরিচিত ছিল। ভারত-বর্ষের পুরাতন সাহিত্যে তাহার সাধারণ নাম—“স্বেচ্ছদেশ”। সে দেশের বিশেষ বিবরণ লিপিবদ্ধ করিবার জন্ত ভারতীয় সাহিত্যের কোনরূপ প্রয়োজন বা আগ্রহের কারণ বর্তমান ছিল না। এখন ভাগ্যবিপর্যয়ের



ফলে সেই প্রয়োজন অনুভূত হইতেছে ! যে দেশ গ্রহণ করিত, সেই দেশ এখন মুক্তহস্তে দান করিতেছে । কিরূপে, কতদিনে, এই অচিন্তিতপূর্ব ভাগ্যবিপর্যায় সংঘটিত হইল, তাহার ইতিহাস অধ্যয়ন করিবার জ্ঞান কাহার না কৌতূহল উপস্থিত হয় ?

সে ইতিহাস সর্বথা শোচনীয় হইলেও, শিক্ষাপ্রদ । তাহার উপকরণ নিতান্ত অপ্রচুর । কিন্তু পাশ্চাত্য-পণ্ডিতবর্গের অনুসন্ধান-কৌশলে ক্রমশঃ নানা বিলুপ্ত তথ্য আবিষ্কৃত হইতেছে ; ঐতিহাসিকগণ ভারত-বর্ষের সহিত স্নেহদেশের বাণিজ্য-সম্পর্কের পরিচয় প্রকাশিত করিয়া, সভ্য-সমাজকে বিম্বিত করিয়া তুলিতেছেন । দিন দিন যে সকল পুরাতত্ত্ব সংকলিত হইতেছে, তাহার গতি কেবল এক দিকেই প্রবাহিত ; —এ কালে যেমন প্রতীচ্য জনপদ হইতে শিক্ষা-দীক্ষা শিল্প-বাণিজ্য অবিচ্ছিন্ন প্রবল প্রবাহে নিয়ত প্রাচ্য জনপদের দিকেই অকুতোভয়ে প্রধাবিত হইতেছে, সেকালে ইহার বিপরীত অবস্থা বর্তমান ছিল । যে সকল প্রাচ্য-জনপদ হইতে শিক্ষা-দীক্ষা-শিল্প-বাণিজ্য নিরন্তর প্রতীচ্য জনপদে প্রধাবিত হইয়া, সভ্যতা-বিস্তারে প্রতীচ্য মানব-সমাজের সমুন্নতি-সাধনের সহায়তা করিয়াছিল, তন্মধ্যে ভারতবর্ষের নাম সর্বপ্রথমে উল্লিখিত হইবার যোগ্য ।

ভারতবর্ষের স্কন্দ-শিল্প ভারতবর্ষের নাম জগদ্বিখ্যাত করিলেও, তাহার ভৌগোলিক পরিচয় সুদূর পাশ্চাত্য দেশে সকলের নিকট সুপরিচিত করিতে পারে নাই । যে বিষয়ের প্রত্যক্ষ জ্ঞান যত সীমানিবদ্ধ, সেই বিষয়ে কল্পনার প্রাবল্য তত অধিক হইয়া পড়ে । ভারতবর্ষের পক্ষেও তাহাই হইয়াছিল । অধিকাংশ পাশ্চাত্য-দেশে ভারতবর্ষ অলৌকিক রত্নভূমি বলিয়া পরিচিত হইয়া উঠিয়াছিল । কি এশিয়া, কি ইউরোপ, যে কোনও মহাদেশের সমৃদ্ধ জনপদ পুরাকালে পাশ্চাত্য-সমাজে সুপরিচিত হইয়াছিল, সকল জনপদই ভারতবর্ষের পণ্যদ্রব্য

বিক্রয় করিয়া সমৃদ্ধ হইয়া উঠিয়াছিল। বাহার স্পর্শমাত্র লৌহপিণ্ড স্বর্ণময় করিত, তাহা যে কত বহুমূল্য, তাহার ইয়ত্তা কি? এইরূপে সভ্যতা-বিকাশের প্রথম প্রভাত হইতেই পাশ্চাত্য মানব-সমাজ ভারতবর্ষের অলৌকিক ঐশ্বর্যের কথায় আস্থা স্থাপন করিয়া, কল্পনাবলে তাহাকে কল্পবৃক্ষ বলিয়া বিশ্বাস করিতে শিক্ষা করিয়াছিল। কিন্তু সে কল্পবৃক্ষ কোথায় অবস্থিত, তাহা বহুকাল কুজ্জটিকাছন্ন ছিল।

পুরাতন পৃথিবীতে ভারতবর্ষ, কল্পবৃক্ষের মতই বিবিধ কাম্যফল বিতরণ করিয়া, পাশ্চাত্য জনসাধারণের অন্ধবিশ্বাস অটল করিয়া তুলিয়াছিল। এই বিশ্বাস এখনও সম্পূর্ণরূপে তিরোহিত হইয়াছে বলিয়া বোধ হয় না। কল্পবৃক্ষ ক্রমে ক্রমে শাখাপত্রহীন নীরস কাষ্ঠরূপে পরিণত হইবার উপক্রম হইয়াছে; তথাপি পাশ্চাত্য-সমাজের বদ্ধমূল পূর্ব-সংস্কার সমূলে উৎপাটিত হয় নাই। \*

ভারতবর্ষ প্রাচ্য ও প্রতীচ্য জনসমাজের মধ্যস্থলে অবস্থিত থাকিয়া, জলে স্থলে নানা পথে বাণিজ্য-বিস্তারে অগ্রগর হইয়াছিল। পূর্বাঞ্চলে কোন্ পথে কত দূর পর্য্যন্ত ভারত-বাণিজ্য বিস্তৃতিলাভ করিয়াছিল, তাহার সহিত বর্তমান আলোচনার সম্বন্ধ নাই। পশ্চিমাঞ্চলে কোন্ পথে কতদূর পর্য্যন্ত ভারত-বাণিজ্য বিস্তৃতিলাভ করিয়াছিল, তাহার আলোচনায় প্রবৃত্ত হইবামাত্র, ভারতবর্ষের পশ্চিম সীমার দিকে দৃষ্টিপাত করিতে হয়। তাহার অধিকাংশ কেবল উত্তালতরঙ্গতাড়িত সমুদ্রবেলা। যে অগ্নিাংশের সহিত স্থলভাগের সংযোগ, তাহাও নদ, নদী, পর্বত ও মরুভূমির আধিক্যবশতঃ, দুর্গপ্রাচীরের ন্যায় দুর্লভ্য জল-

---

\* ইহার কারণ আছে। ভারতবর্ষ যথার্থই অনন্ত রত্নভাণ্ডার। ভারতবর্ষের অধিবাসিগণ শিল্পবাণিজ্যে পুনরায় কৃতিত্ব প্রদর্শন করিতে পারিলে, তাহাদেই জন্ম-ভূমি পুনরায় রত্নপ্রসাবিনী বলিয়া বিশ্ববিখ্যাত হইয়া উঠিবে।

পথ ভিন্ন স্থলপথে ভারত-বাণিজ্য পশ্চিমাঞ্চলে বিস্তৃত হইবার পক্ষে বিঘ্ন-  
বাধার অভাব না থাকিলেও, স্থলপথেই সর্বাপেক্ষা পুরাতন বাণিজ্য-পথ  
বলিয়া প্রতিভাত হয়। \* সে পথে ইচ্ছামত বহু পণ্যদ্রব্য বহন করা  
আয়াসসাধ্য বলিয়া, ক্রমে জলপথে বাণিজ্য-বিস্তারের চেষ্টা প্রবর্তিত হইয়া  
থাকিবে। এক্ষণে পূর্বকথা বিলুপ্ত ও তাহার রহস্তভেদ করিবার উপায়  
তিরোহিত হইয়াছে। যত দিনের কথা অবগত হইবার উপায় আবিষ্কৃত  
হইয়াছে, তাহাতে অতি পুণ্যকাল হইতে জল স্থল উভয় পথেই ভারত-  
বাণিজ্য প্রবাহিত হইবার পরিচয় প্রাপ্ত হওয়া যায়। পাশ্চাত্য ইতিহাস-  
লেখকগণ এই সকল পুরাতন বাণিজ্য-পথের নানারূপ নামকরণ  
করিতেছেন। পুরাতন সাহিত্যে এই সকল নাম প্রাপ্ত হওয়া যায় না।  
বুঝিবার ও বুঝাইবার সুবিধার জন্ত এইরূপ নামকরণ আবশ্যক।

স্থল-বাণিজ্য-পথের আরম্ভ সিন্ধুতীরে। তথা হইতে গিরিসঙ্কট  
অতিক্রম করিয়া, এই পথ বহুভাগে বিভক্ত হইয়া, ক্রমে পশ্চিমাঞ্চলে  
অগ্রসর হইবার জন্ত কাঙ্গারী হ্রদের উত্তর ও দক্ষিণ উভয় তটেই প্রধা-  
বিত হইত। কাঙ্গারী হ্রদের উত্তর তটের বাণিজ্যপথ ভল্লানদী ও  
কাঙ্গারী হ্রদের সঙ্গমস্থলে উপনীত হইয়া, জলপথে পরিণত হইত।  
কাঙ্গারী হ্রদের দক্ষিণ তটের বাণিজ্য-পথের এক শাখা কৃষ্ণসাগরতটে  
উপনীত হইয়া, জলপথের সাহিত মিলিত হইত;—অপর শাখা স্থলপথে  
দক্ষিণাবর্তে পুরাতন কাঙ্গারী রাজ্যে উপনীত হইয়া, তথা হইতে ভূমধ্য-

\* The most ancient of the three routes was the middle one  
through Syria.—Hunter's *History of British India*. জলপথেই যে সর্ব-  
পুরাতন বাণিজ্যপথ, তাহার কোনও প্রমাণ উল্লিখিত হয় নাই। স্থলপথেই স্বাভাবিক  
সুপরিচিত পুরাতন বাণিজ্যপথ। স্মরণাতীত পুরাকাল হইতে স্থলপথেই ভারতীয়  
পণ্যদ্রব্য নানা দিগ্দেশে প্রেরিত হইত। সুতরাং স্যার উইলিয়ম হন্টারের ন্যায়  
সুবিজ্ঞ ইতিহাস-লেখক জলপথকেই সর্বাপেক্ষা পুরাতন পথ বলিয়া ব্যক্ত করিলেও  
তাহাতে আশ্চর্য্যজনক করিতে সাহস হয় না।

সাগরতটে ক্ষণকাল বিশ্রামলাভ করিয়া, পুনরায় দক্ষিণাবর্তে মিশরদেশ পর্যন্ত প্রবাহিত হইত। এই সর্বপ্রাচীন স্থল-বাণিজ্যপথের “কাস্পীয় পথ” নামকরণ করা যাইতে পারে। কিন্তু ইহার প্রধান লক্ষ্য ভূমধ্য-সাগর বলিয়া, ইহাকে “ভূমধ্যসাগর-পথ” বলিলেই সঙ্গত হয়। এই পথে ভারতবর্ষের বাণিজ্যদ্রব্য কেবল কাস্পীয় হ্রদ, কৃষ্ণসাগর, বা ভূমধ্য-সাগরতীরে প্রবাহিত হইয়াই নিরন্তর হইত না ; তথা হইতে আধুনিক ইউরোপের সকল দেশেই নানা পথে প্রবাহিত হইয়া, পশ্চিম এশিয়া, উত্তর-আফ্রিকা ও সমগ্র ইউরোপের সহিত ভারতবর্ষের অবিচ্ছিন্ন বাণিজ্যসূত্র বন্ধন করিয়া দিত। ভারতবর্ষ যে এই পুরাতন বাণিজ্য-পথে কত দেশের ধনাহরণ করিয়া সমৃদ্ধিলাভ করিত, তাহার সংখ্যা নির্ণয় করা যায় না। অত্যাগত দেশের উত্তমশীল বণিক্-সম্প্রদায় ভারতীয় বণিক্দিগের নিকট হইতে পণ্যদ্রব্য ক্রয় করিয়া লইয়া, তাহা জলে স্থলে বিবিধ পথে বিবিধ দেশে বিক্রয় করিয়া ধনশালী হইত।

স্থল-বাণিজ্য-পথ অতি পুরাকাল হইতে ভারতবর্ষের নিকট সুপরিচিত ও সুনিশ্চিত হইলেও, এই পথে পণ্যদ্রব্য বহন করিবার অসুবিধার অবধি ছিল না। কখন শকটে, কখন নৌকায়, কখন অশ্ব বা উষ্ট্র-পৃষ্ঠে আরোহণ করিয়া, কখন নিবিড় অরণ্যে, কখন দুর্লভ্য গিরিসঙ্কটে, কখন বা উত্তপ্ত মরুমরীচিকায় পরিশ্রান্ত হইয়া, বণিকেরা অতি অল্প দ্রব্যই স্থল-পথে বহন করিতে পারিতেন। তাহাও আবার দস্যু-তরুর আক্রমণ ও লুণ্ঠন-ভয়ে অল্প ব্যয়ে সম্পন্ন হইত না। জলপথ নিয়ত তরঙ্গসঙ্কুল, অপরিচিত ও অনিশ্চিত। কখন সূর্যীর সমোরণ, কখন বা প্রবল প্রভঞ্জন তাহাকে নিরতিশয় অব্যবস্থিতচিত্ত মহাদৈত্যের মত পরাক্রমশালী করিয়া রাখিয়াছে। তথাপি নৌবিদ্যাবিশারদ নাবিকগণের চালন-কৌশলে স্থলপথ অপেক্ষা জলপথই সমধিক লাভের পথ বলিয়া পরিচিত হইয়াছিল। এই পথ ভারতবর্ষের পশ্চিম উপকূল হইতে পারস্য, আরব ও মিশর দেশের

বিবিধ “বন্দর” পর্য্যন্ত বিস্তৃতিলাভ করিয়াছিল। ইহার দুই শাখাই ইতিহাসে প্রসিদ্ধিলাভ করিয়াছে। এক শাখা পারস্তোপসাগরে, অপর শাখা লোহিতসাগরে প্রধাবিত হইত। পারস্তোপসাগরের শাখা কাল্দীয়-রাজ্যে উপনীত হইয়া, স্থলপথের সহিত মিলিত হইত ; লোহিতসাগরের শাখা মিশর-রাজ্যে উপনীত হইয়া স্থলপথের সহিত মিলিত হইত। এই দুই জল-বাণিজ্যপথ যথাক্রমে “কাল্দীয় পথ” ও “মিশরীয় পথ” নামে অভিহিত হইতে পারে। \* স্থলপথের ত্রায় জলপথেও অত্যন্ত দেশের নাবিকবর্গ ভারতীয় বাণিজ্য-ভাণ্ডার বহন করিয়া অর্থোপার্জন করিত। ‘জল স্থল উভয় পথেরই এক লক্ষ্য,—প্রাচ্য রাজ্যের পণ্য-বিনিময়ে প্রতীচ্য রাজ্যের ধনাহরণ। এই লক্ষ্য দীর্ঘকাল ভারতবর্ষের সৌভাগ্যবর্দ্ধন করিয়া, ভারতবর্ষের নাম জগদ্বিখ্যাত করিয়া তুলিয়াছিল।

সুদূর পাশ্চাত্য জনপদে ভারতীয় শিল্প সকল সময়ে ভারতবর্ষের নামে পরিচিত হইত না। যে দেশ বা বন্দর হইতে তাহা আনীত হইত, তাহার নামেই পরিচিত হইত। এক্ষণে যে রক্তবস্ত্র “টর্কি রেড” নামে পরিচিত, এক সময়ে তাহা “এড্রিনোপোলিস্ রেড” নামে পরিচিত ছিল। অথচ তাহা ভারতবর্ষে সুরঞ্জিত হইয়াই পাশ্চাত্য জনপদে বিক্রয়ার্থ প্রেরিত হইত ! অনেক প্রতীচ্য রাজ্যের পুরাতন সাহিত্যে ভারতবর্ষের নাম উল্লিখিত না থাকিবার প্রকৃত কারণ কি, এই একটিনা জ্ঞ দৃষ্টান্ত হইতেই তাহা বুঝিতে পারা যায়। হোমরের অমর কাব্যে ভারতবর্ষের নাম উল্লিখিত না থাকায়, অনেক পাশ্চাত্য লেখক হোমরের তিরোধানের পর ভারত-বাণিজ্য বিস্তৃত হইয়াছিল, এই কথা লিপিবদ্ধ

\* এতদ্ব্যতীত আর একটি জল পথ “সিংহলপথ” নামে কথিত হইতে পারে। এই পথে বঙ্গদেশের পণ্যভাণ্ডার সিংহলে প্রেরিত হইয়া, তথা হইতে আবার “কাল্দীয় পথে” এবং “মিশরীয় পথে” প্রেরিত হইত।

করিয়া গিয়াছেন। সম্প্রতি সকলেই এই মত ভ্রান্ত বলিয়া স্বীকার করিতে আরম্ভ করিয়াছেন।\* ভারতীয় শিল্প-দ্রব্যই যে প্রতীচ্য জনপদকে সভ্যজনাচিত্ত বিবিধ ভোগ্যবস্তুর সন্ধান প্রদান করিয়া ক্রমে ক্রমে ভোগাভিলাষ বর্দ্ধিত করিয়া তুলিয়াছিল, তাহার নানা প্রমাণ প্রাপ্ত হওয়া যায়।†

যে সকল বাণিজ্যপথে ভারতীয় পণ্যদ্রব্য পূর্ব হইতে পশ্চিমাঞ্চলে বাহিত হইত, তাহার উভয় পার্শ্বেই বিবিধ সম্পন্ন জনপদ প্রতিষ্ঠিত হইয়া, ভারতীয় পণ্যদ্রব্যের ক্রয়বিক্রয়-ব্যাপারে প্রচুর ধনোপার্জন করিয়া সৌভাগ্যশালী হইয়াছিল। এইরূপে কাল্দীয় রাজ্যের অভ্যুদয়,—এইরূপে ব্যাবিলনের সৌভাগ্য-গর্ভ,—এইরূপে ফিনিসীয় বণিগ্ধর্গের অসাধারণ বাণিজ্যোন্নতি ;—এইরূপেই মিশর, গ্রীস, রোম প্রভৃতি ইতিহাস-প্রসিদ্ধ প্রতীচ্য পুরাতন সাম্রাজ্যের অলৌকিক ঐশ্বর্য্যবিকাশ।‡ প্রাচীন মিশর যে মৃতদেহ-সংরক্ষণকৌশলের জন্ত জগদ্বিখ্যাত, তাহার উপকরণ ভারতবর্ষ হইতে সংগৃহীত। প্রাচীন ইহুদীর নরপতি সলমন্ যে অলৌকিক ঐশ্বর্য্যবিজ্ঞাপক বস্ত্রালঙ্কারের ঋণ ইতিহাসে সুপরিচিত, তাহা ভারতবর্ষ হইতেই অগ্নিমূল্যে ক্রীত। এ সকল কথা এখন পাশ্চাত্য-পণ্ডিতবর্গও মুক্তকণ্ঠে স্বীকার করিতেছেন। ভারতবর্ষের পুরাতন বাণিজ্যপথ অধিকার করিবার আশায় নিরন্তর কত সময়কোলাহলে এসিয়ার পশ্চিম

\* Homer does not mention the name of India, but he was acquainted with the art-wares of Sidon, a Mediterranean out port of the Eastern trade.—Hunter's *History of British India*, vol. I. p. 19.

† If the commerce with India became a source of fortune to the industrious trader, and an important branch of revenue to the government, the introduction of the products of the East also led to stimulate and increase the already excessive luxury which prevailed at Rome.—*Researches of Ancient and Modern India*.

‡ Danver's *Portuguese in India*—Introduction.

প্রদেশ প্রতিধ্বনিত হইত ! এই বাণিজ্যপথ যখন যে জাতির অধিকার-ভুক্ত হইয়াছে, তখনই সেই জাতি গুরুসঙ্কয় করিয়া, পণ্যদ্রব্যের ক্রয়-বিক্রয়ে অর্বসঙ্কয় করিয়া, অল্পদিনের মধ্যেই সমৃদ্ধ হইয়া উঠিয়াছে। এই বাণিজ্যপথ যখন যে জাতির অধিকার-বিচ্যুত হইয়াছে, তখনই সেই জাতি দেখিতে না দেখিতে, বায়ুতাড়িত ধূলিপটলের গ্রায় সৌভাগ্যবেলা হইতে ইতস্ততঃ বিক্ষিপ্ত হইয়া পড়িয়াছে ! তাহাদের পুরাতন রাজধানীর ধ্বংসাবশেষ অद्याপি কত স্থানে এই পুরাকাহিনীর অতীতসাক্ষিরূপে দণ্ডায়মান আছে। এই সকল কারণে ভারতীয় বাণিজ্যপথ করতলগত করিবার প্রবল প্রয়াস সকল জাতির মধ্যেই অল্লাধিক মাত্রায় লক্ষিত হইয়াছে। এই পথ কখন কান্দীয় রাজ্যের অধিকারে, কখন ইন্ডীয় জাতির অধিকারে, কখন বা পারস্য, গ্রীস ও রোমের অধিকারে আনীত হইয়াছে। সেকালে এই সকল পুরাতন জাতি ভারতবর্ষের শিল্পদ্রব্যের গ্রায় বহুমূল্য দ্রব্য উৎপাদনের চেষ্টা করে নাই ; তাহারা কেবল ভারতবর্ষের নিকট ক্রয় করিয়া, অতত্র বিক্রয় ও তদ্বারা অর্থোপার্জন করিবার জন্তই, পুরাতন বাণিজ্যপথ অধিকার করিবার আশায়, শত সমরক্ষেত্রে বীরশৌণিতে বসুন্ধরা রুধিরাক্ত করিয়াছে। পাশ্চাত্য জাতির এই সকল অন্তর্বিপ্লব ভারতীয় স্থলবাণিজ্যের অপকারসাধন করে নাই ;—বরং বিবিধ জাতির প্রতিদ্বন্দ্বিতায় ভারতীয় পণ্যদ্রব্যের মূল্যবৃদ্ধি সাধিত করিয়া, ভারতবর্ষের অর্থাগমের পথ উত্তরোত্তর প্রশস্ত করিয়া দিয়াছে !

স্থলপথের গ্রায় জলপথেও নানা প্রতিদ্বন্দ্বী কলহ-কোলাহলে লিপ্ত হইত। তাহারা কেবল বহন করিবার, কেবল ক্রয়বিক্রয়ের “দালাল” হইবার, কেবল ভারতবর্ষের পণ্যদ্রব্য বিদেশে বিস্তার করিবার অধিকার-লাভার্থই কলহ-কোলাহলে লিপ্ত হইত। ইহাতে মিশর ও আরব দেশের লোকে ক্রমে ক্রমে সাগরপথে নৌচালন-কৌশল আয়ত্ত করিয়া

শক্তিশালী হইয়া উঠিয়াছিল। ভূমধ্যসাগরতীরের ফিনিসীয়-বণিক ভারতীয় পণ্যদ্রব্য সংগ্রহ করিবার আশায়, অৰ্ণবপোত সুসজ্জিত করিয়া বাণিজ্যপথগামী অথবা উষ্ট্রশ্রেণীর খরখুরোখিত ধূলিপটলের দিকে দৃষ্টি নিবদ্ধ করিয়া দিন গণনা করিত। আরবীয়-নাবিকগণ প্রথমে স্বদেশের উপকূলভাগে ভারতীয় অৰ্ণবপোতের সমাগমপ্রতীক্ষায় কালক্ষয় করিতে করিতে, অবশেষে ভারতবর্ষে উপনীত হইয়া, সৰ্বাগ্রে পণ্যদ্রব্য ক্রয় করিয়া, বিদেশে বিক্রয় করিবার অধিকার সংস্থাপিত করিয়াছিল।\*

তখন সমুদ্রযাত্রার প্রবল প্রভাব ভারতবর্ষের সর্বত্র সুপরিচিত ছিল। তখনও অমুদার সংকীর্ণ শিক্ষা ভারতবাসীকে গৃহকোটরনিবদ্ধ পেচকের আয় অলৌক গান্ধীর্ঘ্যসম্ভোগকেই মানব-জীবনের পরম পুরুষার্থ বলিয়া মনুষ্যত্বহীন দাসজাতিতে পরিণত করিতে সমর্থ হয় নাই! তখন তাহারা যে পথে উত্তাল তরঙ্গ অতিক্রম করিয়া দ্বীপোপদ্বীপে পদার্পণ করিয়াছে, সেই পথে ভারতীয় পণ্যদ্রব্যের সহিত শিক্ষা দীক্ষা ও সভ্যতার আদর্শ বহুদূরদেশে প্রচারিত করিয়া, কত অজ্ঞাত মানবসমাজকে সমুন্নত করিয়াছে; স্বদেশে প্রত্যাবর্তন করিবার সময়ে, কত অজ্ঞাত রাজ্যের ধন-রত্ন আহরণ করিয়া, ভারতবর্ষের সুখসৌভাগ্য বর্দ্ধিত করিয়াছে।† ভারতবর্ষের চরণরেখাঙ্কিত সেই পুরাতন বাণিজ্যপথ অস্ত্যাপি বর্তমান। কিন্তু সে পথে আর ভারতীয় বাণিজ্যস্রোত প্রবাহিত হইতেছে না!

\* Not only Jews from earlier times (from the 6th century B. C.) and St. Thomas Christians from 68 A.D. but also Arab traders (Moplahs) both in pre-Islamic and Islamic times were settled on the Malabar coasts.—*Riyaz-us-salatin*, notes.

† বুদ্ধশিষ্য শাণবাসিক পরিনির্বাণকালে হুদ্র সমুদ্রপথে বাণিজ্য-ব্যাপারে ব্যাপৃত থাকিবার কথা বৌদ্ধ-সাহিত্যে উল্লিখিত আছে। তাহা স্বষ্টাবিভাবের পাঁচশত বৎসরের পূর্ববর্তী কালের কথা।



## দ্বিতীয় পরিচ্ছেদ

### ইসলাম-বিপ্লব

The Caliph's curtains were of brocade with elephants and lions embroidered in gold. Four elephants caparisoned in peacock-silk stood at the palace-gate, and on the back of each were eight men of Sind—Sir. W. Hunter.

ইসলামের অভ্যুদয় পৃথিবীর ইতিহাসের একটি চিরস্মরণীয় ঘটনা। ইসলামের নামে যাহারা ইতিহাসে বিবিধ কলঙ্কের আরোপ করিয়া, ইসলাম-দিগ্বিজয়কাহিনী নিতান্ত ভীতিপ্রদ করিয়া তুলিয়াছেন, তাহারা নিরপেক্ষভাবে ইতিহাসের মর্যাদারক্ষার জন্ত আগ্রহপ্রকাশ করেন নাই। যাহার নাম পুরাতন পৃথিবীর সম্পূর্ণ অপরিজ্ঞাত, একরূপ অভিনব জাতি সহসা গাত্রোথান করিয়া, এশিয়াখণ্ডের পশ্চিমাঞ্চল অধিকার করিবারাত্র, দেখিতে না দেখিতে এশিয়া হইতে আফ্রিকা, এবং আফ্রিকা হইতে ইউরোপে, আত্মশক্তিবস্তার করায়, ইউরোপীয়-লেখকবর্গ সেই উত্তমোত্তম প্রবল জাতির প্রতি সমুচিত সমাদর প্রদর্শন করিতে সন্মত হইতেন না। সে অল্পদার ধর্ম্মাক্ত সংকীর্ণ সংস্কার ক্রমে দূরীভূত হইতেছে। মূলমন্ত্রের অনুসন্ধান করিলে, ইসলামের অভ্যুদয়কেই পরোক্ষভাবে আধুনিক ইউরোপের অচিন্তিতপূর্ব্ব অসীম অভ্যুদয়ের মূল কারণ বলিয়া স্বীকার করিতে হয়।

ইসলাম বহুজাতির সম্মিলিত শক্তির অপূর্ব্ব বিকাশ। যাহারা বৌদ্ধ, শৌর বা মূর্ত্তিপূজক রূপে এশিয়াখণ্ডের সমগ্র পশ্চিমাঞ্চল অধিকার করিয়া, স্মরণাতীত পুরাকাল হইতে বিবিধ সুখ হুঃখ, জয় পরাজয়, ও উল্লসিত অগ্নির ভিতর দিয়া ধীরে ধীরে অগ্রসর হইতেছিল, তাহারাই নবধর্ম্মে দীক্ষিত হইয়া, সহসা এক অজ্ঞেয় মহাশক্তিরূপে পৃথিবীর

ইতিহাস উদ্ভাসিত করিয়া তুলিয়াছিল। আরবের অমরুর্কর মরুভূমির মধ্যে জনলাভ করিয়া, এই শক্তি যখন দিগ্বিজয়ে বহির্গত হয়, তখন ভারতীয় পুরাতন বাণিজ্য-পথ ইসলামের অধিকারভুক্ত হইতে বিলম্ব হয় নাই।\* ইসলাম বাহাদিগকে ধর্মদীক্ষায় দলভুক্ত করিয়া, দিগ্বিজয়ে বহির্গত হইয়াছিল, তাহারা কেবল অসিহস্তে ধরাতল রুধিরাক্ত করিয়াই জীবন-যাপন করে নাই। তাহারা পূর্বেও বাণিজ্য করিত, পরেও বাণিজ্য করিতে বিম্বৃত হয় নাই। মুসলমান খলিফাগণের বসোরা, বোংদাদ প্রভৃতি বাণিজ্যপ্রধান স্থান এইরূপেই জগদ্বিখ্যাত হইয়া উঠিয়াছিল। খৃষ্টীয় সপ্তম শতাব্দীর প্রারম্ভে খলিফা ওমরের সংস্থাপিত বসোরা নগরী, এবং খৃষ্টীয় অষ্টম শতাব্দীর মধ্যভাগে খলিফা আব্দুল মনশুরের বোংদাদ নগরী ভারতীয় স্থল-বাণিজ্য-পথের প্রধান কেন্দ্রস্থলে পরিণত হইয়াছিল।† জলপথে যে সকল পণ্যদ্রব্য ভারতবর্ষ হইতে পারস্যোপসাগর দিয়া এক সময়ে “কাল্দিয় পথে” পশ্চিমাঞ্চলে ব্যাপ্ত হইয়া পড়িত, বসোরা নগরী তাহারই ঐশ্বর্য্যগর্ভে ক্রমশঃ স্ফীত হইতে লাগিল। ইউরোপ যাহা কিছু ভারতীয় পণ্যদ্রব্য প্রাপ্ত হইত, তাহা ইসলামের

\* When the planet of the Muslim faith rose, and the bright effulgence of the Muslim sun shone on the East and the West, gradually the countries of Hindustan and the Dakhin were recipient of the rays of the moon of the Mahomedan faith, and Muslims commenced visiting those countries.—*Ri'as-us-salatin*, p. 399.

† The Saracen Arabs, who under the conquering impulse of Islam, next seized the countries of the Indo-Syrian route, soon realised its value. They were a trading not less than a fighting race, and Bussorah and Bagdad under the Caliphs became the opulent head-quarters of the Indian trade.—Hunter's *History of British India*, vol. I. p. 29.

অধিকারভুক্ত হইল, এবং ইউরোপের পুরাতন সুখসৌভাগ্য তিরোহিত হইবার উপক্রম ঘটিল।

খৃষ্টজন্মভূমি মুসলমানের অধিকারভুক্ত হইবার পর, ইউরোপের খৃষ্টধর্ম্মানুরক্ত বীরপুঞ্জবগণ তাহার উদ্ধার-সাধন করিবার আশায়, অকুতোভয়ে যুদ্ধযাত্রা করিতে আরম্ভ করিলেন। ইহার মুখ্য লক্ষ্য ধর্ম্মকলহ বলিয়া ইতিহাসে সুপরিচিত হইলেও, তাহার সহিত বাণিজ্য-কলহও সন্নিহিত হইতে বিলম্ব ঘটিল না। ভূমধ্যসাগরের বাণিজ্য-পরায়ণ নাবিকবর্গ ক্রমে ক্রমে ধর্ম্মযুদ্ধোন্মত্ত বীরবৃন্দের সহিত মিলিত হইয়া, কিছুদিনের জ্ঞাত ভারতীয় বাণিজ্যপথ পুনরায় হস্তগত করিবার চেষ্টা করিয়াছিলেন। সে চেষ্টা সফল হইলে, অল্প দিনেই হয় ত পুরাতন বাণিজ্যপথে ইউরোপীয় বণিগ্ধের পুরাতন বাণিজ্যাধিকার সুসংস্থাপিত করিতে পারিত। কিন্তু মধ্য-এসিয়ার তুর্কিগণ প্রবল হইয়া, খৃষ্টীয় একাদশ শতাব্দী হইতে চতুর্দশ শতাব্দীর মধ্যে, ক্রমে ক্রমে সমগ্র স্থল-বাণিজ্যপথ হইতে ইউরোপের সমস্ত প্রভাব চিরকালের জ্ঞাত বিলুপ্ত করিয়া দিয়াছিল। “মিশরীয় পথে” ভারতীয় বাণিজ্য প্রবাহিত করিয়া, তদ্বারা পুরাতন স্থল-বাণিজ্য-পথের প্রাধান্য লোপ করিবার জ্ঞাত নানা চেষ্টা প্রবর্তিত হইয়াছিল। সুয়েজ হইতে নীল নদ পর্য্যন্ত জলপ্রণালী-খনিত হইয়াছিল; লোহিতসাগরতীরে নূতন বন্দর সংস্থাপিত হইয়াছিল,—মিশরদেশই ভারতীয় বাণিজ্যের প্রধান কেন্দ্রস্থলে পরিণত হইবে, এইরূপ অনুমিত হইয়াছিল। ইসলামের অভ্যুদয়ে তাহাও ক্রমে ক্রমে ইউরোপের হস্তবিচ্যুত হইয়া গেল। রাজ্যাধিকার অপেক্ষা বাণিজ্যাধিকারের চেষ্টাই ভূমধ্যসাগরতীরের পুরাতন জনপদবাসিগণের প্রধান লক্ষ্য হইয়া উঠিতে লাগিল। স্থলপথ অপেক্ষা জলপথই কলহ-কোলাহলের প্রধান ক্ষেত্রে পরিণত হইল। ইসলাম স্থলপথে বিজয়-পতাকাহস্তে দেশ হইতে দেশান্তরে অধিকারবিস্তার করিল। ইসলাম

জলপথেও রণতরঙ্গী সজ্জীভূত করিয়া, জলযুদ্ধের আয়োজনে ব্যস্ত হইয়া উঠিল। পুরাকালে ভূমধ্যসাগরতীরের যে সকল জাতি নির্ব্বিবাদে বাণিজ্য করিয়া অর্থোপার্জন করিত, তাহাদের মধ্যে কেহ বাণিজ্যের জন্ত, কেহ বা বাণিজ্যদ্রব্য লুণ্ঠন করিবার জন্ত, বাণিজ্যপোতকে রণপোতে পরিণত করিতে আরম্ভ করিল। এক দিকে প্রাচ্য ও প্রতীচ্যের সমর-কোলাহল, অত্র দিকে প্রতীচ্য জলদস্যুর আক্রমণ ও লুণ্ঠনকৌশল খৃষ্টীয় পঞ্চদশ শতাব্দীতে ভূমধ্য-সাগরতটে অরাজকতার অত্যাচার বদ্ধমূল করিয়া দিল।

একদা বাণিজ্য-পথ হিন্দু ও বৌদ্ধের অধিকারভুক্ত থাকিয়া, প্রাচ্য ও প্রতীচ্য রাজ্যের মধ্যে বিবিধ পণ্যসম্ভার বিনিময় করিতে গিয়া, জ্ঞানবিস্তারে পুরাতন সভ্যসমাজকে সমূন্নত করিত ; সর্বত্র সুখসৌভাগ্য বিবর্দ্ধিত করিয়া, শান্তি-সাম্রাজ্য-সংস্থাপনের আশার সমগ্র মানব-সমাজকে এক অঞ্চল মহাপরিবারে পরিণত করিবার আয়োজন করিত ;—সে শান্তি তিরোহিত হইয়া গেল। নূতন আশা, নূতন উৎসাহ, নূতন নীতি, নূতন পথে প্রতীচ্য মানব-সমাজকে প্রাচ্য-বিদ্যেবে পূর্ণ করিতে লাগিল। ইহাই ইতিহাসে “ইসলাম-বিপ্লব” বলিয়া পরিচিত।

প্রতীচ্য লেখকবর্গ যে ভাবে এই “ইসলাম-বিপ্লব” লিপিবদ্ধ করিতেন, তাহাতে পাঠকচিত্ত ইসলামের নামে ঘৃণা, ঘৃণা ও অসম্মত ইসলাম-বিভীষিকায় পূর্ণ হইয়া উঠিত। ইসলাম কেবল ধ্বংসলীলার দানবশক্তি বলিয়াই প্রতিভাত হইত। নিয়ত রূপাণকঙ্কে বশুন্ধরা নরশোণিতে প্লাবিত করাই যেন ইসলামের ধর্ম ; কুঠারহস্তে পৃথিবীর পুরাতন কীর্তি-চিহ্ন খণ্ড-বিখণ্ডিত করাই যেন ইসলামের পুণ্যব্রত ; জলে স্থলে ছল প্রতারণায় নিয়ত পরস্বাপহরণ করাই যেন ইসলামের প্রধান লক্ষ্য ;—অধিক কি, মানব-সভ্যতার উজ্জ্বল প্রদীপ ফুৎকারে নির্ব্বাপিত করিয়া, উন্নতিসোপান তমসাচ্ছন্ন করাই যেন ইসলামের অতৃপ্ত আকাঙ্ক্ষা বলিয়া

কত পাশ্চাত্য ভাষায় কত অপূর্ণ ইতিহাস, আখ্যানিকা ও মহাকাব্য রচিত হইয়াছিল! সে দিন ধীরে ধীরে সুদূরে চিরপ্রস্থান করায়, আধুনিক সত্যানুসন্ধানপ্ৰীতি নূতন ভাবে ইসলামের অভ্যুদয়-কাহিনী কীর্তন করিতে অগ্রসর হইয়াছে।

ইসলাম সত্যসত্যই রূপাণস্বন্ধে বহু দেশের বহু সমরক্ষেত্র নর-শোণিতে অনুরঞ্জিত করিয়াছিল। ইসলাম সত্যসত্যই কুঠার-হস্তে বহু পুরাতন কীর্তিচিহ্ন বিলুপ্ত করিবার কারণ হইয়া উঠিয়াছিল। ইসলাম সত্যসত্যই জলে-স্থলে ছল-প্রতরণায় পরস্বাপহরণের চেষ্টা করিতেও ক্রটি করে নাই। কিন্তু তাহাই পৃথিবীর সকল জাতির প্রথম অভ্যুদয়কালের সাধারণ কাহিনী। তাহা ঝটিকা-সমাগমের প্রথম প্রকোপ। সে প্রকোপ প্রশমিত হইবার পর, ইসলাম জ্ঞানবিস্তারে ইউরোপের নবজীবনদানের কারণ হইয়া উঠিয়াছিল। ইসলামের ধ্বংসলীলার অভাব নাই; ইসলামের গঠনপ্রতিভার সমুচিত সমাদর সুপ্রতিষ্ঠিত করিবার জ্ঞাত ইতিহাস যথাযোগ্য আয়োজন না করায়, ধ্বংসলীলাই ইসলামের একমাত্র ঐতিহাসিক চিত্র বলিয়া পরিচিত হইয়া রহিয়াছে।

ভারতবর্ষের সহিত ইসলামের প্রথম সম্বন্ধ কেবল বাণিজ্য-সম্বন্ধ। সে সম্বন্ধে ভারতবর্ষ বিক্রেতা, ইসলাম ক্রেতা;—ভারতবর্ষ বণিক্-রাজ্য, ইসলাম তাহার পণ্যবাহক। পুরাকাল হইতে যাহারা পারস্তোপসাগর ও লোহিতসাগর উত্তীর্ণ হইয়া, পুরাতন “কাল্দীয়” ও “মিশরীয়” পথে ভারতীয় পণ্যদ্রব্য বহন করিয়া অর্থোপার্জন করিত, তাহারা মূর্তিপূজার পরিবর্তে ইসলামের নব ধর্মমত গ্রহণ করিয়া, পূর্বব্যবসায় পরিত্যাগ করে নাই! স্থলপথে ও জলপথে তাহাদের পুরাতন বাণিজ্য-যাত্রা পূর্ববৎ প্রচলিত ছিল। এই বাণিজ্যপ্রবাহ সেকালের সমগ্র এশিয়াখণ্ডের সহিত ভারতবর্ষের সুদৃঢ় সম্বন্ধ সংস্থাপিত করিয়া দিয়া-

ছিল। সুদূর চীন, জাপান ও প্রশান্তমহাসাগরের অসংখ্য দ্বীপপুঞ্জ হইতে যে সকল পণ্যদ্রব্য সিংহলে সংগৃহীত হইত, তাহার সহিত অঙ্গ বঙ্গ কলিঙ্গের শিল্পসম্ভার মিলিত হইয়া, সিংহলকে প্রাচ্য-পণ্যদ্রব্যের অর্নস্ত ভাণ্ডারে পরিণত করিয়াছিল। এই পণ্য সংগ্রহের জন্ত আরবীয় নাবিকগণ "তৎকালে এসিয়াখণ্ডের সমগ্র সমুদ্রোপকূলে গতিবিধি করিত। তাহাদের অর্ণবপোত সিংহল হইতে মেলাবার-তীরসংলগ্ন সমুদ্রবক্ষে সিন্ধু-সাগরসঙ্গমের নিকটবর্তী পুরাতন পথেই পারস্যোপ-সাগরে প্রবেশ করিত। এই সুদীর্ঘ সমুদ্রযাত্রায় তাহাদিগকে পণ্য-সংগ্রহের জন্ত, পণ্য-বিনিময়ের জন্ত ও খাদ্য-সঞ্চয়ের জন্ত ভারতবর্ষের বিবিধ বন্দরে উপস্থিত হইতে হইত। তাহাদের বাণিজ্যপোতে বর্ণিত ভিন্ন তীর্থগাত্রিগণও ইসলামের পুণ্যতীর্থ দর্শন করিবার আশায় আশ্রয় গ্রহণ করিত। খৃষ্টীয় অষ্টম শতাব্দীর প্রারম্ভে এইরূপে ইসলাম বাণিজ্য-পোত সিংহল হইতে সিন্ধুসাগর-সঙ্গমের নিকটবর্তী হইলে, সিন্ধুনিবাসী হিন্দুগণ তাহাদের প্রতি অসদ্ব্যবহার করায়, ইসলাম-শক্তি জলপথে সিন্ধুরাজ্য আক্রমণ করিতে বাধ্য হইয়াছিল। ভারতবর্ষের বিরুদ্ধে ইহাই ইসলামের প্রথম অভিযান। তাহার সহিত অকারণ নর-শোণিতপিপাসা বা দিগ্বিজয়-লালসায় সম্বন্ধ ছিল না :—তাহা কেবল অত্যাচারের প্রতিবিধান কামনায় অত্যাচার-প্রয়োগ। তাহাই মানবসমাজের চিরন্তন ঐতিহাসিক তথ্য। এই অভিযানে সিন্ধুদেশের সহিত ইসলাম-সাম্রাজ্যের যে সম্বন্ধ সংস্থাপিত হয়, তাহা ইসলামের বোংদাদ রাজধানীকে জ্ঞানালোচনায় সমুন্নত করিবার কারণ হইয়া উঠিয়াছিল। খলিফাগণ হিব্রু, গ্রীক ও সংস্কৃত সাহিত্য হইতে জ্ঞানাহরণ করিবার আশায় আরবীয় ভাষায় গ্রন্থানুবাদ করাইতে প্রবৃত্ত হইয়া, অল্পকালেই আরবীয় সাহিত্যের শ্রীলঙ্কাসাধন করিয়া, তাহার গৌরবঘোষণায় সুদূর ইউরোপের ঘরদেশে উচ্চুড় বিজ্ঞানমন্দিরনির্মাণে কৃতসংকল্প হইয়াছিলেন। তখন

ইউরোপ পূর্বাশিক্ষা-বিচ্যুত অনুরত অর্দ্ধশিক্ষিত কলহকোলাহলময় মানবসমাজে পরিব্যাপ্ত। তাহারা ধর্মের নামে ধর্মাত্মক হইয়া নিরপরাধ নরনারীকে চিতামঞ্চের যুগকাষ্ঠে বন্ধন করিয়া, জীবিতাবস্থায় অগ্নি-সংকার করিত। তাহারা ধর্মমতের প্রাধান্ত-রক্ষার্থ, স্বাধীন, সত্যনিষ্ঠ বিমল জ্ঞানজ্যোতিকে পাশবশক্তিবলে পরাহত করিয়া, ধর্ম বিস্তার করিত। তাহারা গ্রীস ও রোমের পুরাতন সাহিত্যানিহিত জ্ঞানভাণ্ডারকে কুসংস্কারলব্ধ অলংক উপাখ্যানবোধে প্রত্যাখ্যান করিয়া বর্ষক হইয়া উঠিয়াছিল। ইসলামের বিবিধ বিদ্যালয় ইউরোপের অন্তর্গত স্পেনরাজ্যে যে জ্ঞানবিস্তারে ব্যাপ্ত ছিল, তাহা হইতে চিকিৎসাবিদ্যা ও গণিত-বিজ্ঞান সমগ্র ইউরোপে ব্যাপ্ত হইবার সূত্রপাত হইল। ভারতবর্ষ, গ্রীস, মিশর প্রভৃতি পুরাতন সভ্য দেশের সমৃদ্ধসঞ্চিত জ্ঞানভাণ্ডার হইতে ইসলাম বহুশ্রেণী যে জ্ঞানরত্ন-সংকলনে প্রবৃত্ত হইয়াছিল, তাহা ক্রমে এসিয়া হইতে আফ্রিকা ও আফ্রিকা হইতে ইউরোপে ব্যাপ্ত হইয়া, পাশ্চাত্য মানবসমাজের সমুন্নতিলাভের কারণ হইয়া উঠিল। সমগ্র মানবসমাজের সভ্যতার ইতিহাসে ইহাই ইসলামের অতুল কীর্তি; তাহা স্বর্ণাক্ষরে লিখিত হইবার যোগ্য।

যখন ইসলাম এইরূপে আধুনিক ইউরোপকে নবজীবনদানে প্রবৃত্ত, তখন ইউরোপীয় মানবসমাজ পূর্বাশিক্ষা অধিক আগ্রহে ভারতবর্ষের দিকে আকৃষ্ট হইতে লাগিল। ভারত-বাণিজ্য হস্তগত করিবার উপায়-উদ্ভাবন করাই সমগ্র ইউরোপের প্রধান ও প্রবল আকাঙ্ক্ষার পরাকাষ্ঠায় পরিণত হইল। সেকালের এই অতৃপ্ত আকাঙ্ক্ষা ভারতবর্ষে পণ্যদ্রব্য রিক্রয় করিয়া অর্থোপার্জন করিবার বর্তমান আকাঙ্ক্ষা হইতে সম্পূর্ণ পৃথক্। সেকালের ইউরোপীয় জনসমাজ শিল্পদ্রব্য প্রস্তুত করিবার কৌশলে ভারতবর্ষের সমকক্ষ বা শ্রেষ্ঠ হইবার আশা কল্পনা করিতেও সাহস করিত না। তাহারা কেবল নির্ঝিবাৎ ভারতীয় পণ্যদ্রব্য-বহন

ও তাহার ক্রয়বিক্রয়ব্যাপারে অর্থোপার্জন করিবার অধিকার লাভ করিতে পারিলেই পরিতুষ্ট হইত। ইসলাম-বিপ্লব সে আশা নির্মূল করিয়া, সমস্ত সুপরিচিত পুরাতন বাণিজ্যপথ করতলগত করিয়াছিল। তাহা আর সহসা ইসলামের হস্তচ্যুত হইবার সম্ভাবনা ছিল না। ইসলামের রণতরঙ্গী, জলপথে নবশক্তির বিকাশ-সাধন করিয়া, সর্বত্র অজ্ঞেয় হইয়া উঠিয়াছিল;—ইসলামের সেনাবল স্থলপথকে ইউরোপীয় জনসমাজের পক্ষে নিরতিশয় দুর্গম করিয়া তুলিয়াছিল। শক্তি-পরীক্ষায় অগ্রসর হইয়া, ইউরোপীয় খৃষ্টানগণ এসিয়ার মুসলমানের সহিত যে সকল যুদ্ধকলহে লিপ্ত হইতেন, তাহাতে কখন কখন জয়লাভ করিলেও, তাহার ফল দীর্ঘস্থায়ী হইত না। অবশেষে ইসলামের হস্তে পুরাতন বাণিজ্যপথ সমর্পণ করিয়া, ইউরোপীয় জনসমাজ নূতন পথের আবিষ্কার সাধন করিবার জন্তই ব্যগ্র হইয়া পড়িল। পুরাতন পথ রুদ্ধ হইল না। সে পথে ভারত-বাণিজ্য ধীরে-ধীরে ইউরোপে বিস্তৃত হইতে লাগিল;—কিন্তু তাহার প্রধান লভ্যাংশ আর ইউরোপীয় খৃষ্টানগণকে সমৃদ্ধিদান করিল না। তাহা ক্রমে ইসলামের সৌভাগ্য বর্দ্ধিত করিতে লাগিল। ইহাতে ইউরোপকে কেবল ক্ষতিস্বীকার করিয়া, অগ্নিমূলে ভারতীয় পণ্যদ্রব্য ক্রয় করিতে হইত। ইহাতেই ইউরোপ দিন দিন অর্থমোক্ষণে দুর্বল হইয়া পড়িল।

এই সময়ে ইউরোপে শিল্পচর্চার যুগপাত হয়। কিন্তু শিল্প-দ্রব্যের অধিকাংশ উপকরণের জন্ত ইউরোপকে প্রাচ্য-রাজ্যের মুখাপেক্ষী হইয়া নিতান্ত অসহায় অবস্থায় কালযাপন করিতে হইত। ইসলাম ইউরোপকে যে তীব্র তাড়নায় ব্যতিব্যস্ত করিয়াছিল, তাহা যদি ইউরোপকে উত্তমশৃঙ্খল করিতে পারিত, তাহা হইলে ইসলামই পৃথিবীর সর্বপ্রধান মহাশক্তিরূপে অद्याপি মানবসমাজের শীর্ষস্থানে প্রতিষ্ঠিত থাকিত। ইসলামের নবোত্তম বাহ্য অধিকার করিয়াছিল, ইসলামের



অধ্যবসায় তাহা অধিক দিন রক্ষা করিতে সমর্থ হয় নাই। ইউরোপ বাহুবলে পরাজিত হইলেও, হৃদয়বলের অপরাজিত উৎসাহে স্বাধীনতা-লাভের উপায়-উদ্ভাবনে নিয়ত যত্নশীল হইয়াছিল। প্রাচ্য ও প্রতীচ্য মানবসমাজের এই প্রকৃতিগত প্রবল পার্থক্যই ইসলামের অধঃপতনের ও ইউরোপের অভ্যুদয়ের ঐতিহাসিক কারণ। এক পথে প্রতিহত হইয়া, অত্র পথের আবিষ্কারের জ্ঞাত ইউরোপ যে অপূর্ব অধ্যবসায়ের পরিচয় প্রদান করিয়াছে, তাহা মানবসমাজের ইতিহাসে চিরস্মরণীয় হইয়া রহিয়াছে।

অভিনব বাণিজ্যপথের আবিষ্কার-কামনায় ইউরোপ জলস্থল উভয় পথেই ধাবিত হইয়াছিল। যাহারা এই দুষ্কর কার্যে অগ্রসর হইয়া-ছিলেন, তাঁহাদের অনেকের নাম বিশ্বতিগর্ভে বিলীন হইয়া গিয়াছে। যাহাদের নাম অद्याপি লোকসমাজে সুপরিচিত, তাঁহারা কিরূপ উত্তম, কত ক্লেশে, কত অধ্যবসায়ে, স্বকার্যসাধনে প্রবৃত্ত হইয়াছিলেন, তাহার বিবরণ শিক্ষাপ্রদ।

একের চেষ্ঠায় যাহা কিছু সংসাধিত হইতে পারে, তাহা নিতান্ত অকিঞ্চিৎকর। রাজ্য ভিন্ন জনসমাজের জ্ঞাত কাহারও একাকী কোন বৃহদ্ব্যাপারে হস্তক্ষেপ করিয়া সফলকাম হইবার আশা নাই। নানা কারণে বাণিজ্য-ব্যাপারে বহু জন একত্র মিলিত হইবার প্রয়োজন উপলব্ধ হইতে লাগিল। ইসলাম-বিপ্লবই ইউরোপকে এই মহাশিক্ষা প্রদান করিবার প্রকৃত কারণ। বণিধর্গের সমবেত-শক্তি একত্র প্রয়োগ করিবার প্রথম প্রয়োজন ইসলাম-বিপ্লব-কালেই অনুভূত হইয়াছিল। সে প্রয়োজন যেমন বাণিজ্যরক্ষার্থ সমবেতশক্তির একত্র প্রয়োগের উপকারিতা বুঝিতে পারিয়াছিল, সেইরূপ নূতন বাণিজ্য-পথের আবিষ্কারকালেও সমবেত-শক্তির একত্র প্রয়োগের উপকার স্বীকার করিতে বাধ্য হইয়াছিল। ইহাই ইউরোপীয় বিবিধ কোম্পানীর মূল-রহস্য।

## তৃতীয় পরিচ্ছেদ

### . নূতন স্থল-বাণিজ্য-পথের সন্ধান-চেষ্টা

The modern first-class Powers.—France, Germany, Austria, Russia, Italy, Great Britain,—were not yet built up. Spain was still divided between Castile, Aragon and the Moors. Europe remained a continent of principalities, duchies, counties, little oligarchies, and little republics.—*Sir W. Hunter.*

ইসলাম-বিপ্লব-বিপর্যাস্ত ইউরোপীয় খৃষ্টান-সমাজ যখন ভারত-বাণিজ্যের অভিনব স্থলপথ আবিষ্কৃত করিবার চেষ্টায় পূর্বাভিমুখে পর্য্যটক প্রেরণ করিতে আরম্ভ করে, তখন ইউরোপ ক্ষুদ্র ক্ষুদ্র খণ্ডরাজ্যে বিভক্ত ছিল। তখনও ইউরোপীয় প্রবল পরাক্রান্ত রাজ্যতন্ত্র প্রতিষ্ঠিত হইয়া, খৃষ্টানশাসনকে পর্য্যাপ্তরূপে শক্তিশালী করিতে সমর্থ হয় নাই। যে বলে বলীয়ান হইয়া আধুনিক ইউরোপ জগদ্বিখ্যাত হইয়াছে, তখন পর্য্যন্ত সেই জ্ঞানবল সঞ্চিত হয় নাই। তখনও প্রাচ্যরাজ্যের তুলনায় প্রতীচ্য রাজ্য অশিক্ষিত। এক দিকে নানা নূতন শিক্ষার সন্ধানলাভ করিয়া, অত্র দিকে বলদৃপ্ত মুসলমান শক্তির নিকট উপর্য্যুপরি অপদস্থ হইয়া, সমগ্র ইউরোপেই শক্তিসঙ্কয়ের জ্ঞাত জনসমাজ ব্যাকুল হইয়া উঠিয়াছিল। যে সকল বাণিজ্যপ্রধান ইউরোপীয় মহানগর একদা ধন-রত্নে পরিপূর্ণ হইয়া, আশাতীত ঐশ্বর্য্য-গর্বে খৃষ্টান-জগতের নরনারীকে নিয়ত প্রলুব্ধ করিত, ইসলাম-বিপ্লবে তাহা জনশূন্য অরণ্যমাত্রে পর্য্যবসিত হইয়া, সমগ্র ইউরোপকে ব্যথিত করিয়া তুলিয়াছিল। ইউরোপ তাহার জ্ঞাত হাহাকার করিয়াছিল। সেই করুণ আর্ডনাদ প্রাতন

সাহিত্যের মধ্যে অত্যাধিক ধ্বনিত হইয়া উঠিতেছে। কিন্তু তাহা অসমর্থ, অপদার্থ, আত্মপৌরব-বোধশূন্য, অবসন্ন জাতির চিত্তকোভ হইতে সম্পূর্ণ পৃথক্ বেদনায় ইউরোপকে ব্যথিত করিয়া তুলিয়াছিল। সেই ব্যথাই ব্যথামোচনের উপায়-উদ্ভাবনের জন্য প্রবল আকাঙ্ক্ষা উত্তেজিত করিয়াছিল। ইউরোপ স্বতন্ত্র স্বতন্ত্র ক্ষুদ্র রাজ্যে বিভক্ত হইলেও, ধর্ম-চার্য্য পোপ খৃষ্টান-ইউরোপের সর্ববাদিসম্মত প্রধানপুরুষ বলিয়া সুপরিচিত ছিলেন। পোপ হইতে নগণ্য নাবিক পর্য্যন্ত সকলেই স্বতন্ত্রভাবে একই চিন্তায় ব্যতিব্যস্ত হইয়াছিলেন। নূতন স্থল-বাণিজ্য পথের সন্ধান-চেষ্টা এইরূপে আরম্ভ হয়।

আরব হইতে মুসলমান-ধর্ম্য এসিয়াথণ্ডের জলে স্থলে ব্যাপ্ত হইবার সময়ে, বৌদ্ধধর্ম্যই এসিয়ার অধিকাংশ নরনারীর প্রচলিত ধর্ম্য বলিয়া পরিচিত ছিল। দেশভেদে, কালভেদে, পাত্রভেদে, শাক্যসিংহের দার্শনিক ধর্ম্যতত্ত্বের সহিত কত লোকাচার দেশাচার জড়িত হইয়া, এসিয়ার বৌদ্ধধর্ম্যকে বহুসংখ্যক বিভিন্ন সম্প্রদায়ে বিভক্ত করিয়া রাখিয়াছিল। ইসলাম পশ্চিম-এসিয়াথণ্ডে ধর্ম্যরাজ্য বিস্তৃত করিবার সময়, সকল স্থান খলিফাগণের রাজশাসন স্বীকার করে নাই;—ধর্ম্মে এক হইয়াও, রাজ্যতন্ত্রে স্বতন্ত্র থাকিয়া, এসিয়ার মুসলমানগণ দেশভেদে নামভেদ প্রাপ্ত হইয়াছিল।

যাহারা খৃষ্ট-জন্মভূমি অধিকার করিয়া, সমগ্র ইউরোপের সহিত ধর্ম্মযুদ্ধে আহুত হইয়াছিল, তাহাদের পদোন্নতি লক্ষ্য করিয়া, তাতার দেশের মুসলমান বীরগণ তাহা অধিকার করিবার আশায় দলে দলে পূর্ব হইতে পশ্চিমাঞ্চলে ধাবিত হইতে আরম্ভ করে। পূর্ব দিক্ হইতে তাতার ও পশ্চিম দিক্ হইতে ইউরোপ যুগপৎ আক্রমণ করিয়া, ইসলামশক্তিকে চূর্ণ করিয়া, এসিয়ার পুরাতন বাণিজ্য-পথ ভাগ করিয়া লইবে বলিয়া আশঙ্কা উপস্থিত হইয়াছিল। যে মন্ত্রে উত্তরকালে

ইউরোপ সমগ্র এসিয়াধূম্বে প্রাধান্য লাভ করিয়াছে, প্রথম সংঘর্ষকালেই সেই মন্ত্র প্রথমবার ব্যবহৃত হয়। তাতারদেশের মুসলমানকে দিয়া ইসলামের মূলশক্তি পরাস্ত করিবার জন্য ইউরোপ উপহার উপঢৌকন সমভিব্যাহারে খাঁ-সাহেবদিগের জয়স্বাক্ষাৰে দূত প্রেরণ করিতে আরম্ভ করে।

তাতারগণ খৃষ্টীয় ত্রয়োদশ শতাব্দীর প্রারম্ভে পারস্যদেশে, কাস্পীয়ান-তীরে ও কৃষ্ণসাগর-তটে অধিকার বিস্তার করিয়া, অধিকাংশ বাণিজ্যপথ কর্তৃত্ব লাভ করিয়াছিল। ভল্গা নদী ও কাস্পীয়ান হ্রদের সুদৃশ্যস্থল এসিয়া-ইউরোপের বাণিজ্য-পথের সর্বপ্রধান সন্ধিস্থল বলিয়া পরিচিত ছিল। তাতারগণ ভল্গা নদীর সন্ধিস্থলেও শিবির-সন্নিবিষ্ট করিয়াছিল। সুতরাং সেই পথে ভারতীয় পণ্যদ্রব্য অনায়াসে সমগ্র ইউরোপে ব্যাপ্ত হইতে পারিবে ভাবিয়া, ইউরোপীয় ধর্ম্মাচার্য্য ও তাহার অনুগত প্রধান শিষ্য ফরাসী নরপতি সেন্ট লুই তাতারদিগের সহিত মিত্রতা-সংস্থাপনের জন্য নানারূপ আয়োজন করিয়াছিলেন।

দৌত্য সফল হইল না। তাতারগণ আত্মবিক্রয় করিল না। তাহা-দিগকে বাহুবলে পরাভূত করিবার শক্তি না থাকায় ইউরোপকে অগত্যা ক্ষুণ্ণহৃদয়ে তাতার-সৌহার্দ্য পরিত্যাগ করিতে হইল। সাক্ষাৎসম্মুখে ভগ্নমনোরথ হইলেও, এই দৌত্যকার্য্যে ইউরোপ অনেক শিক্ষা লাভ করিল। কৃষ্ণসাগর ও কাস্পীয়ান হ্রদের তীর হইতে মধ্য-এসিয়ার মরু-ভূমি পর্য্যন্ত যে পুরাতন বাণিজ্য-পথ প্রচলিত ছিল, তাহার সমগ্র ভৌগোলিক বিবরণ প্রকাশিত হইয়া পড়িল। তাহা লিখিত ও অনূদিত হইয়া, ইউরোপের বিবিধ প্রদেশে সযত্নে অধ্যীত হইতে লাগিল। মুসলমান-শক্তির অভ্যন্তরেই যে তাহার অবশুস্তাবী ধ্বংসবীজ গুপ্ত হইয়া রহিয়াছে, তাহারও নানা পরিচয় প্রকাশিত হইয়া পড়িল। এই দৌত্যকার্য্য সফল হইলে, মধ্য-এসিয়ার দ্বার ইউরোপকেও স্থলযুদ্ধের

কৌশল-উদ্ভাবনে চিরনিবিষ্ট করিয়া, অশ্বপালকরূপে অশ্বশালায় জীবন-  
 যাপন করিতে বাধ্য করিত ;—জলপথ উপেক্ষিত হইয়া, ইউরোপের  
 আধুনিক সমুদ্রযাত্রার প্রধান পথ চিররুদ্ধ করিত। এসিয়ার জায়  
 ইউরোপকেও ক্ষুদ্র ক্ষুদ্র খণ্ডরাজ্যে বিভক্ত হইয়া, ক্ষুদ্র জয়পরাজয়  
 লইয়াই ব্যাপ্ত থাকিতে হইত। দৌত্য সফল হইল না বলিয়াই,  
 ইউরোপকে বাধ্য হইয়া নূতন স্থল-বাণিজ্য-পথের সন্ধান-চেষ্টা পরিত্যাগ  
 করিতে হইল। এই সামান্য ঘটনা বিচ্ছিন্নভাবে পর্যালোচনা করিলে,  
 ইহা ইউরোপের ইতিহাসের একটি নগণ্য ঘটনা বলিয়া উপেক্ষিত হইতে  
 পারে। কিন্তু আত্মস্তের সহিত একত্র পর্যালোচনা করিলে, ইহাকেই  
 আধুনিক পৃথিবীর ইতিহাসের সর্বপ্রধান ঘটনাবলীর সংখ্যাভুক্ত করিতে  
 হয়। মনোবিগণ সেই ভাবে এই দৌত্য-বিবরণী পাঠ করিয়াছিলেন  
 বলিয়া, ইউরোপ পথভ্রান্ত হইবার প্রথম উপক্রমেই সাবধান হইতে  
 সমর্থ হইয়াছিল।

কৃষ্ণ-সাগর-পথে ভারতীয়-পণ্যদ্রব্য-বহনের অভিনব স্থল-বাণিজ্যপথ  
 আবিষ্কার করিবার আশায়, রাজদূত ব্যতীত নানা ধর্ম্মাচার্য্য ও পরি-  
 ব্রাজকগণও পদব্রজে ভূপ্রদক্ষিণে বহির্গত হইয়াছিলেন। তাঁহাদের  
 মধ্যে মার্কো পোলোর নাম জগদ্বিখ্যাত। তিনি খৃষ্টীয় ত্রয়োদশ শতা-  
 দ্ধীর শেষাংশে চতুর্বিংশতি বৎসর এসিয়াখণ্ডের জলে স্থলে নানা দেশ  
 পর্য্যটন করিয়া, ইউরোপে প্রত্যাবর্তন করেন। তাঁহার ভ্রমণ-কাহিনী  
 অজ্ঞাপি সমস্তে মুদ্রিত ও অধীত হইয়া থাকে। তিনি স্থলপথে চীনদেশ  
 পর্য্যন্ত গমন করিয়া, ভারতবর্ষের উপকূলসংলগ্ন সমুদ্রপথে পারস্যরাজ্যে  
 উপনীত হইয়াছিলেন। ভারত-বাণিজ্যের জল স্থল সকল পথেরই  
 সন্ধান লাভ করিয়া, এই বিশ্ববিখ্যাত পরিব্রাজক যখন স্বদেশে  
 প্রত্যাগত হইলেন, তখন স্থল অপেক্ষা জলপথের কথাই আলোচিত  
 হইবার সূত্রপাত হইল। কৃষ্ণসাগরতীরে স্থলবাণিজ্য-পথের সন্ধান

করিবার চেষ্টা প্রবর্তিত হইবার সময়ে, আর এক দল অহুসন্ধাননিপুণ পরিত্রাজক ভূমধ্যসাগরপথে মিশরদেশে উপনীত হইয়া, তথা হইতে সিরিয়ার বাণিজ্য-পথের অহুসন্ধান করিবার জ্ঞান যত্ন করিতে প্রবৃত্ত হইয়াছিলেন। খৃষ্টীয় ত্রয়োদশ হইতে পঞ্চদশ শতাব্দী পর্য্যন্ত এইরূপে বিবিধ উপায়ে হুল-বাণিজ্য-পথের সন্ধানচেষ্টা পরিচালিত হইবার প্রমাণ প্রাপ্ত হওয়া যায়।

কোন অভিনব তত্ত্বের আবিষ্কার সাধন করিতে হইলে, পরিণামে সর্ব্বথা সফলকাম হইবার মূলতন্ত্রে অধ্যবসায়। তাহা বিচারবুদ্ধির আশ্রয় গ্রহণ করিলে, কালে কাম্যফল প্রদান করিয়া, সকল শ্রম সফল করিয়া থাকে। পৃথিবীর ইতিহাসে ইহার উদাহরণের অভাব নাই। ইউরোপ যে অকুতোভয়ে, অপরাজিত অধ্যবসয়ে ভারত-বাণিজ্য-পথের সন্ধান-চেষ্টায় তিন শত বৎসর অক্লান্ত-চরণে এসিয়ার মরুগিরি ও মহারণ্যে বিচরণ করিয়া গলদ্বন্দ্ব হইয়াছিল, তাহাতে সন্দেহ নাই। কিন্তু সে অধ্যবসায় বিচারবুদ্ধির আশ্রয় গ্রহণ করায়, অল্পদিনের মধ্যেই ইউরোপ বুদ্ধিমান হইয়াছিল,—হুলপথে সিদ্ধকাম হইবার সম্ভাবনা নাই।

তখনও বাষ্প-যান প্রচলিত হয় নাই। তখনও লৌহবস্ত্র পৃথিবীর পূর্বপশ্চিমকে অনায়াস-গম্য করিয়া, কোঁতুহল-প্রিয় ভুবনভ্রমণশীল বিলাসিবর্গের বিলাসক্ষেত্রে সমগ্র এসিয়াকে উৎসর্গ করিবার কৌশল ইউরোপের অধিগত করিয়া দেয় নাই। সে দিন ইউরোপের শ্বেতচর্ম্ম ও রক্তনেত্র, এসিয়াবাসীকে সভয়ে সন্ত্রস্তচরণে দূরে সরিয়া দাঁড়াইয়া সমুচিত সমাদরপ্রদর্শনের শিষ্টাচারশিক্ষায় মনুষ্যত্বহীন করিয়া, দৃষ্টিমাত্রে দিগ্বিজয়সাধনের অব্যর্থ কৌশল উদ্ভাবিত করিতে সমর্থ হয় নাই। সে দিন বড় কঠিন দিন বলিয়াই পরিচিত ছিল। তখন বৌদ্ধপ্রভাব এবং মৌজন্ত-সম্রাট্যের তিরোহিত হইয়াছিল। তখন ক্লষক তাহার হলফলক লইয়া তরবারি নির্মাণ করিত ;—এসিয়া তাহার পুরাতন প্রকল্পবদন

জুটুকুটীল বিভীষিকার আধার করিয়া, অশ্বপৃষ্ঠে প্রতীচ্য-বিজয়ে যাত্রা করিবার জন্ত অশান্ত হইয়া উঠিয়াছিল। তখন মধ্য-এসিয়ার জীবন-প্রভাত ; ইউরোপের জীবন-সন্ধ্যা। তখন এসিয়া—আফ্রিকা—ইউরোপে—সর্বত্র—কেবল এসিয়ার কথাই সর্বপ্রধান আলোচ্য কথা। সে দিন যাহারা ইউরোপ হইতে এসিয়ায় উপনীত হইয়া বাণিজ্যপথের সন্ধান-চেষ্টায় নিযুক্ত হইয়াছিলেন, তাঁহাদের চেষ্টা সফল হইবার আশা ছিল না বলিয়া, সে চেষ্টা একেবারে নিষ্ফল হয় নাই। ব্যর্থচেষ্টাই জলপথের দিকে লোকচিত্ত আকৃষ্ট করিয়া, ইউরোপের অভ্যাদয়সাধনের কারণ হইয়াছিল। ব্যর্থচেষ্টার ইতিহাসই চেষ্টা-সাক্ষ্যের প্রকৃত ইতিহাস। সে কথা বিন্ধিত হইয়া, অধ্যবসায়শূন্য অব্যবস্থিতচিত্ত অকর্মণ্য অধিবাসিগণ বাণিজ্যোন্নতিসাধনের জন্ত আহুত হইবামাত্র, ব্যর্থ-চেষ্টার উল্লেখ করিয়া, উত্তমহীন হইয়া পড়িয়াছিল। দেখিয়াছি—করিয়াছি—যথেষ্ট হইয়াছে—আর কেন—আশা নাই—এ সকল কথা যে ইউরোপে একেবারে অপরিজ্ঞাত ছিল, তাহা বলিতে হইলে, ইতিহাসের অবমাননা করা হয়। ইউরোপেও কত লোকে মাথায় হাত দিয়া বসিয়া পড়িয়াছে। কত লোকে ব্যর্থচেষ্টার বিষময় ফলে সর্বস্বান্ত হইয়াছে ; কত কবি, কত নাট্যকার উপহাসবৃত্তি চরিতার্থ করিবার জন্ত, গড়ে পড়ে বিজ্ঞা প্রকাশ করিয়া, “গণ্ডের উপর পিণ্ড” সংযোগ করিতে ব্যস্ত হইয়া উঠিয়াছে ; কিন্তু যে বসিয়া পড়িয়াছিল, সে আবার উঠিয়া দাঁড়াইয়াছে ;—এক পথে প্রতিহত হইয়া, অন্য পথে ধাবিত হইয়াছে ;—পুনঃ পুনঃ ব্যর্থমনোরথ হইয়াও, পুনঃপুনঃ সামর্থ্যবলে আত্মজয় করিয়া, পরিণামে সাফল্যলাভে কৃতার্থ হইয়াছে। ইউরোপীয় অভ্যাদয়ের ঐতিহাসিক মূল-স্থত্র এই সকল ব্যর্থ-চেষ্টার বিলুপ্তঘটনাবলীর মধ্যেই লুক্কায়িত হইয়া রহিয়াছে।

স্থলপথে ব্যর্থ-মনোরথ হইয়া জলপথের প্রতি স্নাক্ষিত হইবার সময়ে,

স্থলপথের আশা একেবারে পরিত্যক্ত হয় নাই। ইউরোপ অত্য়পি সে আশা ত্যাগ করিতে পারে নাই। রুসিয়া যে সুদীর্ঘ নৌহব্য়ে এসিয়ার সহিত ইউরোপকে সংযুক্ত করিবার আয়োজন করিতেছে, তাহার অধিকাংশ কেবল পুরাতন স্থল-বাণিজ্যপথের ভারত-সৌভাগ্যচরণাঙ্কিত সুপরিচিত পুণ্যপথ। সেই পথে বৌদ্ধ শ্রমণ জগদ্ধ্রুমে বহির্গত হইয়া, বণিগ্ধর্গের আশ্রয়ে দেশ হইতে দেশান্তরে মুক্তিমন্থ প্রচারিত করিতেন। তাহার উভয় পার্শ্বে অত্য়পি যে সকল পুরাকীর্তি ভস্মাচ্ছন্ন হইয়া বৌদ্ধ-বিজয়ের ধারাবাহিক ইতিহাস-সূত্রে বিচ্ছিন্ন করিয়া রাখিয়াছে, তাহা পুনরায় আবিষ্কৃত ও আলোচিত হইতেছে। তাহাকে এসিয়ার পুরাতন পুণ্যপথ ভিন্ন কি বলিব? যে পথে গমনাগমনকালে এসিয়াবাসিগণ পৃথিবীর ইতিহাসে শৌর্য্যবীৰ্য্য-জ্ঞানবৈরাগ্য-শিল্পবিজ্ঞান-গৌরবে পরাক্রান্ত হইয়া, ইতিহাসে অমরত্ব লাভ করিয়াছে, তাহা এসিয়ার পুরাতন পুণ্যপথ। সে পথের পার্শ্বে এসিয়ার অতীত-গৌরব অত্য়পি যেন ছায়া-কলেবরে দণ্ডায়মান।

ইউরোপ যখন জলপথে ভারতবর্ষে উপনীত হইবার সৌভাগ্য লাভ করে, সেদিন ভারতবর্ষে পদার্পণ করিয়া ইউরোপীয়গণ দেখিয়াছিল, —স্থলপথে তাহাদের কোন কোন স্বদেশী পর্য্যটক বহু পূর্বেই ভারতবর্ষে উপনীত হইয়াছে! যাহারা মিশরীয় পথে অগ্রসর হইয়াছিল, তাহারাও সহসা অধ্যবসায় পরিত্যাগ করে নাই। জলপথ আবিষ্কৃত হইবার পর, প্রয়োজনের অভাবেই, স্থল-বাণিজ্যপথের সন্ধান-চেষ্টা ক্রমে ক্রমে পরিত্যক্ত হইয়াছিল।

মধ্যযুগের ইউরোপীয় জনসমাজ ভূমণ্ডলের বিবিধ অবিজ্ঞাত প্রদেশ আবিষ্কৃত করিবার জন্ত লালায়িত হইবার কথা ইতিহাসে সুপরিচিত হইয়া রহিয়াছে। কিন্তু তাহাকে প্রকৃত প্রস্তাবে কোন অবিজ্ঞাত নূতন দেশের আবিষ্কার কামনা বলিয়া বর্ণনা করা যায় না। তাহা কেবল চির-পরিচিত



ভারতবর্ষের অভিনব বাণিজ্যপথের সন্ধানচেষ্টার আকস্মিক ফল। এই সকল অভিনব আবিষ্কার-ব্যাপার যদি ইউরোপের পক্ষে উত্তরোত্তর উন্নতিসোপানে আরুঢ় হইবার কারণরূপে উল্লিখিত হয়, তবে ভারত-বর্ষকেই তাহার মূল কারণ বলিয়া স্বীকার করিতে হইবে।

ভারতবর্ষে উপনীত হইবার যে সকল বাধাবিঘ্ন ইউরোপের পক্ষে তৎকালের পুরাতন স্থল-বাণিজ্য-পথ নিরতিশয় দুর্গম করিয়া রাখিয়াছিল, জলপথে সেরূপ বাধা বিঘ্ন ইউরোপকে পরাস্ত করিবার আশঙ্কা ছিল না! এসিয়া কোন্ পুরাকালে সমুদ্রপথে বাণিজ্য করিবার জন্ত নৌচালন-কৌশলের উদ্ভাবন করিয়াছিল, তাহার সন্ধানলাভ করিবার উপায় নাই। সমুদ্রোপকূলের সকল দেশই তাহাতে লিপ্ত হইয়া থাকিবে। ভারতবর্ষের সমুদ্রোপকূল অরণ্যভীত পুরাকাল হইতেই সমুদ্র-যাত্রা-কোলাহলে প্রতিধ্বনিত। ভূমধ্যসাগরতীরের পুরাতন পরাক্রান্ত মানবসমাজ অতি পুরাকাল হইতেই সমুদ্রপথে বিচরণ করিতে শিক্ষা করিয়াছিল। তথাপি এসিয়া ও ইউরোপের নৌ-বিজ্ঞান পার্থক্য ছিল। ইউরোপীয়গণ যে সমুদ্রপথে বিচরণ করিতেন, তাহা ভূবেষ্টিত বৃহদায়তন হ্রদ ভিন্ন মহাসাগর নামে কথিত হইতে পারে না! এসিয়ার সমুদ্রোপকূলনিবাসী নাবিকগণের পক্ষে এরূপ ভূবেষ্টিত সমুদ্রপথে বিচরণ করিবার সম্ভাবনা ছিল না। তাহাদিগকে নিয়ত মহাসাগরে বিচরণ করিয়া, দেশদেশান্তরে গমনাগমন করিতে হইত। এই পথে প্রতি-দ্বন্দ্বীর সংখ্যা অল্প; তাহাদের সকলেরই লক্ষ্য ভারতবাণিজ্যের কল্যাণে অর্থোপার্জন। সুতরাং এসিয়ার সমুদ্রযাত্রা কেবল জলযান-গঠন-কৌশল, এবং সীমাসূত্র সমুদ্রপথে জলযানচালনা-কৌশল উদ্ভাবিত করিয়াই নিরস্ত হইয়া রহিয়াছিল। জলযুদ্ধের প্রয়োজন অনুভূত হয় নাই বলিয়া, তাহার কৌশলজাল বিস্তার করিবার জন্ত কোনরূপ চেষ্টা আরম্ভ হইবার প্রয়োজনও অনুভূত হয় নাই। ইউরোপে পুরাকাল হইতেই

সে প্রয়োজন অনুভূত হইয়াছিল। সংকীর্ণ প্রণালী-পথের সংস্কার-সম্ভাবনা পরস্পরকে পরস্পরের পরাজয়সাধনের কৌশল-উদ্ভাবনার্থ উত্তেজিত করিয়া, ইউরোপীয়গণকে জলযুদ্ধনিপুণ বীরজাতিতে পরিণত করিয়াছিল। তাহারা স্থলপথ অপেক্ষা জলপথেই সমধিক শৌর্য্য প্রকাশ করিতে পারিত। তথাপি তাহারা মহাসাগর সম্বন্ধে বিশেষ কোন অভিজ্ঞতা উপার্জন করিতে সমর্থ হয় নাই। যখন জলপথের সন্ধান-চেষ্টা ইউরোপকে উত্তেজিত করিয়া তুলিল, তখন ইউরোপের সুবিখ্যাত নাবিকবর্গও মহাসাগর অতিক্রম করিয়া ভারতবর্ষে উপনীত হইবার জলপথ আবিষ্কার করা সম্ভব বলিয়া সহসা বিশ্বাস করিতে পারেন নাই।

## চতুর্থ পরিচ্ছেদ

### পুরাতন জল-বাণিজ্য-পথ

Certain men have supposed, following a foolish tradition, that the Atlantic is united on the south with the Indian Ocean.—*Joannes Philoponus.*

বিজ্ঞানযের বালকগণের বিশ্বাস—ভাস্কো ডা গামাই ভারতবর্ষে আসিবার জলপথ আবিষ্কৃত করিয়া, ইউরোপের অধিবাসিগণকে নূতন জল-বাণিজ্যপথের সন্ধান প্রদান করেন। কিন্তু অতি পুরাকালেও এই পথের সন্ধান সম্পূর্ণ অপরিস্ফুট ছিল বলিয়া বোধ হয় না। মিশরদেশের পণ্ডিতবর্গের নিকট তাহার জনশ্রুতি সুপরিচিত ছিল। তথা হইতে সে কথা সমগ্র ইউরোপে ব্যাপ্ত হইয়া পড়িয়াছিল। মধ্যযুগের জ্ঞানগোরব-বিচ্যুত ইউরোপীয় মানবসমাজ সে জনশ্রুতিতে আস্থা স্থাপন করিতে সম্মত হইত না। তাহার আফ্রিকার পশ্চিমোপকূলের অত্যন্ত স্থানের সহিত পরিচিত ছিল। তাহার দক্ষিণে কোথায়ও যে স্থলভাগের শেষ হইতে পারে, এবং পশ্চিম সমুদ্রের সহিত পূর্ব সমুদ্রের সংযোগ থাকিতে পারে, সে কথা অল্প লোকেই চিন্তা করিতে সম্মত হইত। তাহার ভাবিত,—দক্ষিণে কেবল অত্যন্ত গভীর মরুস্থল;—সে দেশে মানবসমাজ অবস্থান করিতে পারে না! সুতরাং সে পথে অগ্রসর হইবার জন্ত কাহারও কোন কৌতুহল বা সাহস হইত না। বরং তদ্বিষয়ক জনশ্রুতি সর্বত্র উপহসিত হইত।

স্থল-বাণিজ্যপথ অধিকার করিবার আশা ব্যর্থ হইবার আশঙ্কা ক্রমে প্রবল হইয়া, ইউরোপকে জল-বাণিজ্য-পথের সন্ধানে প্ররত্ত হইবার জন্ত পুনঃপুনঃ উত্তেজিত করিতে লাগিল। এই সময়ে জলবাণিজ্য-পথের পুরাতন বিবরণ সংগ্রহ করিবার জন্ত বিশেষ আগ্রহ উপস্থিত হইয়াছিল। মিশর হইতে লোহিতসাগরের পথে ভারতবর্ষে যাতায়াতের পুরাতন জলবাণিজ্য-পথের কথা ইউরোপে অপরিস্ফুট ছিল না। এই পথে

• ভারতবর্ষের বহু বণিক সাগরপারের মিশর-রাজ্যে গমনাগমন করিতেন।

এই পথে কোন কোন ভারতীয় রাজদূত রোমক সাম্রাজ্যের রাজধানী পর্য্যন্ত গমন করিয়াছিলেন। এসিয়া ও ইউরোপের মধ্যস্থলে অবস্থিত হইয়া, মিশর দেশ ভারতীয় পণ্যদ্রব্যের প্রধান পণ্যশালা বলিয়া বিখ্যাত হইয়া উঠিয়াছিল। ভূমধ্যসাগর হইতে আটলান্টিক মহাসাগরে গমনা-গমনের পথ সুপরিচিত ছিল। সেই পথে রোমক সাম্রাজ্যের অভ্যুদয়-কালে বিলাসলোলুপ রোমান নাগরিকগণের রসনাতৃপ্তিদায়ক গুলি-শুষ্কি ইংলণ্ড হইতে আনীত হইত। কিন্তু আটলান্টিক মহাসাগরের পশ্চিমে বা দক্ষিণে কেবল অনন্ত জলরাশি দিখলয়ে বিলীন হইয়া, সে পথে অধিক দূর অগ্রসর হইবার জন্ত কাহাকেও প্রলুব্ধ করিত না। সেই এক দিন, আর এই এক দিন। এ দিনের বালকবৃন্দও সে দিনের ইউরোপীয় জ্ঞানবুদ্ধ পণ্ডিতবর্গের এই অকারণ বিভীষিকা ও অসঙ্গত অজ্ঞতার কাহিনী পাঠ করিতে বসিয়া, হাস্যসংবরণ করিতে পারে না। তথাপি পাঁচ শত বৎসর পূর্বে, ইউরোপের অবস্থা এইরূপ শোচনীয় ছিল। ইউরোপের ইতিহাসই তাহার সাক্ষী।\*

খৃষ্টীয় চতুর্দশ শতাব্দীর পর্য্যটকরাজ ইবন্ বতোতার নাম বঙ্গ-সাহিত্যে সুপরিচিত হইয়াছে। তিনি চতুর্বিংশতি বৎসর এসিয়া ও আফ্রিকার নানা স্থানে ভ্রমণ করিয়া, যে সকল বিবরণ সঙ্কলিত করিয়া-

\* বিগত পাঁচ শত বৎসরের পৃথিবীর ইতিহাসের সহিত ভারতবর্ষের নাম চির-সংযুক্ত হইয়া রহিয়াছে। ভারতবর্ষের সাহিত্যে তাহার বিশেষ উল্লেখ না থাকিলেও, সমগ্র সভ্যদেশের সাহিত্যে তাহার যথেষ্ট পরিচয় প্রাপ্ত হওয়া যায়। এই সকল পুরাতন প্রমাণের সংগ্রহ ও সমালোচনা করিয়া সুবিখ্যাত ঐতিহাসিক স্তর ডবলিউ হক্টার বৃটিশভারতের যে সুবিস্তৃত ইতিহাস রচনায় প্রবৃত্ত হইয়াছিলেন, তাহার সূচনা-মাত্র প্রকাশিত হইতে না হইতেই, ঐতিহাসিকের নব্বয় জীবন নিঃশেষ হইয়া গিয়াছে। তথাপি তাহার সংকলিত সুবৃহৎ গ্রন্থের যে অত্যন্তাংশমাত্র প্রকাশিত হইয়াছে, তাহাতেই তাহার নাম ভারতবর্ষে চিরস্মরণীয় হইবে। ভারতবর্ষের আধুনিক ভাণ্ডারবিপর্য্যয়ের ইতিহাস-সঙ্কলন কার্য্যে হস্তক্ষেপ করিবার সময়ে, সকল লেখককেই হক্টারের নিকট কৃতজ্ঞহৃদয়ে ঋণ-স্বীকার করিতে হইবে।

ছিলেন, তাহাও ইউরোপীয় বিবিধ ভাষায় অনুদিত হইয়া, সভ্যসমাজের নিকট সুপরিচিত হইয়াছে। তাহাতে পুরাতন জল-বাণিজ্যপথের বিশেষ বিবরণ প্রাপ্ত হওয়া যায়। ইবন্ বতোতা পৃথিবীতে পাঁচটিমাত্র বাণিজ্যপ্রধান প্রসিদ্ধ বন্দর দেখিতে পাইয়াছিলেন। একটি কৃষ্ণসাগর-তীরে; একটি মিশর-দেশে; একটি চীন-সাম্রাজ্যে; এবং দুইটি ভারত-বর্ষের মালাবার-উপকূলে। তন্মধ্যে একটি “কালিকট” নামে ইতি-হাসে চিরস্মরণীয় হইয়া রহিয়াছে। এই সকল বন্দর প্রাচ্য-বাণিজ্যের বিজয়গৌরবে ভারতবর্ষের নাম সমুজ্জ্বল করিয়া রাখিয়াছিল। সেকালের বাণিজ্যের কথা কেবল ভারতবর্ষের কথায় পর্য্যবসিত হইয়াছিল। ভারত-বর্ষে যে সকল পণ্যদ্রব্য উৎপাদিত হইত, তাহার একাংশ প্রশান্তমহা-সাগরের দ্বীপপুঞ্জ ও চীন-জাপানাদি স্তূদুর দেশে প্রেরিত হইত, অপরংশ প্রতীচ্য রাজ্যে প্রেরিত হইত। বাহা পূর্বাঞ্চলে প্রেরিত হইত, তাহার বিনিময়ে পূর্বাঞ্চলের বিবিধ পণ্যদ্রব্য আনীত হইয়া, তাহাও পশ্চিমাঞ্চলে প্রেরিত হইত। ভারতবর্ষ কাহারও নিকট ক্রয় করিত না; পূর্বে পশ্চিমে আপন পণ্যদ্রব্য বিক্রয় করিত; এবং পূর্বাঞ্চল হইতে সংগৃহীত পণ্যদ্রব্যও পশ্চিমাঞ্চলে বিক্রয় করিয়া, স্বদেশের ঐশ্বর্য্যগর্ব্ব বিবদ্ধিত করিত। এই বাণিজ্য-ব্যাপারে স্থলপথ অপেক্ষা জলপথেরই প্রাধান্য সংস্থাপিত হইয়াছিল। তজ্জন্ত মিশরদেশের ঝায় সিংহল দ্বীপও প্রাচ্য-প্রতীচ্যের সম্মিলনক্ষেত্র বলিয়া সুপরিচিত হইয়াছিল। ইসলাম ইহার অংশ ভোগ করিবার জন্ত সমুদ্রপথে শীঘ্রই প্রাধান্যলাভে কৃতকার্য্য হইয়া-ছিল। প্রশান্তমহাসাগরের যে সকল দ্বীপপুঞ্জ একদা শৈব ও বৌদ্ধ-ধর্ম্মের শঙ্খঘণ্টা-নিনাদে মুখরিত ও ধূপ-গুণ্ডুল-গন্ধে আমোদিত হইয়া, শিক্ষা-দীক্ষা, ভাষা-সাহিত্য ও আচার-ব্যবহারে, দ্বীপবাসিগণকে ভার-তীয় সভ্যতার সমুন্নত করিয়া, ভারতবর্ষের বাহিরে বৃহত্তর ভারতবর্ষের সৃষ্টি করিবার আয়োজন করিতেছিল, সেখানে ক্রমে ক্রমে ইসলামের

আধিপত্য বিস্তৃত হইয়া, ধর্ম্মে, আচার-ব্যবহারে, ভাষায় ও সাহিত্যে, অত্যাধিক মুসলমানের বিজয়বোষণা করিতেছে।

পুরাতন জলবাণিজ্যপথে মুসলমানের আধিপত্য প্রবল হইলে, মুসলমানাধিকৃত মিশর ভারতবাণিজ্যে সমৃদ্ধ হইয়া উঠিতে লাগিল। সে পথে খৃষ্টান-ইউরোপের অগ্রসর হইবার আশা তিরোহিত হইয়া গেল। ভূমধ্যসাগর ও লোহিতসাগরের মধ্যে যে সংকীর্ণ স্থলভাগ অতিক্রম করিয়া ভারতীয় পণ্যদ্রব্য ইউরোপে আনীত হইত, তাহা মুসলমানের অধিকারভুক্ত হইবার পর, খৃষ্টান-ইউরোপের পক্ষে পুরাতন জলবাণিজ্য-পথের প্রধান প্রবেশদ্বার অবরুদ্ধ হইয়া গেল। ভূমধ্যসাগরে ইসলাম-শক্তি পরিস্ফুট হইয়া উঠিতে লাগিল। স্থলপথের দ্বারা জলপথেও, প্রাচ্য-এসিয়া প্রতীচ্য-ইউরোপকে পদে পদে অপদস্থ করিয়া, এসিয়ার বিজয়-গৌরবে ইউরোপকে অবসন্ন করিবার উপক্রম করিল।

এই সঙ্কট-কাল ইউরোপের ইতিহাসের প্রধান পরীক্ষা-কাল। এই সময়ে অপদস্থ হইয়া, ইউরোপ অধ্যবসায়হীন অবসন্ন অবস্থায় আপন দুর্ভাগ্যকে চিরসহচর করিয়া উদ্ভ্রম-প্রয়োগে অসম্মত হইলে, ইউরোপের ইতিহাস ভিন্ন ভাবে লিখিত হইত ;—ভারতবর্ষের ইতিহাসও ভিন্ন মূর্তি গ্রহণ করিত। ইউরোপ কঠিন পরীক্ষায় নিপতিত হইয়াও, লক্ষ্যচ্যুত হয় নাই। তাহাই ইউরোপের আধুনিক অভ্যুদয়ের প্রধান কারণ।

এই সময়ে ইউরোপের অবস্থা কিরূপ ছিল, তাহা বিশেষ ভাবে আলোচিত হওয়া আবশ্যিক। গ্রীসের জ্ঞান-গৌরব ও রোমের রাজশক্তি এক সময়ে ইউরোপকে সমুন্নত করিবার আয়োজন করিলেও, সে আয়োজন সর্বাংশে সফল হয় নাই। প্রধান প্রধান মহানগর ভিন্ন, সমগ্র দেশে সে পুরাতন সভ্যতার ফললাভ করিতে সমর্থ হয় নাই। \* বাহারা

\* What we call Greeks and Romans are chiefly the citizens of Athens and Rome.—Max Muller's India, what can it teach us p. 121.

মহানগরে বাস করিয়া, সভ্য হইবার সুযোগ প্রাপ্ত হইয়াছিল, তাহারও সভ্যতার প্রকৃত অমৃতফলে বীতরাগ হইয়া, তাহার বিবিধ কুফল লাভের জ্ঞানই লালায়িত হইয়া উঠিয়াছিল! সম্ভোগ-লালসা প্রবল হইয়া, সংযমসীমা অতিক্রম করিয়াছিল। জ্ঞান কেবল সম্ভোগের উপায় উদ্ভাবন করিত;—ধর্ম কেবল বাহ্যাদৃশ্যের সম্ভোগকে সম্ভবজনীয় করিয়া তুলিত;—লোকাচার কেবল মানবসমাজকে নিয়ত পশু-স্বভাবের দিকেই প্রাণপণে আকর্ষণ করিত! ইহার ফল ফলিতে বিলম্ব ঘটিল না। ইউরোপ শীঘ্রই সৌভাগ্য-বিচ্যুত হইল। অজ্ঞানতার অন্ধকারে পূর্বশিক্ষা বিলুপ্ত হইয়া গেল। এসিয়ার খৃষ্ট-ধর্ম ইউরোপে প্রচারিত হইবামাত্র, তাহার স্বভাবসুন্দর সন্ন্যাসীর সৌম্যমূর্তি পরিবর্তিত হইয়া গেল! ইউরোপ ধর্মাক্ত হইয়া উঠিল; নিয়ত শয়তানের কথা চিন্তা করিতে করিতে শয়তানের কথারই প্রচার করিতে লাগিল। জ্ঞান ও ধর্মের মধ্যে চিরবিরোধ সঞ্জীবিত হইয়া উঠিল। যাহা কিছু নূতন, তাহা শয়তানের কুটিল কৌশল বলিয়া ব্যাখ্যাত হইবামাত্র, জনসাধারণ তাহার নিকট হইতে দূরে পলায়ন করিয়া, আগ্নার সদগতিরক্ষার্থ ব্যাকুল হইয়া পড়িল। ধর্মচার্যগণ স্ব স্ব পদমর্যাদা বর্দ্ধিত করিবার আশায়, অশিক্ষিত জনসাধারণের জ্ঞানানারূপ ধর্মাক্ততার আবরণ সৃষ্টি করিয়া লোকলোচন আচ্ছন্ন করিতে প্রবৃত্ত হইলেন। ইসলামের সহিত খৃষ্টান-সমাজের ধর্ম-যুদ্ধ বিধোষিত হইলে, খৃষ্টানের ধর্মাক্ততা অধিকতর কঠোর হইয়া উঠিল।

দুর্দশার দিনে হুর্দশি আসিয়া মানবসমাজের জ্ঞানচক্ষু আবৃত করিয়া দেয়। ইউরোপের অবস্থাও সেইরূপ হইয়া উঠিল। ইউরোপ স্মরণাতীত পুরাকাল হইতে জলপথে নৌচালন করিত। ভূমধ্যসাগর ইউরোপের নিকট স্থলপথের হ্রায় সুপরিচিত হইয়া উঠিয়াছিল। কিন্তু ভূমধ্যসাগরের ইউরোপীয় অর্ধবপোত কেবল ক্ষেপণীবলেই পরিচালিত হইত। বায়ুবেলে সমুদ্রপথে পোতচালনা করিবার কৌশল অতি পুরাকালে

আবিষ্কৃত হইয়াছিল। ভারত-মহাসাগরের বাণিজ্যপোত নৈসর্গিক বায়ুপ্রবাহের উপর নির্ভর করিয়াই, ভারতবর্ষ হইতে বর্ষান্তরে গমনা-গমন করিত। প্রয়োজনের অভাবে ভূমধ্যসাগরে সে উপায়ে পোত-চালন-কৌশল অবলম্বিত হইত না। দিগদর্শনশলাকা আবিষ্কৃত হইলেও, ধর্ম্মাঙ্ক খৃষ্টান নাবিকগণ তাহাকে “শয়তানের যন্ত্র” মনে করিয়া, তাহার ব্যবহার করিতে সম্মত হইত না। কেহ সে যন্ত্র ব্যবহার করিয়া পোত-চালনা করিতে সাহস করিলে, কোনও খৃষ্টান নাবিক সেক্ষেপ অর্ণবপোতে পদার্পণ করিয়া তাহার পরকালের সদাতিকে সঙ্কটাপন্ন করিতে সাহসী হইত না! এক্ষণে অবস্থায় পুরাতন জলবাণিজ্যপথে প্রতিহত হইয়া, নূতন জলবাণিজ্যপথের অনুসন্ধান করা সেকালের ধর্ম্মাঙ্ক ইউরোপের পক্ষে কত না কঠিন হইয়া উঠিয়াছিল!

ইসলামের অভ্যুদয়ের বহুপূর্ব হইতে ভূমধ্যসাগরে ফিনিসীয় লুণ্ঠিগণের প্রাধান্য প্রতিষ্ঠালাভ করিয়াছিল। তৎপূর্বে একদা পুরাতন মিশর রাজ্যই ভূমধ্যসাগরের অধিতীয় অধিপতি হইয়া, সমগ্র ইউরোপে বাণিজ্যযাত্রা করিয়া ধনোপার্জন করিত। মিশর কালক্রমে সেই পুরাতন জলবাণিজ্যপথের অধিকার-বিচ্যুত হইলে, নূতন জলবাণিজ্যপথের সন্ধান-চেষ্টায় নানারূপ আয়োজন করিবার পরিচয় প্রাপ্ত হওয়া যায়। এক দিকে ভূমধ্যসাগর, অন্যদিকে লোহিতসাগর, এই দুইটি ভূবেষ্টিত ক্ষুদ্র উপসাগরের সহিত সুপরিচিত থাকিলেও, মিশরবাসিগণ ভারতমহাসাগরের সহিত পরিচিত হইবারও সুযোগ প্রাপ্ত হইয়াছিল। শিল্প, বিজ্ঞান, গণিত ও দর্শনবিদ্যায় মিশরদেশ পুরাকালেই উন্নতিলাভ করে। তখন কোনরূপ অন্ধবিশ্বাস বা কুসংস্কার মিশরবাসিগণকে অভিনব তত্ত্বালোচনায় নিরস্ত করিত বলিয়া বোধ হয় না। তাহারা আফ্রিকার একাংশে বাস করিয়া, অপরাংশের সম্বন্ধেও কিয়ৎ পরিমাণে ভৌগোলিক জ্ঞানসঞ্চয়ে সফলকাম হইয়াছিল। তাহারা আফ্রিকার



চতুর্দিকে সাগরজলরাশির অস্তিত্বের পরিচয় প্রাপ্ত হইয়া, পূর্বসাগর হইতে পশ্চিম সাগরপথে ভূমধ্যসাগরে উপনীত হইবার সম্ভাবনায় কোন-রূপ সংশয় প্রকাশ না করিয়া, অভিনব জলবাণিজ্যপথের সন্ধান-চেষ্টায় প্রবৃত্ত হইয়াছিল। ভারতীয় পণ্যদ্রব্যের বাণিজ্য-ব্যাপারে ফিনিসীয় বণিক্গণের প্রাধান্য লুপ্ত করিয়া, মিশরের প্রাধান্যসংস্থাপনের প্রবল প্রলোভন, মিশরের রাজা-প্রজা সকল শ্রেণীর লোকের পক্ষেই, নূতন জলবাণিজ্যপথ আবিষ্কৃত করিবার জ্ঞ আগ্রহের কারণ হইয়া উঠিয়াছিল।

ঋষ্টাবির্ভাবের বহুপূর্বে মিশরাধিপতি ইতিহাসবিখ্যাত ক্যারাও নিকো লোহিতসাগর হইতে একদল নাবিক প্রেরণ করেন। তাহারা লোহিতসাগর হইতে ভারতসাগর, তথা হইতে আটলান্টিক সাগর, এবং তথা হইতে ভূমধ্যসাগর অতিক্রম করিয়া, পুনরায় মিশরদেশে প্রত্যাবর্তন করে। ইহাতে তিন বৎসর অতিবাহিত হইয়া যায়। সেকালের গঠনকৌশলহীন ও চালনকৌশলহীন ক্ষুদ্রকায় অর্ণবপোতের পক্ষে ইহা অপেক্ষা অল্পকালে আফ্রিকা প্রদক্ষিণ করিবার সম্ভাবনা না থাকায়, নূতন জলবাণিজ্যপথের সন্ধান লাভ করিয়াও, মিশরাধিপতি তদ্বারা উপকার লাভ করিতে পারিলেন না। নাবিকগণ স্বদেশে প্রত্যাবর্তন করিয়া, এক অলৌকিক কাহিনীর কীর্তন করিতে লাগিল। তাহাদের সুদীর্ঘ সমুদ্রযাত্রার প্রথমভাগে, সূর্য্যদেব বাম দিক্ হইতে উদ্ভিত হইতেন; শেষভাগে, সেই সূর্য্যদেব দক্ষিণ দিক্ হইতে উদ্ভিত হইতেন। নাবিকগণ ইহা স্বচক্ষে দর্শন করিয়া আসিয়াছিল। কিন্তু জনসাধারণ সে কথায় আস্থা স্থাপন করিতে পারিল না। আফ্রিকার পূর্বোপকূলের সমুদ্রপথে মিশর হইতে দক্ষিণাভিমুখে পোতচালনা করিবার সময়ে, সূর্য্যদেবের বাম দিক্ হইতে উদ্ভিত হইবার কথা। আফ্রিকার পশ্চিমোপকূলের সমুদ্রপথে উত্তরাভিমুখে পোতচালনা

করিবার সময়ে, সূর্য্যদেবের দক্ষিণ দিক্ হইতেই উদিত হইবার কথা । ইহা একালের বালকবৃন্দও অলীক কাহিনী বলিয়া প্রত্যাখ্যান করে না । কিন্তু সেকালে হেরোদোতসের ঞায় মনীবীবর্ণও ইহাতে আত্মস্থাপন করিতে অসম্মত হইয়াছিলেন ! আফ্রিকা প্রদক্ষিণ করিয়া, প্রাচ্য হইতে প্রতীচ্য জনপদে বাণিজ্যপোত চালনা করিবার এই সকল পুরাতন প্রমাণ ইউরোপের অপরিজ্ঞাত ছিল না । কিন্তু ইউরোপ তাহাতে আত্মস্থাপন করিতে পারিত না । এরূপ পুরাকাহিনী অলীক কাহিনী বলিয়াই প্রত্যাখ্যাত হইত । বিবুব-রেখা পৃথিবীকে উত্তর দক্ষিণ দুই ভাগে বিভক্ত করিয়া রাখিয়াছে ;—সে কথা অপরিজ্ঞাত ছিল না । কিন্তু বিবুব-রেখা যে সকল জলহুলের উপর দিয়া অবস্থিত আছে, তাহার স্বাভাবিক তাপাধিক্য সম্বন্ধে নানারূপ অতিশয়োক্তি প্রচারিত হইয়াছিল । এত উত্তাপ যে, তাহা মানবশক্তিকে ভস্ম করিয়া ফেলিবে ! বিবুব-রেখার নিকটে যখন এত উত্তাপ, তাহার দক্ষিণে হয় ত উত্তাপাধিক্যের অবধি নাই । এই সকল জ্ঞানান্ধ ভ্রান্ত সংস্কার ইউরোপকে বহুকাল পর্য্যন্ত আফ্রিকার দক্ষিণাংশে গমনাগমনের কল্পনা পরিত্যাগ করিতেই শিক্ষাদান করিয়াছিল । ইউরোপীয় পুরাতন সাহিত্যে আফ্রিকার পশ্চিমোপকূলের সমুদ্রপথ অবিজ্ঞাত ! আটলান্টিক মহাসাগর যেন এক অভেদ কুহেলিকায় সমাচ্ছন্ন ! তাহা অপরিজ্ঞাত—অপরিজ্ঞেয়—অন্ধকার ! এই বিশ্বাস কেবল ইউরোপকেই উপহাসাস্পদ করে নাই ;—ইসলামের পক্ষেও ইহা উপহাসের বিষয় হইয়া রহিয়াছে ! ইসলাম এক সময়ে প্রতীচ্য মানবসমাজে জ্ঞানবিস্তারকার্য্যে ব্যাপৃত হইয়াও, স্বয়ং বহু বিষয়ে অজ্ঞের ঞায় আচরণ করিতেন । মুসলমান মনীষিগণ বলিতেন, —আটলান্টিক মহাসাগরে অধিকদূর অগ্রসর হইবার সম্ভাবনা নাই ! মুসলমান আফ্রিকা প্রদক্ষিণ করিয়া, আটলান্টিক সাগরপথে ইউরোপে পদার্পণ করিবার সন্ধান-লাভ করিলে, মুসলমানকে ইউরোপ হইতে

তাড়িত করা সহজ হইত না। কিন্তু ইসলাম-প্রতিভা সে পথে পরিচালিত হয় নাই। তাহা কেবল বিষুব-রেখার উত্তরপার্শ্বের জলস্থল জইয়াই পরিভূত ছিল। ইউরোপের এই পুরাতন ভ্রান্ত সংস্কার সহসা দূরীভূত হয় নাই। ইহার জ্ঞাত বেক্রপ আত্মত্যাগ ও লাঞ্ছনা গঞ্জনা সহ্য করিতে হইয়াছে, তাহা ইউরোপের ইতিহাসে সুপরিচিত হইয়া রহিয়াছে। যাহার অদম্য উৎসাহ, অবিচলিত অধ্যবসায় ও অপরাজিত আত্মত্যাগ ইউরোপের এই চিরসঞ্চিত ভ্রান্ত-সংস্কার দূরীভূত করিয়া, মহাসাগর-পারের বিবিধ অভিনব রাজ্যে ইউরোপীয় অধিকার-বিস্তারের পথ প্রদর্শন করিয়াছিল, তিনি আধুনিক ইউরোপের নবজীবনদাতা। তাঁহার কথা ইউরোপের ইতিহাসে স্বর্ণাক্ষরে লিখিত হইয়া রহিয়াছে। তাঁহার জীবনকাহিনী ইউরোপের দেশে দেশে প্রচারিত হইয়াছে। তাঁহার পবিত্র সমাধি-ক্ষেত্র ইউরোপের পুণ্যতীর্থে পরিণত হইয়াছে। তাঁহার নাম রাজকুমার হেনরী। তিনি নাবিক-রাজ বলিয়াই সুপরিচিত।

## পঞ্চম পরিচ্ছেদ

### অপরাজিত অধ্যবসায়

The mystery, which since creation had hung over the Atlantic, and hidden from man's knowledge one-half of the surface of the globe, had reserved a field of noble enterprise for Prince Henry the Navigator.—*R. H. Major's Prince Henry the Navigator.*

আটলান্টিক মহাসাগর-তীরে পর্তুগাল নামক যে ক্ষুদ্র স্থান অত্য়পি মানচিত্রে একটি স্বতন্ত্র ইউরোপীয় রাজ্যরূপে অঙ্কিত হইয়া আসিতেছে, তাহা একদা রোমক-সাম্রাজ্যের একটি নামগোত্রহীন নগণ্য উপবিভাগ বলিয়াই পুরাতন সভ্যসমাজে পরিচিত ছিল। লোকসংখ্যা অধিক ছিল না। বাহা ছিল, তাহারও অধিকাংশ কেবল দীনদরিদ্র নিরক্ষর নরনারী। তাহারা কায়ক্লেশে জীবনযাত্রা নির্বাহ করিয়া, রোমক-সাম্রাজ্যের পাছুকা বহন করিত। তাহারা যে কদাপি শিক্ষায় সমুন্নত হইবে, তাহারা যে রণকৌশলে অজ্ঞেয় হইয়া উঠিবে, তাহারা যে নৌবিদ্যাবিশারদ প্রধান পুরুষ বলিয়া জগদ্বিখ্যাত হইবে, তাহারাই যে ইউরোপের নবজীবনলাভের পথপ্রদর্শন করিয়া, ইতিহাসে চিরস্মরণীয় কীর্তিকলাপে অমরপদবী লাভ করিবে;—সে কথা ভবিষ্যতের অঙ্ক-কারে আচ্ছন্ন হইয়া ছিল। ইসলাম-শক্তি দিগ্বিজয়ে বহির্গত হইলে, এই দেশ ইসলামের পদভরে কম্পিত হইয়া উঠিয়াছিল। স্পেন ও পর্তুগাল ইসলাম-গোরবে জগদ্বিখ্যাত হইলেও, দেশের লোক তাহাতে গোরবলাভ করে নাই। সে গোরব ইসলাম একাকী উপ-ভোগ করিত। দেশের লোক কেবল বিস্মিত নেত্রে ইসলামের অভ্রভেদী মসজিদ-চূড়ার গঠনকৌশলের প্রশংসা করিয়া, ইসলামের ক্রীতদাস হইয়াই মানবজীবন চরিতার্থ করিত!

খৃষ্টীয় দ্বাদশ শতাব্দীর প্রারম্ভে এই অল্পবয়স্ক মানবসমাজ সহসা সমুন্নতিলাভের উপায় প্রাপ্ত হইল। ইসলামই তাহার পরোক্ষ কারণ। ইসলাম বিবিধ বিড়ালয়ে জ্ঞানবিস্তারকার্য্যে ব্যাপ্ত হইয়া, খৃষ্টান ইউরোপকে মুসলমান ধর্ম্মের আশ্রয়দানের চেষ্টা করায়, সমগ্র ইউরোপে এক অজ্ঞাতপূর্ব্ব ধর্ম্মান্ধ সমর-পিপাসা প্রবল হইয়া উঠিয়াছিল। খৃষ্টান ইউরোপের যে দেশ যত নিরক্ষর, সেই দেশ তত নরশোণিতলোলুপ হইয়া, অশান্তহৃদয়ে মুসলমানের কণ্ঠচ্ছেদ করিবার জন্ত উন্মত্ত হইয়া উঠিল! খৃষ্টধর্ম্মের বিমল শান্তিপিপাসা তিরোহিত হইয়া গেল। জনসমাজ রাজ্য চাহিল না, বাণিজ্য চাহিল না, সম্ভোগ চাহিল না, ঐশ্বর্য্য লালসায় অশান্ত হইল না;—চাহিল কেবল ক্ষমাশূন্য সীমাশূন্য দয়াশূন্য অগণ্য ধর্ম্মযুদ্ধ। এই যুদ্ধোন্মাদ জলে স্থলে ব্যাপ্ত হইয়া পড়িল। ইহাতেই পর্তুগাল মুসলমান-শাসন উৎখাত করিয়া, বাহুবলে স্বাধীন হইয়া উঠিল।

স্বাধীন শক্তি উভয় হস্তে সম্মুখের অন্ধকার ঠেলিয়া, দৃঢ়পদে উন্নতি-সোপানে আরোহণ করিতে শিক্ষালাভ করিল। ত্রয়োদশ শতাব্দীর মধ্যভাগে পর্তুগাল সম্পূর্ণরূপে মুসলমান-শাসন-পাশ বিচ্ছিন্ন করিয়া, আলফন্সো নামধেয় তৃতীয় নরপালকে সিংহাসনে সংস্থাপিত করিল। শান্তি প্রত্যাবর্ত্তন করিল; সমৃদ্ধি করতলগত হইল; যে দেশ রোমক-সাম্রাজ্যের নিতান্ত নগণ্য প্রদেশ বলিয়া উপেক্ষিত হইত, তাহাই ইউরোপের প্রধান রাজ্যরূপে পরিচিত হইল। পর্তুগালের ইতিহাসের এই অতিনব অভ্যুদয়-যুগের বিস্তৃত কাহিনী নানা ভাষায় লিপিবদ্ধ হইয়া সভ্যসমাজে সুপরিচিত হইয়াছে।

বাহারা বাহুবলে মুসলমান-শক্তি প্রতিহত করিয়া পর্তুগালকে স্বাধীন করিয়া তুলিয়াছিলেন, তাহার ধর্ম্মবীর নামে সুপরিচিত। খৃষ্টান সমাজপতি ধর্ম্মাচার্য্য পোপ খৃষ্টধর্ম্মের কল্যাণকামনায় নবোদগত ইস্-

ধাম শক্তির বিরুদ্ধে ধর্মযুদ্ধ ঘোষণা করিয়া, স্বধর্মনিষ্ঠ খৃষ্টানগণকে নিয়ত উত্তেজিত করিতেন। তাহাতে ইউরোপের সকল দেশেই বহুসংখ্যক ধর্মবীর মুসলমানের সহিত সমর-কলহে লিপ্ত হইয়াছিলেন। তাঁহারা নানা দেশ হইতে নানা পথে খৃষ্টজন্মভূমির উদ্ধারসাধনার্থ সমরক্ষেত্রে মিলিত হইবার জন্ত যখন যুদ্ধযাত্রা করিতেন, বা যুদ্ধান্তে স্বদেশে প্রত্যা-বর্তন করিতেন, তখন ইউরোপীয় জনসমাজ তাঁহাদিগকে ধর্মবীর-রূপেই পূজা করিতে ধাবিত হইত। এই সকল ধর্মবীরদিগের মধ্যে পর্তুগালের ধর্মবীরগণ বিশেষ সমরনৈপুণ্য লাভ করিয়া, ইউরোপের সকল দেশেই বিখ্যাত হইয়া উঠিয়াছিলেন। তাঁহাদিগের ইসলাম-বিদ্বেষ সর্বাপেক্ষা প্রবল হইয়াছিল; কারণ, তাঁহাদের ধর্মোন্মাদ স্বদেশপ্রেমিতার সহিত জড়িত হইয়া গিয়াছিল। যেখানে মুসলমান, সেইখানেই পর্তুগালের ধর্মবীরগণ অসিহস্তে ধাবিত হইবার জন্ত লালায়িত; মুসলমান-নিপাত-সাধনই যেন তাঁহাদিগের ধর্মজীবনের সর্ব্বাধায মূলমন্ত্র হইয়া উঠিয়াছিল! তাঁহাদের ধর্মোন্মাদের পুরাকাহিনীর কীর্তন করিতে হইলে, আধুনিক ইতিহাসলেখকবর্গও ইহার উল্লেখ করিয়া থাকেন।\* পর্তুগালের স্বদেশ-বৎসল সুবিখ্যাত ইতিহাস-লেখক পর্তুগালের রাজ্যস্থাপন ও রাজ্যবিস্তারের মূল কারণ বিবৃত করিবার সময়ে স্পষ্টাক্ষরেই লিখিয়া গিয়াছেন,— “যাঁহারা ধর্মার্থ আত্মোৎসর্গ করিয়াছিলেন, তাঁহাদিগের পবিত্র শোণিতেই রাজ্যস্থাপন ও রাজ্যবিস্তার সুসম্পন্ন হইয়াছিল।”† মুসলমান-

\*In the stern school of adversity the latent energies of the race had been gradually developed. Religion, or rather religious fanaticism was the inspiring principle, the very main-spring of every movement, of every heroic exploit. Their wars were rather *Crusades* than patriotic struggles. They fought the Moor rather as an enemy to the faith, than as the invader of their country.—*Portuguese Discoveries by Rev. Alex. J. D. D'Orsey, B. D.*

† “The Kingdom was founded in the blood of Martyrs and by Martyrs was spread over the globe.”—*De Barros.*

বিজয় সুসম্পন্ন হইলেও, এই ধর্মোন্মাদ সহসা বিলুপ্ত হইতে পারে নাই। নিকটের মুসলমান বিজিত হইলে, দূরের মুসলমানকে জয় করিবার জন্ত, এবং মুসলমানের অনধিকৃত রাজ্যে খৃষ্টধর্মের সুসমাচার প্রচার করিবার জন্ত, বহুকাল পর্য্যন্ত প্রবল উৎসাহ প্রকাশিত হইয়াছিল। রাজা প্রজা সকলেই তাহার জন্ত অর্থ দান করিতেন; বীরপুরুষগণ আহুত হইবামাত্র ধর্মযুদ্ধে জীবন-বিসর্জন করিবার জন্ত সগর্বে ধাবিত হইতেন; কখন বা নিতান্ত তুচ্ছ কারণে যুদ্ধকলহের সৃষ্টি করিয়া, জীবনমুক্তিলাভের সহজ পথ প্রস্তুত করিবার জন্ত ব্যাকুলতা-প্রদর্শন করিতেন।

তৎকালে স্পেন-পর্তুগালের অপর পারে আফ্রিকার উপকূলে মুসল-মানরাজ্য প্রতিষ্ঠিত ছিল। ভূমধ্যসাগরেও মুসলমান-রণতরণী জলপথে আধিপত্য বিস্তার করিত। মুসলমান-বিদ্বেষ যেমন স্থলপথে ধর্মযুদ্ধে জীবন-বিসর্জন করিবার জন্ত ইউরোপকে উত্তেজিত করিয়াছিল, সেইরূপ জলপথেও রণতরণী সজ্জীভূত করিবার প্রয়োজন প্রকাশিত করিয়াছিল। পর্তুগাল অল্পদিনের মধ্যে জলপথেও প্রবল হইবার জন্ত ব্যাকুল হইয়া উঠিল। খৃষ্টীয় ত্রয়োদশ শতাব্দীর শেষভাগে পর্তু-গালের প্রথম রণতরণী নির্মিত হইল। ইউরোপীয় জনপদনিচয়ের মধ্যে নিতান্ত ক্ষুদ্র হইয়াও, পর্তুগাল এইরূপে বৃহৎ বিজয় গৌরব-লাভের যোগ্য হইয়া উঠিতে লাগিল।

ইংরাজ ইতিহাসলেখকগণ পর্তুগালের এই অসাধারণ কৃতিত্বলাভের ইতিহাস অধ্যয়ন করিয়া, তাহার মূলে ইংলণ্ডের প্রভাব থাকা ব্যক্ত করিবার জন্ত, নানা ঐতিহাসিক কারণ-পরম্পরার উল্লেখ করিতে প্রবৃত্ত হইয়াছেন। ইংলণ্ডের ধর্মবীরগণ কখন কখন পৃথিমধ্যে বিশ্রাম-লাভার্থ কিছুক্ষণের জন্ত পর্তুগালে অবতীর্ণ হইতেন; তাঁহারা কখন বা ধর্মুর্দগহস্তে পর্তুগালের প্রজাবৃন্দের পক্ষাবলম্বন করিয়া, মুসলমানের

সহিত যুদ্ধ করিতেন ; রাজকুমার হেনরীর জননী ইংলণ্ডের রাজবংশে জন্মগ্রহণ করিয়াছিলেন ;—এই সকল পুরাতত্ত্বের উল্লেখে পর্তুগালের অভ্যুদয়ের মূলে ইংলণ্ডের প্রবল প্রভাব আবিষ্কার করিবার জন্য যাহারা ইতিহাস রচনা করিতেছেন, তাহারা ইংরাজ । ইহাতে তাহাদের স্বদেশ-প্রীতি অভিযুক্ত হইলেও, ঐতিহাসিক বিচার-বুদ্ধির প্রার্থ্যা অভিযুক্ত হইতেছে বলিয়া বোধ হয় না । \*

পর্তুগাল ক্ষুদ্র হইলেও, তাহার ক্ষুদ্রতার মধ্যেই প্রবল শক্তি-বীজ গুপ্তভাবে বর্তমান ছিল । ইউরোপের অগ্রান্ত প্রদেশে কেবল ধর্ম্মোন্মাদ প্রবল হইয়া উঠিয়াছিল ; পর্তুগালের ধর্ম্মোন্মাদের সহিত স্বদেশ-প্রীতিও মিলিত হইয়াছিল । পর্তুগালের স্বদেশ-বৎসল ইতিহাস-লেখকের মতে ধর্ম্মবীরগণের আয়োৎসর্গই পর্তুগালের অভ্যুদয়ের ঐতিহাসিক মূল-সূত্র । তাহা কেবল অপরাজিত অধ্যবসায়ের বিজয়-কাহিনী । পর্তুগালের আধুনিক অভ্যুদয়-কাহিনী যত সংক্ষেপে ও সরলভাবে কীর্তিত হইয়া আসিতেছে, প্রকৃত অভ্যুদয় তত সংক্ষেপে বা সরলভাবে সাধিত হইতে পারে নাই । তাহার জন্য আলফন্সো নামধেয় তিন জন নরপতি দীর্ঘকাল কেবল পূর্ব-সূচনার সূত্রপাত করিয়াই জীবন-বিসর্জন করিয়াছিলেন । সাল্কো ও ডিনিজ নামধেয় নরপালদ্বয়ের শাসন-কাল কৃষি-শিল্পবাণিজ্যের সমুন্নতিসাধন-চেষ্টায় অতিবাহিত হইয়া গিয়াছিল । চতুর্থ

\* The English alliance formed the key-stone of the policy of John the Great. The friendship of Portugal and England had, indeed, been of slow and solid growth. Towards the close of the twelfth century a body of London crusaders halted on their way to the Holy Land to help the Portuguese against the Moors. The end of the thirteenth and beginning of the fourteenth centuries found King Diniz "The Labourer" in close correspondence with our Edwards I. and II., &c., &c.—*Sir W. Hunter's History of British India, vol. I. 58,*



আল্ফন্সো নামধেয় নরপালকে স্পেন-পর্তুগালের গ্লকলহ শাস্ত করিতেই ব্যতিব্যস্ত হইয়া জীবনক্ষয় করিতে হইয়াছিল। এই সকল বাধা-বিঘ্ন দূর হইলেও, পর্তুগালের অভ্যাদয়-পথে আরও অনেক প্রবল বিঘ্ন-বাধা বর্তমান ছিল। ধর্ম্মাচার্যগণ ধর্ম্মযুদ্ধার্থ উৎসাহদান করিতেন; সামন্তগণ উৎসাহে উদ্দীপ্ত হইয়া, ধর্ম্মার্থ জীবনবিসর্জন করিতেন;— এই উভয় শক্তির উপর নির্ভর করিয়াই, নরপতি সিংহাসনে উপবিষ্ট হইয়াছিলেন। ইহারা রাজশক্তিকে গ্রাহ্য করিতে অসম্মত হইয়া, পর্তুগালে যে গৃহবিবাদে স্বত্বপাত করেন, তাহাতেই পর্তুগালের সকল আশা আকাশ-কুসুমের পরিণত হইত। পতিত জাতির অভ্যাদয়লাভের পথে বাহ্য কিছু বিঘ্ন বাধা বর্তমান থাকিতে পারে, পর্তুগালের পক্ষে তাহার অভাব ছিল না। কে কাহাকে মানিতে চাহিত? মুসলমান-বিদ্বেষ কেবল ধর্ম্মযুদ্ধকালেই সকল পক্ষকে সাধারণ উদ্দেশ্যসিদ্ধির জন্ত এক পথে পরিচালিত করিত। সে উদ্দেশ্য সিদ্ধ হইবার পর, সকলে স্ব স্ব-প্রধান হইয়া, সর্ব্বাংশে রাজশক্তির অবমাননা করিতে ক্রটি করিতেন না। খৃষ্টীয় ১৩৮৬ অব্দে আলজুবারোটায় সমর-ক্ষেত্রে রাজশক্তি জয়-যুক্ত হইয়া, পর্তুগালের অভ্যাদয়লাভের পথ পরিষ্কৃত করিয়া দিল। পর্তুগালের ইতিহাস-বিখ্যাত জন-দি-গ্রেট এইরূপে রাজসিংহাসনের মর্যাদা-সংস্থাপনে কৃতকার্য না হইলে, পর্তুগালের ইতিহাস জগদ্বিখ্যাত হইবার সুযোগ প্রাপ্ত হইত না।\*

জন-দি-গ্রেট যথার্থ ই চিরস্মরণীয় হইবার যোগ্য। তাঁহার স্মৃতিশাসন কিঞ্চিদূর অর্দ্ধশতাব্দীকাল পর্তুগালকে ভূমণ্ডলের সকল প্রদেশেই সু-

---

\* Yet all the efforts of the Kings, though occasionally successful, failed to curb the turbulence of the feudatories till the battle of Aljubarrota in 1385, gained by John I. over the rebels, effectually, crushed insubordination, and restored the dignity of the Crown—*Dialogos-de-vvria-Historia.*

পরিচিত করিয়া তুলিয়াছিল। এই নরপতি ১৩৮৫ হইতে ১৪৩৩ খৃষ্টাব্দ পর্য্যন্ত পর্তুগালের রাজসিংহাসন অলঙ্কৃত করিয়াছিলেন। তিনি যখন সিংহাসনে পদার্পণ করেন, তখন তাঁহার তরুণ জীবন। তখন ইংলণ্ড-ধ্বংস তৃতীয় এডওয়ার্ডের সুযোগ্য পুত্র জন্-অব্-ঘণ্ট ইউরোপে সুপরিচিত হইয়াছিলেন। তিনি স্পেনদেশের রাজকুমারীর পাণিগ্রহণ করিলেও, স্পেন-পর্তুগালের গৃহকলহে পর্তুগালের পক্ষাবলম্বী হইয়াছিলেন। সে কলহের অবসানে জন-দি-গ্রেট পর্তুগালের সিংহাসনে আরোহণ করিলে, জন্-অব্-ঘণ্টের হুহিতার সহিত তাঁহার পরিণয়-সম্বন্ধ সংস্থাপিত হইয়াছিল। ইংলণ্ডীয় রাজকুমার ১৩৮৬ খৃষ্টাব্দে হুহিতৃদ্বয় সমভিব্যাহারে পর্তুগালে উপনীত হইয়া, কতাদানের জ্ঞাত ব্যস্ত হইয়া উঠিয়াছিলেন। স্পেন-পর্তুগালের অধীশ্বরদ্বয় তাঁহার জামাতৃদ্বয় বলিয়া মনোনীত হইবামাত্র, গুণবিবাহ সুসম্পন্ন হইয়া গেল। এই বিবাহ-স্বত্রে স্পেন-পর্তুগালের গৃহকলহের পুরাতন সূত্র ছিন্ন হইয়া গেল। যে ব্রটনরাজকুমারী পর্তুগালের রাজমহিষী হইলেন, তাঁহার নাম ফিলিপা। তিনি রূপে ও গুণে রাজলক্ষ্মী বলিয়াই ইতিহাসে উল্লিখিত। তাঁহার ধর্মজীবন আড়-স্বরশূন্য আত্মত্যাগের জ্ঞানই সুবিখ্যাত। তিনি রাজমহিষী হইয়াও ব্রহ্মচারিণীর ছায় নিয়ত ধর্মকর্মেই জীবন-যাপন করিতেন। ইতিহাস-বিখ্যাত রাজকুমার হেনরী ঈহারই পঞ্চম পুত্র। তিনি সর্বোৎকর্ষে জননীর ধর্মজীবনের আত্মত্যাগপ্রবৃত্তির উত্তরাধিকারী হইয়া, তরুণজীবনে চিরকুমারত্ব গ্রহণ করিয়া, স্বদেশের ও স্বধর্মের সেবায় সম্পূর্ণরূপে আত্মোৎসর্গ করিয়াছিলেন। ইহাই আধুনিক ইউরোপের নবজীবন-দাতার জন্মের ও বাল্যকাহিনীর সংক্ষিপ্ত ইতিহাস।

## ষষ্ঠ পরিচ্ছেদ

### অসাধারণ আত্মত্যাগ

The institution of chivalry, one which has so much elevated human nature,—that love of glory instead of mere country,—that spirit purified from contamination of surrounding barbarism,—appeared upon the banks of the *Tagus*, with all the splendour which had characterised its origin in France and England.—*Portuguese Discoveries*

অসাধারণ আত্মত্যাগই মানবসমাজের অভ্যুদয় লাভের মূল কারণ বলিয়া ইতিহাসে সুপরিচিত। সম্ভোগ মানবসমাজকে স্বার্থপর করিয়া, অভ্যুদয় লাভের পথ সংকীর্ণ করিয়া রাখে। স্বার্থচিন্তা প্রবল হইলে, প্রধান পুরুষগণকেও স্বদেশদ্রোহে লিপ্ত করিয়া, অধঃপতনের সূত্রপাত করে।

পৰ্তুগাল যখন মুসলমান-শাসন উৎখাত করিয়া, স্বাধীনতালাভের আয়োজন করিতে প্রবৃত্ত হইয়াছিল, সে সময় ইউরোপের নবজীবন-লাভের প্রথম প্রভাত বলিয়া উল্লিখিত হইতে পারে। তখনও মধ্যযুগের অজ্ঞানতার অন্ধকার সম্পূর্ণরূপে তিরোহিত হয় নাই,—তখনও স্বার্থ ছাড়িয়া পরার্থ-চিন্তার জন্ম নূতন আকাজক্ষা ভাল করিয়া আত্মপ্রকাশ করিতে প্রবৃত্ত হয় নাই। তথাপি আশার তরুণ কিরণে দিগ্বলয় ধীরে ধীরে উদ্ভাসিত হইয়া উঠিতেছিল। স্বদেশ অপেক্ষা স্বকীর্তি যেন অধিক প্রতাপে মানবসমাজে কর্তব্যনিষ্ঠার নূতন শিক্ষা প্রচারিত করিবার জন্ম ব্যস্ত হইয়া উঠিতেছিল। যেখানে অত্যাচার, সেখানেই জনসাধারণ তাহার বিরুদ্ধে সশস্ত্রে দণ্ডায়মান ;—প্রতিকারকামনায় জীবনবিসৰ্জন করিতে প্রস্তুত,—প্রয়োজন হইলে, দলে দলে পতঙ্গবৎ অনলশিখায় আত্মোৎসর্গ করিতে লালায়িত !

এই শিক্ষা একদিকে অকুতোভয়তায়, অত্রদিকে অকৃত্রিম গৌরব-লালসায়, ইউরোপীয় জনসমাজকে অসাধারণ আত্মত্যাগ স্বীকার করিবার জ্ঞাত প্রস্তুত করিয়া তুলিয়াছিল। রাজকুমার হেনরী এই যুগে জন্মগ্রহণ করিয়া, শৈশবেই অধ্যবসায়শীল, কর্তব্যনিষ্ঠ বীরবালক বলিয়া পরিচিত হইয়াছিলেন। সেকালের ধর্মোন্মাদ তাঁহাকেও উন্মত্ত করিয়া তুলিয়াছিল। মুসলমান-বিদ্বেষ তাঁহার তরুণ হৃদয়েও জিগীষার জন্মদান করিয়া, খৃষ্টধর্মপ্রচার-কার্য্যে উত্তেজনা উপস্থিত করিয়াছিল।

সেকালের লোকচরিত্রের নিগূঢ় রহস্য ভেদ করিয়া, সেকালের এই সকল বিমিশ্র চিত্তবৃত্তির কথা স্মরণ রাখা আবশ্যক। যে কেহ ধর্ম-রাজ্যসংস্থাপন-কাননায় আত্মোৎসর্গে অগ্রসর হইত, সে কেবল সন্ন্যাসী হইয়া, একগণ্ডে চপেটাঘাত সহ করিয়া, অত্র গণ্ড ফিরাইয়া দিয়া, খৃষ্ট-ধর্মের মর্যাদা রক্ষা করিতে সক্ষম হইত না; বরং অনেক সময়ে স্বয়ং অগ্রবর্তী হইয়া, অপরের গণ্ডে অকারণে চপেটাঘাত করিয়া, ঔদ্ধত্য প্রকাশিত করিতেও লজ্জিত হইত না! যে কেহ বিষয়সুখে জলাঞ্জলি দিয়া, সন্ন্যাসীর কঠোর তপস্যায় খৃষ্টান-সমাজের সেবাত্রত গ্রহণ করিত, সে কেবল ভিক্ষালব্ধ তিল-তণ্ডুল লইয়া তৃপ্তিলাভ করিত না;—সময় বা সুযোগ প্রাপ্ত হইবামাত্র পরম্পরহরণেও কুন্তিত হইত না! উদ্দেশ্য ভাল হইলেই হইল; কিরূপে সে উদ্দেশ্য সফল করিতে হইবে, তাহার বিচার-বিতণ্ডার প্রয়োজন উপস্থিত হইত না;—বাহুবল তাহার মীমাংসাভার গ্রহণ করিয়া, খৃষ্টানসমাজকে চিন্তামুক্ত করিত। এই ধর্মনীতি এসিয়ার শাস্ত্রশীতল খৃষ্টধর্ম-নীতি হইতে পৃথক হইয়া পড়িয়াছিল।

হেনরী যখন ধাত্রীকোড়ে,—শৈশবক্ৰীড়ায় অবসরশূন্য,—হেনরীর জন্মভূমি তখন মুসলমান-বিজয়ের নুতন পথে দণ্ডায়মান। মুসলমানগণ

পৰ্তুগাল হইতে তাড়িত হইয়া, আফ্রিকার উত্তরপশ্চিমাঞ্চলে সমুদ্রোপ-  
কূলে রাজ্যভোগ করিতেন। অশান্ত পৰ্তুগাল সেখানে উপনীত হইয়াও  
মুসলমান-রাজ্য বিধ্বস্ত করিবার জন্য লালায়িত হইয়া উঠিয়াছিল। এই  
কার্য্য ধর্ম্মসঙ্গত বলিয়া, খৃষ্টান ইউরোপ, জয়ধ্বনি করিয়া, পৰ্তুগালকে  
নিরন্তর উৎসাহদান করিতে প্রবৃত্ত হইয়াছিল। ইংলণ্ডের ধর্ম্মধ্বংসগণ  
ইংলণ্ডাধিপতির জামাতার সমরবিজয়ের সহচর হইবার জন্য, সগর্বে  
আশ্বালন করিয়া উঠিয়াছিলেন।

আয়োজনের ক্রটি হইল না ;—জীবন-বিসর্জনের অবধি রহিল না ;—  
আত্মত্যাগের পুণ্যকীর্তিতে খৃষ্টান-সমাজের ধর্ম্মোন্মাদ শতগুণে বর্দ্ধিত  
হইতে লাগিল ;—তথাপি মুসলমানশক্তি সহসা পিপীলিকার তায় পদ-  
বিদলিত হইতে সম্মত হইল না। মুসলমানগণ অত্যন্ত কিউটা-ভূর্গের  
আশ্রয় গ্রহণ করিয়া, অসিহস্তে আত্মরক্ষার জন্য বীরদর্পে দণ্ডায়মান হইল।  
তাহাদের উপর সমুদ্রতরঙ্গের তায় শত্রুসেনাতরঙ্গ প্রবল গর্জনে পুনঃ  
পুনঃ আশ্বালন করিয়া, আঘাত করিতে লাগিল ;—তথাপি মুসলমানগণ  
বিচলিত হইল না ! পঞ্চদশ শতাব্দীর প্রারম্ভে এই সকল শক্তিপরীক্ষায়  
পৰ্তুগালের দিগ্বিজয়-লালসা উত্তরোত্তর প্রবল হইয়া উঠিল।

রাজকুমার হেনরী অষ্টাদশ বর্ষে পদার্পণ করিতে না করিতেই, সেনা-  
নায়ক হইয়া, মুসলমান-বিজয়ের জন্য আফ্রিকার সমুদ্রোপকূলে প্রেরিত  
হইলেন। হেনরী বিজয়লাভ করিলেন। যে মুসলমান ভূর্গ এতকাল  
অত্যন্ত বলিয়া সুপরিচিত ছিল, তাহা অবরুদ্ধ হইল। মুসলমানের শেষ  
আশ্রয়স্থল অধিকার করিবার আশায়, হেনরী অসাধ্যসাধনে কৃতসংকল্প  
হইলেন। তাহার চরিতাখ্যায়ক এই ভূর্গজয়-কাহিনার বর্ণনা করিবার  
সময়ে, হেনরীর অসাধারণ আত্মত্যাগের কথা পুনঃপুনঃ কীর্তন করিয়া  
গিয়াছেন। সে দিন মুসলমান-সেনা প্রাণপণে আত্মরক্ষার চেষ্টা করিয়া-  
ছিল। তাহাদের প্রবল প্রতাপে খৃষ্টান-সেনা পুনঃপুনঃ ভূর্গমূল হইতে

ভাঙিত হইয়াছিল। কেবল একজন খৃষ্টান সেনানায়ক দৃঢ়পদে দণ্ডায়মান থাকিয়া, অকুতোভয়তার প্রতিমূর্তিরূপে প্রতিভাত হইয়াছিলেন। সেই খৃষ্টান সেনানায়ক স্বয়ং রাজকুমার হেনরী।

দুর্গজয় সুসম্পন্ন হইলে, এই অলৌকিক বীরত্বকাহিনী সমগ্র ইউরোপথণ্ডে ব্যাপ্ত হইয়া পড়িল। পোপ,—জর্মন্ সম্রাট—স্পেনরাজ,—ইংলণ্ডাধিপতি—সকলেই রাজকুমার হেনরীকে আপন আপন রাজ্যের সেনাপতি করিবার আশায় তাঁহাকে পুনঃপুনঃ আমন্ত্রণ করিতে লাগিলেন। পৰ্তুগালের অবীশ্বরের পঞ্চম পুত্রের পক্ষে রাজসিংহাসনে আরোহণ করিবার সম্ভাবনা না থাকিলেও, সেনাপতি হইয়া অতুল ঐশ্বর্য এবং অলৌকিক বীরকীর্তি সম্ভোগ করিবার সম্ভাবনা উত্তরোত্তর প্রবল হইয়া উঠিয়াছিল। বীরকুমারীগণ নবীন সেনাপতিকে অভ্যর্থনা করিবার জন্ত বরমালা হস্তে হেনরীর প্রত্যাগমন-পথে প্রতীক্ষা করিতে গিয়া দেখিতে পাইলেন,—হেনরী এক অসাধারণ আত্মত্যাগে সমগ্র ইউরোপকে বিস্মিত করিয়া দিলেন। তিনি স্বদেশে প্রত্যাবৃত্ত হইয়া, চিরকুমার-ব্রত গ্রহণ করিয়া, সন্ন্যাসী হইলেন।

রাজকুমার হেনরীর এই অলৌকিক আত্মত্যাগ ইউরোপের ইতিহাসে উজ্জল অক্ষরে লিখিত হইয়া রহিয়াছে। ইহা অসাধারণ সন্ন্যাসকাহিনী। স্বদেশের অভ্যুদয়কামনাই ইহার একমাত্র মূলমন্ত্র। কিরূপে স্বদেশের মুখ উজ্জল করিয়া তুলিবেন, কিরূপে স্বদেশের পদমর্যাদা বিশ্বব্যাপ্ত করিবেন, কিরূপে স্বদেশের ঐশ্বর্যগৰ্ব্ব স্ফীত করিয়া দিবেন, তাহার উপায় উদ্ভাবিত করিবার জন্ত,—সেই উপায় অবলম্বন করিয়া স্বদেশের অভ্যুদয় সাধনের জন্ত,—হেনরী সন্ন্যাস গ্রহণ করিয়াছিলেন! ইতিহাস একরূপ অকৃত্রিম আত্মত্যাগের মন্তকে চিরদিন পুষ্পবর্ণ করিয়া থাকে।

আফ্রিকার উত্তরপশ্চিমোপকূলের মুসলমান-রাজ্য দক্ষিণাংশের নানা

স্থান হইতে বাণিজ্য-ব্যাপারে ধনাহরণ করিত। হেনরী সন্ন্যাস গ্রহণ করিয়া, সেই সকল স্থানে যাতায়াতের জলপথ আবিষ্কৃত করিবার জন্ত বদ্ধপরিকর হইলেন। তাঁহার বাল্যশিক্ষা তাঁহাকে গণিত-বিজ্ঞানের অনুরক্ত করিয়া, তাঁহাকে এই কার্য্য সুসম্পন্ন করিবার সামর্থ্যদান করিয়াছিল। সন্ন্যাসী সে সামর্থ্য স্বদেশ-সেবায় উৎসর্গ করিয়া দিলেন। তিনি রাজকোষ হইতে যে বৃত্তি লাভ করিলেন, তাহা এই কার্য্যের সহায়তা সাধন করিল।

খৃষ্টধর্ম প্রচারিত হইবার পূর্বে ইউরোপের “ড্রইদ” — পুরোহিতগণ জনসাধারণের শ্রদ্ধা আকর্ষণ করিবার আশায় নানা অলৌকিক শক্তির পরিচয় প্রদান করিবার চেষ্টা করিতেন। অশিক্ষিত জনসাধারণ পুরোহিতবর্গের কোন কাহিনীতেই অনাস্থা প্রদর্শন করিত না। “সেন্টভিনসেন্ট” নামক পর্ব্বতগালের বিশ্ববিখ্যাত অন্তরীপ পুরোহিতগণের পবিত্র সাধনক্ষেত্র বলিয়া পরিচিত ছিল। তথায় তাঁহাদিগের মন্দিরে প্রতি রজনীতে দেবতাদিগের সমাগত হইবার কথা জনসাধারণ নিরতিশয় শ্রদ্ধার সহিত শ্রবণ করিত,—সর্বাস্তঃকরণে বিশ্বাস করিতে কুণ্ঠিত হইত না! খৃষ্টধর্ম প্রচারিত হইবার পরেও এই পুণ্যক্ষেত্র অলৌকিক শক্তীলাভের সাধনক্ষেত্র বলিয়া সুপরিচিত ছিল। সন্ন্যাস গ্রহণ করিবার পর, রাজকুমার হেনরী এই পুরাতন পুণ্যক্ষেত্রেই আশ্রম সংস্থাপিত করিলেন। কি উদ্দেশ্যে হেনরী এই স্থান মনোনীত করিয়াছিলেন, তাহা সহজেই অনুমিত হইতে পারে। \*

\* In days long past, there stood upon the sister head-land of St. Vincent, at about a league's distance, a circular Druidical temple, where, as Strabo tells us, the old Iberians beleived that the Gods assembled at night, and [from the ancient name of *Sacrum Promontorium*, hence given to the entire promontary by the Ramans, Cape Sagres received its modern appellation. As may be imagined the motive for the Prince's choice could not have been an ordinary one.—Major's “Prince Henry, the Navigator,” p2.

আটলান্টিক মহাসাগরের অনন্ত নীলাশু-কল্লোল আশ্রমনিবাসী নবীন সন্ন্যাসীর কর্ণপুটে নিয়ত প্রতিধ্বনিত হইয়া, তাঁহাকে নিরন্তর মহাসাগরের রহস্তভেদ করিবার জ্ঞাত উৎসাহযুক্ত করিত। তিনি আফ্রিকার পশ্চিমোপকূলের সন্ধানলাভার্থ জলযান নির্মাণে ব্যাপৃত হইয়া, অপরিজ্ঞাত সমুদ্রপথে পোতচালনা করিবার বৈজ্ঞানিক শিক্ষাবিস্তারের আয়োজন করিতে প্রবৃত্ত হইলেন।

অল্পকালের মধ্যেই এই পুণ্যাশ্রম নৌবিদ্যালোচনার প্রধান পাঠশালায় পরিণত হইল। ইউরোপের নানাস্থানের প্রবীণ নাবিকগণ তথায় উপনীত হইয়া, অভিনব জ্ঞানলাভে সুশিক্ষিত হইয়া উঠিতে লাগিল। হেনরী ধর্মবীর,—হেনরী সন্ন্যাসী,—হেনরী সুপরিচিত স্বদেশ-প্রেমিক। তাঁহার নিকট অভিনব জ্ঞান শিক্ষা করিতে কাহারও ইতস্ততঃ হইল না। পর্তুগালের জনসাধারণ এতদিনের পর সুদূর সমুদ্রপারের অজ্ঞাত রাজ্যের ধনাহরণ করিয়া সমৃদ্ধিলাভ করিবে,—চিরশত্রু মুসলমানকে পরাভূত করিয়া মুসলমানাধিকৃত বহুদেশে খৃষ্টধর্ম প্রচারিত করিবার অবসরলাভ করিবে,—এই আশার আলোকে পর্তুগালের রাজাপ্রজা সমভাবে প্রবৃত্ত হইয়া উঠিলেন। \*

তখন পর্য্যন্ত পর্তুগাল ভিন্ন অথ কোনও খৃষ্টান রাজ্যের পক্ষে এই সকল সুযোগ উপস্থিত হইতে পারে নাই। স্তত্রিং ক্ষুদ্র হইয়াও, পর্তুগাল এই দুষ্কর কার্যের পথ-প্রদর্শক হইবার অবসরলাভ করিয়াছিল।

\* The war-like character of the population, the long range of coast bordered by the unknown Atlantic, and the desire to avenge the thralldom under which their native land had groaned, inspired the Portuguese with a desire to carry the war into the enemy's country, and to subdue the territory of the infidel to the Faith of the Cross.—*Portuguese Discoveries*, by Lev. Alex. J. D, D' Orsey, B. D. p. 7-8.



অদম্য উৎসাহ,—অপরাজিত অধ্যবসায়,—অসাধারণ আত্মত্যাগ,—ইহা ভিন্ন হেনরীর অগ্র সম্বল অধিক ছিল না। যে সকল জলযান প্রচলিত ছিল, তাহা ক্ষুদ্রকায়;—কেবল ক্ষেপণিবলে পরিচালিত হইত। যে সকল নাবিক বহুদর্শী বলিয়া অহঙ্কার প্রকাশ করিত, তাহারা কেবল তট-সংলগ্ন সমুদ্রজলের উপকূলপথে পোতচালনায় সিদ্ধহস্ত;—ইহা ভিন্ন হেনরীর সম্মুখে অগ্র কোনও উপকরণ বর্তমান ছিল না। অবিজ্ঞাত নূতন দেশের আবিষ্কার-সাধনের জগ্ন সুদূর সমুদ্রপথে পোত-চালনা করিতে হইলে, দীর্ঘকালের জগ্ন অন্তর্জল সঞ্চিত করিতে হয়। সেকালের ক্ষুদ্র পোতে তাহার স্থান সংকুলন হইবার সম্ভাবনা ছিল না। কেবল পোতের আয়তন বর্দ্ধিত করিলে, তাহাকে ক্ষেপণিবলে চালিত করাও কঠিন হইয়া উঠিত। এই সকল বিঘ্নবাধা হেনরীর নিকট এক সময়ে অনতিক্রমণীয় বলিয়াই প্রতিভাত হইয়াছিল। তথাপি তাহার অধ্যবসায় অবসন্ন হয় নাই।

তিনি বায়ুবলে পোত-চালনা করিবার শিক্ষানান করিয়া, অর্থব্যয়নের আয়তন বর্দ্ধনের চেষ্টা করিতে প্রবৃত্ত হইলেন। সুদূর সমুদ্রপথে পোত-চালনা করিতে হইলে, সকল সময়ে উপকূল-ভূমির প্রতি লক্ষ্য রাখিয়া, দিগ্‌নির্ণয় করিবার উপায় থাকে না। কখন কখন অনন্ত মহাসমুদ্রে পতিত হইয়া দিগ্‌ভ্রান্ত হইতে হয়। হেনরী এই সকল অসুবিধা দূর করিবার জগ্ন যন্ত্রনির্মাণে ব্যাপৃত হইয়াছিলেন। একালের তুলনায় তাহা অসম্পূর্ণ ও অকিঞ্চিৎকর হইলেও, সেকালের নাবিকগণের পক্ষে তাহাই একমাত্র সহায় বলিয়া পরিচিত হইয়া উঠিয়াছিল।

এই সকল আয়োজন সুসম্পন্ন করিতে কত সময়, কত অর্থ, কত শ্রম ক্ষয়প্রাপ্ত হইতে লাগিল; কিন্তু হেনরী তাহাতে ধৈর্য্যচ্যুত হইলেন না! সিদ্ধিলাভ করিবার জগ্ন দীর্ঘকাল কত আয়োজন সম্পূর্ণ করিতে হইয়াছিল, তাহার বর্ণনা করিবার সময়ে কেহ কেহ লিখিয়া গিয়া-

ছেন,—হেনরীর জীবনের অধিকাংশ ভাগই এই কার্যে ক্ষয় প্রাপ্ত হইয়াছিল !

তাহাকে মান-মন্দির নিৰ্মিত করিতে হইয়াছিল,—নৌবিদ্যালয় সংস্থাপিত করিয়া, গণিত-বিজ্ঞানের শিক্ষাদানে সুদক্ষ নাবিকগণকে সুশিক্ষিত করিয়া তুলিতে হইয়াছিল।\* অসহিষ্ণু জনসাধারণ এত দীর্ঘকাল ধৈর্য্যধারণ করিয়া সিদ্ধিলাভের জন্ত অপেক্ষা করিতে পারে না ;—তাহারা বীজ বপন করিবামাত্র ফলভোগ করিবার জন্ত লালায়িত হইয়া থাকে। তাহারা হেনরীর অভিনব জলযানসমূহের বিবিধ দুর্দশার ও ব্যর্থ চেষ্টার সমাচার প্রাপ্ত হইয়া, তাহার বিপুল উদ্ভমকে উন্নততা, অবিমূষ্যকারিতা বলিয়া নিন্দা করিতে লাগিল। সন্ন্যাসী ঝঞ্ঝাতাড়নার ন্যায় জনসমাজের ভীত তাড়না অকাতরে সহ করিয়া, সাধনপথে অগ্রসর হইতে লাগিলেন।

সেকালে আফ্রিকার পশ্চিমোপকূলের অত্যন্ত অংশই খুষ্ঠানসমাজের নিকট সুপরিচিত ছিল। হেনরী যখন তদ্দেশে পোত প্রেরণের আয়োজন করেন, তখন জিব্রল্টারের দক্ষিণে অধিকদূর পোতচালনার সম্ভাবনা, থাকা নাবিকদিগের নিকট পরিচিত ছিল না। তাহারা জানিত,—জিব্রল্টারের দক্ষিণে ৮ ডিগ্রি পর্য্যন্ত গমনাগমন করা যায়। তাহার দক্ষিণে “বোজাডর অন্তরীপ”। সেই সীমাই শেষ সীমা।

---

\* On that barren spur of rocks and shifting sands, and stunted juniper, with the roar of the Ocean for ever in his ears, and the wide Atlantic before him inviting discovery from sunrise to sunset, he spent his remaining forty-two years, a man of one high aim, without wife or child. \* Amid its solitude he built the first observatory in Portugal, established a naval arsenal, and founded a school for navigation, marine mathematics and chart-making. Thither he invited the most skilful pilots and scientific sailors of Christendom, from Bruges near the North Sea to Genoa and Venice on the Medeterranean. Thence, too, he sent forth at brief intervals exploring expeditions into the unknown South :—expeditions often unfruitful, sometimes calamitous, even denounced as folly and waste.—Sir W. Hunter, *History of British India*, vol. I. pp. 62-63.

এই শেষ সীমা অতিক্রম করিয়া, জলপথে ভারতবর্ষে উপনীত হইবার আশায় ১২৯১ খৃষ্টাব্দে একদল জেনোয়া-নিবাসী সাহসী নাবিক সমুদ্র-যাত্রা করিয়াছিল। তাহারা আর স্বদেশে প্রত্যাবর্তন করিতে পারে নাই। তাহাদের সাহস বাতুলতা বলিয়া পরিচিত হইয়াছিল,—তাহা ইউরোপের কাব্যে ইতিহাসে অতিসাহস বলিয়াই নিন্দিত হইয়াছিল! হেনরী সেই পথেই পোত প্রেরণ করিতে কৃতসংকল্প হইয়াছিলেন। তিনি বুঝিয়াছিলেন,—প্রচলিত জনশ্রুতির অলৌকিক সংস্থাপিত করিতে না পারিলে, ভারতযাত্রা সফল হইবে না,—নাবিকগণ সাহস করিয়া অকূল সমুদ্রে অগ্রসর হইবে না।

পঞ্চদশ শতাব্দীর মধ্যভাগে হেনরীর সুশিক্ষিত নাবিকগণ “বোজাডর অন্তরীপ” অতিক্রম করিয়া স্বদেশে প্রত্যাবৃত্ত হইলে খৃষ্টান সমাজের ভ্রান্ত সংস্কার দূরীভূত হইয়া গেল। বিবৃ-রেখার নিকটবর্তী হইলে যে ভয়সাৎ হইবার আশঙ্কা নাই, সে কথা জনসমাজে ব্যাপ্ত হইয়া পড়িল। হেনরীর দীর্ঘ সাধনা সিদ্ধিলাভ করিল। ক্রমে দক্ষিণাভিমুখে অগ্রসর হইতে পারিলেই যে ভারতবর্ষের পথ আবিষ্কৃত হইবে, তাহাতে কাহারও সংশয় রহিল না। কিন্তু এই কার্য্য সুসম্পন্ন করিতে যত সময় অপেক্ষা করিবার প্রয়োজন, তত সময় সন্ন্যাসীর নখর দেহ ধরাধামে রহিল না। তাহার তিরোভাবে সমগ্র ইউরোপ হাহাকার করিয়া উঠিল। পুণ্যাশ্রমের সাগর-সৈকতের হ্রগ্ধারে হেনরীর অসাধারণ আত্মত্যাগের স্মৃতিচিহ্ন-স্বরূপ এক অতুল্য জয়স্তম্ভ এখনও মহাসাগর-কন্ডোলে স্তূয়মান হইয়া সন্ন্যাসীর সন্মান রক্ষা করিতেছে। তাহার ফলক-লিপিতে ১৪৬০ খৃষ্টাব্দ হেনরীর তিরোভাবকাল বলিয়া উল্লিখিত। \*

\* এ বিষয়ে ইতিহাস-লেখকদিগের মধ্যে মত-পার্থক্যের অভাব নাই। তাহার উল্লেখ না করিয়া স্মৃতিস্তম্ভে উল্লিখিত খৃষ্টাব্দকেই হেনরীর তিরোভাবকাল বলিয়া গ্রহণ করা যাইতে পারে।

## সপ্তম পরিচ্ছেদ

### উত্তমাশা-অন্তরীপ

So strangely were right and wrong compounded by these pioneers of so-called Chritianity, that the fifth part of the proceeds of the sale of human beings was granted to the Grand Master of the Order of Christ.—Portuguese Discoveries.

রাজকুমার হেনরীর সমসাময়িক গোমেজ-ইয়ানেজ-ডি-অহেরারা একজন সুনিপুণ ইতিহাস-লেখক বলিয়া সুপরিচিত। তিনি হেনরীর গুণমুগ্ধ স্বদেশভক্ত খুষ্টান লেখক। তাঁহার গ্রন্থে এই যুগের নানা রহস্য সুব্যক্ত হইয়া রহিয়াছে।

খৃষ্টধর্ম্মাচার্য্য পোপ (চতুর্থ ইউজিন্) এই সকল অভিনব আবিষ্কারবাহ্তা প্রাপ্ত হইয়া, হেনরীকে আফ্রিকা ও তাহার পূর্বাঞ্চলের সকল দেশের একাধিপত্য প্রদান করিয়াছিলেন। মুসলমান বাদশাহগণ আপন সেনাপতি ও অমাত্যবর্গের প্রতি প্রসন্ন হইয়া, তাঁহাদিগকে পৃথিবীর যে কোনও অংশ দান করিয়া ফেলিতেন। সে দেশ স্বাধীন বা অনধিকৃত হইলেও, দানের ব্যাঘাত ঘটত না। ভারতবর্ষ জয় করিবার পূর্বেই কুতবুদ্দিন “ভারত-সম্রাট্”-উপাধি প্রাপ্ত হইয়াছিলেন ;—বঙ্গদেশে উপনীত হইবার পূর্বেই বক্ত্রিয়ার ষিলিজি “সনন্দ” লাভ করিয়াছিলেন। এখনও ইংরেজ-সেনাপতি স্বাধীন কান্দাহারের অধিপতি বলিয়া উপাধি লাভ করিয়া থাকেন। সেকালে এইরূপেই হেনরী সমগ্র প্রাচ্যরাজ্যের আধিপত্য লাভ করিয়াছিলেন। তাঁহার তিরোভাবে পর্তুগালের অধিবাসিগণ সেই আধিপত্যের অধিকারী হইলে, তাঁহাদের ধনলিপ্সা প্রবল হইয়া উঠিয়াছিল। তাঁহারা যে কোন উপায়ে ধনান্বয়নের জন্য দেশ-

লুণ্ঠনে বহির্গত হইয়াছিলেন। সেকালের খৃষ্টধর্মপ্রচারকগণ ইহাকে অধর্ম বলিয়া মনে করিতে পারেন নাই।

আফ্রিকার পশ্চিমোপকূলের সন্ধান লাভ করিবামাত্র, পৰ্তুগালের ধর্মোন্মত্ত নাবিকদের অর্থোন্মাদ প্রবল হইয়া উঠিয়াছিল। তাহারা পণ্যদ্রব্যের সন্ধান না পাইয়া, তদ্দেশের কৃষ্ণকায় বর্ষরগণকে ছলে বলে ধৃত করিয়া, ক্রীতদাসরূপে বিক্রয় করিতে শিক্ষা করিয়াছিল। এইরূপে ইতিহাসবিখ্যাত “দাস-ব্যবসায়ের” সূত্রপাত হয়। এই ব্যবসায়ের লভ্যাংশের পঞ্চমভাগ রাজকুমার হেনরীর প্রাপ্য বলিয়া নির্দিষ্ট হইয়াছিল। তাঁহার সমসাময়িক লেখকবর্গ ইহার উল্লেখ করিবার সময়ে হেনরীর পক্ষসমর্থনের জ্ঞাত লিখিয়া গিয়াছেন,—“ইহাতে দোষ ছিল না ; ক্রীতদাসগণ খৃষ্টধর্মের আশ্রয়ে আনীত হইয়া, পরিত্রাণের সুসমাচার লাভ করিত ;—সে লাভের তুলনায় স্বাধীনতার ক্ষতি উল্লেখযোগ্য বলিয়া বিবেচিত হইতে পারে না।” একালেও এরূপ তর্কের অবসান হইয়াছে বলিয়া বোধ হয় না। অপহরণকে দানরূপে ব্যাখ্যা করিয়া, সেকালের লেখকবর্গ চিত্তপ্রসাদ লাভ করিতেন। উত্তরকালে ভারত-বর্ষে উপনীত হইয়াও, ফিরিজি বণিক্ এইরূপ দানমাহাত্ম্য কীর্তিত করিতে ক্রটি করেন নাই।

হিন্দু-মুসলমানের মধ্যেও পুরাকালে “দাস-ব্যবসায়” প্রচলিত ছিল। তাঁহারা তাহাকে ধর্মের আবরণে ঢাকিয়া রাখিবার চেষ্টা করিতেন না। খৃষ্টান সমাজ “দাসব্যবসায়”ে লিপ্ত হইবার সময়ে ধর্মের ভাণ করিয়া অর্থোপার্জনে ব্যাপ্ত হইয়াছিলেন। অল্পদিনের মধ্যেই ইহার ফল ফলিতে আরম্ভ করিল। ক্রীতদাসের হস্তে সর্বস্ব সমর্পণ করিয়া, পৰ্তুগীজগণ দিগ্বিজয়ে বহির্গত হইয়া, অর্থাহরণে নিযুক্ত হইলেন। ধর্মোন্মাদের সঙ্গে অর্থোন্মাদ মিলিত হইল ;—তাহাকে ধর্মানুমোদিত করিতে বাধ্য হইয়া, খৃষ্টধর্ম তাহার সমুচ্চশিখর হইতে অধঃপতিত হইতে আরম্ভ

করিল। সম্ভোগলালসা বিবর্দ্ধিত হইয়া, জনসমাজের চিত্তবিকার উৎপাদিত করিয়া দিল। অর্দ্ধশতাব্দী পূর্বে বাহারা আত্মত্যাগে ভুবন-বিখ্যাত হইয়া উঠিতেছিল, তাহারা দেখিতে না দেখিতে সম্ভোগের ক্রীতদাস হইয়া, জলে স্থলে রুদ্রমূর্তিতে বিচরণ করিতে আরম্ভ করিল।

এই সময়ে হেনরীর সুশিক্ষিত নাবিকগণ সমস্ত ইউরোপে সুপরিচিত হইয়া উঠিয়াছিলেন। তাঁহাদের জনৈক প্রধান পুরুষের কন্যার পাণি-গ্রহণ করিয়া, স্বনামখ্যাত কলম্বস গোপনে হেনরীর নৌবিদ্যালয়ের মান-চিত্রাদির সহিত সুপরিচিত হইয়া, পশ্চিমসমুদ্রপথে ভারতবর্ষে উপনীত হইবার জলপথ আবিষ্কৃত করিবার আশায় অশান্ত হইয়া উঠিয়াছিলেন। তাঁহার বিশ্বাস হইয়াছিল,—পশ্চিম সমুদ্রপারেই ভারতবর্ষ। ইহা জন-সমাজের নিকট বাতুলতা বলিয়াই প্রতিভাত হইল। কলম্বসের স্বেযোগ্য পুত্র ফার্দিনন্দ লিখিয়া গিয়াছেন,—পর্তুগালে অবস্থান করিবার সময়েই তাঁহার পিতার মনে এই সংকল্প উদ্ভূত হইয়াছিল।\*

মার্কো পোলো স্থলপথে পূর্বাভিমুখে অগ্রসর হইয়া, চীনদেশে আসিয়া সমুদ্রতীরে উপনীত হইয়াছিলেন। পর্তুগালে আসিয়া, স্থলভাগের শেষ এবং মহাসাগরের আরম্ভ লক্ষ্য করিয়া, কলম্বস ভাবিয়াছেন,—পর্তু-গাল হইতে পশ্চিমাভিমুখে অগ্রসর হইতে পারিলেই, প্রাচ্যরাজ্যে উপনীত হইতে পারিবেন। তিনি এই বিপদসঙ্কুল সমুদ্রযাত্রার জ্ঞাত কৃতসঙ্কল্প হইয়া, পর্তুগালের অধীশ্বরের শরণাগত হইয়াছিলেন। দ্বিতীয় জেম্‌স নামক নরপতি তখন পর্তুগালের রাজসিংহাসন অলঙ্কৃত করিতে-ছিলেন। তাঁহার অমাত্যবর্গ দীর্ঘস্থত্রী বলিয়া পরিচিত ছিলেন। তাঁহারা কলম্বসের প্রস্তাবকে বিজ্ঞানবিরুদ্ধ বাতুলতা বলিয়া প্রত্যাখ্যান

\* It was in Portugal that the Admiral began to surmise that if the Portuguese sailed so far South, one might also sail westwards, and find land in that direction.

করিলেন। নরপতি স্বয়ং কোনও অভিমত ব্যক্ত করিলেন না। তিনি তখন আফ্রিকার পথে ভারতবর্ষে উপনীত হইবার আশা প্রাপ্ত হইয়া, অত্র পথে অগ্রসর হইবার প্রয়োজন স্বীকার করিতে ইতস্ততঃ করিয়া, কালক্ষয় করিতে লাগিলেন। পশ্চিমসমুদ্রপথে অধিকদূর অগ্রসর হইবার সম্ভাবনা আছে কি না, গোপনে গোপনে তাহার অনুসন্ধানকার্য্যও আরম্ভ হইল। নাবিকগণ ঝঙ্কাবেগ সহ করিতে অসমর্থ হইয়া, পৰ্তুগালে প্রত্যাগমন করিতে লাগিলেন। কলম্বসও পৰ্তুগাল পরিত্যাগ করিয়া, স্পেন রাজ্যে গমন করিলেন। ১৪৯২ খৃষ্টাব্দে স্পেনরাজ্যের প্রতিনিধি-রূপে কলম্বস আমেরিকার আবিষ্কারকার্য্য সুসম্পন্ন করায়, তাহা ভারতবর্ষ নামেই সুপরিচিত হইল। ইহাতে পৰ্তুগালের জনসমাজ বিচলিত হইয়া উঠিল। আফ্রিকা অতিক্রম করিয়া ভারতবর্ষে উপনীত হইবার জলপথ শীঘ্র শীঘ্র আবিষ্কৃত না হইলে, ভারত-বাণিজ্য স্পেনরাজ্যের করতলগত হইবার আশঙ্কা প্রবল হইতে লাগিল।

আফ্রিকার কোনও এক নিভৃত প্রদেশে প্রেষ্ঠার জন নামক জনৈক খৃষ্টান নরপতি বর্তমান থাকিবার জনশ্রুতি ইউরোপে ব্যাপ্ত হইয়া পড়িয়াছিল। রাজকুমার হেনরী প্রেষ্ঠার জনের প্রাচ্যরাজ্যের সন্ধানলাভের চেষ্টা করিতে প্রবৃত্ত হইয়াছিলেন। সে চেষ্টা সফল হইবার পূর্বেই তাঁহার তিরোভাব হয়। পৰ্তুগালের জনসমাজ তাহার কথা অবগত ছিল। পৰ্তুগালের অধিপতিও এই সন্ধানকার্য্যের সহায় হইয়াছিলেন। এইরূপে জলস্থল উভয় পথেই ভারতযাত্রার আকাঙ্ক্ষা উদ্ভিক্ত করিয়া দিয়া, হেনরী তাঁহার জন্মভূমির কল্যাণসাধন করিয়া গিয়াছিলেন। তিনি দেখিয়া যাইতে পারেন নাই;—কিন্তু তিনিই ভারতবর্ষে উপনীত হইবার অভিনব জলবাণিজ্যপথের প্রকৃত আবিষ্কারকর্তা।

১৪৮৬ খৃষ্টাব্দে আগষ্ট মাসে বারথোলেমু ডায়া নামক নাবিক-বর দক্ষিণসমুদ্রপথে প্রেরিত হইয়াছিলেন। মিশরপথে অনুসন্ধান

কার্যে প্রস্তুত হইবার জন্য কোভিলহাম্ এবং পয়তা নামক দুইজন স্থলপর্য্যটকও বহির্গত হইয়াছিলেন। ডায়া যখন দক্ষিণ সাগরপথে পোতচালনা করেন, এই দুই স্থলপর্য্যটক তখন লোহিতসাগরতীরের এডেন বন্দরে উপনীত হইয়াছিলেন। কোভিলহাম্ তথা হইতে আরবীয় অর্ধবপোতে আরোহণ করিয়া ভারতযাত্রা করিলেন ;—তাঁহার সহচর, প্রেষ্ঠার জনের উদ্দেশে, আবিসিনিয়াভিমুখে প্রস্থান করিলেন।

কোভিলহাম্ ভারতবর্ষের পশ্চিমোপকূলের বিবিধ বন্দর পরিদর্শন করিয়া, তাহা হইতে আফ্রিকার পূর্বোপকূলের সোফালা বন্দরে উপনীত হইলেন। সোফালা হইতে মাদাগাস্কার দ্বীপ অতিক্রমণ করিয়া ভারত-বর্ষে আসিবার সুপরিচিত সমুদ্রপথ এইরূপে কোভিলহামের প্রত্যক্ষ-গোচর হয়। তিনি বুঝিলেন,—আফ্রিকার দক্ষিণ সীমা অতিক্রম করিয়া সোফালা বন্দরে উপনীত হইতে যাহা কিছু বিলম্ব ; নচেৎ ভারত-বর্ষের পথ আবিষ্কৃত হইয়া গিয়াছে! এই সুসমাচার বহন করিয়া কোভিলহাম্ স্বদেশে প্রত্যাবর্তন করিবার আশায় মিশরে আসিয়া সহচরের মৃত্যুসংবাদ প্রাপ্ত হইলেন! কোভিলহামের স্বদেশযাত্রা নিরস্ত হইয়া গেল। তিনি সমস্ত সমাচার লিপিবদ্ধ করিয়া স্বদেশে প্রেরণ করিলেন, এবং আবিসিনিয়া গমন করিবার জন্য পুনরায় পূর্বাভিমুখে ধাবিত হইলেন। কোভিলহাম্ আবিসিনিয়া-রাজ্যে বিবাহ করিয়া, তদ্দেশেই মানবলীলা সংবরণ করিয়াছিলেন। নচেৎ তিনি ইউরোপে উপনীত হইয়া, আবিষ্কর্তা নামে সুপরিচিত হইতে পারিতেন।

কোভিলহামের ভ্রমণকাহিনী ইউরোপে উপনীত হইবার পূর্বেই নাবিকবর ডায়া স্বদেশে প্রত্যাবৃত্ত হইলেন। তিনি অকুতোভয়ে দক্ষিণাভিমুখে পোতচালনা করিতে করিতে আফ্রিকার দক্ষিণসীমা-সংলগ্ন সমুদ্রপথে উপনীত হইয়া, প্রবলঝটিকায় বিপর্য্যস্ত হইয়াছিলেন। তাঁহার অর্ধবপোত সে ঝটিকাবেগ সহ করিতে না পারিয়া, বহুদূরে



চলিয়া গিয়াছিল। ঝটিকাশেষে নাবিকবর দেখিতে পাইলেন,—  
আফ্রিকার দক্ষিণসীমা অতিক্রম করিয়া তাঁহার অৰ্ণবপোত ভারতসাগরে  
উপনীত হইয়াছে! আনন্দের অবধি রহিল না। কিন্তু সে আনন্দ  
শীঘ্রই নিরানন্দে পর্য্যবসিত হইল। নাবিকগণ অশান্ত হইয়া উঠিল।  
অজ্ঞাত সমুদ্রপথে এতদূর অগ্রসর হইয়া, ঝটিকাবেগে সদলে নিহত  
হইতে হইতে পরিত্রাণ লাভ করিয়া, নাবিকগণ স্বদেশে প্রত্যাবর্তন  
করিবার জন্ত ব্যাকুল হইয়া উঠিল। অগত্যা ভারতবর্ষে উপনীত হই-  
বার আশায় জলাঞ্জলি দিয়া, ডায়া স্বদেশে প্রত্যাবর্তন করিতে বাধ্য  
হইলেন। তিনি আফ্রিকার দক্ষিণসীমায় ঝটিকাভাঙিত হইয়াছিলেন  
বলিয়া, তাহার “ঝটিকান্তরীপ” বলিয়া নামকরণ করিয়াছিলেন। সমস্ত  
বৃত্তান্ত অবগত হইয়া, পর্তুগালরাজ তাহাকে ভারতবাণিজ্যপথের প্রবেশ-  
দ্বার বলিয়া “উত্তমাশা-অন্তরীপ” নামে নামকরণ করিলেন।

কোভিলহামের ভ্রমণবৃত্তান্ত পর্তুগালে প্রচারিত হইবামাত্র জন-  
সমাজ জয়ধ্বনি করিয়া উঠিল। ভারতবর্ষে গমনাগমন করিবার জল-  
পথ যে সত্যসত্যই আবিষ্কৃত হইয়াছে, সে কথা স্বীকার করিতে আর  
কাহারও সংশয় রহিল না। কোভিলহামের ভ্রমণবৃত্তান্ত পথপ্রদর্শক  
হইল। তাহাতে লিখিত ছিল,—যে সকল অৰ্ণবপোত গিনিপ্রদেশে  
প্রেরিত হইয়া থাকে, তাহারা আফ্রিকার দক্ষিণসীমা অতিক্রম করিয়া,  
সোফালা-বন্দরে উপনীত হইতে পারিলেই, ভারতবর্ষের পথ আবিষ্কৃত  
হইতে বিলম্ব ঘটিবে না।

রাজকুমার হেনরীর অসাধারণ আত্মত্যাগ সফল হইল,—অকুতোভয়  
নাবিকবর্গের অপরাধিত অধ্যবসায় জয়যুক্ত হইল,—এসিয়ার ভাগ্য-  
বিপর্যায় সাধিত হইবার সূত্রপাত হইল। এই সকল কারণে “উত্তমাশা-  
অন্তরীপ” ইউরোপ-এসিয়ার ইতিহাসে সমভাবে চিরস্মরণীয় হইয়া  
রহিয়াছে।

## অষ্টম পরিচ্ছেদ

### ভারত-যাত্রা

The epic of Vasco Da Gama is an allegory of his nation's story in the East.—*Sir W. Hunter.*

ভারত-বাণিজ্যের অভিনব জলপথের সন্ধানলাভ করিবামাত্রই পর্তুগালের অধীশ্বর ভারত-যাত্রার আয়োজন করিবার অবসর প্রাপ্ত হইলেন না। তাঁহার শেষ জীবন নিরবচ্ছিন্ন রোগে-শোকে অতি-বাহিত হইয়া গেল।

সৌভাগ্যশালা ইমাহুয়েল, সিংহাসনে পদার্পণ করিয়াই, ভারত-যাত্রার আয়োজন করিতে প্রবৃত্ত হইলেন। কিন্তু সে সুদীর্ঘ সমুদ্র-যাত্রার সংকল্প তাঁহার প্রজাবর্গের হৃদয়ে নানারূপ অপূর্ণ আতঙ্ক উদ্বেলিত করিয়া তুলিল! তাহারা ইমাহুয়েলের অক্লান্ত অধ্যবসায়কে অশান্ত উন্মত্ততা বলিয়া ঘোষণা করিতে লাগিল।

জনসমাজ স্থিতিশীল। কখন কোন ক্ষণজন্মা মহাপুরুষ জনসমাজকে সম্মুখে অগ্রসর হইবার জন্ত উৎসাহদান করিলেও, লোকে সহসা তাহাতে আগ্রহ প্রকাশিত করে না। রাজকুমার হেনরী পর্তুগালের জনসমাজকে স্বদেশের ক্ষুদ্র সীমা অতিক্রম করিয়া, বিদেশে বৃহৎ বিজয়-গৌরবলাভের জন্ত পুনঃপুনঃ আহ্বান করিয়া গিয়াছিলেন। ইমাহুয়েল তাহার জন্ত সমুচিত আয়োজন করিতে প্রবৃত্ত হইয়া, জনসমাজের নিকট উৎসাহলাভ করিতে পারিলেন না।

কোথায় ভারতবর্ষ, আর কোথায় পর্তুগাল! ভারত-যাত্রাই যে সমগ্র পাশ্চাত্য জাতির বিবিধ সমুন্নতিলাভের প্রধান কারণ বলিয়া

ভবিষ্যতের ইতিহাসে চিরস্মরণীয় হইবে, পর্তুগালের অশিক্ষিত জনসমাজ তাহা বিশ্বাস করিতে পারিল না। তাহারা ইমানুয়েলের বাতুলতার কথাই চিন্তা করিতে লাগিল! এইরূপে ইমানুয়েলের রাজত্বের প্রথম বৎসর অতিবাহিত হইয়া গেল।

আফ্রিকা অতিক্রম করিয়া, ভারত-বাণিজ্যের জলপথের আবিষ্কার-সাধনের অধিকার একমাত্র পর্তুগালের উপরেই অর্পিত হইয়াছিল। তখনও পোপের শাসন লঙ্ঘন করিয়া, অথ কোনও খৃষ্টানসমাজের পক্ষে আফ্রিকার পথে ভারত-যাত্রায় প্রবৃত্ত হইবার সম্ভাবনা ছিল না। তাহারা আটলান্টিক অতিক্রম করিয়া, পৃথক পৃথক আবিষ্কার সাধনের জন্ত লালায়িত হইয়া উঠিয়াছিল। কলম্বুস তাহার পথ প্রদর্শন করায়, ইংলণ্ড সেই পথে ভারত-যাত্রা করিবার জন্ত ব্যাকুল হইয়া উঠিল। ১৪৯৭ খৃষ্টাব্দের মে মাসে অষ্টাদশ নাবিক সমভিব্যাহারে ইংলণ্ডের ইতিহাসবিখ্যাত নাবিকরাজ জন ক্যাবট সেই পথে ভারতবর্ষের সন্ধানে বহির্গত হইলেন। \*

আধুনিক ইতিহাসলেখকগণ পর্তুগালের জনসমাজকেই ভারত-যাত্রার প্রধান উত্তর-সাধক বলিয়া বর্ণনা করিয়া থাকেন। পর্তুগালের মহাকাব্য “লুসিয়াদ” পাঠ করিলে, তাহাতে আত্মস্থাপন করা যায় না। “লুসিয়াদ” কাব্য হইলেও, সেকালের জনসমাজের চিত্তবৃত্তির অকৃত্রিম ইতিহাস। তাহাতে দেখিতে পাওয়া যায়,—পর্তুগালের জনসমাজ যেন উর্দ্ধবাহ হইয়া ইমানুয়েলকে অভিষাপ দান করিয়াছিল!

\* মালাবার প্রদেশের সেন্টটমাস সম্প্রদায়ভুক্ত খৃষ্টান সমাজের কথা ইংলণ্ডে অপরিজ্ঞাত ছিল না। ৮৩৩ খৃষ্টাব্দে ইংলণ্ডেশ্বর অল্ফ্রেড সেন্ট টমাসের সমাধিমন্দিরে উপঢৌকন দ্রব্য প্রেরণ করিবার জন্ত এক রাজদূত প্রেরণ করিয়াছিলেন। জন ক্যাবট যখন পশ্চিম সমুদ্রপথে ভারতযাত্রা করেন, তখন “নিউ কাউণ্ডল্যাণ্ড” আবিষ্কৃত হয়;—ক্যাবট ভারতবর্ষ পর্য্যন্ত অগ্রসর হইতে পারেন নাই।

তথাপি ইমাহুয়েল অবিচলিত-হৃদয়ে সংকল্পসাধনে অগ্রসর হইয়া-  
ছিলেন। তাঁহার আদেশে “সান্ গাব্রিয়েল” এবং “সান্ রাফেল” নামক  
দুইখানি অর্ণবপোত সজ্জীভূত হইল। একালের তুলনায় তাহা নিতান্ত  
ক্ষুদ্র হইলেও, সেকালের তুলনায় তাহাই স্রুহং বলিয়া বিবেচিত  
হইয়াছিল। তাহার সহিত দ্রব্য-ভাণ্ডার বহন করিবার জন্ত আর  
দুইখানি ক্ষুদ্র পোত সংযুক্ত হইল।

১৪৯৭ খৃষ্টাব্দের ৮ই জুলাই শনিবার ইউরোপের ইতিহাসের একটি  
স্মরণীয় দিন। এই দিন টেগস্-নদীর তীরভূমি অপূর্ব শোভায় উৎফুল্ল  
হইয়া উঠিল। সমবেত জনসমূহের সম্মুখে সমুচিত সমারোহে রাজ্যাজ্ঞা  
বিষোষিত হইল। স্বদেশের পবিত্র তটতল চুম্বন করিয়া, ভাস্কো ডা  
গামা ১৬০ জন নাবিক লইয়া ভারত-যাত্রায় বহির্গত হইলেন।

ধর্ম্মযুদ্ধোন্মত্ত অশান্ত বীরপুরুষের উচ্ছৃঙ্খল হৃদয়বেগে অধীর হইয়াও  
ভাস্কো ডা গামা কাতর-হৃদয়ে বিশ্ববিধাতার কৃপা ভিক্ষা করিয়া  
রজনী অতিবাহিত করিয়াছিলেন। রাজকুমার হেনরী টেগস্-তীরে যে  
ধর্ম্ম-মন্দির নিশ্চিত করিয়া নাগরিকগণকে অজ্ঞাত সমুদ্রযাত্রায়  
উৎসাহদান করিতেন, সে দিন সেই পবিত্র মন্দিরের ঘণ্টানিনাদে  
জলস্থল মুখরিত হইয়া উঠিয়াছিল।

যাহারা এইরূপে ভারত-যাত্রায় বহির্গত হইল, তাহারা পূর্বেই পথের  
সন্ধান প্রাপ্ত হইয়াছিল। তাহারা জানিত,—আফ্রিকার পশ্চিম তট  
আশ্রয় করিয়া দক্ষিণাভিমুখে পোতচালনা করিলে, স্থলভাগের শেষ  
সীমায় উপনীত হইবে। সেই সীমা পূর্বেই আবিষ্কৃত, এবং “উত্তমাশা  
অন্তরীপ” নামে সুপরিচিত হইয়াছিল। অন্তরীপ অতিক্রম করিলেই  
ভারত-মহাসাগর। তাহাতে পতিত হইয়া, আফ্রিকার পূর্বতট আশ্রয়  
করিয়া, উত্তরান্তে কিয়দূর অগ্রসর হইতে পারিলেই, প্রাচ্য বাণিজ্য-  
পোতের চিরপরিচিত ভ্রমণপথ প্রকাশিত হইবে। কলম্বাসের সম্মুখে

এরূপ আশার আলোক পথপ্রদর্শকরূপে অগ্রসর হয় নাই। তাঁহার সমুদ্রযাত্রা চিরযাত্রা বলিয়াই প্রতিভাত হইয়াছিল। অশিক্ষিত জনসমাজ ভাক্কো ডা গামার সমুদ্র-যাত্রাকেও চিরযাত্রা মনে করিয়া শিহরিয়া উঠিয়াছিল।

বাণিজ্যপোতের সমাগমের অভাবে আফ্রিকার পশ্চিম তট সভ্য-সমাজে সুপরিচিত ছিল না। পূর্বতটের অধিকাংশ বন্দরেই ভারত-বাণিজ্যপোত গমনাগমন করিত। সুতরাং আফ্রিকার উত্তর-পূর্বাংশের সমুদ্রকূলের জনসমাজের নিকট ভারতবর্ষে গমনাগমন করিবার বাণিজ্য-পথ সুপরিচিত ছিল। তাহারা স্মরণাতীত পুরাকাল হইতে সেই পথে মালাবার উপকূলে গমনাগমন করিয়া ভারতবর্ষের সহিত সুপরিচিত হইয়াছিল। পূর্বে ভারতবর্ষ, উত্তরে পারসিক রাজ্য, পশ্চিমে আরব, মিশর ও আফ্রিকার পূর্বোপকূল,—এই স্থলবেষ্টিত লবণামুদ্রাধি নিয়ত পোতচালনকোলাহলে প্রতিধ্বনিত হইত।

যাহারা বাণিজ্য-সূত্রে ভারতবর্ষের পশ্চিমোপকূলের সহিত পরিচিত হইয়াছিল, তাহারা বাণিজ্যোপলক্ষে ভারতবর্ষে বাস করিতেও ক্রটি করে নাই। খৃষ্টাবির্ভাবের পূর্ব হইতেই য়িহুদীয় জাতির এক শাখা মালাবার উপকূলে বাস করিতে আরম্ভ করে। স্বর্ঘ্যোপাসক পারসিকগণ অত্যাধি তদ্দেশে বাস করিতেছেন। আরব ও মিশর দেশের লোকও বাণিজ্যসূত্রে মালাবার উপকূলের অধিবাসী হইয়াছিল।

ভাক্কো ডা গামা যখন ধীরে ধীরে আফ্রিকা অতিক্রম করিয়া ভারত-বর্ষাভিমুখে অগ্রসর হইতেছিলেন, তৎকালে এসিয়ার অবস্থা কিরূপ ছিল? ইতিহাসে দেখিতে পাওয়া যায়,—তখন মধ্য-এসিয়া তৈমুরলঙ্গের অশান্ত অত্যাচারে পরিশ্রান্ত হইয়া উঠিয়াছে! আর্ঘ্যাবর্তের পাঠান-সাম্রাজ্য ছত্রভঙ্গ হইয়া পড়িয়াছে! দিল্লীখর নামসর্বস্ব সম্রাট হইয়া দিল্লীর নিকটবর্তী ক্ষুদ্র জনপদের অধীশ্বর হইয়াছেন! বঙ্গভূমি স্বাধীন

পাঠান-শাসনে দিল্লীর অধীনতা অস্বীকার করিয়া স্বতন্ত্র হইয়া উঠিয়াছে। দাক্ষিণাত্যেও হিন্দু-মুসলমানের কলহ-কোলাহলে পুরাতন রাজশক্তি শিথিল এবং বিবিধ অভিনব ক্ষুদ্র রাজ্য গঠিত হইয়াছে।

এই সকল রাষ্ট্রবিপ্লবে ভারতবাণিজ্য ক্ষতিগ্রস্ত হইত না। স্থলপথের পরিবর্তে জলপথে পণ্যদ্রব্য প্রেরিত হইত। বিপ্লব উপস্থিত হইলে, স্থলবাণিজ্য অপেক্ষা জলবাণিজ্য প্রবল হইয়া উঠিত। এইরূপে খৃষ্টীয় পঞ্চদশ শতাব্দীর শেষভাগে জলবাণিজ্যের বিশেষ উন্নতি সাধিত হইয়াছিল। পারস্য ও লোহিত সাগর অতিক্রম করিয়া, মিশর ও আরব দেশের বণিকগণ দলে দলে মালাবার-উপকূলে উপনীত হইয়া, ভারতীয় পণ্যদ্রব্য ক্রয় করিতেন। সমুদ্রপথে জলদস্যুর উপদ্রব ছিল না। এসিয়ার অধিবাসিগণ ধর্ম্মপথে থাকিয়াই অর্থোপার্জন করিত। মালাবার-উপকূলের বাণিজ্যপ্রধান বন্দরগুলি এইরূপে বহু জাতির আশ্রয়স্থল বলিয়া পরিচিত হইয়া উঠিয়াছিল। রাজা হিন্দু হইলেও, সর্ব্বধর্ম্মের সমাদর রক্ষা করিতেন। \* লোকে নিরুদ্বেগে জীবনযাপন করিত। ঘাটগিরি প্রাচীরের ভাষ দণ্ডায়মান থাকিয়া, উপকূলভাগকে মধ্য-দেশের সমর-কলহ হইতে রক্ষা করিত।

ভাঙ্কো ডা গামা শাস্ত্র সুশীল প্রাচ্য বণিকের ভাষ ভারতবাসী করেন নাই। † তিনি ফিরিজি বণিক্। তাঁহার ধর্ম্মনীতি এসিয়ার ধর্ম্মনীতি অপেক্ষা পৃথক্। সমগ্র ভারতবর্ষ তাঁহার রাজ্য—তিনি সে দেশের রাজার রাজা। তিনি অজ্ঞানান্ধ নরনারীর পরিভ্রাণের মুক্তিমন্ত্রদাতা।

---

\* Dr. Hunter states that at the time the Malabar chiefs were tolerant of the religions of the many nations who traded at their ports.—Riaz-us-Salateen, Notes.

† The Riaz account would however shew that the provocation came from the side of Portuguese, who came with a crusading spirit.—Ibid.

একাধারে এত অধিকার গ্রহণ করিয়াই ফিরিজি বণিক্ ভারতযাত্রায় বহির্গত হইয়াছিলেন !

মুসলমানকে বাহুবলে পরাভূত করা সেকালের খৃষ্টান বীরপুরুষদিগের প্রধান কার্য্য বলিয়া সুপরিচিত হইয়াছিল। সুযোগ প্রাপ্ত হইলে, তরবারিবলে ধর্ম্মপ্রচার করাও তাঁহাদের প্রধান লক্ষ্য বলিয়া খ্যাতিলাভ করিয়াছিল। যে দেশে যে বিধান বর্ত্তমান আছে, তাহা উৎখাত করিয়া, নববিধানের প্রচার করাই তাঁহাদের পুণ্যত্রত বলিয়া প্রতিষ্ঠালাভ করিয়াছিল।

যাহারা এইরূপে তরবারি-বলে ধর্ম্মপ্রচারে নিযুক্ত হইয়াছিলেন, তাঁহারা উত্তরকালে মুসলমানের স্বন্ধে সেই ছরপনেয় কলঙ্ক ক্ষেপণ করিয়া, সাধুপুরুষ বলিয়া আত্মপ্রচার করিয়াছিলেন। তথাপি নিরপেক্ষ সত্যনিষ্ঠ ইতিহাস-লেখকগণ অद्याপি খৃষ্টধর্ম্মের শোণিত-পিপাসার উল্লেখ করিতে ইতস্ততঃ করেন না।

কোন শ্রেণীর লোক এই সময়ে ভারত-যাত্রায় বহির্গত হইত তাহারও কিছু কিছু প্রমাণ প্রাপ্ত হওয়া যায়। যাহারা রাজদণ্ডে দণ্ডিত, লোকালয়ে লাঞ্চিত, কুকার্য্যপরায়ণ বলিয়া স্বদেশে সর্ব্বত্র দ্বিকৃত, চরিত্রহীনতার পশুর ছায় অবনতিপ্রাপ্ত,—সেই শ্রেণীর নানগোত্রহীন নরাকার রাক্ষসগণই ভারতযাত্রায় বহির্গত হইত। \* তাহাদের সম্মুখে কোন বাধাই বাধা বলিয়া পরিগণিত হইত না।

\* At the time of embarkation at Lisbon, selection was impossible ; every one was enrolled who wished to go,—vagrants, jail-birds, debtors, criminals of every description, wretches, incapable by immorality and loss of character of obtaining employment at home,—whom Portugal was glad to banish to save the honor of their families.—Portuguese Discoveries by Rev. Alex. J. D. D. Orsey.

তাহারা ধর্মের নামে অধ্যবসায় করিতেও কুণ্ঠিত হইত না। একমাত্র অদম্য অধ্যবসায় না থাকিলে, এই শ্রেণীর চরিত্রহীন নরাধমগণ জগতের কোনরূপ বৃহদ্ব্যাপারে হস্তক্ষেপ করিতে সমর্থ হইত না। অধ্যবসায়গুণে তাহাদের চরিত্রহীনতা সংকল্পসাধনের অন্তরায় হইতে পারে নাই। ইহাই তাহাদের সফলতালাভের প্রধান কারণ।

এই শ্রেণীর ফিরিজি বণিক্ যেদিন বাণিজ্যযাত্রায় বহির্গত হইয়াছিল, সে দিন ইউরোপ তাহাদের সহিত কোনরূপ পণ্যদ্রব্য প্রেরণ করিতে পারে নাই। ভারতবর্ষে বিক্রীত হইতে পারে, এমন কোন পণ্য ইউরোপে উৎপন্ন হইত? সে দিন তাহারা ক্রয় করিতে, —সুযোগ পাইলে,—লুণ্ঠন করিতে অগ্রসর হইয়াছিল। সে দিন তাহাদের অদম্য অধ্যবসায় কেবল বাহুবলকেই অদ্বিতীয় উপায় বলিয়া পূজা করিতে শিক্ষা করিয়াছিল।

ভাঙ্কো ডা গামা তাহাদের সহিত সমুদ্র-যাত্রা করেন, তাহারা নাবিক, সৈনিক, কস্ম্চারী, বণিক্,—একাধারে সর্ব্বময়। তাঁহার সহোদরও তাঁহার সহিত পোতারোহণ করিয়াছিলেন। তাঁহারা যখন আফ্রিকার পশ্চিমতটের শেষ সীমায় আসিয়া “উত্তমাশা অন্তরীপ” অতিক্রম করিলেন, সেদিন নিশান উড়াইয়া, জয়ধ্বনি করিয়া, রণবাণ্ডরবে বিজয়ঘোষণা করিলেন!

তাহার পর ভারতবর্ষের বাণিজ্যপথের সন্ধানলাভ করিতে অধিক বিলম্ব হইল না। আফ্রিকার পূর্বতট আশ্রয় করিয়া উত্তরাংশে কিয়দূর অগ্রসর হইবার পর জনসমাজের অস্তিত্বের পরিচয় প্রকাশিত হইতে লাগিল। ২৬শে এপ্রিল তারিখে গামা আফ্রিকার তটোশ্রয় পরিত্যাগ করিয়া ভারতবর্ষাভিমুখে পোতচালনা করিলেন। আফ্রিকা হইতে যে পুথপ্রদর্শক (আড়কাঠি) প্রাপ্ত হইয়াছিলেন, তাহার ইঙ্গিতক্রমেই পোত-সকল পূর্ব্ভাভিমুখে পরিচালিত হইতে লাগিল। সেকালে বাণিজ্যপোত-চালন করিবার জন্ত সমুদ্রতীরের ধীরগণকে আড়কাঠি নিযুক্ত করা



হইত। তাহারা বায়ুপ্রবাহের উপর নির্ভর করিয়া নক্ষত্র দর্শনের অভিজ্ঞতায় পোতচালনার পথ নির্দেশ করিতে পারিত।

ভাস্কো ডা গামা এই উপায় প্রাপ্ত না হইলে, কালিকটের প্রসিদ্ধ বন্দরের দিকে অগ্রসর হইতে পারিতেন না। তাঁহার পথপ্রদর্শক নিপুণ নাবিক বলিয়াই প্রশংসালভ করিতে লাগিল। তাহার নির্দেশক্রমে ২৩ দিবস পোতচালনা করিবার পর, ভাস্কো ডা গামা পূর্ব গগনে এক অপূর্ব মেঘমালা দর্শন করিলেন; আড়কাঠি কহিল,—যাহা মেঘমালারূপে প্রতিভাত হইতেছে, তাহাই ষাটগিরির শিখরমালা।

১৪৯৭ খৃষ্টাব্দের ২০শে মে গামার বাণিজ্যপোত কালিকটের সমুখে ভারতভূমির “তালীবনরাজিনীলা” সমুদ্রবেলায় উপনীত হইল। ফিরিঙ্গি বণিকের ভারত-যাত্রা সফল হইল। প্রাচ্য-সাম্রাজ্যের সহিত প্রতীচ্য-সাম্রাজ্যের সাক্ষাৎ পরিচয় সাধিত হইল। সমগ্র প্রাচ্য রাজ্যের ইতিহাস অভিনব ঘটনাস্রোতে বিপর্য্যস্ত হইবার সূত্রপাত হইল।

## নবম পরিচ্ছেদ

### কালিকট

“Great is the country, rich in every style,  
Of goods from China sent by sea to Nyle.”—*Lusiad*.

ভারতবর্ষের অলৌকিক ঐশ্বর্য্যকাহিনী সেকালের ইউরোপীয় কবিকল্পনাকে নিরতিশয় মুগ্ধ করিয়া তুলিয়াছিল ! কবিকাহিনী কিয়ৎপরিমাণে অতিরঞ্জিত না হইয়া যায় না । তথাপি তাহাকে একেবারে অলৌক বলিয়াও প্রত্যাখ্যান করিবার উপায় নাই । “নহমুলা জনশ্রুতিঃ” । লোকসমাজে যে সকল জনশ্রুতি প্রচলিত হয়, তাহার মূল্যসন্ধান করিতে পারিলে, কিছু না কিছু সত্যসংস্রব প্রকাশিত হইয়া পড়ে । ইউরোপীয় কবিকল্পনা যে সকল জনশ্রুতি অবলম্বন করিয়া এরূপ মুগ্ধ হইয়া উঠিয়াছিল, তাহার মূলেও কিছু না কিছু ঐতিহাসিক সত্য নিহিত ছিল । জনসাধারণ তাহার আবিষ্কারসাধনের জন্ত ব্যস্ত হইত না ; তাহারা জনশ্রুতিকেই ঐতিহাসিক সত্য বলিয়া গ্রহণ করিত । কবিকল্পনায় কেবল সেই তথ্যই বিকশিত হইয়া রহিয়াছে । সেকালের ইউরোপীয় জনসাধারণের নিকট ভারতবর্ষ যে ভাবে প্রতিভাত হইত, “লুসিয়াদে”র কবিতায় তাহারই আভাস প্রাপ্ত হওয়া যায় ।

সেকালের ইউরোপের তুলনায় ভারতবর্ষ সত্যসত্যই সমধিক সম্পন্ন রাজ্য বলিয়া পরিচিত হইতে পারিত । তখনও বিশ্ববিজয়িনী বাণিজ্যশক্তি পরিস্ফুট হইয়া, ইউরোপকে পরাক্রান্ত হইবার অবসর দান করে নাই ! তখনও নগরে নগরে শিল্পাগার প্রতিষ্ঠিত হইয়া, ইউরোপকে শিল্পকোশলে প্রভাবশালী করিয়া তুলিতে পারে নাই । তখনও জলে স্থলে বাহবিস্তার

করিয়া, ইউরোপ এসিয়ার অন্তরাঙ্গা প্রকম্পিত করিবার ক্ষমতা লাভ করে নাই।

তখন কেবল ইউরোপের জীবন-প্রভাত। সে প্রভাতে ইউরোপের নয়নারী কেবল বিশ্বিতনয়নে ভারতবর্ষের দিকে দৃষ্টি নিবদ্ধ করিয়া, ভারতবর্ষের মতই শিল্পবাণিজ্যে উন্নতিলাভ করিবার উপায়-অন্বেষণে ব্যাকুল হইয়া উঠিয়াছিল।

যে দেশ সুদূর মহাচীন সাম্রাজ্যের বহুমূল্য পণ্যভাণ্ডার কুক্ষিগত করিয়া নীলনদের উভয় তটের বিবিধ পণ্যবীথিকা সজ্জীভূত করিত ;— পণ্যবিনিময়ে ইউরোপের সমগ্র জনপদের কষ্টসঞ্চিত ধনভাণ্ডার বহন করিয়া আনিত,—তাহা যে ঐশ্বর্য্যগর্ভে স্ফীত হইয়া উঠিয়াছিল, সে কথা জলে স্থলে সর্বত্র ব্যাপ্ত হইয়া পড়িয়াছিল।

ভারতবর্ষ বহু বিশ্বয়ের লীলাভূমি বলিয়া সভ্যসমাজে সুপরিচিত।\* তাহার পুরাতন সাহিত্য ও শিল্পকলা অद्याপি কত অধ্যয়নশীল পাশ্চাত্য অধ্যাপকের বিশ্বয় উৎপাদন করিতেছে!† তাহার অলৌকিক জ্ঞান-গৌরব অद्याপি কত অভিনব তথ্যের মূল প্রস্রবণের সন্ধান প্রদান করিয়া, ভারতবর্ষকে মহিমান্বিত করিয়া তুলিতেছে; তাহার কথা সুধীসমাজের অপরিজ্ঞাত নাই।

ভারতবর্ষের সমুদ্রসৈকতের পুরাতন জনসমাজ অতি পুরাকালেই সমুদ্রপথে অগ্রসর হইয়া, নানা দিগদেশের পণ্যসংগ্রহে নিযুক্ত হইয়াছিল।

\* If I were to look over the whole world to find out the country most richly endowed with all the wealth, power and beauty that nature can bestow,—in some parts, a very paradise on earth—I should point to India.—Max Muller.

† If I were asked under what sky the human mind has most fully developed some of its choicest gifts, has most deeply pondered on the greatest problems of life, and has found solutions of some of them which will deserve the attention of even those who have studied Plato and Kant, I should point to India.—Max Muller.

পুরাতন সাহিত্যে অত্ৰাপি তাহার বিবিধ প্রমাণ প্রাপ্ত হওয়া যায়। অকুতোভয় নাবিকবর্গের অপরিসীম অধ্যবসায়ে অধিকাংশ সভ্যদেশেই ভারতবাণিজ্যের প্রবল প্রভাব প্রতিষ্ঠালাভ করিয়াছিল। অত্ৰ কোনও সভ্যজাতি বাণিজ্যবিশ্বারে ভারতবর্ষের প্রতিদ্বন্দ্বী হইবার সাহস প্রকাশ করে নাই। ইসলাম অংশলাভের আশায় ভারতবর্ষের অনুগত হইয়াই বাণিজ্য-ব্যাপারে লিপ্ত হইয়াছিল। সে বাণিজ্যে পরস্বাপহরণপ্রবৃত্তির সম্পর্ক ছিল না ;—জাতিধর্মের কলহ-কোলাহল কাহারও শাস্তিভঙ্গ করিত না ;—যে পারিত, সে তাহার শক্তিসামর্থ্য লইয়া নিরুদ্ধেগে বাণিজ্য-ব্যাপারে অর্ধোপার্জন করিত।

ইউরোপের প্রথম চেষ্টাতে হয় ত এই সুপরিচিত আকাজ্জক বর্তমান ছিল ;—ভারতবাণিজ্যের অভিনব জলপথের আবিষ্কার-সাধনের আশায় পর্তুগাল হইতে সমুদ্রযাত্রা করিবার সময়ে গামার হৃদয়ে হয় ত এইরূপ আকাজ্জক জাগিয়া উঠিয়াছিল। কিন্তু ভারতভূমিতে পদার্পণ করিবার পূর্বেই তাহার সে সাধুসংকল্প তিরোহিত হইয়া গিয়াছিল। আফ্রিকার পূর্বোপকূলে উপনীত হইবামাত্র, তদদেশে ইসলামের আধিপত্য দর্শন করিয়া, গামার ঋষ্টধর্ম্মানুরাগ জ্বলিয়া উঠিয়াছিল। যে জাতির প্রবল বাহুবলে স্থলবাণিজ্যপথ হইতে ইউরোপ চিরনির্বাসিত হইয়াছে, জলবাণিজ্যপথেও তাহাদিগের প্রবল প্রতাপ লক্ষ্য করিয়া, গামা তাহা চূর্ণ করিবার উপায় চিন্তা করিতে করিতেই ভারতবর্ষাভিমুখে পোতচালনা করিয়াছিলেন। কালিকটের বন্দরে উপনীত হইবার অল্পকাল পরেই সে গুপ্ত সংকল্প প্রকাশিত হইয়া পড়িল।

পুরাকালে দাক্ষিণাত্যে কেরল নামক একটি সম্পন্ন রাজ্য বর্তমান ছিল। পুরাতন গ্রন্থে তাহার উল্লেখ প্রাপ্ত হওয়া যায়।\* কেরল রাজ্য

---

\* কেরল দেশের নাম রামায়ণে দেখিতে পাওয়া যায়, পানিনি এবং কাত্যায়ন কেরলের উল্লেখ করেন নাই, কিন্তু পণ্ডজলি তাহার উল্লেখ করিয়া গিয়াছেন।

চতুঃষষ্টি গ্রামে বিভক্ত হইয়া, সমুদ্রোপকূল পর্য্যন্ত বিস্তৃতিলাভ করিয়াছিল। এখন বাহার নাম মালাবার উপকূল, তাহা সেই পুরাতন কেরল রাজ্যের চতুর্থাংশমাত্র। পশ্চিমে আরবসাগর, পূর্বে গিরিপ্ৰাচীর, মধ্যস্থলে মালাবারের সংকীর্ণ ভূমি,—কোনও স্থলে নতোনত, কোনও স্থলে সম্পূর্ণ সমতল। স্থানে স্থানে পরিসর এত সংকীর্ণ, যেন ঘাটগিরি আসিয়া সমুদ্রসৈকতে মিলিত হইয়া রহিয়াছে। এই সংকীর্ণ সমুদ্রতটে কত বন্দর বর্তমান ছিল, তাহার বিস্তৃত বিবরণ বিলুপ্ত হইয়া গিয়াছে। কেবল কালিকট বন্দরের নাম এখনও জগদ্বিখ্যাত হইয়া রহিয়াছে।

যে সকল অর্ণবপোত পারশ্ব, আরব ও মিশর দেশে যাতায়াত করিত, তাহাদের যাত্রাপথে দণ্ডায়মান থাকিয়া, মালাবার-উপকূল কত অতীত ঘটনাই না প্রত্যক্ষ করিয়া আসিয়াছে! যে সকল অর্ণবপোত প্রাচ্য দ্বীপ-সমূহের পণ্যভাণ্ডার মিশরদেশ পর্য্যন্ত বহন করিয়া লইয়া যাইত, তাহারাও মালাবারের উপকূলভূমির নিকট দিয়াই গমন করিতে বাধ্য হইত। এই সকল কারণে মালাবারের উপকূল বহু বিদেশীয় নবনারীর নিকট সুপরিচিত হইয়া উঠিয়াছিল।

বাণিজ্যের দিজয়লক্ষ্মী মালাবার হইতে সর্বপ্রকার কলকোলাহল চিরনির্বাসিত করিয়া, নানা জাতি ও নানা ধর্ম্মকে আশ্রয়দান করিয়াছিল।\* যে সকল য়িহুদীয় পারসীক বা মিশরীয় ভদ্রসন্তান মালাবারে বসতি

\* Be it not hidden from the bright hearts of the bankers of the treasure of History and the appraisers of the Jewel of Chronicles, that the Jewish and Christian communities, before the advent of Islam, used to come to many ports of the Dakhin, like Malabar, for trading purpose by the sea-route, and after acquiring familiarity with the people of that country, they settled down in some of the towns, created houses with gardens, and in this manner dwelt there several years.—Riaz-us-salateen.

করিতেন, তাহার বিদেশগত হইয়াও, ভারতবাসীর জায় অধিকার লাভ করিয়া, রাজকার্য্যে অসঙ্কোচে নিয়োগ প্রাপ্ত হইতেন। এই সকল কারণে মালাবারের ইতিহাস বাণিজ্যপরায়ণ ইউরোপীয় বন্দরের ইতিহাস হইতে পৃথক্ ।

ইউরোপে কেবল সমরকাহিনীর আতিশয্য। ইউরোপের শিল্প-বাণিজ্যের ইতিহাসে কেবল হিংসার কথা,—নরহত্যার কথা,—পরস্বাপ-হরণের কথা;—সমুদ্রযাত্রা যেন শোণিতের অক্ষরে দুর্দান্ত দস্যুর লুণ্ঠন-কাহিনী লিপিবদ্ধ করিয়া রাখিয়াছে! সে দেশের ধর্ম্মান্ধ নরনারী ধর্ম্মের নামে কত অধর্ম্মসঞ্চয় করিয়াছে, পুণ্যের নামে কত অপবিত্র আচারের অনুষ্ঠানে লিপ্ত হইয়াছে, নিরন্তর বিদ্বেষবিষে জর্জরিত হইয়া, মানবের জলাটিপটে কত দুঃপনয়ে কলঙ্করোমা অঙ্কিত করিয়া রাখিয়াছে, তাহার কথা কোনও ইতিহাস-পাঠকের অপরিজ্ঞাত নাই। ভারত-বাণিজ্যের ইতিহাস তাহা হইতে সম্পূর্ণ পৃথক্ । সত্যনিষ্ঠায় ভারত-বাণিজ্যের প্রতিষ্ঠা। শান্তি ও প্রীতিতে ভারতবাণিজ্যের প্রসার; নিরবচ্ছিন্ন অধ্যবসায় ভারতবাণিজ্যের শ্রীবৃদ্ধি। বাহা গুণ, দুর্ভাগ্যক্রমে তাহার ফলেই ভারতবাণিজ্য শ্রীভ্রষ্ট হইয়া গিয়াছে। ফিরিজি বণিকই তাহার একমাত্র মূল কারণ। প্রত্যেক ঐতিহাসিক ঘটনায় সেই মূল কারণ প্রকাশিত হইয়া রহিয়াছে।

কেরল রাজ্য ভারতবর্ষের অন্ত্যন্ত জনপদ হইতে বিচ্ছিন্ন হইয়া, কেবল বাণিজ্যব্যাপার লইয়াই পরিতৃপ্তি লাভ করিত। তাহার দুর্ভেদ্য গিরিপ্রাচীর উল্লঙ্ঘন করিয়া ভারতীয় রাষ্ট্রবিপ্লব সাগরসৈকতে উপনীত হইত না। দিল্লীর উত্থানপতনের সহিত মালাবারের উত্থানপতনের সম্পর্ক দেখিতে পাওয়া যাইত না। কালিকটের বন্দরে চিরদিনই ভারতবাণিজ্যের বিজয়বাহ্তা। সেখানে অল্প কথা,—অল্প চিন্তা,—লোকচিত্ত আলোড়িত করিবার অবসর প্রাপ্ত হইত না। আয়তনে

ক্ষুদ্র হইয়াও, কালিকটের বন্দর এইরূপে বৃহৎ বিজয়গৌরবলাভের অধিকারী হইয়াছিল।

যতদূর পর্য্যন্ত কুকুট-রব শ্রুত হইতে পারে, তাহাই কালিকটের স্বাভাবিক পোর-সীমা,—এই জনশ্রুতি অবলম্বন করিয়া, কালিকট শব্দের ব্যুৎপত্তি নির্দিষ্ট হইয়া আসিতেছে। তাহা যে সমুদ্রযাত্রার জন্তই সর্বত্র প্রাধান্য লাভ করিয়াছিল, রাজবংশের উপাধি অত্থাপি তাহার পরিচয় প্রদান করিয়া থাকে। রাজার উপাধি “সামরী”; \*—তাহাতে সমুদ্রের উপর আধিপত্য থাকাই সূচিত হয়। ফিরিঙ্গি বণিক্ “সামরী”র উচ্চারণবিকৃতি সাধিত করিয়া, কালিকটরাজকে “জামোরিং” নামে সুপরিচিত করিয়া গিয়াছেন।

ফিরিঙ্গি-বণিকের বাণিজ্যতরণী কালিকট-বন্দরে উপনীত হইবার সময়ে, তদ্দেশে নানা জাতির ও নানা ধর্ম্মের নরনারীর বাসস্থান প্রতিষ্ঠিত ছিল। কোন্ পুরাকালে তাহার সূত্রপাত হয়, তাহা নির্ণয় করিবার উপায় নাই। খৃষ্টাব্দিভাবের বহুপূর্বেও মালাবারের উপকূল ভারতবাণিজ্যের জন্ত খ্যাতিলাভ করিয়াছিল। রোমক সাম্রাজ্যের রাজদূতগণও মালাবারে বসতি করিতেন বলিয়া, প্রমাণ প্রাপ্ত হওয়া যায়।

কালিকট নগরে ব্রাহ্মণের সংখ্যা অধিক ছিল না। ব্রাহ্মণগণ মন্দির-কার্যে নিযুক্ত ছিলেন। ক্ষত্রিয়ের সংখ্যাও অধিক ছিল না। ক্ষত্রিয়গণ সমরশিক্ষা বিস্মৃত হইয়া বাণিজ্যে অর্থোপার্জনের আশায় ব্রাত্যক্ষত্রিয়

\* Zamorin the European form of the Tamil Samuri, is still used in official addresses to the Calicut chief.—Sir W. Hunter. মুসলমান-লিখিত ইতিহাসে “সামরী” নাম পরিচিত। সমুদ্র শব্দের অপভ্রংশ হইতে “সামরী” শব্দের উৎপত্তি হইয়াছে। মূলের প্রতি লক্ষ্য না করিয়া, কেহ কেহ হংসজিহ্ব অমুকরণে বঙ্গসাহিত্যেও “জামোরিং” শব্দের ব্যবহার করিতেছেন। গোলাম হোসেনের “রিয়াজ-উস-সলাতিন” নামক ইতিহাসে “সামরী” নাম উল্লিখিত থাকায়, তাহাই গৃহীত হইবার যোগ্য; তাহাকে পরিত্যাগ করিবার কারণ নাই।

হইয়া উঠিয়াছিলেন। সকলেই বৈষ্ণাচার-পরায়ণ হইয়া, বাণিজ্য-ব্যাপারে লিপ্ত হইয়াছিলেন।

সিহদীয়গণের সংখ্যাও নিতান্ত অল্প ছিল না। তাঁহারা ইউরোপের চিরভ্রমণশীল প্রধান বণিক্। অত্য়াপি সকল সভ্য দেশেই সিহদীয় বণিকের সমাগম দেখিতে পাওয়া যায়। পুরাকালে তাঁহাদের অর্থবল প্রবল ছিল। খৃষ্টানসমাজ ইহদীয়গণকে ঘৃণা করিলেও, ঋণগ্রহণের জন্ত সিহদীয়গণের দ্বারস্থ হইতে বাধ্য হইতেন। ইউরোপের বাণিজ্যোন্নতির মূলে সিহদীয়গণের প্রভাব দেখিতে পাওয়া যায়। এক সময়ে পারস্তোপ-সাগরের ভারতবাণিজ্যপথ সিহদীয়গণের করতলগত হইয়াছিল। সেই সময় হইতে সিহদীয়গণ দলে দলে ভারতবর্ষের সমুদ্রোপকূলে বাস করিতে আরম্ভ করিয়াছিলেন। পারসীকগণও এইরূপে ভারতবর্ষে বাস করিতে আরম্ভ করিয়া, অত্য়াপি দাক্ষিণাত্যে বিবিধ বাণিজ্য-ব্যাপারে লিপ্ত রহিয়াছেন।

পারস্ত, আরব, মিশর প্রভৃতি পাশ্চাত্যরাজ্যে যে সকল নবধর্মের অভ্যুদয় হইত, তাহা অত্র প্রচারিত হইবার পূর্বেই, ভারতবর্ষের সমুদ্রোপকূলে তাহার কথা ব্যাপ্ত হইয়া পড়িত। এই কারণে, খৃষ্ট ও মহম্মদের ধর্মমত অল্পদিনের মধ্যেই মালাবারে ব্যাপ্ত হইয়া পড়িয়াছিল।\*

মালাবারে খৃষ্টধর্ম প্রচারিত হইবার মূল কারণ কি, তদ্বিষয়ে বাদান্ত্ববাদের অভাব নাই। এ বিষয়ে দাক্ষিণাত্যে যে জনশ্রুতি প্রচলিত

---

\* সেকালের খৃষ্টান সমাজে ভারতবর্ষের খৃষ্টানদিগের কথা একেবারে অপরিচিত ছিল না। ৫২৭ খৃষ্টাব্দে রচিত একখানি গ্রন্থে তাহার উল্লেখ আছে। "In the Malabar country also where pepper grows there is a Bishop." কোঁতুকের বিষয় এই যে খৃষ্টীয় নবম শতাব্দীতে একজন ইংরাজ পাদ্রির ভারতবর্ষে আসিবার প্রমাণ প্রাপ্ত হওয়া গিয়াছে। In the ninth century, an interesting episode connects England with India; for in 883 Alfred the Great sent Sighalm Bishop of Sherborne on a mission to the Shrine of St. Thomas near Madras,—Portuguese Discoveries.



আছে, তাহাই ক্রমে ক্রমে ঐতিহাসিক সত্য বলিয়া স্বীকৃত হইতেছে। স্বনামখ্যাত বিশপ হীবার ও স্তার উইলিয়ম হণ্টার তাহার বিবিধ তথ্যানুসন্ধানে ব্যাপৃত হইয়াছিলেন। তাঁহারা উভয়েই দাক্ষিণাত্যের জনশ্রুতিকেই ঐতিহাসিক সত্য বলিয়া স্বীকার করিয়া গিয়াছেন। ইহা যদি সত্য হয়, তাহা হইলে ভারতীয় পুরাতত্ত্বের সহিত খৃষ্টধর্মের পুরাতন সম্পর্কের মূল-রহস্য কালক্রমে প্রকাশিত হইয়া পড়িবে।

বীণ্ডখৃষ্ট জর্দন-নদের তীরে দীক্ষাগ্রহণ করিয়াছিলেন। দীক্ষা-গুরু “জন” অবশ্যই খৃষ্টান ছিলেন না। তাঁহার বেশভূষার বৈকল্পিক বিবরণ প্রাপ্ত হওয়া যায়, তাহাতে তাঁহাকে “স্বস্তিকধারী” সন্ন্যাসী বলিয়াই স্বীকার করিতে হয়। বীণ্ডখৃষ্টের জন্মদিনে প্রাচ্য সাধুপুরুষগণ তাঁহাকে স্মৃতিকাগারে দর্শন করিতে গিয়াছিলেন, এ কথা খৃষ্টধর্মগ্রন্থে উল্লিখিত আছে। তৎকালে এসিয়াখণ্ডের জলে স্থলে বৌদ্ধ সন্ন্যাসীর অব্যাহত গতির ও স্বধর্মবিশ্তারের অক্লান্ত অধ্যবসায়ের কথা স্মরণ করিলে, বীণ্ডখৃষ্টের দীক্ষাগুরুকে ভারতবর্ষীয় বৌদ্ধশ্রমণ বলিয়াই স্বীকার করিতে ইচ্ছা হয়। এ বিষয়ে যাহা কিছু প্রমাণ প্রাপ্ত হওয়া যায়, ঐতিহাসিক তথ্যানুসন্ধানের পক্ষে তাহা যথেষ্ট নহে। তথাপি মনে হয়,—দ্বিসহস্রবৎসর পূর্বে ভারতীয় বৌদ্ধ-শ্রমণ ভিন্ন “স্বস্তিকধারী” সন্ন্যাসী আর কোনও দেশে বর্তমান ছিল না। যাহা হউক, খৃষ্টধর্ম যে এসিয়া হইতেই ভারতবর্ষে প্রথম উপন্যাত হইয়াছিল, ফিরিঙ্গি বণিকের ইতিহাসে তাহার যথেষ্ট প্রমাণ প্রাপ্ত হওয়া যায়।

খৃষ্টানগণ যাহাকে সমগ্র মানবজাতির মুক্তিমন্ত্র বলিয়া দিগ্‌দিগন্তে ধর্মপ্রচারে বহির্গত হইয়াছেন, খৃষ্টধর্মপ্রবর্তক বীণ্ডখৃষ্ট তাহাকে স্বজাতির নিকট প্রচারিত করিবার জ্ঞানই ব্যস্ত হইয়াছিলেন। ইহাকে তাঁহার স্বজাতিপ্ৰীতি বলিলেও অত্যাুক্তি হয় না। তিনি শিষ্যগণকে বলিয়া—“ছিলেন,—আগে যিহুদীয়গণকে, তাহার পর অন্যান্য নাগরিকগণকে—

নবধর্মের স্বেচ্ছাচার বিতরণ করিব। যিহুদীয়গণ ধর্মামৃত হইতে চির-  
বঞ্চিত হইয়া বাহাডুর ও ত্রিাকাণ্ড লইয়াই উন্নত ছিলেন।  
তঁাহাদের নিকটে ধর্মব্যাখ্যা করাই যীশুখৃষ্টের সর্বপ্রথম লক্ষ্য বলিয়া  
প্রতিভাত হইয়াছিল। তিনি তাহার জন্তই অকালে দেহবিসর্জন  
করিতে বাধ্য হইয়াছিলেন। খৃষ্টানিষ্যগণের মধ্যেও এই প্রবৃত্তি  
প্রবল ছিল। \*

খৃষ্টানিষ্য টমাস নামক সন্ন্যাসী ভারত-প্রবাসী যিহুদীয়গণের নিকট  
ধর্মপ্রচার করিবার উদ্দেশ্যেই ভারতবর্ষে উপনীত হইয়াছিলেন। টমাস  
নানা স্থানে ধর্মপ্রচার করিয়া মাল্যাজ, প্রদেশের মালিয়াপুর নামক স্থানে  
দেহবিসর্জন করেন।† তাঁহার স্মৃতিরক্ষার্থ অত্যাধি বর্ষে বর্ষে মালিয়া-  
পুরে মেলা বসিয়া থাকে। তাহা দাক্ষিণাত্যে “সেন্ট টমাসের মেলা”  
নামে সুপরিচিত। ফিরিঙ্গি বণিক মালাবারের উপকূলে উপনীত  
হইবার সময়ে এই সম্প্রদায়ের খৃষ্টানদিগের আধিপত্য প্রবল ছিল।‡  
তঁাহারা রাজকার্য্যে নিয়োগপ্রাপ্ত হইয়া সেনাবিভাগে প্রভু লাভ  
করিয়াছিলেন। এই শ্রেণীর ভারতবর্ষীয় খৃষ্টানগণ কখনও কখনও মন্ত্রি-  
পদেও আরোহণ করিতেন। ১৪৪২ খৃষ্টাব্দে বিজয়নগরের হিন্দু রাজার  
মন্ত্রী খৃষ্টধর্মাবলম্বী ছিলেন। খৃষ্টানগণ ভারতবর্ষে স্বধর্মের আচার-

---

\* সেন্ট টমাস কিরূপে ভারতবর্ষে ধর্মপ্রচার করেন, এতৎসম্বন্ধে পাদরীদিগের  
গ্রন্থেও লিখিত আছে,—Love for his nation inflamed his zeal and faithful  
to the command of Jesus Christ, who had enjoined his apostles  
to proclaim the faith to the Jews before turning to the Gentles, he  
( St. Thomas ) repaired to the country which his compatriots had  
chosen for their asylum—Portuguese discoveries.

+ These numerous conversions excited the jealousy and hatred  
of the Brahmins, two of whom urged the populace to stone the  
“holy Apostle,—Portuguese Discoveries,

‡ The Portuguese on their first expedition into India, found  
there ২০০০০ Christians. —Ibid.

ব্যবহার প্রতিপালন করিবার স্বাধীনতা লাভ করিয়াছিলেন। মুসলমান-দিগের পক্ষেও তাহাতে কোনরূপ বাধা উপস্থিত হয় নাই। ধর্ম ও আচার-ব্যবহারে পৃথক হইয়াও, রাজতন্ত্রে ও বাণিজ্যব্যাপারে এই সকল ভারতপ্রবাসী বিধর্মিগণ ভারতবাসী বলিয়াই পরিচিত হইয়াছিলেন।

যে সকল মুসলমান অতি পুরাকাল হইতে মালাবারে বাস করিতেন, তাঁহারা আরব দেশ হইতে সমাগত। তাঁহাদের সাধারণ নাম—মোপ্লা। তাঁহারা ধর্ম্মাক্ষ ছিলেন না। যাহারা মিশর ও পারস্যদেশ হইতে আগমন করিয়াছিলেন, তাঁহারা খৃষ্টবিদ্রোহী হইলেও, হিন্দুবিদ্রোহী ছিলেন না। মালাবারে হিন্দু-মুসলমান তুল্যভাবে বাণিজ্যব্যাপারে প্রভুত্ব লাভ করিতেন। বরং অনেক সময়ে মুসলমান বণিকেরাই সমধিক প্রভুত্বের পরিচয় প্রদান করিতেন। মালাবারের হিন্দু আধবাসিগণ নবাগত বণিকদলকে সাদরে অভ্যর্থনা করিয়া, লাভের লোভে, তাঁহাদিগের সহিত চিরপরিচিত আত্মীয়ের আয় ব্যবহার করিতেন। ক্রেতার সংখ্যা অধিক হইলেই বিক্রেতার অধিক লাভের পথ উন্মুক্ত হইতে পারে। এই কারণে, মালাবারের হিন্দু অধিবাসিগণ নূতন ক্রেতাকে সমুচিত সমাদর প্রদর্শন করিতে ক্রটি করিতেন না। \*

ফিরিঙ্গি বণিকের পক্ষে মালাবার অপেক্ষা ভারতবর্ষের অত্র কোনও স্থান অধিক অনুকূল হইত বলিয়া বোধ হয় না। অত্যাগ্র প্রদেশ হইতে সম্পূর্ণরূপে বিচ্ছিন্ন হইয়া, মালাবারের সমুদ্রোপকূল বহুসংখ্যক স্বতন্ত্র রাজ্যে বিভক্ত হইয়া পড়িয়াছিল। একটি ক্ষুদ্র বন্দরমাট্রাই একটি রাজ্যের শেষ সীমা! তাহার রাজা কেবল বাণিজ্যগুরু সংগ্রহ করিয়াই অর্থোপার্জনে ব্যাপ্ত! কেহ কখনও তাহার শাসন-ক্ষমতা অস্বীকার করিবে, কেহ কখনও বাহুবলে রাজ্য আক্রমণ করিবার জন্ত সদর্পে

\* They welcomed foreign merchants, as the greater part of their revenues consisted of dues on Sea-trade.—Sir W. Hunter.

অগ্রসর হইবে, কেহ কখনও হিংসাধেব প্রজ্জলিত করিয়া মালাবারের শান্তিকূটীর ভস্মসাৎ করিবে,—এরূপ আশঙ্কা কদাচ রাজমস্তিষ্কে প্রবিষ্ট হয় নাই। পুরাকাল হইতে কত বিদেশের বণিক আসিয়া বাণিজ্য-ব্যাপারে লিপ্ত হইয়াছে, কেহ কখনও স্বপ্নেও কালিকটের রাজার সহিত কলহ উপস্থিত করে নাই। রাজা এই সকল কারণে রাজ্যরক্ষার্থ বহুসংখ্যক সৈন্য পালন করিতেন না।\* সুতরাং পর্তুগালের পক্ষে এরূপ অরক্ষিত ক্ষুদ্ররাজ্যের ক্ষুদ্র নরপতিকে বাহুবলে পরাজিত করিবার সম্ভাবনা ছিল।

ভাস্কো ডা গামা যখন ভারতবর্ষে উপনীত হইলেন, তখন ভারত-বাণিজ্যের এইরূপ অসহায় অবস্থার সন্ধানলাভ করিয়া নিরতিশয় উৎকুল হইয়া উঠিলেন। রাজ্যজয়, বাণিজ্যবিস্তার ও ধর্মপ্রচার একত্র সুসম্পন্ন করিবার উপযুক্ত ক্ষেত্রের সন্ধানলাভ করিয়া, ফিরিজি বণিক তৎকরের দ্বায় ভারতবর্ষের পুণ্যভূমিতে প্রথম পদক্ষেপ করিলেন।† যে দেশে সকল জাতির ও সকল ধর্মের তুল্যরূপ সমাদর প্রতিষ্ঠিত ছিল, সে দেশের পক্ষে তাহা গুণ হইয়াও দোষের আকর হইয়া উঠিল! যাহা ছিল না, ফিরিজি বণিকের আগমনে তাহাই প্রজ্জলিত হইয়া উঠিল; তাহা নির্দোষ করিবার শক্তি না থাকায়, রাজা ও রাজ্য দহ হইয়া গেল। সেই ‘তালীবনরাজিনীলা’ ভারতসাগরবেলা যদি প্রতি দিবসের ঘটনাবলী লিপিবদ্ধ করিয়া রাখিত, তবে সভ্যসমাজ স্পষ্টাক্ষরে দেখিতে

\* They themselves never wished for conquest. They simply wished to be left alone and to be allowed to work out their view of life.—Max Muller.

† The love of conquest, the thirst for gold, the flattering hope of personal or political aggrandisement influenced the early Portuguese adventurers to such an extent that all restraint on their passions and conduct was abandoned,—Portuguese Discoveries.

পাইত,—ফিরিঙ্গি বণিক ভারতবর্ষে প্রথম পদার্পণ করিয়াই কত অত্যাচার-অবিচারের প্রশ্রয় দান করিয়াছিলেন !

ভারতবর্ষের তুলনায় পর্তুগাল নগণ্য ক্ষুদ্র রাষ্ট্র। কিন্তু কালিকটের তুলনায় পর্তুগাল ক্ষুদ্র বলিয়া কীর্তিত হইতে পারে না। কালিকটের স্থায় অরক্ষিত ক্ষুদ্র বন্দরকে বাহুবলে পরাভূত করিবার ক্ষমতা ছিল বলিয়াই পর্তুগালের বিশ্ববিখ্যাত নাবিকরাজ ভারতবর্ষে রাজ্যস্থাপনের আশা করিতে সাহসী হইয়াছিলেন। গামা ধর্ম্ম-কলহের সহিত বাণিজ্য-কলহ মিশ্রিত করিয়া, কালিকটের বন্দরে এক অজ্ঞাতপূর্ব বিপ্লব উপস্থিত করিয়া কালিকট-রাজকে ব্যতিব্যস্ত করিয়া তুলিলেন।

## দশম পরিচ্ছেদ

### প্রথম পরিচয়

When Vasco da Gama landed in 1498, the old order of things, alike in Northern and in Southern India was passing away, the new order had not yet emerged.—*Sir W. Hunter.*

এক সময়ে সমগ্র কেরল রাজ্যই হিন্দু নরপতির অধীন ছিল। সে পুরাতন হিন্দুরাজ্য কিরূপে ধ্বংসপ্রাপ্ত হয়, তাহার কোনও ধারাবাহিক ইতিহাস প্রাপ্ত হওয়া যায় না। এ বিষয়ে দাক্ষিণাত্যে অত্মপি যে জন-শ্রুতি প্রচলিত আছে, তাহা নিরতিশয় কৌতুকবহু। লোকে বলে,— খৃষ্টীয় নবম শতাব্দীর প্রারম্ভে কেরল রাজ্য যে হিন্দু নরপতির অধীন ছিল, তিনি মুসলমানধর্ম গ্রহণ করেন। পরিণতবয়সে বিষয়ানুরাগ শিথিল হইলে, তিনি মদিনা যাত্রা করেন; আরব দেশেই তাঁহার অন্তকাল উপস্থিত হয়।\* তাঁহার রাজ্য এই স্বত্রে বহু ভাগে বিভক্ত হইয়া পড়ে। অধিকাংশ স্থান বিজয়নগরের হিন্দু সাম্রাজ্যের অন্তর্ভুক্ত হইয়াছিল; কোন কোন স্থান কালে মুসলমানের অধীন হইয়া, ব্রাহ্মণী-রাজ্য গঠিত করিয়া তুলিয়াছিল।† কিন্তু এই সকল রাষ্ট্রবিপ্লবেও মালাবারের সমুদ্রোপকূল স্বতন্ত্র থাকিয়া, হিন্দু রাজত্ববর্গেরই অধিকারভুক্ত হইয়াছিল। এই সকল বাণিজ্যবন্দর বহু রাজার অধীন হইলেও, কাহারও সহিত কাহারও বাণিজ্য-কলহ উপস্থিত হইত না; সকলেই আপন আপন ক্ষুদ্র বন্দরে

\* এই জনশ্রুতি “রিয়াজ-উস-সলাতিনেও” উল্লিখিত আছে। যথা—Many of the kings and rulers of those parts embraced the Islamic religions,

† The first Mussalman conquests in the Dakin were made in the reign of Jalal-uddin Khilji, Emperor of Delhi, through the military genius of his nephew Alauddin Khilji,—Tarikh-i-Firoz-shahi, p. 170.

আধিপত্য বিস্তার করিয়া, যথাসাধ্য বাণিজ্যগুরু সংগ্রহ করিতেন। কালিকটের হিন্দু রাজা বাহুবলে পরাক্রান্ত না হইলেও বাণিজ্যগৌরবে জগদ্বিখ্যাত হইয়া উঠিয়াছিলেন। তাঁহার নাম সমগ্র সভ্যদেশেই সুপরিচিত ছিল। ভাস্কো ডা গামা ভারতবর্ষাভিমুখে যাত্রা করিবার সময়ে, পর্তুগালরাজের নিকট হইতে কালিকটের “সামুরীর” নামে পত্র লইয়া পোতারোহণ করিয়াছিলেন।

গামা যখন কালিকটের বাণিজ্য-বন্দরে প্রথম পদার্পণ করেন, তখন ভারতবর্ষ একরূপ অরাজক অবস্থায় পতিত হইয়াছিল। তখনও মোগল-শাসন প্রতিষ্ঠিত হয় নাই। তখনও দিল্লীর শাসনক্ষমতা দাক্ষিণাত্যে প্রভুত্ববিস্তারে সমর্থ হয় নাই। তখন পাঠান-শাসন ক্রমে ক্রমে ছত্রভঙ্গ হইয়া পড়িতেছিল।\* কালিকটের সামুরীর সহিত পাঠান-সম্রাটের সম্পর্ক ছিল না। তিনি স্বতন্ত্রভাবেই রাজ্যশাসন করিতেন। ফিরিজি-বণিকের আগমনবার্তা প্রাপ্ত হইয়া, কালিকটরাজ ভাস্কো ডা গামাকে সমুচিত সমাদর প্রদর্শন করিতে ক্রটি করিলেন না। গামা যেদিন ভারতবর্ষের পুণ্যতটে প্রথম পদবিশ্রাস করেন, সেদিন তাঁহার আনন্দের সীমা ছিল না। এতকাল যাহা কেবল কবিকল্পনায় অহুরঞ্জিত হইয়া, পর্তুগালের জনসাধারণের নিকট বিশ্বয়বিজড়িত স্বপ্নরাজ্যের আয় প্রতিভাত হইত, সে রাজ্যে প্রথম পদবিশ্রাস করিবার সময়ে পর্তুগালের রাজপ্রতিনিধি সমুচিত সমারোহের ক্রটি করিলেন না। সর্বোৎকৃষ্ট পরিচ্ছদে আপাদমস্তক সুশোভিত করিয়া ভাস্কো ডা গামা বহুমূল্য উপঢৌকন হস্তে রাজসন্দর্শনে বহির্গত হইলেন। রাজপথের নাগরিকগণ কালিকটের বাণিজ্যবন্দরে এক অজ্ঞাতপূর্ব অভিনব দৃশ্য দর্শন করিল।

\* At the time ( 1488 when Vasco da Gama landed in India ) the Afgan sovereignty in Northern India was dwindling to a vanishing point.—Sir W. W. Hunter.

গামার দৃঢ়রত বীরকলেবর জনশ্রোতের মধ্যে আলোকস্তম্ভের ত্রায় প্রতিভাত হইল। জনসাধারণ ফিরিঙ্গি-বণিকের যথাযোগ্য অভ্যর্থনার ক্রটি করিল না।

সামরী গামাকে দর্শন করিবামাত্র সমুচিত আনন্দ প্রকাশ করিলেন। বাণিজ্য-বিস্তারের এইরূপ অচিস্তিতপূর্ব উপায় উপস্থিত হইল বলিয়া, কালিকট-রাজ ফিরিঙ্গি-বণিকের উৎসাহবর্দ্ধন করিবামাত্র, তাঁহার সরল ব্যবহারে পরম পরিতৃপ্তি লাভ করিয়া ফিরিঙ্গি-বণিক পণ্যসংগ্রহে প্রবৃত্ত হইলেন। যাহারা পণ্যবিক্রয়ে অর্থোপার্জন করিত, তাহারাও নূতন ক্রেতার দর্শনলাভ করিয়া নিরতিশয় উৎফুল্ল হইয়া উঠিল। কিন্তু আরব দেশের যে সকল বিচক্ষণ বণিক রাজসভায় উপস্থিত ছিলেন, তাঁহারা ফিরিঙ্গি-বণিককে সর্বান্তঃকরণে অভ্যর্থনা করিতে পারিলেন না। নূতন জল-বাণিজ্যপথের আবিষ্কার-কাহিনী তাঁহাদের হৃদয়ে এক অপরিপূর্ণতা আশঙ্কা উদ্ভিজ্জ করিয়া দিল। তাঁহাদের মনে হইল,—কলহপ্রিয় খৃষ্টান-গণ ভূমধ্যসাগর ছাড়িয়া, আরবসাগরে সময়-কোলাহল উত্থাপিত করিবার জন্তই এত ক্রেশে এরূপ দূরদেশে উপনীত হইয়াছেন। বাণিজ্য কেবল কথার কথা,—ব্যপদেশমাত্র! ফিরিঙ্গি-বণিকের বাণিজ্যতরণীতে আমন্ত্রিত হইয়া, তাঁহারা যে সকল যুদ্ধোপযোগী অস্ত্রশস্ত্রের সন্ধানলাভ করিলেন, তাহাতে সেই আশঙ্কা আরও ঘনীভূত হইয়া উঠিল। মুসলমান-লিখিত ইতিহাসে ইহার যথেষ্ট আভাস প্রাপ্ত হওয়া যায়। \*

সেকালে যে সকল জলপথে বা স্থলপথে ভারতীয় পণ্যদ্রব্য নানা দিগদেশে প্রেরিত হইত, সেই সকল বিভিন্ন দেশের রাজত্ববর্গ শুক্লরক্ষার

\* ভারতবর্ষের সমুদ্রোপকূলে আরবদিগের প্রতিপত্তি দেখাইয়া ইহুদী ও খ্রীষ্টানগণ ঈর্ষ্যায় জলিয়া মরিত, গোলাম হোসেন এই কথা লিখিয়া গিয়াছেন। যথা—In consequence, the Jews and the Christians burnt in the fire of envy and malice.



জন্মই বাণিজ্য রক্ষা করিতেন। কোন দেশে সমরকলহ বিদ্যমান থাকিলেও উভয় পক্ষই বাণিজ্যরক্ষার্থ চেষ্টা করিতেন। দস্যু ভিন্ন অণ্ড কেহ বাণিজ্যদ্রব্য লুণ্ঠন করিবার চেষ্টা করিত না। এই সকল কারণে, মধ্য-এসিয়ার বিবিধ বিপ্লবের মধ্যেও ভারত-বাণিজ্য অব্যাহতগতিতে প্রাচ্য হইতে প্রতীচ্য সাম্রাজ্যে প্রবাহিত হইত। বণিগ্গণের পক্ষে অস্ত্রশস্ত্রে সুসজ্জিত হইয়া এক দেশ হইতে অণ্ডদেশে গমনাগমন করিবার প্রয়োজন হইত না। একরূপ অবস্থায় ফিরিঙ্গি-বণিকের সামরিক বেশ আরবীয় বণিগ্গণের হৃদয়ে সহজেই আতঙ্ক উপস্থিত করিতে লাগিল। সে কথা ক্রমে ক্রমে সর্বত্র ব্যাপ্ত হইয়া পড়িল।

বণিক্ ভিন্ন অণ্ড কেহ কালিকটে উপনীত হইত না। সুতরাং কালিকটরাজ ফিরিঙ্গি-বণিককে বণিক্ বলিয়াই গ্রহণ করিয়াছিলেন। মুসলমানগণ তাহাতে নিরুদ্বেগে আস্থাস্থাপন করিতে সাহসী হইলেন না। তাঁহারা ফিরিঙ্গি-বণিকের প্রকৃত স্বভাব অবগত ছিলেন। তাঁহারা যে ভূমধ্যসাগরে ধর্ম্মকলহের সহিত বাণিজ্যকলহ সংযুক্ত করিয়া, মুসলমানের সহিত যুদ্ধবিগ্রহে লিপ্ত হইয়া রহিয়াছেন, সে কথা ভারতবাসী মুসলমানদিগের অপরিজ্ঞাত ছিল না। সরলস্বভাব কালিকট-রাজ তাঁহাদের এই সকল আশঙ্কাকে অমূলক বলিয়াই বিশ্বাস করিয়াছিলেন। মুসলমানগণ রাজার চিত্তবিকার উপস্থিত করিতে অসমর্থ হইয়া, ফিরিঙ্গি-বণিকের প্রকৃত পরিচয় উদ্ঘাটিত করিবার আশায়, এক অভিনব কৌশলের অবতারণা করিতে বাধ্য হইলেন।

মুসলমানগণের উপদেশে কালিকটের পণ্যবিক্রেতৃগণ নিতান্ত অকস্মণ্য পণ্যদ্রব্য অগ্নিমূল্যে বিক্রয় করিবার প্রস্তাব উপস্থিত করিল; অনভিজ্ঞ ফিরিঙ্গি-বণিক্ তাহাই সহাস্তবদনে ক্রয় করিতে প্রস্তুত হইলেন। মুসলমানগণ রাজাকে বুঝাইলেন,—নবাগত ফিরিঙ্গি-বণিক্ বাণিজ্য-ব্যপদেশে দস্যুবৃত্তি করিতে আসিয়াছে; বণিক্ হইলে, অকস্মণ্য পণ্যদ্রব্য

অগ্নিমূল্যে ক্রয় করিত না! ইহাতে কালিকটের প্রজাবর্গের লাভ হইতেছে বলিয়া, কালিকট-রাজ মুসলমানগণের প্ররোচনায় কর্ণপাত করিলেন না। কিন্তু মুসলমানগণ কলহের সূত্রপাত করিলেন। এই কলহে উভয়পক্ষেই রক্তপাতের আয়োজন হইয়াছিল; রাজা কলহনিবারণ না করিলে, প্রথম সন্দর্শনেই অনর্থ উপন্ন হইত। \* মুসলমানগণ আপাততঃ নিরস্ত হইতে বাধ্য হইলেও, মনে মনে বুঝিতে পারিলেন,—ফিরিঙ্গি-বণিক্কে নির্বাসিত করিতে না পারিলে, ভারতবাণিজ্যে মুসলমানের আধিপত্য বিলুপ্ত হইতে বিলম্ব ঘটবে না। ফিরিঙ্গি-বণিক্ও মনে মনে বুঝিলেন,—মুসলমানকে পরাভূত করিতে না পারিলে ভারতবাণিজ্যে ফিরিঙ্গি-বণিকের আধিপত্য প্রতিষ্ঠালাভ করিবে না। যেখানে হিংসাদেষ অপরিচিত ছিল, সেখানে হিংসাদেষ অঙ্কুরিত হইয়া উঠিল; যেখানে বাণিজ্যে বাহুবলের সম্পর্ক অপরিজ্ঞাত ছিল, সেখানে বাহুবলই প্রবল হইবার উপক্রম হইয়া উঠিল। তাহার জন্ম রাজা-প্রজা কেহই প্রস্তুত ছিলেন না। কেবল ফিরিঙ্গি-বণিক্ তাহার জন্ম প্রস্তুত হইয়াই ভারতবর্ষে উপনীত হইয়াছিলেন।

অল্পদিনের মধ্যেই ফিরিঙ্গি-বণিকের বাণিজ্যভরণী পণ্যভারে ভারাক্রান্ত হইয়া উঠিল। তাঁহার স্বদেশে প্রত্যাবর্তন করিবার পূর্বে কালিকট-রাজের নিকট উপচৌকনদ্রব্য প্রাপ্ত হইলেন; মৌখিক শিষ্টাচারের কিছুমাত্র ক্রটি হইল না; পর্তুগালরাজের নামে কালিকট-রাজ স্বর্ণপত্রে যে প্রীতিসম্ভাষণ লিপিবদ্ধ করিয়া দিলেন, ভাস্কো ডা গামা তাহা সর্বসমক্ষে মস্তকে ধারণ করিয়া পোতারোহণ করিলেন। তথাপি

\* স্তর উইলিয়ম হণ্টার ইহার উল্লেখ করিয়া গিয়াছেন। গোলাম হোসেন ইহার উল্লেখ করেন নাই। তাঁহার মতে ফিরিঙ্গিরাই কলহের সূত্রপাত করিয়াছিল। ভাস্কো ডা গামার প্রত্যাবর্তনের পরে সংঘটিত হয়। কিন্তু এ স্থলে গোলাম হোসেনের উপর নির্ভর করিতে সাহস হয় না।

এক অজ্ঞাতপূর্ব আশঙ্কা ভিন্ন অত্র কোনও কথা ভারতবর্ষে পরিজ্ঞাত হইল না। কোথায় পৰ্তুগাল, কোথায় বা তাহার রাজধানী,—লোকে তাহার কোন কথাই বুঝিতে পারিল না। সমুদ্রগর্ভ হইতে অকস্মাৎ ফিরিজি-বণিকের বাণিজ্যতরঙ্গী দৃষ্টিপথে সমুদিত হইয়াছিল; তাহা আবার অকস্মাৎ সমুদ্রগর্ভেই বিলীন হইয়া গেল!

অনুসন্ধানবিমুখ ভারতবাসিগণ নানা অলৌক কল্পনার অবতারণা করিয়াই নিরস্ত হইয়া পড়িল। কিন্তু এই অল্পকালের অসম্পূর্ণ পরিচয়-লাভেই ফিরিজি-বণিক্ ভারতবর্ষ সম্বন্ধে বিবিধ তথ্য সংগ্রহ করিতে সমর্থ হইলেন। এ দেশে যে সকল সেণ্ট-টমাস-সম্প্রদায়ভুক্ত খৃষ্টান প্রজার বসতি ছিল, তাহারা হিন্দু রাজার উদার শাসননীতির কল্যাণে, বিধর্ষী হইয়াও প্রভূত প্রভুত লাভ করিয়াছিল। তথাপি সে কথা বিস্মৃত হইয়া, ভারতপ্রবাসী খৃষ্টানগণ প্রথম সন্দর্শনেই ফিরিজি-বণিকের পক্ষভুক্ত হইয়াছিল।\* গামা তাহাদের নিকট ভারত-বাণিজ্যের বিবিধ তথ্য লাভ করিয়া, বাণিজ্যবিস্তারের উপায়-উদ্ভাবনে নিযুক্ত হইলেন।† ভারতবর্ষে সেণ্ট-টমাস-সম্প্রদায়ভুক্ত খৃষ্টানদিগের বসতি না থাকিলে, ফিরিজি-বণিকের পক্ষে সহসা গৃহছিদ্রের সন্ধানলাভের সম্ভাবনা উপস্থিত হইত না!

\* The Christians of St. Thomas were the first to be ensnared by these spacious appearances. These people, ignorant and credulous, persuaded themselves that Christians who had travelled 1200 leagues, braving the perils of a painful navigation, to extend the empire of their religion, could not but be just and benevolent men.—Portuguese Discoveries.

† They presented to Vasco-da-Gama a Sceptre or baton of vermilion wood the ends of which were tipped with silver, and surmounted by three little bells.—Ibid.

মালাবারের বিবিধ বন্দরে বিবিধ রাজ্য প্রতিষ্ঠিত ছিল। সকল রাজ্যই ক্ষুদ্র রাজ্য। সকল রাজ্যই স্বতন্ত্র রাজ্য। সকল রাজ্যই বাণিজ্য-লিপ্ত। উপকূল প্রদেশের এই সকল ক্ষুদ্র ক্ষুদ্র স্বতন্ত্র রাজ্যের মধ্যে কলহ উত্থাপিত করিয়া এক রাজাকে আশ্রয় করিয়া অত্র রাজাকে পরাভূত করিবার সন্তাবনা ছিল। প্রথম সন্দর্শনেই ভাস্কো ডা গামা ভারতবর্ষের এই গৃহছিদ্রের সন্ধানলাভ করিলেন।

অধ্যবসায়ে ও অকুতোভয়তায় বিশ্ববিজয় সাধিত হইয়া থাকে। পৃথিবীর ইতিহাস কেবল অধ্যবসায়ে ও অকুতোভয়তার ইতিহাস। ফিরিঙ্গি-বণিকের ইতিহাসের প্রতি পৃষ্ঠায় তাহার কথা পুনঃ পুনঃ লিখিত হইয়া রহিয়াছে। অধ্যবসায় ও অকুতোভয়তা ভিন্ন রাজকুমার হেনরীর অত্র সম্বল অধিক ছিল না। তিনি সেই সম্বলের আশ্রয় গ্রহণ করিয়া, অভিনব জলপথের আবিষ্কারসাধনের জন্ত বে অতৃপ্ত আকাঙ্ক্ষা উদ্ভিক্ত করিয়া ইহলোক হইতে অবসর গ্রহণ করিয়াছিলেন, তাহাতে উন্নত হইয়াই তাঁহার স্বদেশের নাবিকরাজ ভারতবর্ষে উপনীত হইয়া-ছিলেন। এই অভিনব জলপথের আবিষ্কারসাধন সুসম্পন্ন হইবামাত্র, প্রাচ্যমাগরে একাধিপত্য বিস্তার করিয়া, ভারতবাণিজ্যে প্রভুত্বলাভের আশায় অভিনব অধ্যবসায় ও অকুতোভয়তা উদ্ভিক্ত হইয়া উঠিল। ভাস্কো ডা গামা তাহার জন্তই মালাবারের উপকূলের অগ্ন্যাগ্ন বন্দরের সন্ধানলাভ না করিয়া, স্বদেশে প্রত্যাবর্তন করিতে সম্মত হইলেন না।

ভাস্কো ডা গামার বাণিজ্যতরণী কালিকট হইতে পশ্চিমাভিমুখে অফ্রিকার দিকে চালিত হইল না, তাহা দক্ষিণাবর্তে পরিচালিত হইয়া মালাবার উপকূলের অগ্ন্যাগ্ন ক্ষুদ্র বন্দরের নিকট দিয়া কোচীন বন্দরে উপনীত হইল। এই বন্দরেও ফিরিঙ্গি-বণিক্ যথায়োগ্য অভ্যর্থনা ও উৎসাহ প্রাপ্ত হইলেন। কোচীনরাজ শক্তিসামর্থ্যে কালিকট-রাজের সমকক্ষ না হইলেও, বাণিজ্যগোরবে আপনাকে কালিকট-রাজের সমকক্ষ

বলিয়াই বিশ্বাস করিতেন। তিনি অজ্ঞাতকুলশীল ফিরিঙ্গি-বণিকের মৌভাগ্যবর্দ্ধনের জন্ত প্রতীক্ষিত হইয়া, পর্তুগালরাজের সহিত সন্ধি সংস্থাপিত করিয়া, পর্তুগালের বাণিজ্যোন্নতিসাধন করিবার ভার গ্রহণ করিলেন। এই বন্দর হইতেও বিবিধ পণ্যদ্রব্য ফিরিঙ্গি-বণিকের বাণিজ্যতরণীতে পুঞ্জীভূত হইতে লাগিল। অধিক বাণিজ্যশুক লাভ করিবার লোভে মালাবারের বাণিজ্যবন্দরের রাজত্ববর্গ এইরূপে ফিরিঙ্গি-বণিকের উৎসাহবর্দ্ধন না করিলে, প্রথম বাণিজ্যযাত্রাতেই ফিরিঙ্গি-বণিক আশাতীত সাফল্য লাভ করিতে পারিতেন না। আফ্রিকা অতিক্রম করিয়া ভারতবর্ষে উপনীত হইবার পক্ষে বাধা-বিঘ্নের অবধি ছিল না ; তরঙ্গসংকুল অকুল সাগরে ক্ষুদ্র তরণী জলমগ্ন হইবার আশঙ্কা ছিল ; অপরিজ্ঞাত প্রাচ্যসাগরে উদ্ধতস্বভাব মুসলমানগণের অত্যাচারে ফিরিঙ্গিগণের সর্বনাশ সংঘটিত হইবার আশঙ্কা ছিল ; সুদূর সমুদ্রপথে সুদীর্ঘকাল পোতচালনা করিতে গিয়া পরিশ্রান্ত নাবিকগণের পক্ষে ব্যাধিযুক্ত হইয়া অকালে প্রাণত্যাগ করিবার সম্ভাবনা ছিল। এরূপ বাণিজ্যযাত্রায় লাভ না হইলে, ব্যয়বাহুল্যে পর্তুগালের পক্ষে ক্রমশঃ সর্বস্বাস্ত হইবারও অসম্ভাবনা ছিল না। এরূপ অবস্থায় প্রথম বাণিজ্য-যাত্রায় পণ্যসংগ্রহে অসমর্থ হইলে ফিরিঙ্গি-বণিকের পক্ষে পুনরায় ভারতযাত্রার আয়োজন করা অসম্ভব হইয়া উঠিত। অশিক্ষিত কুসংস্কারাক্ত জনসমাজ ব্যর্থ বাণিজ্যযাত্রার নানা কাল্পনিক বিভীষিকার সৃষ্টি করিয়া, ফিরিঙ্গি-বণিকের অধ্যবসায় অবসন্ন করিয়া দিত ; ক্ষতিলাভ-গণনা-নিপুণ ধনকুবেরগণ অল্প দিনের মধ্যেই ভারতবাণিজ্যে বীতশ্রদ্ধ হইয়া উঠিতেন ! প্রথম বাণিজ্যযাত্রা সফল হইল বলিয়াই, পর্তুগালের পক্ষে বাণিজ্যবিস্তারের মাহেন্দ্রক্ষণ উপস্থিত হইল !

প্রথম পরিচয়ে ফিরিঙ্গি-বণিক লাভের লোভে অন্ধ হইলেও, প্রকাণ্ড-ভাবে বাহুবলের প্রয়োগ করিতে সাহসী হন নাই। মুসলমান বণিক্-

বর্গের বিদেহ যত ঘনীভূত হইতে লাগিল, বাহবলপ্রয়োগের প্রয়োজন ততই প্রবল হইয়া উঠিল। কিন্তু ফিরিজি-বণিকের পক্ষে বাহবলে সহসা বিজয়লাভ করিবার সম্ভাবনা ছিল না। ভারতবর্ষ হইতে আফ্রিকার উপকূল পর্য্যন্ত সমগ্র সাগরপথে মুসলমানের আধিপত্য। সে আধিপত্য চূর্ণ করিবার শক্তি না থাকায়, ভাস্কো ডা গামা যাহা পাইয়া-ছিলেন, তাহা লইয়াই স্বদেশে প্রত্যাবর্তন করিতে বাধ্য হইলেন। প্রত্যাবর্তনকালে নিরস্তর প্রবল ঝঞ্ঝায় ব্যতিব্যস্ত হইয়া, ফিরিজি-বণিকের বাণিজ্যতরণী নানারূপে বিধ্বস্ত হইতে লাগিল। পরিশ্রান্ত নাবিকবর্গ একে একে মৃত্যুমুখে পতিত হইতেছে দেখিয়া, গামার বীরহৃদয়ও বিচলিত হইয়া উঠিল। তাঁহার সহোদর মৃত্যুমুখে নিপতিত হইলেন! চারি মাস পোতচালনা করিবার পর, গামার তরণীসমূহ যখন আফ্রিকার নিকটবর্তী হইল, তখন অন্তর্জলের অভাবে উপকূলের আশ্রয় গ্রহণ করিতে হইল। উপকূলসকল মুসলমানের অধিকারভুক্ত। তথায় আশ্রয় গ্রহণ করিতে সাহস হইল না। অবশেষে অনেক ইতস্ততঃ করিয়া গামা মেলিন্দা নামক বন্দরে উপনীত হইলেন। সেখানে প্রচুর অন্তর্জল সংগ্রহ করিয়া, উত্তমাশা অন্তরীপ অতিক্রম করিবার আশায়, দক্ষিণাভিমুখে পোতচালনা করিতে লাগিলেন। এইরূপে অক্লান্ত অধ্যবসায়ে দীর্ঘকালব্যাপী সমুদ্রভ্রমণের পর ১৪৯৯ খৃষ্টাব্দের ২৪শে আগষ্ট তারিখে ফিরিজি-বণিকের বাণিজ্যতরণী পর্তুগালে উপনীত হইল। যাহারা যাত্রাকালে ছুই হাত তুলিয়া পর্তুগালরাজকে অকথ্য ভাষায় ভৎসনা করিয়া-ছিল, তাহারা সবিস্ময়ে চাহিয়া দেখিল,—গামার বিজয়তরণী সগর্বে টেগস-নদের জলস্রোত অতিক্রম করিয়া বন্দরাভিমুখে অগ্রসর হইতেছে! দেশের লোক ছুটিয়া আসিতে লাগিল; পণ্যবিক্রয়ের কোলাহলে পর্তুগালের বন্দর মুখরিত হইয়া উঠিল; ভারতবাণিজ্য

পর্তুগালের করতলগত হইয়াছে বলিয়া রাজা প্রজা সকলেই আনন্দে অধীর হইয়া উঠিলেন। ভারতযাত্রার জন্ত যাহা কিছু ব্যয় হইয়াছিল, পণ্যবিক্রয়ে তাহার ষাটগুণ লাভ হইল! এত লাভের কথা কেহ কখন স্বপ্নেও কল্পনা করিতে সাহস করে নাই। সমগ্র ইউরোপ যেন সহসা পুলকিত হইয়া উঠিল; ভারতভূমি যে রত্নপ্রসবিনী, তাহাতে আর কাহারও সন্দেহ রহিল না। ভাস্কো ডা গামা বিবিধ রাজপ্রসাদ ও সম্মানসূচক উপাধি লাভ করিলেন। রাজা প্রজা সকলে মিলিয়া পুনরায় ভারত-যাত্রার আয়োজন করিবার জন্ত লালায়িত হইয়া উঠিলেন। পোপের শাসনপত্রে ভারত-যাত্রার নবাবিষ্কৃত জলপথে কেবল পর্তুগালেরই অধিকার প্রতিষ্ঠিত হইল। তখন পর্তুগাল হইতে পণ্যক্রয়ের জন্ত নানা দেশের বণিগ্ধর্গ পর্তুগালে উপনীত হইয়া, পর্তুগালকে ইউরোপীয় বাণিজ্যের কেন্দ্রস্থলে পরিণত করিল। ভারতবর্ষ কোথায়, ভারতবর্ষ কিরূপ দেশ,—সে কথা আর কাহারও অপরিজ্ঞাত রহিল না। সমগ্র ইউরোপে কেবল ভারতবর্ষের কথাই আলোচিত হইতে লাগিল। স্পর্শমণির স্পর্শলাভে লৌহখণ্ড সুবর্ণধণ্ডে পরিণত হয়;—ভারতবর্ষকে স্পর্শ করিয়া, পর্তুগালের ক্ষুদ্র রাজ্য ইউরোপীয় সমাজে বৃহৎ বলিয়াই প্রতিভাত হইল! বাণিজ্যানুক্র নাগরিকগণ অভিনব রত্নখনির সন্ধান প্রাপ্ত হইলেন; ধর্ম্মাফ্র খৃষ্টানগণ মুসলমান-দলনের অভিনব যুদ্ধক্ষেত্র সম্মুখে বর্তমান দেখিয়া, ধর্ম্মপ্রচারের জন্ত তরবারি শাণিত করিতে লাগিলেন! \*

\* Here indeed was the East of Man's dreams,—a land of gold and silver, of spices and silks, pearls and diamonds.—To arms Portugal! This was a prize worth fighting for!

## একাদশ পরিচ্ছেদ

The eyes of the Malabar Princes were at length opened. Up to this time they had seen in their visitors only men urged by the desire of wealth, and anxious to gratify it in trading with India. Experience tore away the veil, and exposed the secret machinery of Portuguese policy.—*Portuguese Conquests in India.*

উত্তমাশা অন্তরীপ অতিক্রম করিয়া, ইউরোপ হইতে ভারতবর্ষে গমনাগমন করিবার অভিনব জলপথ আবিষ্কৃত হইবামাত্র, পর্তুগালের অধীশ্বর “ইথিওপিয়া, আরেবিয়া, পারসিয়া ও ইণ্ডিয়ার বিজয়বিধাতা” এই অভিনব উপাধি গ্রহণ করিলেন! \* পোপ এই উপাধি প্রদান করায়, পর্তুগাল-রাজের ভারত-বিজয়ের অদ্বিতীয় অধিকার সর্বত্র স্বীকৃত হইল। পর্তুগালের অধীশ্বর এইরূপে অধিকারলাভ করিয়া, ভারত-বিজয়ের আয়োজন করিতে প্রবৃত্ত হইলেন। ১৫০০ খৃষ্টাব্দে ত্রয়োদশ অর্গবপোত সজ্জীভূত হইল। তাহাতে গোলা, বারুদ ও কামান উত্তোলিত হইল। যাহারা সুবিখ্যাত নাবিক,—সুশিক্ষিত সৈনিক,—তাহারাই ভারত-যাত্রার জন্ত নির্বাচিত হইল। খৃষ্টধর্ম-প্রচারের জন্ত সপ্তদশ ধর্মপ্রচারক সজ্জীভূত হইলেন। পিত্র আল-ভারেজ কেব্রাল এই নৌ-বাহিনীর অধিপতি হইয়া ভারত-যাত্রায় বহির্গত হইলেন। ৮ই মার্চ ১২০০ আরোহী লইয়া ত্রয়োদশ অর্গবপোত যখন বিজয়-যাত্রার জন্ত প্রস্তুত হইল, তখন পর্তুগালের অধীশ্বর স্বহস্তে নৌসেনাপতির হস্তে এক মস্তপূত বিজয়পতাকা সমর্পণ করিয়া, তাঁহাকে বুঝাইয়া দিলেন,—“ধর্মপ্রচারকগণ যে

---

\* Lord of the Conquest, Navigation and Commerce of Ethiopia, Arabia, Persia and India.—*Danvers's Portuguese in India. Vol. I. 94.*



সুসমাচার প্রচার করিবেন তাহা গ্রহণ না করিলে, বিধর্মীগণকে নিহত করিতে হইবে!” \* খৃষ্টধর্ম-প্রচারের একরূপ অমোঘ উপায় বাহাদুরের ইতিহাস চিরকাল স্মরণ করিয়া রাখিয়াছে, তাঁহারা কিরূপ নির্ভুর প্রকৃতির পরিচয় প্রদান করিয়াছিলেন, ভারতবর্ষের ইতিহাসে তাঁহার দৃষ্টান্তের অভাব নাই।

স্মার উইলিয়ম হাটার ভারতবর্ষের ইতিহাস-সংকলন করিবার সময়ে পর্তুগাল-রাজের এই মানচুর রাজাজ্ঞার উল্লেখ করেন নাই! পর্তুগালের ইতিহাস-লেখকগণ সগর্বে ইহার উল্লেখ করিয়া গিয়াছেন। খৃষ্টধর্ম প্রচারকগণও ইহার উল্লেখ করিতে বিম্বৃত হন নাই!

আফ্রিকার পশ্চিমতটের নিকট দিয়া দক্ষিণাভিমুখে পোতাচালনা করিবার সময়ে, ঝটিকাবেগে পোতা সকল পথভ্রষ্ট হইয়া, অত্র পথে ধাবিত হইতে লাগিল। এই আকস্মিক দুর্ঘটনাই পর্তুগালের পক্ষে এক নূতন দৌণ্ডাগ্যলাভের কারণ হইয়া উঠিল। এপ্রিল মাসের শেষে নৌ-সেনাপতি দেখিলেন,—সম্মুখে এক নিবিড় বন;—তাহা ভারত-বর্ষের তালবন নহে;—এক অজ্ঞাতপূর্ব নূতন রাজ্যের সমুদ্রসীমা! পর্তুগাল এইরূপে যে রাজ্যে সন্ধান প্রাপ্ত হইল, তাহা এক্ষণে ব্রোজল দেশ নামে সর্বত্র সুপরিচিত হইয়াছে। একদিনে এই নূতন রাজ্য পর্তুগালের অধিকারভুক্ত হইল,—কেবল বায়ুপ্রবাহের উচ্ছ-স্মল গতি এইরূপে অকস্মাৎ পর্তুগালের দৌণ্ডাগ্যবর্দ্ধন করিল! †

\* On the 8th of March, the king, having heard Mass, in the Convent of Belem, placed a consecrated banner in the hands of Cabral, who accompanied by eight Franciscan Missionaries was instructed to destroy all infidels, refusing to listen to the Christianity which the Friars preached.—*Portuguese Discoveries*; P. 23-24.

† Thus the immense Empire of Brazil, the brightest jewel in

বিজয়-যাত্রার প্রথম উপক্রমে নবরাজ্যে পৰ্তুগালের অধিকার প্রতিষ্ঠিত করিয়া নৌ-সেনাপতি পুনরায় উত্তমাশা অন্তরীপ অতিক্রম করিবার আয়োজন করিতে লাগিলেন। ভাকো ডা গামা যে পথে ভারতবর্ষে উপনীত হইয়াছিলেন, তাহা নাবিকগণের অপরিচিত ছিল না। অল্পদিনের মধ্যেই পোভসমূহ তাহার সন্ধান প্রাপ্ত হইয়া, ভারতবর্ষাভিমুখে ধাবিত হইতে লাগিল। চারিধানি অৰ্ণবপোত পথদ্রষ্ট হইয়া অকুল সাগরে আত্মসমর্পণ করিল; অবশিষ্ট অৰ্ণবপোত সেপ্টেম্বর মাসে কালিকটে উপনীত হইল।

এবার ফিরিজি-বণিক্ বীরবিক্রমে অগ্রসর হইয়াছেন। এবার কালিকটের নিকটবর্তী হইবামাত্র, কামানসকল ভীমগর্জনে নাগরিক-গণের ভীতি-উৎপাদন করিয়া, ফিরিজি-বণিকের আগমনবার্তা সর্বত্র প্রচারিত করিয়া দিল। ইহারা যে দুর্দান্ত জলদস্যুমাত্র, মুসলমানগণ রাজাকে তাহা বুঝাইবার চেষ্টা করিয়াও রূতকার্য্য হইতে পারিলেন না। রাজাজ্ঞায় কালিকটের বন্দরে ফিরিজি-বণিকের একটি কুঠী সংস্থাপিত হইল। মুসলমানগণের উপদেশে পণ্যবিক্রেতৃগণ সাবধান হইল; তাহারা পুরাতন ক্রেতৃগণকেই পণ্যবিক্রয় করিতে লাগিল। কেব্রাল ইহাতে অতিমাত্র অসন্তুষ্ট হইয়া, একখানি মুসলমানের বাণিজ্যতরঙ্গী লুণ্ঠন করিলেন। মুসলমানগণ রাজদ্বারে অভিযোগ উপস্থিত করিতে ক্রটি করিলেন না। ফিরিজি-বণিক্ যে সত্যসত্যই জলদস্যু মাত্র, সে কথা কেহই অস্বীকার করিতে পারিলেন না। কিন্তু রাজা তাহাতে বিচলিত হইলেন না। তিনি মুসলমান-গণকে বলিলেন,—“তোমরাও যাহা করিতে পার, কর।” মুসলমানগণ এইরূপে স্বাধীনতালাভ করিয়া, নাগরিকবর্গের সহিত

the Portuguese Crown, was won in a single day, Providence requiring merely to invoke the winds.—*Portuguese Discoveries*. P. 24.

মিলিত হইয়া ফিরিঙ্গি-বণিকের কুঠী আক্রমণ করিয়া, কুঠীয়ালাগণকে নির্দয়রূপে নিহত করিলেন। \* তখন আর শাস্তিসংস্থাপনের সম্ভাবনা রহিল না। ফিরিঙ্গি-বণিক্ অৰ্ণবপোত হইতে গোলাবর্ষণ করিয়া, নগর আক্রমণ করিলেন; মুসলমানের বাণিজ্যতরণী লুণ্ঠন করিতে প্রবৃত্ত হইলেন,—জলে-স্থলে সমরানল প্রজ্বলিত হইয়া উঠিল।

নাগরিকগণ যুদ্ধার্থ প্রস্তুত ছিলেন না। ফিরিঙ্গি-বণিক্ যুদ্ধার্থ প্রস্তুত হইয়াই আসিয়াছিলেন। বাহুবলের পরিচয় প্রদান করিবার উপযুক্ত অবকাশ উপস্থিত হইবামাত্র যুদ্ধ আরম্ভ হইল। মুসলমান-গণের দশখানি পণ্যপূৰ্ণ বাণিজ্যতরণী লুণ্ঠিত হইল। ফিরিঙ্গি-বণিক্ সেই সকল অৰ্ণবপোতে অগ্নিসংযোগ করিলেন। অসহায় নাগরিকগণ তীরে দাঁড়াইয়া এই সর্বনাশ দর্শন করিতে লাগিল। তখন তীরের দিকেও প্রচণ্ডবিক্রমে গোলাবর্ষণের সূত্রপাত হইল। কত লোক প্রাণত্যাগ করিল; কত লোক সৰ্ব্বস্বান্ত হইল; কত লোক নগর-ত্যাগ করিল; নগরের একাংশ ভস্মীভূত হইয়া গেল! তখন ফিরিঙ্গি-বণিক্ কালবিলম্ব না করিয়া, পলায়ন করিলেন। তাঁহাদের তরণী-সমূহ কালিকট ছাড়িয়া কোচীন বন্দরে উপনীত হইল। কালিকট-রাজ্জ এতদূর ভাবিয়া দেখেন নাই। এখন বন্দর-রক্ষার জন্ত

\* এই ঘটনার বর্ণনা করিবার সময় গোলাম হোসেন লিখিয়া গিয়াছেন,—But the Christians commenced molesting the Mussalmans in merchantile business, so that the Samri, becoming enraged, ordered the former's slaughter and massacre. Seventy leading Christians were slain. ইহা মুসলমানদিগের উক্তি বলিয়াই বোধ হয়। এ কথা সত্য হইলে, পৰ্তুগীজগণ ইহার উল্লেখ করিতে ক্রটি করিতেন বলিয়া বোধ হয় না। যাহা হউক, এস্থলে উভয় মতই উল্লিখিত হইল।

তাহাকেও আয়োজন করিতে হইল। জলদস্যু দমন করিতে না পারিলে, বাণিজ্যলক্ষী অন্তর্হিত হইবে; তাহা বুঝিতে পারিয়াই কালিকটরাজ-রণতরণী সজ্জীভূত করিতে প্রবৃত্ত হইলেন।

ফিরিঙ্গি-বণিকের প্রবল প্রতাপের পরিচয় প্রাপ্ত হইয়া, কোচীনরাজ সন্ধি সংস্থাপিত করিয়া আত্মরক্ষা করিলেন। কোচীন-বন্দরে ফিরিঙ্গি-বণিকের কুঠী সংস্থাপিত হইল; তাহাতে কুঠীয়ালগণ বাস করিতে আরম্ভ করিলেন। \* কোচীন-রাজকে কালিকটের সিংহাসনে সংস্থাপিত করিয়া দিবেন বলিয়া কেব্রাল স্পর্ধা প্রকাশ করিতে লাগিলেন। এই সময়ে সংবাদ আসিল,—কালিকট-রাজের রণতরণী কোচীন আক্রমণের জন্ত অগ্রসর হইতেছে। ফিরিঙ্গি-বণিক এই সংবাদে ব্যতিব্যস্ত হইয়া, কুঠীয়ালগণকে কোচীনে রাখিয়া, কোচীনের জনৈক ব্রাহ্মণকে অর্ণবপোতে তুলিয়া লইয়া, স্বদেশাভিমুখে পলায়ন করিতে আরম্ভ করিলেন। † নানা ক্রেশে ছয়খানিমাত্র অর্ণবপোত পর্তুগালে উপনীত হইল।

\* খুষ্টান লেখকগণ একটি কথার উল্লেখ করিতে বিন্মত হইয়াছেন! কোচীনে কুঠী নির্মাণ করিবার সময়ে তাহারা বলপূর্বক একটি মসজিদ ভাঙ্গিয়া গির্জা নির্মাণ করিয়াছিলেন। গোলাম হোসেন তাহার উল্লেখ করিয়া লিখিয়া গিয়াছেন,—“Dis-mantling a mosque, which stood on the sea-shore, they built on its site a church.” গোলাম হোসেনের মুসলমান অনুবাদক একটি টীকা সংযুক্ত করিয়া লিখিয়াছেন,—“The fanatical Vandalism of the Portuguese Christians in demolishing a Moslem mosque is in sad contrast to the toleration and scrupulous regard for the sanctity, the Christian church was shown by the early Moslem Arabs under Omar after the conquest of Palestine !

† The Admiral, “judging discretion the better part of valour” and avoiding the conflict, sailed for Lisbon, and left the Raja of Cochin to his fate.—*Portuguese Discoveries* P. 25-26

ফিরিঙ্গি-বণিকের পক্ষে শাস্তভাবে বাণিজ্যব্যাপারে অর্ধোপার্জন করিবার অসুবিধা ছিল না। ফিরিঙ্গি-বণিক সে পথে অগ্রসর না হইয়া, যে পথের পথিক হইয়াছিলেন, তাহা পর্তুগালের জনসাধারণের নিকট নিরতিশয় আপৎসংকুল বলিয়াই প্রতিভাত হইল। যাহারা ধর্মপ্রচারের জন্ত উন্নত হইয়াছিলেন, তাহারাও বুদ্ধিতে পারিলেন,— ভারতবর্ষে খৃষ্টধর্ম-প্রচারের আশা আকাশকুসুমের পরিণত হইবে। কিন্তু পর্তুগালের অধীশ্বর তাহাতে ভীত বা বিচলিত হইলেন না;—তিনি বাহুবলকেই প্রকৃত বল বলিয়া ঘোষণা করিতে লাগিলেন। সুতরাং পুনরায় বাহুবলে কালিকট ধ্বংস করিবার আয়োজন হইতে লাগিল। জলে স্থলে সমরঘোষণা না করিলে, ভারতবাণিজ্যে পর্তুগালের অধিকার সংস্থাপিত হইবে না; এই বিশ্বাসে পর্তুগালের অধীশ্বর বাহুবল প্রয়োগের জন্ত অধীর হইয়া উঠিলেন।

এ দিকে কালিকট-রাজ্যের রণতরঙ্গীসমূহ কোচীন বন্দরের নিকটবর্তী হইলে, ফিরিঙ্গি-বণিকের পলায়নবার্তা প্রকাশিত হইয়া পড়িল। তখন কালিকট-রাজ্যের নৌ-সেনাপতি কোচীন-রাজ্যের নিকট দূত প্রেরণ করিয়া, ফিরিঙ্গি-কুঠিয়ালগণকে ধৃত করিয়া দিবার জন্ত অভ্যুদয় জ্ঞাপন করিলেন। কোচীন-রাজ্য তাহাতে সন্তুষ্ট হইলেন না। তখন কোচীন ও কালিকটের বাণিজ্য-কলহ সমর-কলহে পরিণত হইল। † মালাবারের উপকূলে এইরূপে যে সমরানল প্রজ্বলিত হইয়া উঠিল, তাহাতেই

\* Animated by a crusading spirit, the aim of the Portuguese government was to destroy the Arab commerce, and to establish an armed monopoly.—Riaz-us-Salateen, Note.

† এই কলহে কোচীনরাজ্যের পুত্র নিহত হইবার কথা “রিয়াজে” লিখিত আছে।  
যথা,—Consequently, the Samri, advancing with his forces, slew the son of the king of Kuchin, and ravaging that province, returned.

বাণিজ্যালম্বী ভস্মীভূত হইবার উপক্রম হইল। জলে স্থলে হিংসাদেশ ও পরস্বাপহরণ প্রবল হইতে লাগিল। এই সময়ে পৰ্তুগাল হইতে যে সকল বাণিজ্যতরণী সমাগত হইয়াছিল, তাহাদিগকে রক্ষা করিবার জন্য কোচীন-রাজ যত্ন করিতে লাগিলেন; কালিকট-রাজ তাহাদের ধ্বংস-সাধন করিবার জন্য বদ্ধপরিকর হইলেন। পৰ্তুগালের বাণিজ্যতরণী কোনরূপে পৰ্তুগালে প্রত্যাবর্তন করিবামাত্র পৰ্তুগালরাজ কালিকট ধ্বংস করিয়া, অগ্ন্যাগ্ন বন্দরের সহিত বাণিজ্য করিবার জন্য কৃতসংকল্প হইলেন।

১৫০২ খৃষ্টাব্দে পুনরায় ভাস্কো ডা গামা সসৈন্তে ভারতযাত্রা করিলেন। এবার কেবল ভারতবর্ষে যাতায়াতের অভিনব জনপথের আবিষ্কারকামনা তাঁহাকে ভারত-যাত্রার উৎসাহযুক্ত করে নাই; এবার বৈরনির্ব্যাভনের প্রবল উত্তেজনায় পৰ্তুগীজ সেনাপতির ধর্মবুদ্ধি বিলুপ্ত হইয়া গিয়াছিল। গামা ভারতবর্ষের নিকটবর্তী হইবামাত্র, কালিকট আক্রমণ করিয়া, নগর-প্রাচীরের উপর গোলাবর্ষণ করিতে লাগিলেন; বন্দরের মুসলমান বাণিজ্যতরণী ভস্মীভূত করিয়া ফেলিলেন, মালাবারের অগ্ন্যাগ্ন বন্দরে উপনীত হইয়, কুঠী সংস্থাপিত করিয়া, একটি কুঠীতে গোপনে গোলা, বারুদ ও কাশান ভূগর্ভে প্রোথিত করিয়া রাখিলেন; এবং তীররক্ষার্থ রণতরণী সংস্থাপিত করিয়া, কালিকটের রণতরণীসমূহ আক্রমণ করিতে প্রবৃত্ত হইলেন। ভাস্কো ডা গামা যেন হৃদ্যন্ত জলদৈত্যের মত সর্বত্র ধাবিত হইতে লাগিলেন। কালিকটের রণতরণী পরাভূত হইল। কালিকট রাজের নৌসেনা গামার নিকট বন্দি-বেশে আনীত হইল। গামা ৮০০ বন্দীর নাসা কর্ত্তব্য ও হস্তদ্বয় ছেদন করিয়া তাহা উপঢৌকনস্বরূপ কালিকট-রাজকে প্রেরণ করিলেন। হতভাগ্য বন্দিগণ ইহাতেও মুক্তিলাভ করিল না। কাষ্ঠফলকের আঘাতে তাহাদের দস্তপঙ্ক্তি উৎপাটিত হইতে লাগিল। একজন

ব্রাহ্মণদূত উপনীত হইবামাত্র, গামা তাঁহার কর্ণদ্বয় ছেদন করিয়া, তাহার স্থলে কুকুরের কর্ণ সংযুক্ত করিয়া দিয়া, ব্রাহ্মণদূতকে কালিকট-রাজের নিকট প্রেরণ করিলেন ! জনৈক মুসলমান বণিক্ এই সকল পাশব অত্যাচারের প্রতিবাদ করায়, গামার প্রধান পোতাধ্যক্ষ তাঁহার গুষ্ঠে কশাঘাত করিতে করিতে, তাঁহাকে ধরাশায়ী করিয়া, তাঁহার মুখে শূকরের মাংস বাধিয়া দিলেন ! ইতিহাসে এরূপ লোমহর্ষণ অত্যাচার-কাহিনী অধিক লিপিবদ্ধ হয় নাই ! এইরূপে দিগ্বিজয় সুসম্পন্ন করিয়া, ভাস্কো ডা গামা ভারতবর্ষ হইতে প্রস্থান করিলেন । ফিরিঙ্গি-বণিকের নামে কালিকটের নাগরিকগণ শিহরিয়া উঠিল । কালিকট-রাজ বুঝিতে পারিলেন,—কোচীন-রাজের সহায়তা লাভ করিয়াই গামা এতদূর স্পর্দ্ধা প্রাপ্ত হইয়াছিলেন । তখন কোচীন-বন্দর আক্রান্ত হইল;—কালিকট ও কোচীনের মধ্যে চিরশত্রুতা প্রতিষ্ঠিত হইল !

ভাস্কো ডা গামার স্বদেশীয় লেখকবর্গ তাঁহার এই সকল পাশব অত্যাচারের পক্ষসমর্থন করিয়াই ইতিহাসের রচনা করিয়া গিয়াছেন । কিন্তু উত্তরকালের খৃষ্টধর্ম্ম-প্রচারকগণ ইহার পক্ষ-সমর্থনের চেষ্টা করেন নাই । তাঁহারা ইহাকে কালধর্ম্ম বলিয়াই ব্যক্ত করিয়া গিয়াছেন ।\*

কালিকট-রাজের অপরাধ ছিল না ; মুসলমান বণিকবর্গেরও বিশেষ অপরাধ ছিল না । কালিকট-রাজ ফিরিঙ্গি-বণিকের সহিত মিত্রতাস্থাপন

\* It is unnecessary to multiply these frightful recitals, but it was requisite to give some idea of the arrogance and cruelty of the Portuguese conquerors. Of course, every attempt is made by their fellow-countrymen to justify or palliate such atrocities as we have described. But though the bad faith of the Hindu monarchs and the perfidious insinuations of the Moors may explain the conduct of the Admiral, the spirit of his age can alone excuse it—*Portuguese Discoveries*, P. 32.

করিয়া মিত্রতারক্ষার্থ আপন প্রজাবর্গের প্রকৃত অভিযোগেও উপেক্ষা প্রদর্শন করিয়াছিলেন। মুসলমান বণিগ্‌বর্গ প্রথমে ফিরিঙ্গি-বণিককে আক্রমণ করেন নাই। তাঁহাদের বাণিজ্যতরণী লুণ্ঠিত হইবার পর, তাঁহারা রাজদ্বারে অভিযোগ উপস্থিত করিয়াছিলেন। রাজা সে অভিযোগে কর্ণপাত না করায়, তাঁহারা ফিরিঙ্গি-বণিকের কুঠী আক্রমণ করায় কুঠীয়ালাগণ নিহত হন। বিচার করিয়া দেখিলে, ইহার জ্ঞাত কালিকট-আক্রমণের পক্ষ সমর্থন করা যায় না। কিন্তু যে যুগে এই সকল ঘটনা সংঘটিত হয়, সে যুগে ইউরোপের বিচারবুদ্ধি মার্জিত হয় নাই;—তখনও বাহুবলই সকল তর্কের মীমাংসা করিয়া দিত,—তখনও পাশব অভ্যাসই বাহুবলের পরাকাষ্ঠা বলিয়া পরিচিত ছিল।

দ্বিতীয়বার ভারতবর্ষে উপনীত হইবামাত্র গামা কালিকট-রাজকে বলিয়া পাঠাইলেন,—মুসলমানগণকে চিরনির্বাসিত না করিলে, কালিকট ধ্বংসপ্রাপ্ত হইবে। হিন্দু নরপতি মুসলমান প্রজাবর্গের বাণিজ্যরক্ষার্থ সর্বস্বান্ত হইতে প্রস্তুত না হইলে, কালিকট ধ্বংস প্রাপ্ত হইত না। কিন্তু কালিকট-রাজ রাজধর্ম্য বিসর্জন দিয়া নগররক্ষা করিতে সম্মত হইলেন না। ইহাতেই অনর্থ উপন্ন হইল। এই সকল ঐতিহাসিক ঘটনা ধীরভাবে বিচার করিয়া দেখিলে সকলকেই স্বীকার করিতে হইবে,—যাহা চরিত্রগুণ, তাহার জ্ঞানই কালিকটের সর্বনাশ হইয়াছিল।



## দ্বাদশ পরিচ্ছেদ

### আত্মরক্ষা

The Zamorin made every effort to rouse the apathetic sovereigns to take part in the common cause.—*Portuguese Conquest in India.*

কালিকট-রাজ আত্মরক্ষার আয়োজন করিতে ক্রটি করেন নাই। তথাপি তাঁহার আয়োজন ব্যর্থ করিয়া, ভাস্কো ডা গামা ভারতবর্ষে বিভীষিকার সঞ্চার করিতে কৃতকার্য হইলেন। তিনি ইহার জন্ত প্রস্তুত ছিলেন; কিন্তু ভারতবর্ষের লোক এরূপ নিষ্ঠুরতার জন্ত প্রস্তুত ছিল না। এখন ভাস্কো ডা গামার নাম ইতিহাসে সুপরিচিত হইয়াছে। তাঁহার চরিত্রদোষ বিস্মৃত হইয়া, ইতিহাস-লেখকগণ তাঁহার চরিত্রগুণেরই উল্লেখ করিতেছেন। কিন্তু সেকালের কাগজপত্রে দেখিতে পাওয়া যায়,—গামা বীর হইলেও দস্যু, ধর্মোন্মত্ত হইলেও রাক্ষসের আশ্রয় নিষ্ঠুর!

ফিরিজি-বণিকের সহিত মালাবার-প্রবাসী যে সকল মুসলমান বণিকের কলহ ঘটয়াছিল, তাঁহারা রাজা বা রাজপুরুষ ছিলেন না। সে কলহ কেবল ব্যক্তিগত বাণিজ্য-কলহ; তাহা জাতিগত ধর্ম-কলহ নহে। গামা তাহাকে সে ভাবে গ্রহণ করেন নাই। তিনি তাহাকে মুসলমান ও খৃষ্টানের—এসিয়া ও ইউরোপের—রক্ষা ও খেতাবের—জাতিগত কলহ বলিয়াই ধরিয়া লইয়াছিলেন। তিনি যখন ভারতবর্ষ অভিযুখে অগ্রসর হইতেছিলেন, তখনই তাহার প্রমাণ প্রকাশিত হইয়া পড়িয়াছিল।

মিশরের সুলতানের নিরীহ প্রজাবর্গ মক্কাভীর্ষ দর্শন করিয়া, একখানি অর্ঘবপোতে অরোহণ করিয়া, স্বদেশে প্রত্যাবর্তন করিতে-ছিল। আফ্রিকার পূর্বোপকূলের নিকটে এসিয়া, গামার অর্ঘবপোতের

সহিত এই সকল তীর্থযাত্রীর অর্ণবপোতের সংঘর্ষ উপস্থিত হইল। তীর্থযাত্রী বলিয়া কেহ নিষ্কৃতিলাভ করিল না! যাহার নিকট যাহা ছিল, হাজিগণ সর্বস্ব সমর্পণ করিয়া, কেবল প্রাণভিক্ষা করিল। কিন্তু তাহারা যে সকলেই মুসলমান! গামা মুসলমান তীর্থযাত্রীর কাতর ক্রন্দনে কর্ণপাত না করিয়া, তাহাদের অর্ণবপোত লক্ষ্য করিয়া গোলা-বর্ষণ করিতে প্রবৃত্ত হইলেন \*। পোতে অগ্নি সংযুক্ত হইবামাত্র তীর্থ-যাত্রিগণ সাগরজলে তাহা নির্দাপিত করিবার জন্ত চেষ্টা করিতে লাগিল। গামা পুনরায় অগ্নিসংযোগে প্রবৃত্ত হইলেন। এক জন লিখিয়া গিয়াছেন,—“মুসলমান তীর্থযাত্রিবর্গের অর্ণবপোতে যে সকল রমণী ছিলেন, তাহারা শিশু সন্তানগণকে উদ্ধে উত্তোলিত করিয়া, গামার দিকে কাতরনয়নে চাহিয়া, বালকবালিকার প্রাণভিক্ষা করিতে লাগিলেন;—গামা অবিচলিতচিত্তে স্ত্রীহত্যায় শিশু-হত্যায় নিবিষ্ট হইয়া রহিলেন।” †

কালিকটে উপনীত হইবার পূর্বেই কালিকট-রাজের সম্ভ্রান্ত রাজ-দূতগণ ভাক্কো ডা গামার অর্ণবপোতে আরোহণ করিয়া সন্ধিস্থাপনের জন্ত যথাসাধ্য যত্ন করিয়াছিলেন। গামা তাহার প্রত্যাশার বলিয়া-ছিলেন,—“সমস্ত মুসলমান প্রজাকে কালিকট হইতে চিরনির্বাসিত না করিলে সন্ধি হইবে না।” কালিকট-রাজের পক্ষে বাহুবলে কালিকট রক্ষা করিবার সম্ভাবনা ছিল না। তথাপি তিনি এরূপ প্রস্তাবে সন্মতি-

\* The Arabs, seeing resistance hopeless, offered an enormous ransom, which the Admiral accepted, and yet ordered the vessel to be fired. The poor wretches succeeded in extinguishing the flames but the merciless Da Gama ordered his men to rekindle them.—*Portuguese Discoveries*.

† The women held up their children to Da Gama.—*Navegacas as Indias Orientaes por Thome Lopes*.

জ্ঞাপন করিতে পারিলেন না। তাঁহাকে জানিয়া-গুনিয়াই আত্মবিসর্জন করিতে হইল। তিনি আত্মরক্ষার্থ রাজত্বগণকে আহ্বান করিয়াছিলেন। তাহাতে কেহ কর্ণপাত না করায়, কালিকট-রাজ একাকী সমরানলে আত্মাহুতি প্রদান করিতে বাধ্য হইলেন।

কোচীন-রাজ ফিরিজি-বণিকের পৃষ্ঠপোষক না হইলে, গামা একাকী এতদূর স্পর্ধা প্রকাশ করিতে সাহসী হইতেন না। লাভের লোভে অন্ধ হইয়া, কোচীন-রাজ স্বদেশদ্রোহে লিপ্ত হইলেন। তাহাই ভারত-বর্ষের ইতিহাসের প্রধান কথা। ভারতবর্ষের ইতিহাসে যে সকল সন্ধিকালের পরিচয় প্রাপ্ত হওয়া যায়, তাহার সকল কালেই স্বদেশ-দ্রোহীর অত্যাচারেই ভারতবর্ষ পরাভূত হইয়াছে! কাপুরুষ না হইলে, কেহ স্বদেশদ্রোহে লিপ্ত হয় না। কোচীন-রাজ কাপুরুষের মতই আচরণ করিতে লাগিলেন। গামা স্বদেশে প্রত্যাভর্জন করিবামাত্র, কোচীন-রাজ নগর ত্যাগ করিয়া, বিপিন নামক একটি ক্ষুদ্র দ্বীপের দুর্গমধ্যে পলায়ন করিলেন।

কোচীন বন্দরে আশ্রয়লাভ না করিলে,—কোচীন-রাজের প্রশ্রয় প্রাপ্ত না হইলে,—ফিরিজি-বণিক্ সহস্রা সমরঘোষণা করিতে সাহসী হইতেন না। সে কথা উভয় পক্ষের ফাহারও অজ্ঞাত রহিল না। কালিকটরাজ বাধ্য হইয়া কোচীন-বন্দর ধ্বংস করিবার জ্ঞাতকৃতসংকল্প হইলেন; পর্তুগাল-রাজও বাধ্য হইয়া কোচীন বন্দর রক্ষা করিবার জ্ঞাতকৃতসংকল্প হইলেন। যাহা কালিকট ও পর্তুগালের কলহ, তাহা এইরূপে কালিকট ও কোচীনের কলহে পরিণত হইল;—যাহা হিন্দু, মুসলমান ও খৃষ্টানের কলহ, তাহা কেবল হিন্দু-মুসলমানের গৃহকলহে পরিণত হইল;—যাহা শ্বেতকৃষ্ণের শত্রুতা, তাহা এইরূপে গৃহশত্রুতায় পর্যাবসিত হইল! এক ভারতবাসী অথ ভারতবাসীর কর্ণচ্ছেদ করিয়া

উভয়ে গতাস্থ হইবামাত্র, ফিরিজি আসিয়া শূণ্য সিংহাসন অধিকার করিল !

১৫০৩ খৃষ্টাব্দে আলবুকার্ক নামক স্বনামখ্যাত পর্তুগীজ সেনাপতি মালবারে উপনীত হইয়া দেখিলেন,—কোচীন বন্দর অবরুদ্ধ ; রাজ পলায়িত ; কোচীনের ফিরিজি কুঠিমালাগণ জীবন্মৃত । আলবুকার্ক উপনীত না হইলে, কোচীন বন্দর ধ্বংসপ্রাপ্ত হইত । আলবুকার্ক আসিয়া কোচীন-রাজের লজ্জা রক্ষা করিলেন । \* আবার কোচীন বন্দর আপন্নত হইল ; আবার কোচীন-রাজ সিংহাসনে আরোহণ করিলেন । এই উপকার স্বরণ করিয়া, কৃতজ্ঞ কোচীন-রাজ ফিরিজি-বণিক্কে কোচীনে দুর্গনিৰ্ম্মাণ করিবার অধিকার দান করিলেন । কোচীনের ঠায় কুইলন বন্দরেও ফিরিজি-বণিকের কুঠী সংস্থাপিত হইল, এবং বন্দর-রক্ষার্থ ফিরিজি-বণিকের রণতরী মালাবারের নানা স্থানে গতায়াত্র করিতে লাগিল । পরাভূত কালিকট-রাজ বাধা প্রদান করিতে পারিলেন না ; বরং বাধ্য হইয়া সন্ধিস্থাপনে সম্মত হইলেন ।

পাকিও নামক সেনাপতিকে ভারতবর্ষে রাখিয়া, ( ১৫০৪ ) আলবুকার্ক পর্তুগাল অভিযুগে প্রত্যাবর্তন করিতে না করিতে কালিকট-রাজ আবার কোচীন বন্দর আক্রমণ করিতে প্রবৃত্ত হইলেন । ফিরিজি-বণিকের সেনাবল অধিক ছিল না ; পাকিও অন্ত্রোপায় হইয়া নায়ার-বংশীয় দিপাহীগণকে পণ্টন-ভুক্ত করিতে প্রবৃত্ত হইলেন । এই স্ত্রে ফিরিজির বাহুবলের সহিত ভারতবাসীর বাহুবল সংযুক্ত হইয়া ভারতবর্ষের পরাজয়-সাধনে অগ্রসর হইল । ভারতবর্ষের যে জাতি স্বদেশের

\* \* At every time, the Portuguese helped Kuchin, so that the Samri did not succeed in subduing it, and without attaining his object retired.—Riaz-us-salateen. p. 402-403.

বিক্রমে খড়গধারণ করিবার জন্য সর্বপ্রথমে ফিরিঙ্গির পণ্টন-ভুক্ত হয়, তাহারা নায়ার নামে অতাপি সর্বত্র সুপরিচিত। নায়ারদিগের সংক্ষেপে টমাস সম্প্রদায়ভুক্ত খৃষ্টান ও কোন কোন মুসলমানও ফিরিঙ্গির পণ্টন-ভুক্ত হইতে লাগিল। অল্প দিনের মধ্যে তাহারা সমরশিক্ষায় সুশিক্ষিত হইয়া, জলে স্থলে কালিকট-রাজ্যকে পরাভূত করিয়া, কোচীন বন্দরে ফিরিঙ্গি-বণিকের প্রাধান্য সংস্থাপিত করিয়া দিল।

ভাস্কো ডা গামা ভারতবাণিজ্যের অভিনব চলপথের আবিষ্কার সাধন করিতে না করিতে, চকিতের ছায় ফিরিঙ্গি-বণিকের প্রাধান্য প্রতিষ্ঠিত হইতে লাগিল। তাহারা প্রথমে বণিকের বেশে ক্ষুদ্র পোতে আরোহণ করিয়া ভারতবর্ষে উপনীত হইয়াছিল, তাহাদের পক্ষে সমুদ্র ও সমুদ্রপোত ভিন্ন অন্য কোনও আশ্রয়স্থল বর্তমান ছিল না। অল্প দিনের মধ্যে তাহারা কুঠী সংস্থাপিত করিল; অল্প দিনের মধ্যে তাহারা দুর্গনির্মাণ করিল; অল্প দিনের মধ্যে তাহারা সেনাদল সংগ্রহ করিয়া বাহুবলে ভারতবাণিজ্যে আধিপত্যবিস্তার করিয়া, মালাবারের রাজ্য-বর্গের ভাগ্যবিধাতা হইয়া উঠিল। ইতিহাসে এরূপ আকস্মিক বিজয়-কাহিনী অধিক নাই।

মুসলমানগণ আত্মরক্ষা করিতে পারিলেন না। তাহারা ভারতবর্ষে আশ্রয়লাভ করিয়া, বাণিজ্যব্যাপারে অর্থোপার্জন করিতেন,—কখনও বাহুবলের পরীক্ষা প্রদান করিবার প্রয়োজন উপস্থিত হয় নাই। সহসা সেই প্রয়োজন উপস্থিত হইবামাত্র, মুসলমানগণ পদে পদে পরাভূত হইলেন। লোহিতসাগরমুখে ফিরিঙ্গি-বণিকের রণতরী সজ্জীভূত থাকিয়া আরব বা মিশর হইতে মুসলমানদিগের সহায়তা-সংগ্রহের পথ রুদ্ধ করিয়া দিয়াছিল। অগত্যা মুসলমানগণ ধনরত্ন সংগৃহীত করিয়া পোতারোহণে পারস্তোপসাগর-পথে পলায়ন করিবার আয়োজন করিতে লাগিলেন।

আয়োজন সমাপ্ত হইলে, মুসলমানদিগের অর্ণবপোত কালিকট হইতে বিদায় গ্রহণ করিল। এই সময়ে সোয়ারেজ নামক ফিরিজি-সেনাপতি ত্রয়োদশ অর্ণবপোত লইয়া ভারতবর্ষে উপনীত হইলেন। তিনি মুসলমানদিগের পলায়নপথে রণতরণী সংস্থাপিত করিয়া, তাহাদের ধন-বস্তুপূর্ণ সপ্তদশ অর্ণবপোত অধিকার করিবামাত্র, দ্বিসহস্র মুসলমান নিহত করিয়া, মুসলমানবিজয় সুসম্পন্ন করিলেন। যাহারা এইরূপে প্রাণবিসর্জ্ঞন করিল, তাহারা আত্মরক্ষার চেষ্টা করিবারও অবসর প্রাপ্ত হইল না।

কালিকট-রাজের আত্মরক্ষার চেষ্টা ব্যর্থ হইয়া গেল। \* বাণিজ্যবলই কালিকট-রাজের একমাত্র বল; সে বল প্রবল পীড়নে চূর্ণ হইয়া গেল। মুসলমান বণিকের পলায়নে কালিকট-রাজের পক্ষে ফিরিজি-বণিকের আধিপত্য অস্বীকার করিবার উপায় রহিল না।

ফিরিজি-বণিকের বাহুবলের কথাই ইতিহাসে লিখিত হইয়া সর্বত্র সুপরিচিত হইয়াছে। তাহাতে সকল কথার সুসঙ্গত ব্যাখ্যা প্রাপ্ত হওয়া যায় না। তাহাদের বাহুবল অপেক্ষা কুটিল কৌশলই যে বাণিজ্য-বিস্তারের প্রধান সহায়, তাহা জানিতে না পারিলে, ফিরিজি-বণিকের বিজয়কাহিনী আরব্যোপন্যাসের অলীক কাহিনীর তায় প্রতিভাত হইয়া থাকে।

কি গুণে ফিরিজি-বণিক সাত বৎসরের মধ্যে বহু শতাব্দীর মুসল-

\* Becoming powerless, he sent envoys to the rulers of Egypt, Jiddah, the Dakhin and Gujrat. Complaining of the mal-practices of the Christians, he asked for help, and sending out narratives of the oppressions, practised by the Christians over the Mussalmans, he stirred up the veins of their zeal and rage.—Riar-us-Salateen. p. 403.

মান-বাণিজ্যের প্রবল প্রতাপ পরাভূত করিয়া, ভারতসাগরে প্রভুত্ব-বিস্তার করিতে সমর্থ হইয়াছিলেন, তাহার তথ্যানুসন্ধানে প্রবৃত্ত হইবামাত্র মনে হয়,—হৃদয়বলই ফিরিঙ্গি-বণিকের অভ্যুদয়লাভের মূল কারণ। অধ্যবসায় ও অকুতোভয়তা জয়যুক্ত হইল; তাহার সহিত নির্ভুরতা মিলিত না হইলে, ইতিহাস কলঙ্কিত হইত না। স্বার্থপরতা ও গৃহকলহ পরাভূত হইয়া গেল; তাহার সহিত স্বদেশদ্রোহ মিলিত না হইলে, ইতিহাস কলঙ্কিত হইত না।

তথাপি এই স্বদেশদ্রোহের কলঙ্ককাহিনীর সম্যক আলোচনা না করিলে, ফিরিঙ্গি-বণিকের অসাধারণ অভ্যুদয়লাভের প্রকৃত কার্য্যকারণ-শৃঙ্খলা প্রকাশিত হইতে পারে না। ইউরোপীয় ইতিহাসলেখকেরাও ইহার উল্লেখ করিয়া গিয়াছেন। যাহারা ইতিহাসের মর্য্যাদারক্ষা করিয়া লেখনী-চালনা করিয়া গিয়াছেন, তাঁহারা কেহই ফিরিঙ্গি-বণিকের কলঙ্কঘোষণা করিতে ইতস্ততঃ করেন নাই। কিন্তু কেহই কোচীন-রাজের স্বদেশদ্রোহের সমালোচনা করিবার চেষ্টা করেন নাই। ইহাতে ইতিহাসে কেবল ফিরিঙ্গি-বণিকের নামই কলঙ্কযুক্ত হইয়া রহিয়াছে;—ভারতবর্ষের স্বদেশদ্রোহীর নাম কলঙ্কযুক্ত হয় নাই।

কোচীন-রাজ দুর্বল বলিয়া ফিরিঙ্গি-বণিকের হস্তে আত্মসমর্পণ করিলে, তাঁহাকে দুর্বল বলিয়া ভারতবর্ষের ইতিহাসলেখক কৃপা করিতে পারিতেন। কিন্তু কোচীন-রাজ স্বার্থলুপ্ত হইয়াই ফিরিঙ্গি-বণিককে আশ্রয়দান করিয়াছিলেন; তাঁহাদের সহায়তা গ্রহণ করিয়া, কালিকটের সিংহাসনে আরোহণ করিবার আশায় উন্মত্ত হইয়া উঠিয়াছিলেন; এবং সেই জগুই স্বদেশদ্রোহে লিপ্ত হইয়াছিলেন। ইতিহাসলেখক একরূপ চরিত্রকে কদাচ কৃপা করিতে পারেন না। পাপ চিরদিনই পাপ! স্বদেশদ্রোহ মহাপাপ!

ফিরিঙ্গি-বণিক্ প্রথম সন্দর্শনেই কোচীন-রাজের এই পাপ-প্রবৃত্তির

পরিচয় প্রাপ্ত হইয়া, সর্বপ্রথমে তাহাকে বিবাহিত করিয়া তুলিয়া-  
ছিলেন। কোচীন-বন্দরে উপনীত হইয়া, ফিরিঙ্গি-বণিক্ যে অভিজ্ঞতা  
লাভ করেন, তাহাই ইউরোপের পক্ষে এসিয়া-বিজয়-কামনা পোষণ  
করিবার প্রধান প্রলোভন। ফিরিঙ্গি-বণিক্ এ দেশে আসিয়া স্বদেশ-  
দ্রোহীর সহায়তা লাভ করিতে না পারিলে, কেবল বাহুবলে ভারত-  
বাণিজ্যে শক্তিবিস্তার করিতে পারিতেন না।

মালাবারের স্বাধীন-বাণিজ্য ফিরিঙ্গি জলদস্যুর অত্যাচার উৎপীড়নে  
এইরূপে বিপর্যস্ত হইবামাত্র, সমগ্র পাশ্চাত্য-সমাজে আশঙ্কা উদ্ভিক্ত  
হইয়া উঠিল। যাহারা মুসলমান বণিকবর্গের যোগে পারস্তোপসাগরের  
ও লোহিত সাগরের পুরাতন বাণিজ্যপথে ভারতীয় পণ্যদ্রব্য প্রাপ্ত  
হইয়া, ইউরোপের নানা দেশে বাণিজ্য করিয়া প্রভূত অর্থোপার্জন  
করিতেন, তাঁহারা আশঙ্কান্বিত হইয়া উঠিলেন। তাঁহাদের মধ্যেও আত্ম-  
রক্ষার উপায় আবিষ্কারের জন্ত উত্তেজনা অনুভূত হইতে লাগিল।  
একালের ত্রায় সকালে অল্পক্ষণের মধ্যে সকল কথা ভগদ্ব্যাপ্ত হইবার  
উপায় ছিল না; সুতরাং সকল কথা ভগদ্ব্যাপ্ত হইতে বিলম্ব ঘটিতে  
লাগিল। অবশেষে ভূমধ্যসাগরের ইউরোপীয় বণিগ্‌বর্গ যখন মুসলমান  
বণিগ্‌বর্গের সর্বনাশের প্রকৃত কারণ অবগত হইলেন, তখন মুসলমান-  
বাণিজ্য রক্ষা করিবার জন্ত আগ্রহ উপস্থিত হইল। পর্তুগাল হইতে  
ভারতীয় পণ্যদ্রব্য সংগ্রহ করিয়া ভূমধ্যসাগরতীরের বিবিধ পণ্যবীথিকায়  
বিক্রয় করিয়া অর্থোপার্জন করা অপেক্ষা মুসলমান বণিকের নিকট  
পণ্য-সংগ্রহ করা সমধিক লাভজনক। সুতরাং মুসলমানগণকে অধিক  
প্রয়াস স্বীকার করিতে হইল না। ভূমধ্যসাগরের ইউরোপীয় বণিগ্‌বর্গের  
মধ্যে তৎকালে ভিনিসীয়গণই প্রাধান্যলাভ করিয়াছিলেন। তাঁহারা  
মুসলমানের সহিত একবাক্যে ভারত-বাণিজ্য রক্ষা করিবার জন্ত বদ্ধ-  
পরিকর হইলেন। এক দল খৃষ্টান মুসলমান-দলনে অগ্রসর, অগ্রদল



খৃষ্টান মুসলমান-রক্ষার্থ বন্ধপরিষ্কর ; এইরূপে ইউরোপের খৃষ্টানগণ দুই দলে বিভক্ত হইয়া পড়িলেন ।

উভয় দলই তখন পর্য্যন্ত পোপের শাসনক্ষমতা শিরোধার্য্য করিতেন । উভয় দলের কথাই পোপের কর্ণগোচর হইল । পোপ বিচলিত হইয়া উঠিলেন । পর্তুগালের অধীশ্বর বিচলিত হইলেন না । পোপ সকল সমাচার জানিতেন না বলিয়া বিচলিত হইলেন । পর্তুগালের অধীশ্বর সকল সমাচার জানিতেন বলিয়াই কিছুমাত্র বিচলিত হইলেন না ।

তখনও ইউরোপ হইতে মুসলমানাতঙ্ক সম্পূর্ণরূপে নিরস্ত হয় নাই । আরব দেশের মরুমরীচিকায় জন্মগ্রহণ করিয়া, যে মহাশক্তি বিশ্ববিজয়ে বহির্গত হইয়াছিল, রোমক সাম্রাজ্যের অনেক প্রধান স্থান তাহার কর-তলগত হইয়া পড়িয়াছিল । খৃষ্টানগণ অকাতরে আত্মবিসর্জন করিয়াও প্যালেষ্টিন ও ইউরোপীয় ভূকিস্থান হইতে মুসলমানকে বিতাড়িত করিতে পারেন নাই । তখন মিশর ও আফ্রিকার অত্যাচার সম্পন্ন জনপদ মুসলমানের অধিকারভুক্ত । তখন স্পেন-পর্তুগাল মুসলমানের কবল-মুক্ত হইলেও, আতঙ্কশূন্য হয় নাই । এক্রূপ সময়ে মিশরের মুসলমান সুলতান পোপকে তর্জ্জন গর্জ্জন করিয়া লিখিয়া পাঠাইলেন,—“পর্তুগালকে শাসন না করিলে, সুলতান খৃষ্টান-জন্মস্থানের পবিত্র মন্দির ধ্বংস করিবেন ; খৃষ্টানগণকে নিহত করিয়া প্রতিহিংসাবৃত্তি চরিতার্থ করিতে বাধ্য হইবেন ।” তিনিসীম খৃষ্টানগণও পোপকে ভয় প্রদর্শন করিতে ক্রটি করিলেন না । পোপ বিচলিত হইবামাত্র পর্তুগালের অধীশ্বর তাঁহাকে বিনীতভাবে বুঝাইয়া দিলেন,—“ভারত-বাণিজ্য ব্যপদেশমাত্র ; সত্য-ধর্ম্ম প্রচারিত করাই প্রকৃত উদ্দেশ্য ;—তাহা সন্নিহিত হইবার উপক্রম হইয়াছে ।” পোপ আশ্বস্ত হইলেন । পর্তুগালের বাহুবল উচ্ছ্বল হইয়া উঠিল । ইউরোপ ছাড়িয়া মুসলমান-খৃষ্টানের সমরকোলাহল এসিয়ার সমুদ্রোপকূল মুখরিত করিয়া তুলিল ।

মুসলমান-পক্ষে আত্মরক্ষার পথ পূর্বেই রুদ্ধ হইয়া গিয়াছিল। মুসলমানগণ মিশর ও মালাবার এই উভয় স্থান হইতে আক্রমণ করিয়া, ফিরিজি-বণিক্কে সহজে পরাভূত করিতে পারিতেন। কিন্তু উভয় স্থান হইতেই মুসলমান-শক্তি পরাভূত হইবার পর মুসলমানের আত্ম-রক্ষার আয়োজন আরম্ভ হইল। সে আয়োজন সর্বথা ব্যর্থ হইয়া পড়িলে, পর্তুগাল-রাজ তাহা জানিতেন বলিয়াই কিছুমাত্র বিচলিত হইলেন না, বরং ভারতবর্ষে ফিরিজি-বণিকের বাহুবল প্রবল করিয়া তুলিবার জ্ঞাত উপায় উদ্ভাবনে ব্যাপৃত হইলেন। এসিয়া সমগ্র থাকিতে জাগিল না; যখন জাগিয়া উঠিল, তখন চাহিয়া দেখিল,—এসিয়ার সমুদ্রপথে ফিরিজি-বণিকের বাণিজ্য-তরলী রণ-তরলীতে পরিণত হইয়াছে;—তাহার প্রবল পীড়নে এসিয়ার জল স্থল কল্পিত হইয়া উঠিয়াছে।

## ত্রয়োদশ পরিচ্ছেদ

### বাহুবল

If the Portuguese feats of arms in India had been brilliant, the policy which directed and supported them at Lisbon was far-reaching and profound.—*Sir W. Hunter.*

শুলতানের নৌ-সেনাদল ফিরিঙ্গি-বণিকের দর্প চূর্ণ করিবার জন্ত আয়োজন করিতেছে,—এই সংবাদে ভারতপ্রবাসী ফিরিঙ্গি-বণিকগণ নিতান্ত আতঙ্কযুক্ত হইয়া, পর্তুগালে পত্র লিখিতে লাগিলেন। কোচীনের কুঠিয়ালগণ লিখিয়া পাঠাইলেন,—“অবিলম্বে পর্তুগাল হইতে রাজ-সেনা সমাগত না হইলে, সর্বনাশ হইবে।”

পর্তুগাল-অধীশ্বর সৌভাগ্যশালী ইমানুয়েল প্রতিভাবলে ইতিহাসে আপন নাম চিরস্মরণীয় করিয়া গিয়াছেন। তিনি বুঝিলেন,—অতঃপর দীর্ঘকাল বাহুবলে বাণিজ্যরক্ষা করিতে হইবে; তাহার জন্ত ভারতবর্ষে একজন সুযোগ্য রাজপ্রতিনিধি প্রেরণ করাই যুক্তিসঙ্গত। তাঁহার আদেশে ১৫০৫ খৃষ্টাব্দের মার্চ মাসে আলমিডা নামক সম্ভ্রান্ত রাজপুরুষ পর্তুগালের রাজপ্রতিনিধি হইয়া ভারতবাসী করিলেন। তাঁহার সহিত উপযুক্ত সেনাদল প্রেরিত হইল।

প্রাচ্য-গগন ক্রমশঃ মেঘমালায় আচ্ছন্ন হইতে লাগিল। জলে স্থলে বাহুবলের প্রবল প্রতাপ প্রতিষ্ঠা লাভ করিল। বাণিজ্যলক্ষ্মী অন্তর্হিত হইয়া গেল। জলদস্যুর উৎপীড়নে ভারতবাসিগণ ব্যতিব্যস্ত হইয়া উঠিল।

সকলেই বুঝিতে পারিল,—বাহুবল প্রবল বল। শুলতান বাহুবলে

বাণিজ্যরক্ষা করিবার আশায়, আফ্রিকার পূর্বোপকূলে সমরসজ্জা করিলেন। পর্তুগীজ রাজপ্রতিনিধিও তদ্দেশে আত্মশক্তি প্রবল করিবার আশায় কুইলোয়া নামক স্থানে দুর্গনির্মাণে প্রবৃত্ত হইলেন। যাহা মুসলমান ও খৃষ্টানের ধর্মকলহরূপে এতকাল ভূমধ্যসাগরে বাহুবলের পরিচয় প্রদান করিতে ব্যস্ত ছিল, যাহা কালক্রমে মালাবার-উপকূলে আসিয়া বাণিজ্য-কলহে পরিণত হইয়াছিল, তাহা ক্রমে ক্রমে আফ্রিকার উপকূলে আসিয়া সাম্রাজ্য-কলহের আকার ধারণ করিল।

আফ্রিকার পূর্বোপকূলে উপনীত হইয়া, ফিরিজি-বণিক্ তদ্দেশের আড়কাটিগণের সহায়তায়, ভারতবর্ষাভিমুখে পোতচালনা করিতেন। আড়কাটিগণ সুলতানের প্রজা। সুলতানের সহিত যুদ্ধ উপস্থিত হইলে, ফিরিজি-বণিকের পক্ষে মুসলমান আড়কাটির সহায়তা লাভ করা সহজ হইবে না। আল্‌মিডা এই কথা চিন্তা করিবারাত্র, একটি স্বতন্ত্র আড়কাটিদল গঠন করিতে প্রবৃত্ত হইলেন। ভারতসমুদ্রে কাহার আধিপত্য প্রবল হইবে, তাহার উপরেই ফিরিজি-বণিকের জয়-পরাজয় নির্ভর করিতেছিল। আল্‌মিডা যে ভাবে আফ্রিকার পূর্বোপকূলে শক্তিবিস্তার করিলেন, তাহাতে সুলতানের নৌসেনাদলের পক্ষে ভারতসাগরে আধিপত্য রক্ষা করিবার সম্ভাবনা রহিল না। তথাপি তাহারা চেষ্টার ক্রটি করিল না।

আল্‌মিডার অধীনে দ্বাবিংশ অর্ণবপোত বাহুবলে ফিরিজির বাণিজ্য-রক্ষা করিবার জন্ত ভারতসাগরে সম্মিলিত হইয়াছিল। অস্ত্রশস্ত্রের অভাব ছিল না; সাহসী সেনানায়কগণের অভাব ছিল না; সুতরাং জলে-স্থলে বাহুবলের পরীক্ষা চলিতে লাগিল। সে পরীক্ষায় সুলতানের সেনাদল জয়লাভ করিতে পারিল না; আফ্রিকার উপকূলে ফিরিজি-বণিকের আধিপত্য দিন দিন প্রবল হইতে লাগিল। চারি বৎসর ধরিয়া ফিরিজি-বণিক্ আধিপত্য-বিস্তারের চেষ্টা করিতে গিয়া, কালিকট-রাজকে

বহুবার পরাভূত করিয়া, সিংহল-রাজের মিত্রতা লাভ করিলেন। ইহাতে ফিরিজি-বণিকের আধিপত্য আরও প্রবল হইয়া উঠিল।

কালিকট-রাজ আত্মরক্ষার জন্ত যথাসাধ্য চেষ্টা করিতে ক্রটি করিলেন না। তাঁহার ৮৪ খানি রণপোত ও ১২০ খানি ছিপ ফিরিজি-বণিকের সহিত জলযুদ্ধে লিপ্ত হইয়াছিল। যখন কালিকট-রাজ পরাভূত হইলেন, তখন তাঁহার নৌসেনাদলের তিন সহস্র মুসলমান নিহত হইয়া গেল,—প্রাণ থাকিতে কেহ পরাভব স্বীকার করিল না।

সুলতান এই সকল পরাজয়বার্তা প্রাপ্ত হইয়া, ১৫০৮ খৃষ্টাব্দে আমীর হোসেন নামক সুদক্ষ নৌসেনাপতিকে সেনাপতি-পদে বরণ করিলেন। \* আমীর হোসেন ভারতবর্ষে উপনীত হইয়া, কালিকটের সেনাদলের সহিত মিলিত হইবেন, এবং হিন্দু-মুসলমানের সমবেত বাহুবলে দুর্দ্বর্ষ ফিরিজি-বণিককে সমুচিত শিক্ষাদান করিবেন, এই আশায় সুলতান যথাযোগ্য রণসজ্জার ক্রটি করিলেন না।

আমীর হোসেন পর্তুগালের ইতিহাসে “মীর হোসেন” নামে সুপরিচিত। তিনি বোম্বাই প্রদেশে উপনীত হইয়া, ভারতীয় নৌসেনাদলের সহিত মিলিত হইলেন। † সমবেত নৌবাহিনী দক্ষিণা-

\* At length Sultan Qabsur Ghuri despatched to the Indian coasts a general named Amir Husain with a fleet of thirteen war-vessels, containing a naval force with armaments.—Riaz-us-Salateen P. 404.

† এই নৌসেনাদলের বিবরণ “রিয়াজে” উল্লিখিত আছে। গুজরাট ও বান্ধী রাজ্যের সুলতানগণও যথাসাধ্য রণতরঙ্গী সজ্জীভূত করিয়াছেন। First the ships from Egypt arrived in the port of Deo, and uniting with the ships of Gujrat, set out for Tabril, which was the rendezvous of the Portuguese. And some ships of the Samri and some ships of Goa and Dabil having also joined them, they kindled the fire of war.—Riaz-us-Salateen. p. 404.

ভিমুখে অগ্রসর হইয়া, কালিকটের ছত্রভঙ্গ সেনাদলের সহিত মিলিত হইতে পারিলে, ফিরিঙ্গি-বণিকের সর্বনাশ হইত। আমীর হোসেন কালিকটের নিকটবর্তী হইবার পূর্বেই, ফিরিঙ্গির নৌবাহিনী কর্তৃক মধ্যপথে আক্রান্ত হইলেন। আল্‌মিডার দ্বাবিংশবর্ষ-বয়স্ক যুবা পুত্র লোরেঞ্জো এই জলযুদ্ধে ফিরিঙ্গি-বণিকের আধিপত্য-রক্ষার্থ প্রাণবিসর্জন করিলেন। যুদ্ধের প্রথম উপক্রমেই গোলাবর্ষণে তাহার পদদ্বয় ভগ্ন হইয়া গেল। তিনি আহতকলেবরে মাস্তুলের নিকটে বসিয়া সেনাচালনা করিতে করিতে প্রাণত্যাগ করিলেন। হিন্দু-মুসলমানের নৌবাহিনী জয়লাভ করিয়াও, এই অসাধারণ আত্মত্যাগ দর্শনে শত্রুপক্ষের জয়ধ্বনি করিয়া উঠিল; সমুচিত সমাদরে বীরপুরুষের অন্ত্যেষ্টিক্রিয়া সুসম্পন্ন করিয়া, বীরপুত্রের অলৌকিক বীরত্বের জন্ত আল্‌মিডাকে অভিনন্দন করিতে লাগিল।

এই যুদ্ধে জয়লাভ করিয়াও, হিন্দু-মুসলমান স্থায়ী ফললাভ করিতে পারিল না। পর বৎসরে তাহারা আবার পরাভূত হইয়া গেল। এই যুদ্ধ ডিউ নগরের সম্মুখে সংঘটিত হইয়াছিল। ইহা ভারতযুদ্ধের মধ্যে চির-স্মরণীয় হইয়া রহিয়াছে। এই যুদ্ধে সমগ্র এসিয়াখণ্ডের ভাগ্যবিপর্যয় সম্পন্ন হইয়া গেল; এই যুদ্ধে সমস্ত ইউরোপের অভ্যুদয়লাভের পথ প্রশস্ত হইয়া পড়িল; এই যুদ্ধে এসিয়া আঁধার, ইউরোপ সৌভাগ্যের আলোকে উজ্জ্বল হইয়া উঠিল।

১৫০৯ খৃষ্টাব্দের ২রা ফেব্রুয়ারী তারিখে এই মহাযুদ্ধ সংঘটিত হয়। পর্তুগাল-রাজ ভারতসাগরে ফিরিঙ্গি-বণিকের আধিপত্য চিরসংস্থাপিত করিবার আশায় নৌসেনাবল বর্দ্ধিত করিয়াছিলেন। সর্কাপেক্ষা স্রবহৎ অর্ণবপোত সকল ভারতসাগরেই প্রেরিত হইয়াছিল; সর্কাপেক্ষা সূদক্ষ পোতাধ্যক্ষগণ তাহার পরিচালন-কার্য্যে নিযুক্ত হইয়াছিল; সর্কাপেক্ষা সাহসী নৌসেনাদল তাহাতে আরোহণ করিয়া, ভারতবর্ষে উপ-

নীত হইয়াছিল। পুঞ্জশোকার্ড আলুমিডা প্রতিহিংসা চরিতার্থ করিবার উপযুক্ত অবসরকালের প্রতীক্ষায় দিনগণনায় ব্যাপৃত ছিলেন। সিংহল হইতে কালিকট পর্য্যন্ত সকল স্থানে তাঁহার আধিপত্য প্রবল হইয়াছিল। ভারতীয় নৌবাহিনী উত্তরাংশে বোম্বাই বন্দরের নিকটবর্তী সাগর-সলিলে বিচরণ করিয়া, কালিকটের উদ্ধারসাধনের অপেক্ষা করিতে বাধ্য হইয়াছিল। তাহাদের আয়োজন সম্পূর্ণ হইবার পূর্বেই ফিরিঙ্গি-বণিকের আয়োজন সম্পূর্ণ হইয়া গেল। আলুমিডা স্বয়ং সেনাচালনার ভার গ্রহণ করিয়া যুদ্ধার্থ অগ্রসর হইলেন। এই যুদ্ধে তিন সহস্র মুসলমান প্রাণবিসর্জন করে; এই যুদ্ধে মুসলমান-বাণিজ্য চিরদিনের মত পরাভূত হইয়া যায়; এই যুদ্ধেই ভারতসাগরে ফিরিঙ্গি-বণিকের আধিপত্য চির-প্রতিষ্ঠিত হয় এবং রাজ্য-প্রতিষ্ঠারও সূত্রপাত হয়।

পৃথিবীর ইতিহাসে যে সকল জলযুদ্ধের বিবরণ লিপিবদ্ধ হইয়া রহিয়াছে, তাহার অনেক যুদ্ধের তুলনায় এই যুদ্ধ সামান্য যুদ্ধ বলিয়াই পরিগণিত হইতে পারে। কিন্তু পরিণামফলের কথা আলোচিত হইলে, ইহাকেই পৃথিবীর ইতিহাসের সর্বাপেক্ষা স্মরণীয় জলযুদ্ধ বলিয়া স্বীকার করিতে হইবে। ইহাতে পৃথিবীর ইতিহাস সম্পূর্ণরূপে পরিবর্তিত হইয়া গিয়াছে; ইহাতে প্রাচ্যের প্রতিষ্ঠা প্রতীচ্য-সমাজকে আশ্রয় করিয়া দুর্বলকে সবল ও সবলকে দুর্বল করিয়া দিয়াছে; যাহারা সমগ্র সভ্য-সমাজে পণ্য-বিক্রয় করিয়া ধনগৌরবে প্রবল হইয়া উঠিয়াছিল, তাহাদিগকে দীনহীন কাদ্মাল সাজাইয়া ভিক্ষাপাত্রকরে ইউরোপের দ্বারস্থ করিয়া দিয়াছে।

এই সময়ে সমগ্র ইউরোপে পর্তুগালের অসাধারণ শোভাগ্যবুদ্ধির জন্ত ঈর্ষ্যাধ্বজ জন্মগ্রহণ করে নাই; বরং পর্তুগালের বিজয়বার্তা সমগ্র খৃষ্টানসমাজের বিজয়বার্তা বলিয়াই সর্বত্র গৃহীত ও সমাদৃত হইয়াছিল। এসিয়ার অবস্থা সেরূপ ছিল না! এসিয়াবাসিগণ ইহাকে কালিকটের

হিন্দু-মুসলমানের পরাজয় ভিন্ন সমগ্র এসিয়ার পরাজয় বলিয়া হৃদয়ঙ্গম করিতে পারে নাই। মুসলমান-সমাজের অবস্থাও শোচনীয় হইয়া উঠিয়াছিল। এই যুদ্ধে মুসলমান-প্রতাপ যে এসিয়া হইতে চিরদিনের মত অন্তর্হিত হইবার উপক্রম হইল, মুসলমানগণ তাহা ভাল করিয়া অনুধাবন করিবার অবসর প্রাপ্ত হইলেন না। তৎকালে মিশর ও ইউরোপীয়-তুর্কিস্থানে দুই জন সতন্ত্র মুসলমান সুলতান বর্তমান ছিলেন। ধর্ম্মে এক হইয়াও, এই দুই সুলতান দুই সহচরের ন্যায় উভয়ের সাধারণ শত্রুর পরাজয়সাধনের চেষ্টা করিতে প্রবৃত্ত হইলেন না; এক সুলতান অপর সুলতানের রাজ্য জয় করিবার জন্ত অশান্ত হইয়া উঠিলেন। এক ভ্রাতা অপর ভ্রাতার রাজ্যাপহরণের জন্ত বাহ প্রসারিত করায়, মুসলমানের পক্ষে এই পরাজয় চিরপরাজয়ে পরিণত হইয়া ফিরিঙ্গি-বণিকের সমরবিজয়কে চিরবিজয়ে পরিণত করিয়া দিল। \* তুরস্কের সুলতান মিশরের সুলতানকে ব্যতিব্যস্ত করিয়া, কালক্রমে মিশর-বিজয় সম্পন্ন করিয়াছিলেন। স্বজাতিকলহে আত্মরক্ষার্থ ব্যতিব্যস্ত হইয়া, মিশরের সুলতান আর ভারতবাণিজ্যে মুসলমানের আধিপত্য-রক্ষার আয়োজন করিতে পারিলেন না।

যে পর্তুগীজবীর এইরূপে প্রাচ্যসাগরে প্রতীচ্য-শক্তি দৃঢ়-প্রতিষ্ঠিত করিলেন, তাঁহার কথায় কর্ণপাত করিলে, প্রাচ্য-সাগরে পর্তুগালের আধিপত্য চিরপ্রতিষ্ঠিত হইত! আল্‌মিডা ভারতসাগরে স্বদেশের একাধিপত্য সংস্থাপিত করিবার আশায়, দ্বীপে দ্বীপে দুর্গনির্মাণ করিয়া, নৌবাহিনীর উন্নতিসাধনের জন্ত ব্যস্ত হইয়াছিলেন; স্থলভাগে দুর্গনির্মাণ

\* In as much as at that period, Sultan Salim Khaqan of Rum (Turkey) defeated the Ghoriah Sultan of Egypt, and the empire of the latter came to an end, the Samri, who was the promoter of this war, lost heart, and the Portuguese acquired complete domination.—Riaz-us-Salateen p. 404.



করিয়া পণ্যরক্ষা বা রাজ্য-সংস্থাপনের জ্ঞান লালায়িত হন নাই। পৰ্তুগালরাজ স্থলহুর্গের উন্নতিসাধন করিয়া, রাজ্যসংস্থাপনের জ্ঞানই ব্যস্ত হইয়া উঠিয়াছিলেন। ইমানুয়েল প্রভু; আল্‌মিডা রাজপুরুষমাত্র। তাঁহাকে রাজ্যের আদেশ শিরোধার্য্য করিতে হইল। কিন্তু ইতিহাস এখন মুক্তকণ্ঠে রাজা অপেক্ষা রাজপুরুষেরই প্রশংসাবাদ করিয়া আসিতেছে! ইমানুয়েল দূরে বসিয়া ভারতবর্ষেরই প্রকৃত অবস্থা হৃদয়ঙ্গম করিতে না পারিয়াই, রাজপ্রতিনিধির সমাচীন সংপরামর্শে উপেক্ষা প্রদর্শন করিলেন।

আল্‌মিডা সহজে সন্তুষ্ট হইলেন না। তিনি পুনঃপুনঃ প্রতিবাদ করিয়া লিখিয়া পাঠাইলেন,—“স্থলহুর্গের সংখ্যা বৃদ্ধি করিয়া রাজ্যসংস্থাপনের চেষ্টায় প্রবৃত্ত হইলে, প্রত্যেক হুর্গের সেনা-সংখ্যা অল্প হইয়া পড়িবে; তাহার সহজে পরাভূত হইয়া, ফিরিজি-বণিকের সর্বনাশ-সাধন করিবে; তাহার পরিবর্তে জলহুর্গের উপর নির্ভর করিলে, ভারত-সাগরে ফিরিজি-বণিকের প্রবল প্রতাপ চিরপ্রতিষ্ঠিত হইয়া, ভারতবাণিজ্যে তাঁহাদের একাধিপত্য সংস্থাপিত করিয়া দিবে।” ভূত্যা প্রভুকে যতদূর সতর্ক করিতে পারে, আল্‌মিডা তাহার ক্রটি করিলেন না। তিনি লিখিয়া পাঠাইলেন,—“ভারতবর্ষ হইতে মুসলমান বণিককে চিরনির্বাসিত করিবার প্রকৃত পথ আবিষ্কৃত হইয়াছে; সেই পথে অগ্রসর হইলে, ঈশ্বরেচ্ছায় অচিরেই উদ্দেশ্য সফল হইতে পারিবে।” ইমানুয়েল এই সকল প্রতিবাদে ধৈর্য্যচ্যুত হইয়া মনে করিলেন,—আল্‌মিডা যাহা ভাল বুঝিবেন, তাহাই করিবেন; তিনি হয় ত রাজাদেশ গ্রাহ্য করিবেন না! সুতরাং ইমানুয়েল তাঁহাকে পদচ্যুত করিয়া, তাঁহার স্থল অধিকার করিবার জ্ঞান আল্‌বুকাককে রাজপ্রতিনিধি নিযুক্ত করিয়া ভারতবর্ষে প্রেরণ করিলেন।

ভারতবর্ষ সম্বন্ধে আল্‌বুকাকের অভিজ্ঞতার অভাব ছিল না। তিনি

ভারতবর্ষে আসিয়া অতি অল্প সময়ে যেরূপ প্রতিষ্ঠালাভ করিয়া স্বদেশে প্রত্যাবর্তন করিয়াছিলেন, তাহাতে রাজসদনে তাঁহার আধিপত্য প্রবল হইয়া উঠিয়াছিল। আলবুকার্ক সম্মুখের লাভের লোভে অন্ধ হইয়া, আলমিডার ত্রায় ভবিষ্যতের দিকে দৃষ্টিপাত করিতে পারেন নাই। তিনি বুঝিয়াছিলেন, রাজ্যবিস্তার না করিলে, ফিরিঙ্গি-বণিকের বাণিজ্য বিস্তারের অণু পথ নাই। তিনি যাহা বুঝিয়াছিলেন, রাজাকেও তাহাই বুঝাইয়া দিয়াছিলেন। কিন্তু আলমিডা তাঁহাকে মূর্থ, বাতুল, রাজপ্রতিনিধির উচ্চপদে নিযুক্ত হইবার সম্পূর্ণ অননুপযুক্ত বলিয়া প্রকাশভাবে ব্যক্ত করিতে লাগিলেন।\*

আলবুকার্ক নৌবাহিনী সমভিব্যাহারে আফ্রিকার পূর্বোপকূলে উপনীত হইয়া, সোকোট্রা নামক বিখ্যাত বন্দর আক্রমণ করিলেন। এই বন্দর লোহিতসাগরের প্রবেশদ্বার রক্ষা করিয়া, মিসরের সহিত ভারতবর্ষের জলবাণিজ্যের প্রধান সহায় বলিয়া সুপরিচিত ছিল। এখানে বাণিজ্যোপলক্ষে বহু দেশের লোকের বসতি ছিল। এই বন্দর অধিকার করিবামাত্র আলবুকার্ক মুসলমানগণকে নির্কাসিত করিয়া, তাঁহাদের তালবনে খৃষ্টানদিগের অধিকার সংস্থাপিত করিয়া দিলেন। সোকোট্রা অধিকার করিবার পর, আলবুকার্ক আরবদেশের উপকূলভাগ আক্রমণ করিলেন; মস্কট নগরের উপর গোলাবর্ষণ করিয়া, পারস্তোপ-সাগরেও ফিরিঙ্গি-বণিকের প্রাধান্য-সংস্থাপক সন্ধি স্থাপিত করিতে রুতকার্য্য হইলেন। তিনি ১৫০৮ খৃষ্টাব্দের শেষে ক্যানানোরে উপনীত হইয়া, আলমিডাকে নিয়োগপত্র দেখাইলেন। আলমিডা তখন পুত্র-

\* He constantly referred to Albuquerque as a "fool" and a "mad man" and there can be little doubt but that he actually did bring his mind to consider him unfit to administer the affairs of the Indian trade :—Danver's Portuguese in India Vol. I. p. 147.

শোকের প্রতিশোধ-কামনার যুদ্ধের আয়োজন করিতে ব্যাপৃত ছিলেন। সুতরাং ডিউ নগরের নিকটবর্তী মহাযুদ্ধ শেষ না হওয়া পর্য্যন্ত আলমিডা পদত্যাগ করিলেন না; অগত্যা আলবুকার্ক যুদ্ধাবসানের প্রতীক্ষা করিয়া রহিলেন।

জলযুদ্ধে বিজয়লাভ করিয়া আলমিডা যখন সগোরবে মালাবারে প্রত্যাবৃত্ত হইলেন, তখন তিনি পদত্যাগ করিতে সম্মত হইলেন না। আলবুকার্ক তাহার জন্ত পুনঃপুনঃ তর্জ্জন গর্জ্জন করায়, আলমিডা তাঁহাকে শৃঙ্খলাবদ্ধ করিয়া কারারুদ্ধ করিলেন; এবং সেই ভাবেই তাঁহাকে পর্তুগালে প্রেরণ করিবেন বলিয়া ভয় প্রদর্শন করিতে লাগিলেন।

ফিরিজি-বণিকের এই আকস্মিক গৃহকলহ ক্ষুদ্র কোচিন রাজ্যের রাজা প্রজার মনে আতঙ্কসঞ্চার করিল। কিন্তু অল্পদিনের মধ্যেই পর্তুগাল হইতে আলবুকার্কের ভ্রাতুষ্পুত্র মার্শাল ডমফারনান্দ কুটিন্ হো রাজ্যদেশে নৌবাহিনীর অধিপতিরূপে ভারতসাগরে উপনীত হইবামাত্র আলমিডার চক্রান্তজাল ছিন্ন হইয়া গেল। আলবুকার্ক রাজ-প্রতিনিধির কার্যভার প্রাপ্ত হইলেন, আলমিডা স্বদেশে প্রত্যাবর্তন করিতে বাধ্য হইলেন। উত্তমাশা অন্তরীপ অতিক্রম করিয়া, আফ্রিকার দক্ষিণতটে খাত ও পানীয় সংগ্রহের আয়োজন করিতে গিয়া, স্বদেশের বর্ষের অধিবাসিগণের সহিত আলমিডার ভৃত্যবর্গ বিবাদ বাধাইয়া দিল। আলমিডা তীরে অবতীর্ণ হইয়া ভৃত্যবর্গের পৃষ্ঠপোষক চেষ্টা করিতে গিয়া, কণ্ঠে ভীৰবিদ্ধ হইয়া, সৈকতশয্যায় প্রপত্যাগ করিলেন।

আলমিডার তিরোভাবে সহিত ফিরিজি-বণিকের ভারত-বাণিজ্য-নীতির প্রথম লক্ষ্য তিরোহিত হইয়া গেল। সে লক্ষ্যের সহিত যে লোভ আত্মপ্রকাশ করিয়াছিল, তাহা বাণিজ্য-লোভ,—প্রাচ্য-বাণিজ্যে একাধিপত্য বিস্তারের অর্থ-লোভ। তাহা ভারতসাগরতীরে সাম্রাজ্য-

সংস্থাপনের হুরাকাজ্জাকে প্রশ্রয়দান করিত না, বরং সেখানে বেকরুপ শাসনপ্রণালী বর্তমান ছিল, দেশীয় নৃপতিবৃন্দের অধীনে তাহা সংস্থাপিত করিয়া, তাঁহাদের সাহায্যে বাণিজ্যপথ হইতে প্রতিদ্বন্দ্বী অপসারিত করিবার জগুই প্রয়াস স্বাকার করিত। পর্তুগালের নৌবল প্রবল হইয়া সে লক্ষ্যসাধনকে ক্রমে সহজ করিয়া তুলিতেছিল। আলবুকার্কের আগমনে ইতিহাসের একটি নূতন অধ্যায় উদ্ঘাটিত হইল।\*

\* ফেরেস্তার গ্রন্থে, আকবর-ই-মহব্বৎ নামক গ্রন্থে, তুহকাতুল-মুজাহিদুল নামক গ্রন্থে ও রিয়াজ-উস্-সলাতিন গ্রন্থে ফিরিঙ্গি-বণিকের ভারত-বাণিজ্যের বিবরণ লিপিবদ্ধ আছে। তাহা সংক্ষিপ্ত হইলেও, তাহাতে ঘটনাগুলি সরলভাবেই উল্লিখিত হইয়াছে।

## চতুর্দশ পরিচ্ছেদ

### রাজ্যলাভ

Albuquerque entered at once on those vast schemes of conquest which have made him one of the heroes of Portugal.—*Portuguese Conquests in India.*

১৪৫৩ খৃষ্টাব্দে আলবুকার্কের জন্ম হয়। তখনও পর্তুগাল পর-পদানত নগণ্য দেশ। তাহার পর যে সকল ঘটনাসূত্রে পর্তুগাল ধীরে ধীরে প্রাধাত্য লাভ করিতেছিল, তাহা সমস্তই আলবুকার্কের সময়ে সংঘটিত হইয়াছিল। তিনি যৌবনে পদার্পণ করিয়া যে স্বদেশ-প্রেমে মত্ত হইয়া উঠিয়াছিলেন, পরিণত জীবনে তাহার মাত্রা ক্রমেই বিবর্দ্ধিত হইয়াছিল। ভারতবর্ষে আসিয়া রাজপ্রতিনিধির উচ্চপদ অধিকার করিবার সময়ে তাঁহার বয়ঃক্রম প্রায় ষাট বৎসর হইয়াছিল ; তথাপি তিনি উৎসাহে ও অধ্যবসারে দৃঢ়নিশ্চয় যুবকগণকে লজ্জা দিতে পারিতেন। তিনি বাণিজ্য অপেক্ষা রাজ্যলাভকেই প্রধান লক্ষ্য করিয়াছিলেন। স্বহস্তে কার্য্যভার গ্রহণ করিবামাত্র আলবুকার্ক লক্ষ্যসাধনের জন্ত ব্যাকুল হইয়া উঠিলেন।

মালাবারের বিবিধ বন্দরে ফিরিজি-বণিকের বাণিজ্যালয় সংস্থাপিত হইয়াছিল। ভারতমাগরে ফিরিজি-বণিকের লুণ্ঠন-প্রতাপে অত্যাগত বণিকের বাণিজ্য-তরঙ্গী একরূপ অপরিচিত হইয়া উঠিয়াছিল ;—তথাপি কালিকটের বন্দর যেন ফিরিজি-বণিকের চিরশত্রুরূপে বর্তমান থাকিয়া আতঙ্ক-সঞ্চার করিতে বিরত হন নাই। কেবল কালিকট-রাজের ভয়েই ফিরিজি-বণিক এত দূর আতঙ্কযুক্ত হইত না। সমগ্র মুসলমান-সমাজ কালিকট-রাজের পক্ষভুক্ত হইতে পারেন, এই আতঙ্কই

ফিরিজি-বণিককে নিরতিশয় বিব্রত করিয়া তুলিয়াছিল। ঐ আসিতেছে,—ঐ আসিল,—সর্বদা এইরূপ উৎকণ্ঠায় ফিরিজি-বণিক বাতিবাস্ত হইয়া উঠিতেন। \* আলবুকার্ক ইহার মূলোচ্ছেদ করিবার জন্ত কৃত-হইলেন।

এই ফিরিজি-বীরের মুসলমান-বিদ্বেষ চিরস্মরণীয় হইয়া রহিয়াছে। তিনি ইতিহাসে তাহার যে সকল প্রমাণ রাখিয়া গিয়াছেন, তাহা অল্প নহে। কিন্তু তাহার চরিতাখ্যায়ক যে সকল গুপ্ত সংকল্পের উল্লেখ করিয়া গিয়াছেন, তাহা আরও ভয়ঙ্কর! মিশরের মুসলমান সুলতানকে শিক্ষাদান করিবার জন্ত, আলবুকার্ক খাল কাটিয়া নীল নদকে লোহিত সাগরে টানিয়া আনিবার সংকল্প করিয়াছিলেন। ইহাতে সমগ্র মিশর দেশ মরুভূমিতে পরিণত হইত। সমগ্র মুসলমানসমাজকে শিক্ষাদান করিবার জন্ত মুসলমান-ধর্ম্মপ্রবর্তক মহম্মদের পবিত্র অস্থি সর্বসমক্ষে ভস্মসাৎ করিবার সংকল্প হইয়াছিল। বলা বাহুল্য, ইহার কোনও সংকল্পই কার্যে পরিণত হয় নাই। কিন্তু ইহা হইতেই আলবুকার্কের মুসলমান-বিদ্বেষের মাত্রা কতদূর চড়িয়া উঠিয়াছিল, তাহার উৎকণ্ঠ পরিচয় প্রাপ্ত হওয়া যায়। †

আলবুকার্কের এই মুসলমান-বিদ্বেষ সেকালের সকল ফিরিজির

\* The cry “the Rumes are coming” menaced me at every step.—Albuquerque’s letter to the King, April, 1512.

† “There are two actions suggested by the magnanimity of his heart which he determined to perform. One was to divert the channel of the Nile to the Red Sea and prevent it from running through Egypt, thereby to render the lands of the Grand Turk sterile; the other to carry away from Meca the bones of the abominable Mafoma (Mahammad) that they being reduced publicly to ashes, the votaries of so foul a sect might be confounded.—Machado,

সাধারণ-বিদেবরূপে প্রচলিত থাকায়, চরিতাখ্যায়কগণ ইহার উল্লেখ করিতে কিছুমাত্র লজ্জাবোধ করেন নাই। তাঁহারা বরং ইহাকে দৃঢ়-চরিত্র বীরপুরুষোচিত চিত্তবল বলিয়া বর্ণনা করিয়া গিয়াছেন।

আলবুকার্কের হিন্দু-বিদেবেরও অভাব ছিল না। হিন্দু-মুসলমান একত্রে মিলিত হইয়া কালিকট-রাজ্যের সহায়তা করিত; কালিকটের বন্দর তাহাদের প্রধান সম্মিলনক্ষেত্র হইয়া উঠিয়াছিল। সুতরাং কালিকট-ধ্বংস করাই প্রথম ও প্রধান কর্তব্য বলিয়া প্রতিভাত হইয়াছিল। জল-যুদ্ধে হিন্দুমুসলমানের সম্মিলিত শক্তি পরাভূত হইয়াছিল; কিন্তু স্থলবর্ত্তে হিন্দু-মুসলমানের সমবেত শক্তি অক্ষুণ্ণপ্রতাপে বর্ত্তমান ছিল। আলবুকার্ক সেই শক্তি চূর্ণ করিবার আশায় রাজ্যভাৰ্য ব্যাকুল হইয়া উঠিলেন।

১৫১০ খৃষ্টাব্দের প্রারম্ভে কালিকট আক্রান্ত হইল! ফিরিঙ্গি-বণিক্ নগরদাহ করিয়া রাজপথ অধিকার করিলেন। \* তখন হিন্দু-মুসলমানগণ রাজপ্রাসাদে সমবেত হইয়া, প্রবলপ্রতাপে ফিরিঙ্গিগণকে আক্রমণ করিলেন। পাঁচশত ফিরিঙ্গি প্রাণত্যাগ করিতে বাধ্য হইলেন; যাহারা কোনরূপে রক্ষা পাইলেন, তাঁহারা সে বীর-প্রতাপ সহ্য করিতে না পারিয়া, অৰ্ণবপোতে পলায়ন করিয়া আত্মরক্ষা করিতে বাধ্য হইলেন। † তাঁহারা কোলাম বন্দরের অধিপতির আশ্রয়লাভ করিয়া তথায় একটি ক্ষুদ্র দুর্গ নির্মাণ করিলেন; এবং তন্মধ্যে বসতি করিয়া আগাততঃ আত্মরক্ষা করিতে প্রবৃত্ত হইলেন। প্রথম পরাজয়ের

\* In the month of Ramzan 915 A. H. the Portuguese proceeded to Kalikot, set fire to the Cathedral Mosque, and swept the town with the broom of plunder.—Riaz-us-Salateen p. 404.

† The Malabarees collecting together attacked the Christians, killed five hundred leading Portuguese and drowned many of them in the sea. Those who escaped the sword, fled to the port of Kolam, and intriguing with the Chief of that place, erected a small fort and entrenched themselves there.—Riaz-us-Salateen. p. 405.

অবসাদে আলবুকার্ক আপাততঃ কালিকট পরিত্যাগ করিয়া, অত্ৰ কোনও স্থানে রাজধানী সংস্থাপিত করিবার জন্ত স্থানান্তরেণে নিযুক্ত হইলেন।

স্থান মিলিল। একজন ভারতীয় জল-দস্যু স্থান দেখাইয়া দিল। তাহা একটি ক্ষুদ্র দ্বীপ। সেই দ্বীপে দুর্গ নিৰ্ম্মাণ করিয়া, আদিল শাহ নামক নরপতি রাজত্ব করিতেন। আলবুকার্ক ১৫১০ খৃষ্টাব্দের প্রারম্ভে এই ক্ষুদ্র দ্বীপ আক্রমণ করিলেন। হিন্দু, মুসলমান ও পারসীক নাগরিক-গণ সে আক্রমণ-বেগ সহ্য করিতে না পারিয়া আত্মসমর্পণ করায়, আলবুকার্ক সিংহাসন অধিকার করিয়া রাজত্ব করিতে প্রবৃত্ত হইলেন। আদিল শাহ মে মাসে পুনরায় নগর অধিকার করায়, যুদ্ধ উপস্থিত হইল। ছয় মাসের যুদ্ধে নগর ও দুর্গপ্রাচীর চূর্ণ হইয়া গেল; তখন অনন্তোপায় হইয়া ফিরিজি-বণিক সমুচিত মূল্য প্রদান করিয়া নগর অধিকার করিলেন। সেই সময় হইতে আজ পর্য্যন্ত তাহা পৰ্তুগীজ-রাজধানী গোয়ানগরা নামে সুপরিচিত হইয়া রহিয়াছে। \*

ফিরিজি-বণিকের ভারত-বাণিজ্যের রাজধানী শীঘ্রই সুদৃঢ় দুর্গে বেষ্টিত হইয়া ধনরত্নে সম্পন্ন হইয়া উঠিতে লাগিল। এই রাজধানীতে রাজকাৰ্য্যালয় সংস্থাপিত করিয়া, রাজপ্রতিনিধি আলবুকার্ক রাজ্যশাসনে ও বাণিজ্য বিস্তারে প্রবৃত্ত হইলেন।

লোহিতসাগর ও পারস্তোপসাগর মুসলমান-বাণিজ্যের আশ্রয়স্থল। এই উভয় সাগর-পথের প্রবেশদ্বারে মুসলমানগণ দুর্গনিৰ্ম্মাণ করিয়া বাণিজ্য-রক্ষা করিতেন। সে বাণিজ্য কেবল ভারত-বাণিজ্য নহে,—

\* রিয়াজে মূল্য দান করিবার কথাই লিখিত আছে। খৃষ্টান লেখকদিগের গ্রন্থে তাহার উল্লেখ নাই। But after a short period, the Portuguese offering a large sum of money to the ruler of that place, re-acquired possession of it, and establishing their capital at that port, which was very strong, fortified it further.—Riaz-us-Salteen. p. 405.



যে সংঘর্ষে প্রাচ্য-প্রাচীণের পুরাতন সম্বন্ধ এইরূপে পরিবর্তিত হইয়া গিয়াছে, তাহাতে সমগ্র ইউরোপ সম্মিলিত শক্তিতে লিপ্ত হইলেও বিশ্বের অভাব থাকিত না। পর্তুগালের ত্রায় ক্ষুদ্র রাজ্যের চেষ্টায় তাহা অতি অল্পকালে সুসিদ্ধ হইয়াছিল বলিয়া, বিশ্বয় আরও অধিক হইয়া রহিয়ছে।

তথাপি ভারত-বাণিজ্যের পুরাতনের আলোচনায় প্রবৃত্ত হইলে, বিশ্বয় দূরীভূত হইয়া যায়। যাহারা সত্যনিষ্ঠাকেই বাণিজ্যের একমাত্র সহায় বলিয়া জানিত, যাহারা বাহুবলের কথা বিশ্বস্ত হইয়া কর্মবলকেই বাণিজ্য-ব্যাপারের প্রধান বল বলিয়া বুঝিত, যাহারা দস্যুবৃত্তিকে সর্বান্তঃকরণে ঘৃণা করিত, তাহারা ফিরিঙ্গি-বণিকের মত অশান্ত প্রতিদ্বন্দ্বীর সমকক্ষ ছিল না! \* প্রাচ্য-শক্তি বিচ্ছিন্নভাবে বিবিধ স্থানে সীমাবদ্ধ ছিল; প্রাচ্য-শক্তি একত্র সংহত হইয়া আঘাত করিবারাত্র বিচ্ছিন্ন প্রাচ্য-শক্তি একেবারে ছত্রভঙ্গ হইয়া গেল।

ফিরিঙ্গি-বণিকের বাণিজ্য-কলহের সহিত ধর্ম-কলহ মিশ্রিত হইয়া গিয়াছিল।† মুসলমান-বিদ্বেষ ও খৃষ্টধর্ম্মানুরাগ উত্তরোত্তর প্রবল হইয়া ফিরিঙ্গি-বণিকের আত্মত্যাগকে তাহাদের নিকট মহনীয় করিয়া তুলিয়াছিল। ফিরিঙ্গিগণ হাসিতে হাসিতে জীবন-বিসর্জন করিতে পারিত। কারণ, তাহাদের যুদ্ধ ধর্ম্মযুদ্ধ,—ধর্ম্মবিস্তারের প্রধান উপায়।

\* Whilst some ships of Emperor Jalaluddin Mahammad Akbar which without a pass from the Portuguese had proceeded to Makkah, were returning from the port of Jiddah, they looted them, and inflicted various molestations and humiliations on the Mussulmans, and set fire to the ports of Adilabad and Farabin which belonged to Adil Shah, and ravaged them completely,—Riaz-us-Salateen, p. 408.

† From the time of Albuquerque the inexorable issue between Catholicism and Islam in Asia stands forth, each side firmly believed itself fighting the battles of its God.—Sir. W. W. Hunter.

ফিরিঙ্গি-বণিক্ হাসিতে হাসিতে অসহায় জীপুরুষ ও বালকবালিকার প্রাণবধ করিতে পারিত ; কারণ, তাহাদের নরহত্যা কেবল বিধর্ষিত-হত্যা ! একালের ইতিহাসলেখকগণ যে সকল কাহিনী লিপিবদ্ধ করিতে শিহরিয়া উঠিতেছেন, সেকালের ইতিহাসলেখকগণ তাহার কৌতুক করিবার সময়ে গৌরবরোধ করিতেন । সে যুগ ইউরোপের মধ্য-যুগ । তখনও বর্বরতা নির্বাসিত হয় নাই ; তখনও বাহুবল স্নসংঘত হয় নাই ; তখনও সমগ্র মানবসমাজকে সমুন্নত করিবার উচ্চাকাঙ্ক্ষা ইউরোপকে নবজীবন দান করে নাই ! তখন হত্যাই ধর্ম্মভাঙের প্রধান সোপান বলিয়া পরিচিত ছিল । \*

তরবারিহস্তে ধর্ম্মপ্রচার প্রাচ্যশিক্ষার পক্ষে সম্পূর্ণ অপরিচিত । প্রাচ্য যখন ধর্ম্মপ্রচারে প্রথমবার পদবিষ্ঠাস করে, তখন সন্ন্যাসীর সৌম্যমূর্ত্তি গ্রহণ করিয়া শিক্ষাপাত্র লইয়া দ্বারে দ্বারে পরিভ্রমণ করিয়াছিল । তাহাই প্রাচ্যরাজ্যের ধর্ম্মপ্রচারের আদর্শ । সেই পুরাতন আদর্শের অনুকরণ করিয়াই খৃষ্ট ও খৃষ্টশিষ্যগণ ধর্ম্মপ্রচারে বহির্গত হইয়াছিলেন । কিন্তু ধৃষ্টধর্ম্ম এসিয়া ছাড়িয়া ইউরোপে উপনীত হইবার পর, তাহার মূল-প্রকৃতি এতদূর পরিবর্তিত হইয়া গিয়াছিল যে, বাহুবলই প্রবল বল বলিয়া প্রসিদ্ধি লাভ করিয়াছিল । তাহার সম্মুখে জ্ঞান ও ধর্ম্ম ভাল করিয়া আত্মপ্রকাশ করিতে পারে নাই । আলবুকার্ক এই বাহুবলের ধর্ম্মে দীক্ষিত হইয়াই প্রাচ্যসাগরে উপনীত হইয়াছিলেন ।

\* এই অংশের পাণ্ডুলিপি পাঠ করিয়া, কোনও প্রধান লেখক ইহার পার্শ্বে লিখিয়া দিয়াছেন—“এখন বোধ হয় হইয়াছে ?” ইহার উত্তর দিতে হইলে, সত্যনিষ্ঠ ইতিহাস-লেখককে (আধুনিক অনেক ঘটনা বিস্মৃত না হইলে ) অবনতমস্তকে স্বীকার করিতে হয়,—এখনও হয় নাই । এখনও ইউরোপ সর্বপ্রকার বর্বরতা অতিক্রম করিয়া প্রকৃত সভ্যতা লাভ করিতে সমর্থ হয় নাই । এখনও তাহার ইতিহাসে মধ্য-যুগের শোণিত-পিপাসাই জনসমাজকে অশান্ত করিয়া রাখিয়াছে । বিগত জগদ্ব্যাপী মহাযুদ্ধে এই ঐতিহাসিক তথ্য এত সুস্পষ্ট হইয়া উঠিয়াছে যে ইউরোপীয় সভ্যতার উন্নত মস্তক অবনত হইয়া পড়িয়াছে ।

বাহুবলের ইতিহাস কলঙ্কের ইতিহাস। সে কথা বিশ্বিত হইয়া ফিরিঙ্গি-ইতিহাসলেখকগণ ফিরিঙ্গি-বণিকের অলৌকিক দিগ্বিজয়ের বর্ণনা করিতে গিয়া, পুনঃপুনঃ বাহুবলেরই গৌরবঘোষণা করিয়া গিয়াছেন। ইসলাম পরাভূত হইবামাত্র খৃষ্টানের ত্রায় বাহুবলের উপাসক হইয়া উঠিল। তাহারাও ধর্মযুদ্ধে জীবনবিসর্জন করিবার জন্ত লালারিত হইল। \* তখন ভারতসাগরে কেবল সমরকোলাহলই প্রবল হইয়া উঠিল। ঐ আসিতেছে!—ঐ আসিল!—এই কণাই উভয় পক্ষের প্রধান কথা হইয়া দাঁড়াইল। বাণিজ্যের বিজয়লক্ষ্মী অন্তর্হিত হইবামাত্র জলে-স্থলে দস্যুরক্তি প্রবল হইতে লাগিল। ভারতবর্ষের রাজশক্তি ইহার সন্ধান পাইল না; তখন তাহা মোগল-পাঠানের মধ্যে কাহাকে বরণ করিয়া লইবে, তাহা স্থির করিতে ব্যস্ত ছিল।

১৫১৫ খৃষ্টাব্দের শেষভাগে ফিরিঙ্গি-বীর আলবুকার্ক কাল-কবলে নিপতিত হইলেন। মৃত্যুর পূর্বেই তাঁহার পদে অন্য রাজপুরুষ নিযুক্ত হইয়াছিলেন। তিনি আসিয়া কার্যভার গ্রহণ করিতে না করিতে, ফিরিঙ্গি-বণিকের প্রাণে মুসলমানাতঙ্ক আবার প্রবল হইয়া উঠিল। ডিউ নগরের সম্মুখে জলযুদ্ধে বিজয়লাভ করিবার পর, ফিরিঙ্গি-বণিক্ তদ্রূপে নিতান্ত নিশ্চিন্তচিত্তে কালক্ষয় করিতে পারেন নাই। এডেন বন্দর আক্রমণ করিয়া দীর্ঘকালেও তাহাকে সম্পূর্ণরূপে পরাভূত করিতে পারেন নাই। মিশরের সুলতানের বাণিজ্যশক্তি কিয়ৎপরিমাণে বিধ্বস্ত হইলেও, সম্পূর্ণরূপে পরাহত হয় নাই। কেবল আলবুকার্কে অসাধারণ

\* সোলেমান পাশার একখানি পত্র ইহার পরিচয় প্রাপ্ত হওয়া যায়। “রিয়াজের” সুযোগ্য অনুবাদক ঢাকা সংযোগে তাহার উল্লেখ করিয়া লিখিয়াছেন,—It denounced the aggressions of the Christians of Portugal, and warned an Indian Prince that if he held back, his soul would descend into hell.

প্রবল প্রতাপে প্রতিদ্বন্দ্বিগণ তাঁহার পদচ্যুতির অপেক্ষায় কিছুকালের জ্ঞা নিশ্চেষ্ট হইয়াছিল। তাঁহার জীবন-বায়ুর অবসান হইলে, মুসলমান-শক্তি আবার প্রধাণলাভের জ্ঞা ব্যস্ত হইয়া উঠিল। তুরস্কের সুলতান যতদিন মিশরের সুলতানকে পরাভূত করিবার জ্ঞা যুদ্ধবিগ্রহে লিপ্ত ছিলেন, ততদিন মুসলমানের পক্ষে প্রবলপ্রতাপে ফিরিজি-বণিকের গতিরোধ করিবার সম্ভাবনা ছিল না। আলবুকার্কের মৃত্যুকালে সেই সম্ভাবনা প্রবল হইয়া উঠিল; মিশর তুরস্কের নিকট পরাভূত হইবামাত্র তুরস্কের সুলতান ফিরিজি-বণিকের সহিত শক্তিপরীক্ষার আরোজনে প্ররুত হইলেন।

## পঞ্চদশ পরিচ্ছেদ

### বাণিজ্য-বিস্তার

The main object of the Portuguese in Asia was a monopoly of the Indo-European trade.—Sir. W. Hunter.

ভারত-বাণিজ্যে একাধিপত্য লাভ করিবার জন্তই ফিরিঙ্গি-বণিক যুদ্ধ-কলহে-লিপ্ত হইয়াছিলেন। যতদিন কেবল জলপথে বাহুবল বিস্তৃত করিয়া সেই উদ্দেশ্যে সিদ্ধ করিবার সম্ভাবনা ছিল, ততদিন স্থলপথে অগ্রসর হইবার প্রয়োজন স্বীকৃত হয় নাই। আলবুকার্কই তাহার প্রথম পথপ্রদর্শক। কিন্তু তাঁহাকেও কেবল বাণিজ্য-বিস্তারের অল্পরোধেই রাজ্য-বিস্তারের চেষ্টা করিতে হইয়াছিল।

বাণিজ্য-চিন্তাই প্রধান চিন্তা বলিয়া পরিচিত ছিল। তাহাতে আত্মহারা হইয়া, যখন যাহা করিতে হইয়াছে, ফিরিঙ্গি-বণিক তখনই তাহা অগ্নানবদনে সম্পন্ন করিয়া আসিয়াছেন। তাহাতে ফিরিঙ্গি-বণিকের নাম কলঙ্কযুক্ত হইলেও, সেকালের কেহ তাহাতে লজ্জাবোধ করেন নাই। বরং যাহারা এরূপ কার্য্যে প্রাণত্যাগ করিতেন, তাঁহারা স্বদেশের ইতিহাসে অমরকীর্তি লাভ করিতেন। ইতিহাসের কল্যাণে এইরূপে কত নরাধম দস্যু-তস্করও মহাবীর বলিয়া পূজা প্রাপ্ত হইয়াছে!

কেবল বাহুবলেই ফিরিঙ্গি-বণিক আত্মশক্তি বিস্তৃত করিতে পারিতেন না। তাহার সহিত যে শাসন-কৌশল সংযুক্ত হইয়াছিল, তাহাই দ্বিধিজয়লাভের প্রকৃত কারণ। কালিকটের ইতিহাসে তাহার প্রচুর প্রমাণ প্রাপ্ত হওয়া যায়। কালিকট-রাজ ভারত-বাণিজ্যের স্বাধীনতা-রক্ষার জন্ত প্রাণপণে ফিরিঙ্গি-বণিকের গতিরোধের চেষ্টা করিয়াছিলেন।

তিনি যতদিন জীবিত ছিলেন, ততদিন তাঁহাকে পরাভূত করিবার সম্ভাবনা ছিল না। কিন্তু তাঁহার ভ্রাতার হৃদয়ে রাজ্যাভ্যাস প্রবল হইবামাত্র, আলবুকার্কের পথ সহজ হইয়া উঠিল। ভ্রাতা যদি বিষপ্রয়োগে ভ্রাতৃহত্যা করিতে পারেন, তবে আলবুকার্ক ভ্রাতৃঘাতককে সিংহাসনে প্রতিষ্ঠিত করিয়া দিবেন,—এই মর্মে গুপ্ত সন্ধিপত্র সম্পাদিত হইবার পর, ভ্রাতৃহত্যা সংঘটিত হইয়া গেল। এই উপায়ে যিনি কালিকটের রাজসিংহাসনে আরোহণ করিলেন, তিনি প্রথমে ১৫১৩ খৃষ্টাব্দে ও তাহার পর ১৫১৫ খৃষ্টাব্দে সন্ধিসূত্রে আত্মবিক্রয় করিতেও ইতস্ততঃ করিলেন না। \* শেষ সন্ধিসূত্রে কালিকটরাজ পর্তুগালের সামন্ত হইতে স্বীকৃত হইয়া অঙ্গীকার করিলেন,—“(১) পর্তুগালের শত্রুগণ কেহ কখনও কালিকটে আশ্রয় লাভ করিতে পারিবে না ; (২) খৃষ্টানগণ বিনাশুদ্ধে বাগিজ্য করিতে পারিবেন, (৩) দেশীয় খৃষ্টানরাও সেই অধিকার লাভ করিবেন ; (৪) কালিকট-রাজ অত্র লোকের নিকট যে শুদ্ধ প্রাপ্ত হইবেন, তাহার অর্দ্ধাংশও পর্তুগালরাজ প্রাপ্ত হইবেন।” † এই মর্মে সন্ধিপত্র লিখিত হইবার পর, কালিকটের পুরাতন বন্দরে ফিরিজি-বণিকের কুঠীবাড়ী নির্মিত হইল। রাজা সাহা রক্ষা

---

\* In 1513 the Zamorin of Calicut was hostile, his brother friendly, to Portugal. Albuquerque offered, if the brother would poison the Zamorin, to secure for him the throne; and the compact was duly carried out.—Sir W. Hunter's History of British India, vol. I. p 163.

প্রথম সন্ধিসূত্রে কালিকটরাজের পক্ষে বৎসরে চারিখানি বাগিজ্যপোত আরব দেশে প্রেরণ করিবার অধিকার স্বীকৃত হইয়াছিল। “রিয়াজে” দেখিতে পাওয়া যায়, পর্তুগীজ দুর্গ নির্মিত হইবামাত্র এই অধিকারও বিলুপ্ত হইয়া গিয়াছিল। বলা,—  
For a short while, the Portuguese kept their promise and word, but when the fort was completed, they prevented his trading in aforesaid articles and commenced various malpractices and oppositions on the Mussalmans.—Riaz-us-salateen, p; 405.

† Treaty dated 26 February 1515.

করিবার আশায় প্রাণপণ করিতেন, ব্রাহ্মতাক রাজব্রাতা তাহাই ফিরিঙ্গি-বণিক্কে দান করিয়া, সিংহাসন লাভ করিলেন !

কোচিনরাজ প্রলোভনে পড়িয়া অসময়ে আশ্রয়দান না করিলে, ফিরিঙ্গি-বণিকের পক্ষে ভারত-বাণিজ্যে একাধিপত্য-লাভ কখনও সহজ হইত না। ফিরিঙ্গির বাহুবলে একবার কালিকটের সিংহাসন লাভ করিতে পারিলে, ক্রমে ক্রমে ভারতবর্ষের একছত্র সম্রাট হইতে পারি-বেন, এই প্রলোভনে প্রলুব্ধ হইয়াই কোচিন-রাজ স্বদেশদ্রোহে লিপ্ত হইয়া, কালিকটের বিরুদ্ধে অস্ত্রধারণ করিয়াছিলেন। উদ্দেশ্যসিদ্ধির জন্ত ফিরিঙ্গি-বণিক্ তাঁহাকে প্রলুব্ধ করিতে ক্রটি করেন নাই। উদ্দেশ্য সিদ্ধ হইয়া গেল, কোচিনরাজের স্বদেশদ্রোহী সার হইল। কালিকটের রাজসিংহাসনে আর এক জন স্বদেশদ্রোহী উপবেশন করিলেন। তখন মর্ম্মাহত কোচিন-রাজ পৰ্তুগালের অধিপতির নিকট আবেদনপত্র প্রেরণ করিতে প্রবৃত্ত হইলেন। এই আবেদনপত্র এখন ইতিহাসপাঠকগণের নিকট সুপরিচিত হইয়াছে। স্বার্থসিদ্ধির জন্ত বিদেশের লোকে যে সকল অলীক আশায় ভারতবর্ষের নগণ্য ব্যক্তিগণকে প্রলুব্ধ করিয়া, তাঁহাদের সহায়তায় শক্তিবিস্তার করিয়া লইয়া, তাহাদিগকে জীর্ণ-বস্ত্রবৎ অকাতরে পরিত্যাগ করিয়াছেন, তাহাদের কথা ভারতবর্ষের ইতিহাসে পুনঃপুনঃ লিখিত রহিয়াছে। কোচিন-রাজ তাহার প্রথম পাত্র বলিয়া তাঁহার আবেদনপত্রখানি উল্লিখিত হইবার যোগ্য। ১৫১৩ খৃষ্টাব্দে কোচিন-রাজ যথাবিহিত সম্মানপুরঃসর প্রবল-প্রতাপাবিত্রী শ্রীল শ্রীযুক্ত পৰ্তুগাল-রাজকে লিখিয়া পাঠাইলেন,—“আপনি আমাকে সমগ্র ভারতবর্ষের সম্রাট সাজাইয়া উপহারস্বরূপ স্বর্ণমুকুট প্রেরণ করিয়াছিলেন। আপনার প্রতিনিধি মহাশয় আমার অভিব্যক্তি-ক্রিয়া সুসম্পন্ন করিয়া, আমাকে সমগ্র ভারতবর্ষের অধিপতি করিয়া দিবেন বলিয়া শপথ করিয়াছিলেন। আমার বিরুদ্ধে কেহ মন্তকোত্তোলন

করিলে, সাহায্য করিবার কথাও স্বীকৃত হইয়াছিল। আমিও তাঁহাকে যথাসাধ্য সহায়তা প্রদান করিয়া তাঁহার শত্রুদলনে প্রতিশ্রুত হইয়াছিলাম; তাঁহার জ্ঞা প্রাণবিসৰ্জন করিতেও প্রতিজ্ঞাবদ্ধ হইয়াছিলাম। এইরূপে এই সকল কথা আপনাদের ধর্ম্মের দোহাই দিয়া ধর্ম্মমন্দিরে শপথ করা হইয়াছিল। তাহার কি পরিণাম হইল?” \*

তাহার কি পরিণাম হইল? সে কথা জনৈক সহৃদয় ইংরাজ ইতিহাসলেখক একটি সংক্ষিপ্ত বাক্যে লিপিবদ্ধ করিয়া গিয়াছেন। তাহার আর কি হইবে? যাহা হইবার, তাহাই হইল। কথা কথাই রহিয়া গেল! দ্বাদশ বৎসরের মধ্যে কোচিন-রাজের সর্ব্বনাশস্থচক সন্ধিপত্রে, কালিকট-রাজের সহিত ফিরিঙ্গি-বণিকের মিত্রতা সুসংস্থাপিত হইয়া গেল! † ফিরিঙ্গির ধর্ম্মপ্রতিজ্ঞা যে যথাধর্ম্ম প্রতিপালিত হইবে না, কোচিন-রাজ তাহা বিশ্বাস করিতে পারেন নাই বলিয়াই, কাতরকণ্ঠে আর্তনাদ করিয়া উঠিয়াছিলেন। এই আর্তনাদ আধুনিক ভারতবর্ষের বিশ্বব্যবহ ইতিহাসের অপরিহার্য্য আকুল আর্তনাদ; তাহাতে কোচিন-রাজের গ্রায ভারতবর্ষের অনেক শাসনকর্ত্তাকে হায়! হায়! করিতে হইয়াছে,—একদিনের জ্ঞাও ফিরিঙ্গি-বণিকের সমবেদনা আকর্ষণ করিবার সুযোগ উপস্থিত হয় নাই।

\* Your Highness sent me a golden crown, as a sign that I was crowned the chief King of the whole of India. And your Governor specially crowned me as king, and he declared on oath that he would make me the chief king of all India, and assist me against any one who should come upon me. And I also promised to assist him against whoever should come upon them and to stand to the defence of your fortress until death; and in this manner they swore to it by oath in the Church.—Letter dated 11 Decem-ber, 1513.

† Yet after twelve years these fine promises remained empty words, and here was Albuquerque in 1513 making treaties with Calicut to the detriment of Cochin.—Sir W. Hunter's History of British India, v I. 144



পারস্তোপসাগর একটি পুরাতন বাণিজ্যপথ বলিয়া সুপরিচিত ছিল। সে পথেও ফিরিজি-বণিকের অধিকার বিস্তৃত হইল। ১৫১৫ খৃষ্টাব্দে অরমজ্ বন্দরে ফিরিজিহুর্গ নিৰ্মিত হইবার পর, জলে স্থলে ফিরিজির প্রতাপ প্রবল হইয়া উঠিতে লাগিল। অরমজ্ বন্দরের অধিপতিকেও কালিকট-রাজের দ্বারা অকৌতুকর সন্ধিসূত্রে আত্মরক্ষা করিতে হইল। ১৫২৩ খৃষ্টাব্দের সন্ধিসূত্রে অরমজ্ বন্দরের অধিপতি সম্পূর্ণরূপে আত্মবিক্রয় করিতে বাধ্য হইলেন। তাঁহার রাজ্য, প্রকৃতপক্ষে পর্তুগালের অধীন হইয়া গেল। পর্তুগাল-রাজ ইচ্ছামাত্রে সে রাজ্য হস্তগত করিবার অধিকার লাভ করিলেন। অরমজ্ বন্দরের অধিপতি কেবল নামসর্বস্ব অধিপতি রহিলেন। ফিরিজি-বণিক বিনাশুন্ধে পণ্য গ্রহণ করিবার ক্ষমতা প্রাপ্ত হইলেন;—অরমজ্ বন্দরের অধিপতি পর্তুগালকে কর প্রদান করিতে স্বীকৃত হইলেন;—যে সকল ফিরিজি তাঁহার রাজ্যে পলায়ন করিয়া স্বদেশদ্রোহে লিপ্ত হইয়াছিল, তাহাদিগকে ধরা দিতে হইল;—রাজা ও নগরপালের দেহরক্ষক ভিন্ন অণু কোনও মুসলমানের পক্ষে অস্ত্র-ব্যবহার বা অস্ত্রাদি লইয়া গমনাগমনের ক্ষমতা রহিল না;—কেহ দ্বিতীয়বার সেরূপ অপরাধ করিলে বেত্রাঘাতে ও তৃতীয়বারে একেবারে প্রাণদণ্ডে দণ্ডিত হইবার ব্যবস্থা স্থিরীকৃত হইয়া গেল। মুসলমান হইলে বাণিজ্য-ব্যাপারে শুদ্ধদান করিতে হইবে, ফিরিজি হইলে বিনা শুন্ধেই বাণিজ্য-করিতে পাইবে;—এইরূপ রাজাজ্ঞা মুসলমান-রাজকে স্বহস্তে লিপিবদ্ধ করিতে হইল!\*

এইরূপে ভারতসাগরের প্রধান বাণিজ্যপথে ফিরিজি-বণিকের আধি-

---

\* ইহার উল্লেখ করিবার সময় সার উইলিয়ম হট্টার একটি পাদটীকায় লিখিয়া গিয়াছেন,—This agreement made at Medina July 15, 1523, affords a striking illustration of the process by which the Portuguese demands were increased.—Hunter's History of British India, vol. I. p. 145. note 2.

পতা বিস্তৃত হইবার সময়ে, লোহিতসাগরের বাণিজ্য-পথ স্বাধীনতা রক্ষা করিতে লাগিল। সে পথে ফিরিজির বাহুবল বা শাসন-কৌশল সহসা বিজয়লাভ করিতে পারিল না। এডেন বন্দর তাহার জন্য ইতিহাসে চিরস্মরণীয় হইয়া রহিয়াছে। এই বন্দর আরব-বাণিকৃদিগের প্রধান আশ্রয়স্থান বলিয়া পরিচিত ছিল। মিশরের সুলতান এডেন হস্তগত করিবার জন্য চেষ্টা করিয়াছিলেন, ফিরিজি-বাণিকৃৎ চেষ্টার ত্রুটি করেন নাই। কিন্তু আলবুকার্ক, ভগ্নমনোরথে সে চেষ্টা আপাততঃ পরিত্যাগ করিতে বাধ্য হইয়াছিলেন।

১৫১৩ খৃষ্টাব্দে আলবুকার্কের প্রচণ্ড পীড়নে ক্ষতবিক্ষত হইয়াও, এডেনদুর্গ পরাভূত হয় নাই। ১৫১৫ খৃষ্টাব্দে মিশরাধিপতির আক্রমণেও এডেনদুর্গ আত্মরক্ষা করিয়াছিল। কিন্তু উভয় শত্রুর যুগপৎ আক্রমণে এডেনদুর্গের পক্ষে দীর্ঘকাল আত্মরক্ষা করা কঠিন হইয়া উঠিতে লাগিল। তৎকালে এডেনদুর্গের অধিপতি “শঠে শাঠ্য সমাচরণে” এই নীতি অবলম্বন করিয়া, কখন কখন ফিরিজির সহিত মিত্রস্থাপনে স্বীকৃত হইয়া, আবার সুযোগ পাইবামাত্র স্বাভাব্য অবলম্বন করিতে প্রবৃত্ত হইয়াছিলেন। এইরূপে বিবিধ বিড়ম্বনা সহ করিয়াও, এডেনদুর্গ প্রকৃত-প্রস্তাবে কাহারও পদানত হইল না। কিন্তু ভারতসাগরের প্রধান বন্দর-গুলি ও ক্ষুদ্র ক্ষুদ্র দ্বীপপুঞ্জ পৰ্তুগালের অধীনতা স্বীকার করায়, ভারত-বাণিজ্যে পৰ্তুগালের আধিপত্য ক্রমেই প্রবল হইয়া উঠিতে লাগিল।\*

ফিরিজি-বাণিকের বাণিজ্যযাত্রার প্রথম উদ্যোগের সহিত ধর্মপ্রচারের

\* “রিয়াজে” দেখিতে পাওয়া যায়, ফিরিজিগণ নানা স্থানে দুর্গ নির্মাণ করিয়াই প্রবল হইয়া উঠিয়াছিলেন। মুসলমানগণ তাহার প্রতিরোধের চেষ্টা করিতে ত্রুটি করেন নাই, এবং কিছুদিন জয়-লাভের আশাও তাঁহাদিগকে উৎফুল্ল করিয়াছিল। At this time, Sultan Sulaimari son of Sultan Salim of Turkey, planned to turn out Portuguese from the ports of India and to take possession thereof himself.—Riaz-us-salateen p. 407.

আড়ম্বর সংযুক্ত ছিল। তাহার জন্তই অনেক সময় পোপের ঘোষণা-পত্র গৃহীত হইত; কখনও বা ধর্মোন্মত্ত প্রচারকগণকেও ভারতবর্ষে প্রচারকার্যে নিযুক্ত করিতে হইত। তথাপি ফিরিঙ্গি-বণিকের প্রধান লক্ষ্য বাণিজ্য,—তাহা কখনই অস্বীকৃত হয় নাই। ভারতবাণিজ্যে ধর্ম-কলহ প্রবল হইলে, ফিরিঙ্গি-বণিকের সর্বনাশ উপস্থিত হইতে পারিত। সে কথা বুঝিতে পারিয়া, সময় থাকিতে ফিরিঙ্গি-বণিক সাবধান হইয়া-ছিলেন। যে ধর্মোন্মাদ একদিন তাঁহাদিগকে মুসলমানের ধর্মমন্দির চূর্ণ করিবার জন্ত নিয়ত উত্তেজনা করিত, তাহা ক্রমে অবসন্ন হইয়া গেল। এমন কি, হিন্দু মুসলমানের ধর্ম-মন্দির রক্ষা করিবার কথাও বিধি-ব্যবস্থার মধ্যে লিখিত হইতে লাগিল।\* এইরূপে ফিরিঙ্গি-বণিক ভারতবাণিজ্যে আধিপত্যবিস্তারের চেষ্টা করিতে লাগিলেন। সে চেষ্টা সফল হইতে বিলম্ব ঘটিল না।

প্রাচ্য দ্বীপপুঞ্জের পণ্যদ্রব্য সিংহলে পুঞ্জীকৃত হইত। তাহা আর হিন্দু-মুসলমানের করতলগত রহিল না। ভারতবর্ষ হইতে যে সকল পণ্যদ্রব্য জলপথে মুসলমান-রাজ্যে বাহিত হইত, তাহা আর সে পথে বাহিত হইবার অবকাশ পাইল না। এডেনদুর্গ সম্পূর্ণরূপে পরাভূত না হইলেও, ভারত-বাণিজ্যে ফিরিঙ্গি-বণিকেরই একাধিপত্য প্রতিষ্ঠালাভ করিল।

এই প্রতিষ্ঠার মূলে যে নৌশক্তি বর্তমান আছে, সে কথা ফিরিঙ্গি-বণিক বিস্মৃত হইতে পারিলেন না। জলযান-নির্মাণ, জলযান-চালন-

\* ইংরাজ বণিক ভারতসাগরে উপনীত হইবার পূর্বেই এই “উদার নীতি” প্রতিষ্ঠিত হইয়াছিল। ইহার সহিত স্বার্থের সংগ্রহ না থাকিলে, ইহা ইউরোপীয় “উদারতার” নিদর্শনরূপে গৌরবলাভ করিতে পারিত। কিন্তু ইহা স্বার্থরক্ষার কৌশলরূপে অবলম্বিত হইয়াছিল বলিয়া, ইতিহাস ইহাকে অকৃত্রিম ভারত-প্রীতির নিদর্শন বলিয়া অভ্যর্থনা করিতে পারে নাই। এই “উদারতার” মূলেও কড়াকড়ি হিসাব,—বণিকের ক্ষতিলাভগণনার অশান্ত আগ্রহ।

কৌশল ও জলযুদ্ধের কৌশল-উদ্ভাবনে প্রাচ্য ও প্রতীচ্য মানবসমাজ তুল্যভাবে নিযুক্ত হইয়াছিল।

যাহারা তাহাতে উৎকর্ষলাভ করিবে, তাহারা ই যে উত্তরকালে ভারত-বাণিজ্যের আধিপত্য অধিকার করিতে পারিবে, তাহাতে কাহারও সংশয় ছিল না। সুতরাং ভারতবর্ষের লোকে যাহাতে জল-যান নির্মাণ করিতে না পারে, তাহারা যাহাতে জলযান-নির্মাণ-কৌশল বিস্মৃত হইয়া যায়, তাহার জগুই ফিরিজি-বণিক্ চেষ্টা করিতে প্রবৃত্ত হইলেন। তৎকালে জলযানের সংখ্যা অধিক ছিল না। যে সকল জলযান হিন্দু মুসলমানের পণ্যদ্রব্য বহন করিত, তাহা ধ্বংস করিতে পারিলে, সহসা জলযান পুনর্গঠিত করিবার সম্ভাবনা ছিল না। যুদ্ধ-কালে ফিরিজি-বণিক্ ভারতীয় জলযানসমূহের ধ্বংস করিয়াই নিশ্চিন্ত হইতে পারিলেন না; পুনর্গঠনের পথ রুদ্ধ করিবার জন্যও যথাসাধ্য চেষ্টা করিতে লাগিলেন।

ডিউ নগরের সম্মুখে যে জলযুদ্ধে ফিরিজি-বণিক্ জয়লাভ করিয়া-ছিলেন, তাহাতে ভারতীয় জলযান-গঠন-প্রতিভার পরিচয় প্রাপ্ত হইয়া, ফিরিজি-বণিক্ চিন্তিত হইয়াছিলেন। সন্ধি-সংস্থাপনের সময়ে সে কথা বিস্মৃত হন নাই। কালিকট ও গুজরাট ই জলযান-নির্মাণ-কৌশলে প্রসিদ্ধিলাভ করিয়াছিল। সন্ধিসূত্রে এই উভয় স্থলের জলযান-নির্মাণের ক্ষমতা তিরোহিত হইয়া যায়। অবশেষে ১৫৩৪ খ্রীষ্টাব্দের সন্ধিপত্রে গুজরাটের জলযান-নির্মাণের ভবিষ্যৎ অধিকার পর্য্যন্ত বিলুপ্ত হইয়া গেল।\* খৃষ্টীয় পঞ্চদশ শতাব্দীর প্রারম্ভেও ইউরোপ অপেক্ষা ভারতবর্ষের জলযান উৎকৃষ্ট বলিয়া বিবেচিত হইত। শত বর্ষের

---

\* The same unsparing policy which flogged and sentenced to death the Arabs of Ormuz who ventured to carry arms, also put an end to naval construction at alien Indian harbours.—Hunter's History of British India, vol. I. p. 151.

‘মধ্যে ভারতবর্ষের জলযান-নিৰ্ম্মাণের অধিকার পর্য্যন্ত বিলুপ্ত হইয়া গেল। তাহার কথা এখন কেবল স্বপ্নবৎ ইতিহাসে প্রতিভাত হইয়া থাকে।

গোয়া, বেসিন, দামন ও ডিউ, এই চারিটি ফিরিঙ্গি-দুর্গে ভারত-বর্ষের পশ্চিম সমুদ্রতটে ফিরিঙ্গি-বণিকের আধিপত্য দৃঢ় প্রতিষ্ঠিত হইবার পর, ভারতবাসীর পক্ষে আর গোপনে জলযান-গঠনের উপায় রহিল না। যে শিল্পকৌশল অনুশীলনবলে ক্রমে জলযান-নিৰ্ম্মাণে অধিকতর কৃতিত্ব প্রদর্শন করিতে পারিত, তাহা এইরূপে চিরদিনের জন্ত বিলুপ্ত হইয়া গেল।

পারস্ত্রোপসাগর হইতে যে সকল অৰ্ণবধান ভারতবর্ষে উপনীত হইত, তাহা প্রথমে ডিউ নগরের বন্দরে দৃষ্টিপথে পতিত হইত; তাহা আর ভারতবাসীর দৃষ্টিগোচর হইবার উপায় রহিল না। এই সময়ে বিজাপুর রাজ্যের প্রবল প্রতাপ অবসন্ন হইয়া পড়িয়াছিল। আদিল শাহের মৃত্যুর পর, তাঁহার শিশুপুত্রের সিংহাসন রক্ষা করাই মন্ত্রিবর্গের প্রধান লক্ষ্য হইয়া উঠিয়াছিল। বিজাপুরের অধিকারভুক্ত গোয়া দ্বীপ এই সময়ে অধিকার করিয়া লইতে ফিরিঙ্গি-বণিককে অধিক উদ্বিগ্ন সহ্য করিতে হয় নাই। যে জলদস্যু ফিরিঙ্গি-বণিককে ইহার সন্ধান প্রদান করে, তাহার নাম টিমোজা। \* সে ভারতবর্ষের অধিবাসী হইয়াও স্বার্থলোভে ফিরিঙ্গির সহায়তা করিয়াছিল। তাহার সেনাদলের সহায়তা লাভ না করিলে গোয়া দ্বীপ ফিরিঙ্গির অধিকারভুক্ত হইত না। টিমোজা যে সময়ে জয়গ্রহণ করিয়াছিল, তখন ভারতবর্ষ একরূপ অরাজক বলিলেও অত্যুক্তি হয় না। তখন কত লোকে কত উপায়ে কত রাজ্য-গঠনে প্রবৃত্ত হইয়াছিল। টিমোজার সাহস ছিল, সেনাদল ছিল, জলপথে আধিপত্য ছিল; স্বয়ং সমুদ্রতটে বিস্তৃত রাজ্য সংস্থাপিত

\* The pirate chief Timoja proposed to Albuquerque that, as the Lord of Goa is dead ( in reality absent ) they should seize the place. This they easily did in March 1510.—Sir W. W. Hunter.

করিবার সম্ভাবনা ছিল। সে তাহাতে ব্যাপৃত না হইয়া, জলদস্যুরূপে, পণ্য লুণ্ঠন করিত; লাভের লোভে ফিরিজি-বণিকের পক্ষভুক্ত হইয়া গোয়া অধিকার করিয়া দিয়াছিল। তাহার নাম এখন বিশ্বতিগর্ভে বিলীন হইয়া গিয়াছে; কিন্তু গোয়া নগরী এখনও তাহার স্বদেশজ্ঞোহের সাক্ষিরূপে বর্তমান আছে। টিমোজা কৃতজ্ঞ ফিরিজি-বণিকের অধীনে জায়গীর ও রাজপদ প্রাপ্ত হইয়াছিল; কিন্তু এক বৎসরের অধিক তাহার ফলভোগ করিতে পারে নাই;—এক বৎসরের মধ্যে প্রাণত্যাগ করিয়া ইহলোক হইতে অবসর গ্রহণ করিয়াছিল।

আলবুকার্কের বাণিজ্যনীতি ও টিমোজার বাহুবল যে গোয়া নগরী প্রতিষ্ঠিত করিয়াছিল, তাহা এখন পুরাতন নগরী বলিয়া পরিচিত। সেখানে এখন পুরাতন ধ্বংসাবশেষ! কোনও স্থানে অট্টালিকার ভগ্নাবশেষ, কোনও স্থানে ধর্মমন্দিরের ভগ্নচূড়া,—সকল স্থানেই শ্মশানের শোক-চিহ্ন! \* একদিন কিন্তু এই গোয়া নগরী “স্বর্ণপুরী” নামে ইউরোপের সকল দেশেই সুপরিচিত হইয়াছিল! পর্তুগীজগণ বলিত,—“যে গোয়া নগরী দর্শন করিয়াছে, তাহার পক্ষে লিস্বন নামক পর্তুগালের রাজধানী দর্শন করিবার প্রয়োজন নাই।”

গোয়া নগরী প্রাচ্য ও প্রতীচ্য সভ্যসমাজের প্রথম সম্মিলনক্ষেত্র। গোয়া নগরী ফিরিজি-বণিকের প্রথম পরাক্রান্ত রাজধানী। গোয়া নগরী পর্তুগালের অভ্যুদয় ও অবনতির বিশ্বব্যবহ বিচিত্র ক্ষেত্র। গোয়া নগরী ভারতবর্ষের ইতিহাসের চিরস্মরণীয় শ্মশানভূমি। এই মহাশ্মশানে কোটি কোটি ভারতবাসীর ভবিষ্যৎ অভ্যুদয় ভস্মসাৎ হইয়া গিয়াছে। স্মরণ্য ইহার কথা বিস্তৃতভাবে আলোচিত হইবার যোগ্য।

\* There is a modern account of Goa, written in English, by the Rev. Cotteneau de Kloguen and published at Madras in 1831; This contains a complete historical sketch of Goa from 1509 to 1812 and gives a description of all the churches, convents and the public buildings accompanied by a map. It is in fact a modern guide to Goa.

এক সময়ে গোয়া নগরী সমগ্র ভূমণ্ডলের মধ্যে সর্বোৎকৃষ্ট বাণিজ্য-বন্দর বলিয়া খ্যাতি-লাভ করিয়াছিল। প্রাকৃতিক সংস্থানে গোয়া নগরী তৎকালে প্রধান বাণিজ্য-বন্দর বলিয়া পরিচিত হয় নাই। ফিরিঙ্গি-বণিক্ রচনা-কৌশলে তাকে বাণিজ্যের উপযোগী করিয়া তুলিয়া-ছিলেন। মালাবার উপকূলে এরূপ স্থান অনেক ছিল; যে কোনও স্থান এইরূপ সৌভাগ্য লাভ করিতে পারিত। কিন্তু এইখানে আসিয়া ফিরিঙ্গি-বণিক্ প্রাণপণে নব রাজধানীর গঠন-কার্য্যে নিযুক্ত হইয়াছিলেন বলিয়াই, গোয়া নগরী অল্প দিনের মধ্যে সর্বশ্রেষ্ঠ হইয়া উঠিয়াছিল। কোচিন, কালিকট প্রভৃতি পুরাতন বাণিজ্য-বন্দরের তিরোভাবের জন্তই গোয়া নগরীর প্রাদুর্ভাব হইয়াছিল। কিছুকাল তাহার প্রবল প্রতাপে সমস্ত সভ্যজগৎ বিম্বিত হইয়া উঠিয়াছিল। এখন তাহা আবার ধীরে ধীরে বিশ্বভিত্তিসাগরে বিলীন হইতেছে।

## ষোড়শ পরিচ্ছেদ

### বাণিজ্য-নীতি

Ask of me, and I shall give thee the heathen for thine inheritance, and the uttermost parts of the earth thy possession. Thou shalt break them with a rod of iron ; thou shalt dash in pieces like a potter's vessel.—*Psalm ii. 8. 9.*

ফিরিঙ্গি-বণিকের অভ্যুদয়ের যুগ, ইউরোপের ইতিহাসের অশান্ত ধর্মোন্মাদের যুগ। সে যুগের খৃষ্টান ইউরোপ ধর্মের নামে যে সকল অত্যাচার উৎপীড়নে জলস্থল কম্পিত করিয়া তুলিয়াছিল, তাহা স্মরণ করিলে শিহরিয়া উঠিতে হয়। তাহার কথা স্মরণ করিতে আধুনিক খৃষ্টান লেখকবর্গও লজ্জা অনুভব করিয়া থাকেন। ফিরিঙ্গি-বণিক ভারতবর্ষে বাণিজ্য বিস্তৃত করিবার সময়ে, কাহারও কিছুমাত্র লজ্জাবোধ ছিল না। যে ধর্মোন্মাদে পর্তুগালের সমুদ্রোপকূল হইতে নাবিকগণ উত্তমাশা অন্তরীপ অতিক্রম করিবার আশায় পোতারোহণ করিত, তাহার সহিত লুণ্ঠনলোভ সংযুক্ত হইয়া তাহাকে বীভৎস করিয়া তুলিয়াছিল। কালে লুণ্ঠনলোভ প্রবল হইতে লাগিল ; লোকে তাহার পক্ষ-সমর্থনের জগু খৃষ্ট-ধর্মের শাসনবাক্য উদ্ধৃত করিতে শিক্ষা করিল। এইরূপে ফিরিঙ্গির বাণিজ্য-নীতি লুণ্ঠন-নীতিতে পরিণত হইল। \* কোনও কোনও ইতিহাসলেখক ফিরিঙ্গির দোষক্ষালনের আশায় লিখিয়া গিয়াছেন,—“তাহারা যে সকল নির্দয় ব্যবহারের জগু নিন্দিত হইয়া

---

\* একজন পর্তুগীজ রাজ-প্রতিনিধি নিজেই লিখিয়া গিয়াছেন,—The Portuguese entered India with the sword in one hand and the crucifix in the other ; finding much gold, they laid aside the crucifix to fill their pockets.—Jano-de-Castro.



থাকে, তাহার কারণ ছিল। তাহা কালধর্ম। ফিরিঙ্গি-বণিক্ এসিয়াতে আসিয়া যেক্রপ অসহায় অবস্থায় পতিত হইয়াছিল, তাহাতে তাহাদের নিষ্ঠুর ব্যবহারই তাহাদের আত্মরক্ষার উপায় বলিয়া স্বীকৃত হইবার যোগ্য! তাহাদের সংখ্যা এত অল্প, তাহাদের অবস্থা এত বিপদসঙ্কুল,— তাহারা নিষ্ঠুর ব্যবহার না করিলে, আত্মরক্ষা করিতে পারিত না।” এ সকল কথা একালের ইতিহাসলেখকদিগের নিজের কথা,—তাহাদের কল্পনাপ্রসূত উপাখ্যানমাত্র। সেকালের ইতিহাসলেখকগণ এক্রপ কৈফিয়তের অবতারণা করেন নাই। যাহারা অলঙ্কারলুপ্তনের লোভে অসহায় মহিলাবর্গের নাসাকর্ণচ্ছেদন করিতে কুণ্ঠিত হইত না, তাহাদের নিষ্ঠুর ব্যবহারের পক্ষসমর্থন করা অসম্ভব। তাহা বর্করতানাত্র। সেকালের ইউরোপ এক্রপ বর্করতা পরিত্যাগ করিয়া উঠিতে পারে নাই;— যেখানে গিয়াছে, সেইখানেই ফিরিঙ্গির বর্করতায় মানবসমাজ ব্যতিব্যস্ত হইয়া উঠিয়াছে। এই স্বভাবসুলভ বর্করতার সহিত ধর্ম্মাঙ্কতা মিলিত হইয়াছিল; স্বার্থচিন্তায় তাহা উত্তরোত্তর বীভৎস মূর্তি ধারণ করিয়াছিল। সেনাপতিগণ যুদ্ধজয়ের সংবাদ লিপিবদ্ধ করিবার সময়ে অগ্নানবদনে লিখিয়া পাঠাইতেন,—“কুকুরগুলাকে কাটিয়া ফেলা হইয়াছে, তাহারা আর কি প্রত্যাশা করিতে পারে?” কেহ বা লিখিয়া পাঠাইতেন,— “একজনকেও ছাড়া হয় নাই,—কি স্ত্রীলোক, কি বালক, সকলকেই নিহত করা হইয়াছে।” একজন সুবিখ্যাত আধুনিক ইতিহাসলেখক লিখিয়া গিয়াছেন,—“পর্্তুগালের লোকে তাহাদের ক্ষমতার অতীত দিখিজয়কার্য্যে লিপ্ত হইয়াছিল বলিয়াই, এই সকল গর্হিত উপায় অবলম্বন করিতে বাধ্য হইয়াছিল! \* এই সকল “গর্হিত উপায়ের”

\* Terrorism had to take the place of strength. It was a device to which the Portuguese were compelled by plans of conquest, beyond their national resources.—Sir W. Hunter's History of British India. vol. I. 141.

জগুই ফিরিজির নাম ভারতবাসীর নিকট ক্রমে অবিমিশ্র ঘৃণার আধার হইয়া উঠিতে লাগিল। লোকে ফিরিজি-বণিককে ভয় করিতে শিখিল, ভক্তি করিতে পারিল না। খাহারা ভয় করিল না, তাহারা নির্ভুর আচরণে নির্ভুরতার প্রতিশোধ লইবার চেষ্টা করিতে লাগিল।

ফিরিজি-বণিক ভারতবর্ষে উপনীত হইয়া যে বাণিজ্য-নীতি অবলম্বন করিয়াছিলেন, তাহার সহিত ভারতবর্ষে ইউরোপীয় শিল্পদ্রব্যবিক্রয়ের সম্বন্ধ ছিল না। তখনও ইউরোপীয় শিল্পদ্রব্য ভারতবর্ষে সমাদর লাভ করিতে পারে নাই; তখনও এসিয়া ও ইউরোপের সমস্ত সভ্যদেশে প্রাচ্য-শিল্পেরই একাধিপত্য বর্তমান ছিল। সেই শিল্পদ্রব্য সংগ্রহের ও বিক্রয়ের একাধিপত্য লাভ করিবার আশায় ফিরিজি-বণিক ব্যাকুল ছিলেন। সেকালের কাগজপত্রে দেখিতে পাওয়া যায়, রোমক সাম্রাজ্যের শ্রায় পর্তুগালের লোকেও রোপ্য-বিনিময়ে ভারতবর্ষ হইতে বিবিধ কৃষিজাত ও শিল্পজাত দ্রব্য ক্রয় করিয়া ইউরোপে বিক্রয় করিতেন; তাহার সহিত বহুমূল্য মণিমুক্তা হীরকাদিও সংযুক্ত ছিল। শিল্পের উন্নতিসাধন করিয়া ভারতবর্ষের সহিত প্রতিযোগিতা করিবার আকাঙ্ক্ষা তখনও ইউরোপকে প্রবুদ্ধ করিতে পারে নাই।

এই বাণিজ্যনীতি রক্ষা করিবার জগু, জলপথে আত্ম-শক্তি প্রবল করিবার আশায়, ফিরিজি-বণিক পোত ও হুর্গের নির্মাণে নিযুক্ত হইয়া ভারতসমুদ্রে একাধিপত্য বিস্তৃত করিয়াছিলেন। পর্তুগালের শ্রায় ক্ষুদ্র রাজ্যের নাবিক ও সৈনিকগণের চেষ্টায় এই কার্য্য সুসম্পন্ন হইবার সম্ভাবনা ছিল না। ইহার জগু ভারতবর্ষের লোকের সহায়তা গ্রহণ করিবার প্রয়োজন উপস্থিত হইয়াছিল। ফিরিজি-বণিক তাহার জগু 'জলে স্থলে ভারতবর্ষের লোকের বাহুবলের আশ্রয় গ্রহণ করিয়াই ভারতবর্ষের লোকের পরাজয়সাধন করিয়াছিলেন। খৃষ্টীয় ষোড়শ শতাব্দীর প্রথমভাগ ভারতবর্ষের ইতিহাসের বিপ্লবযুগ বলিয়া কথিত

হইয়া থাকে । তখনও মোগলশাসন সংস্থাপিত হয় নাই ; তখনও দাক্ষিণাত্যের গৃহকলহ প্রবল প্রতাপে বর্তমান ; তখনও জলে স্থলে কেবল বাহবলেরই প্রাধাত্য । ফিরিঙ্গি-বণিক্ তাহার সন্ধানলাভ করিয়াই ভারত-বাণিজ্যের একাধিপত্য অধিকার করিতে সমর্থ হইয়াছিলেন ।

পৰ্তুগালের অধীশ্বর ভারত-বাণিজ্যের সর্বময় প্রভু বলিয়া ইউরোপে সুপরিচিত হইয়াছিলেন । পোপের আদেশপত্রের মৰ্ম্মানুসারে তাঁহার শাসনক্ষমতা কেহই অস্বীকার করিতে সাহস করিতেন না । পৰ্তুগাল-রাজ এইরূপে যে বাণিজ্যনীতি সংস্থাপিত করিয়াছিলেন, তাহাতে ফিরিঙ্গির বাণিজ্যকে রাজকীয় বাণিজ্য বলিতে পারা যায় । রাজার নামেই সকল কার্য্য নির্বাহিত হইত । যাহারা ভারতযাত্রা করিত, তাহারা রাজার কৰ্ম্মচারিরূপে নিযুক্ত হইত । তাহাদিগকে এই কার্য্যে উৎসাহিত করিবার আশায় পৰ্তুগাল-রাজ এক প্রবল প্রলোভনের অবতারণা করিতে বাধ্য হইয়াছিলেন । যাহারা অৰ্ণবপোতে আরোহণ করিয়া রাজকীয় বাণিজ্য-বিস্তারের জন্ত ভারতবর্ষে গমন করিত, তাহারা সকলেই পদমর্যাদা-অনুসারে কিছু কিছু পণ্যদ্রব্য আনয়ন করিয়া ইউরোপে বিক্রয় করিতে পারিত । লোকে এই উপায়ে অতি অল্পকালের মধ্যে প্রভূত ধনোপার্জন করিতেছে দেখিয়া, সকলেই ভারতযাত্রার জন্ত আগ্রহ প্রকাশ করিতে লাগিল । ইহাতে প্রথমে পৰ্তুগাল-রাজের লাভ হইলেও, পরিণামে সৰ্ব্বনাশ সংঘটিত হইবার হুত্রপাত হইল ।

রাজার ঝায় রাজমন্ত্রিবর্গও ভারত-বাণিজ্যে অর্থোপার্জন করিবার আশায়, কৰ্ম্মচারি-নিয়োগের সময়ে গোপনে উৎকোচ গ্রহণ করিতে শিক্ষা করিলেন । যাহারা এইরূপে রাজকৰ্ম্মচারী হইয়া ভারতবর্ষে আসিতে লাগিলেন, তাঁহারাও সৰ্ব্বাগ্রে আত্মোদয় পূর্ণ করিবার জন্তই ব্যাকুল হইয়া উঠিলেন । ধৰ্ম্মাধর্ম্মের বাহা কিছু পার্থক্য ছিল, তাহাও

বিলুপ্ত হইয়া গেল। রাজদত্ত যৎসামান্য বেতন উপলক্ষ্যমাত্র, ভারত-বাণিজ্যের প্রচুর লাভই সকল শ্রেণীর রাজকর্মচারীর প্রকৃত লক্ষ্য হইয়া উঠিল। ইহাতে ভারতবর্ষে এক অভিনব উৎপীড়নের স্বরূপাত হইল। যাহারা রক্ষক, তাঁহারা ই ভক্ষক হইয়া উঠিলেন; স্বার্থের চরণতলে বিচারবুদ্ধি নিয়ত নিহত হইতে লাগিল।

যে সকল রাজকর্মচারী এইরূপে গুপ্ত বাণিজ্যে লিপ্ত হইতে লাগিলেন, তাঁহারা অল্প দিনের মধ্যেই ধনোপার্জনের নিত্য নূতন উপায়ের উদ্ভাবন করিতে প্রবৃত্ত হইলেন। পোতাধ্যক্ষ প্রথমে নিজের লাভের সংস্থান না করিয়া, রাজার লাভের কথা চিন্তা করিতে পারিলেন না। কুঠিয়ালগণও সেই পথ অবলম্বন করিলেন। এই সকল কার্য্য গোপনে সুসিদ্ধ করিবার আশায় ভারতবাসীর সহিত “বেনামী”তে বাণিজ্য করিবার প্রথা প্রবর্তিত হইতে লাগিল। ভারতবর্ষের লোক স্বাধীন-বাণিজ্য হইতে বঞ্চিত হইয়া, ফিরিজির অধীনে এইরূপ গুপ্ত-বাণিজ্যে নিযুক্ত হইতে ইতস্ততঃ করিল না।

এরূপ গুপ্ত-বাণিজ্যে পর্তুগাল-রাজের যথেষ্ট ক্ষতি হইতে লাগিল। কিন্তু ইহাতেই আবার অল্পসংখ্যক ফিরিজির পক্ষে ভারত-বাণিজ্যে প্রাধান্যলাভের সুবিধা উপস্থিত হইল। ভারতবর্ষের লোকে “সর্ব্বনাশে সমুৎপন্নে অর্দ্ধং ত্যজতি পণ্ডিতঃ”—এই পুরাতন প্রবাদবাক্য স্মরণ করিয়া ফিরিজির অধীনে বাণিজ্য করিতে প্রবৃত্ত হইয়া, স্বদেশের প্রকৃত স্বার্থ বিস্মৃত হইল।

অল্প দিনের মধ্যে ফিরিজি রাজকর্মচারিবর্গ সময়ক্ষেত্র ছাড়িয়া অর্থোপার্জনের সহজ পথের পথিক হইতে লাগিলেন। সময়ের সহিত জয়পরাজয়ের সংশ্রব আছে; আহত বা নিহত হইবার আশঙ্কা আছে; নিয়ত ক্লেশ স্বীকার করিবারও প্রয়োজন আছে;—সুতরাং তাহাতে কাহারও প্রবৃত্তি রহিল না। সকলেই রাজধানীতে বসিয়া রাজভোগ

সন্তোষ করিবার আশায়, রাজকার্য্যে অবহেলা করিতে অভ্যস্ত হইয়া উঠিলেন।

পৰ্তুগালের অধিবাসিগণকে ভারতযাত্রায় উৎসাহিত করিবার আশায় পৰ্তুগালের অধীশ্বর তাহাদের জ্ঞাত ভারতবর্ষে বিবাহ করিবার সুযোগের সৃষ্টি করিয়াছিলেন। বিবাহিত হইলে, কর্ম্মচারিগণ শাস্ত শিষ্ট হইয়া, রাজকার্য্যে মনোনিবেশ করিবেন,—এই আশায় রাজা যে ব্যবস্থা করিলেন, তাহাতে বিপরীত ফল সমুৎপন্ন হইতে লাগিল। যাহারা ভারতবর্ষে বিবাহ করিতে লাগিলেন, তাহারা অত্যন্ত উপায়ে অর্থোপার্জনের জন্ত অধিক লালায়িত হইয়া উঠিলেন।

অভিনব অজ্ঞাত রাজ্যের আবিষ্কার-কামনা, তদ্দেশে খৃষ্টধর্ম্ম-প্রচারের প্রবল উৎসাহ, জলে স্থলে বিজয়গৌরবলাভের উন্মত্ত আকাঙ্ক্ষা কালক্রমে কথামাত্রে পর্য্যবসিত হইল। সকলেই অর্থোপার্জনের জন্ত লালায়িত হইয়া উঠিলেন। প্রথমে ভারতবর্ষের লোক ফিরিঙ্গি কর্ম্মচারিগণের গুপ্তবাণিজ্যের সহকারী হইয়া বাহ্য কিছু উপার্জন করিবার সুবিধা পাইত, কালে তাহাও দূরীভূত হইতে লাগিল। ফিরিঙ্গি রাজকর্ম্মচারিগণ রাজা-প্রজাকে তুল্যরূপে প্রতারণা করিয়া, আত্মাধিকার প্রতিষ্ঠিত করিয়া লইলেন। ক্রমে রাজকীয় বাণিজ্যের লাভের অংশ অল্প হইতে লাগিল। অবশেষে ক্ষতি হইতেছে দেখিয়া, পৰ্তুগাল-রাজ যখন কারণানুসন্ধানে লিপ্ত হইলেন, তখন দেখিলেন,—কর্ম্মচারিগণকে শাসন করা অসম্ভব হইয়া উঠিয়াছে;—মন্ত্রিদল উৎকোচবশে রাজকর্ম্মচারিগণের ক্রীতদাস হইয়া উঠিয়াছেন।

ইহার প্রতিকারসাধনের জন্ত রাজা এক অভিনব উপায়ের উদ্ভাবনা করিতে বাধ্য হইলেন। রাজকোষ হইতে অর্থব্যয় করিয়া ভারত-বাণিজ্যের কার্য্য-পরিচালনা না করিয়া স্বদেশের ধনাঢ্যগণের “কোম্পানী” নামক সমিতিকে বাণিজ্যের অধিকারপত্র প্রদান করিয়া অর্থলাভের

চেষ্টা করিতে প্রবৃত্ত হইলেন। এইরূপে পর্তুগালেই “কোম্পানী”র জন্ম হইল। কিন্তু তাহা সফল হইল না।

তাহারা রাজ্যাদেশ লাভ করিয়া, এইরূপে “কোম্পানী” নাম গ্রহণ করিয়া, ভারত-বাণিজ্যে অগ্রসর হইলেন, তাহারা লাভ করিতে পারিলেন না। পর্তুগালের শাসন-প্রণালী এরূপ বাণিজ্যের অহুকূল ছিল বলিয়া বোধ হয় না। দেশের লোকে কৃষি-শিল্পের ভার ক্রীত-দাসের উপর ত্রুস্ত করিয়া, বাণিজ্য লইয়াই ব্যাপৃত হইয়া পড়িয়াছিল। অল্পসংখ্যক লোক এইরূপে ধনশালী হইবার পথ প্রাপ্ত হইলেও, দেশের অধিকাংশ লোকে ফললাভ করিত না। তাহারা নানা হুস্তক্ষেপে লিপ্ত হইয়া, স্বদেশে ঘণার পাত্র হইয়া উঠিয়াছিল। এই সকল লোকেই ভারতবর্ষে প্রেরিত হইত। তাহারা উপযুক্ত বেতন প্রাপ্ত হইত না ; যে যাহা প্রাপ্ত হইত, তাহাতে গ্রাসাচ্ছাদনেরও সংকুলন হইত না। এই শ্রেণীর লোক ভারতবর্ষে আসিয়া, যে কোনও উপায়ে অর্থোপার্জন করিতে গিয়া, ফিরিজি-বণিকের সর্বনাশ সাধন করিতে সমুদ্রত হইল।

এরূপ বাণিজ্য-নীতি দীর্ঘকাল জয়লাভ করিতে পারে না। ফলেও তাহাই হইল। বিশ্বাসই বাণিজ্যের জীবন। তাহা সম্পূর্ণরূপে তিরোহিত হইতে চলিল। ভারতবর্ষের লোকে ফিরিজি-বণিককে বিশ্বাস করিতে পারিল না ; পর্তুগালের রাজা তাহার কর্মচারিগণকে বিশ্বাস করিতে পারিলেন না ; কর্মচারিগণও পরস্পরকে আর পূর্বের তায় বিশ্বাস করিবার উপায় দেখিলেন না ;—সকলই যেন ছত্রভঙ্গ হইয়া পড়িতে লাগিল। অবশেষে ভারত-প্রবাসী ফিরিজি সজ্জনগণ পর্তুগালের অধীশ্বরের নিকট আবেদনপত্র প্রেরণ করিয়া আতঁনাদ করিতে লাগিলেন —“রক্ষা কর—রক্ষা কর।” গোয়ানগরীর মহাধর্ম্মাধিকার ও তদীয় সহকারিবৃন্দ ১৫৫২ খৃষ্টাব্দের ২৫ নভেম্বরের আবেদন-পত্রে স্পষ্টাক্ষরে নিবেদন করিলেন,—“ভারতবর্ষে সুবিচার নাই ; রাজপ্রতিনিধির

নিকটই হউক, আর রাজাজ্ঞা-পরিপালক রাজকর্মচারিবৃন্দের নিকটেই হউক, কাহারও নিকটেই সুবিচার লাভের আশা নাই। কোনও মুসলমানই আর পর্তুগীজগণকে বিশ্বাস করে না। হে রাজাধিরাজ ! আমরা ভিক্ষা চাহিতেছি,—রূপা, রূপা, রূপা। রক্ষা কর, হে রাজাধিরাজ ! রক্ষা কর, কারণ, আমরা ডুবিয়া যাইতেছি।” \*

রাজা বহুদূরে অবস্থিত। তিনি রক্ষা করিতে পারিলেন না। যাহারা ক্ষুধার্ত ব্যাঘ্রের ত্রায় ভারতবর্ষে উপনীত হইতে লাগিল, তাহাদের উপদ্রবে সমগ্র খৃষ্টান সমাজের নামই কলঙ্কযুক্ত হইতে লাগিল। ফিরিঙ্গির নাম বিভীষিকার আধার হইয়া উঠিল;—লোকে তাহাকে ভয় করিত বটে, কিন্তু কেহই ঘৃণা করিতে বিরত হইত না। †

যে বাণিজ্য-নীতি কেবল আয়োদর পূর্ণ করিবার জন্তই লালায়িত, তাহা কিছু দিন বিজয় লাভ করিতে পারিলেও, এক দিন না এক দিন পরাভূত হয়। সময় থাকিতে এই ঐতিহাসিক সত্যে আস্থা স্থাপন করিতে পারিলে, পর্তুগাল সহসা ভারত-বাণিজ্যের একাধিপত্য হইতে চিরবঞ্চিত হইত না। রাজা তাহা স্বীকার না করিয়া, স্বয়ং সকল লাভ আত্মসাৎ করিবার জন্ত ব্যাকুল হইয়া উঠিয়াছিলেন;—রাজকর্মচারিগণ তাঁহার অনুকরণ করিয়া আয়োদর পূর্ণ করিবার জন্তই ব্যাকুল হইয়া

\* In India there is no justice, either in your Viceroy, or in those who are to mete it out. \* \* \* There is no Moor who will trust a Portuguese. \* \* \* Senhor, we beg for mercy, mercy, mercy. Help us Senhor, help us; for we are sinking.—Letter of the Judge and Aldermen of Goa to the king, 25 November 1552.

† The ravenous hordes thus let loose on India made the race name of Christian ( Firingi ) a word of terror,—until the strong rule of the Mughal Empire turned it into one of contempt.—Sir W. Hunter's History of British India. vol I-p-184.

উঠিয়াছিলেন,—কেবল প্রবল প্রতিদ্বন্দ্বীর অভাবেই ভারতসাগরে ফিরিজির আধিপত্য কোনরূপে আত্মরক্ষা করিতেছিল। এই সময়ে ভারতবর্ষের লোকে চেষ্টা করিলে, অল্লায়াসেই ফিরিজি-বণিককে তাড়িত করিতে পারিত। কিন্তু তখন তাহারা গৃহকলহে ব্যতিব্যস্ত,—ব্যক্তিগত স্বার্থচিন্তায় অবসরশূন্য!

ফিরিজি-বণিকের রাজধানী গোয়ানগরী এই সকল কারণে নানা প্রকার অসৎ কার্যের আধার হইয়া উঠিতে লাগিল। যাহা বাহু সম্পদে পৰ্তুগালের রাজধানী লিস্বন নগরীকে পরাভূত করিয়া দিয়াছিল, তাহার অভ্যন্তরে নরকের বীভৎস দৃশ্য উদ্ঘাটিত হইতে লাগিল।

যে প্রবল শক্তি একদিন সন্ন্যাসী রাজকুমার হেনরীর অপূৰ্ব আত্মত্যাগে ধীরে ধীরে প্রবুদ্ধ হইয়া উঠিয়াছিল, তাহা তাঁহার স্বদেশের অকর্ষণ্য নরাধমদিগের আত্মসন্তোষ-লালসায় যৌবনেই জরাজীর্ণ হইয়া পড়িতে লাগিল!





## সপ্তদশ পরিচ্ছেদ

### ভোগাভিলাষ

An Arsenal in ruins, palaces in ruins, quay-walls in ruins,—all in ruins—*Sir W. Howard Russel.*

ফিরিঙ্গি-বাণিকের যে ইতিহাসবিখ্যাত প্রাচ্য রাজধানীর ঐশ্বর্য্যগর্ভ একদিন সমগ্র ইউরোপকে বিস্মিত ও ঈর্ষান্বিত করিয়া তুলিয়াছিল, তাহা একটি ক্ষুদ্র দ্বীপে অবস্থিত ছিল ;—তাহার আয়তন পঞ্চক্রোশের অধিক ছিল না। কেবল প্রাকৃতিক সংস্থান-গুণেই এই ক্ষুদ্র দ্বীপ জগদ্ব্যাপী বিপুল বাণিজ্যের কেন্দ্রস্থলে পরিণত হইয়াছিল।

এখন আর সে দিন নাই। সকলই ধীরে ধীরে ধ্বংসস্থখে পতিত হইয়াছে। এখন নূতন ভাবে নূতন রাজধানী নির্মিত হইয়াছে। তথাপি পুরাতনের কথা ইতিহাস হইতে এখনও বিলুপ্ত হইয়া যায় নাই। এখনও পর্য্যটনপটু ভ্রমণকারিগণ তাহার ধ্বংসাবশেষ দর্শন করিবার জন্য কোতূহল প্রদর্শন করিয়া থাকেন। কিন্তু এখন সে অস্ত্রশালা,—সে প্রমোদশালা,—সে ঐশ্বর্য্য-লীলাময় সৌধশোভা আর লোকলোচনের আনন্দবর্দ্ধন করে না। এখন তাহা শ্মশানের শোকচিহ্নে পর্য্যবসিত হইয়াছে !

কি ছিল,—সমসাময়িক পর্্তুগীজ ইতিহাসলেখকের গ্রন্থে তাহার বিস্তৃত বিবরণ দেবিতে পাওয়া যায়। পর্্তুগীজ প্রাচ্য-বাণিজ্য-সাম্রাজ্যের গৌরবাস্পদ রাজধানী গোয়াননগরী সুদৃঢ় প্রাচীর-বেষ্টিত ছিল ; ছয়টি সুবৃহৎ কোষ্ট নগররক্ষার্থ নির্মিত হইয়াছিল। এই নগর বৃহৎ, বহুজন পূর্ণ, এবং সুদৃঢ় বলিয়া সুপরিচিত ছিল। ইহা যে প্রাচ্য-বাণিজ্য-সাম্রাজ্যের রাজধানী বলিয়া গর্ব্বপ্রকাশ করিত, তাহা যথার্থই গর্ব্ব-

প্রকাশের যোগ্য হইয়া উঠিয়াছিল। উত্তমাশা অন্তরীপ হইতে লোহিত-সাগরের প্রবেশপথ পর্য্যন্ত সে সাম্রাজ্যের প্রথম বিভাগ আফ্রিকা মহাদেশের সমগ্র পূর্বোপকূলের উপর আধিপত্য বিস্তৃত করিয়াছিল। লোহিত-সাগরের প্রবেশপথ হইতে পারস্তোপসাগরের প্রবেশপথ পর্য্যন্ত সে সাম্রাজ্যের দ্বিতীয় বিভাগ মোচা হইতে মস্কোট পর্য্যন্ত আরবসাগর-বেলার বাণিজ্য-বন্দরে প্রভুত্ব সংস্থাপিত করিয়াছিল; ইউফ্রেটিস-সাগরসঙ্গমে অবস্থিত বসোরা বন্দর হইতে ক্যাসে উপসাগর পর্য্যন্ত সে সাম্রাজ্যের তৃতীয় বিভাগ পারস্ত, বেলুচিস্থান ও সিন্ধুপ্রদেশের বন্দর-সমূহে আত্মশক্তি সম্প্রসারিত করিয়াছিল। ক্যাসে হইতে কুমারিকা—কুমারিকা হইতে গঙ্গাসাগর,—গঙ্গাসাগর হইতে সিন্ধাপুর,—সিন্ধাপুর হইতে ভারতদ্বীপপুঞ্জ পর্য্যন্ত সে সাম্রাজ্যের অষ্টাংশ বিভাগ পর্তুগীজ বাণিজ্যের বিজয় হুন্ডুভিনাদে মুখরিত হইয়া উঠিয়াছিল। পৃথিবীতে এত বৃহৎ বাণিজ্যক্ষেত্রে একাধিপত্য লাভ ফিরিজি-বণিকের ইতিহাসে সগৌরবে উল্লিখিত হইয়া রহিয়াছে।\*

যাহা দীর্ঘকালে গঠিত হয়, তাহা অল্পকালেই ধ্বংসপ্রাপ্ত হইতে পারে। অভ্যুত্থান অপেক্ষা অধঃপতন কিছু অধিক দ্রুতবেগে লাভ করিয়া থাকে। পর্তুগালের পক্ষে তাহাই সংঘটিত হইবার সূত্রপাত হইল। চরিত্রহীনতাই তাহার একমাত্র কারণ বলিয়া ইতিহাসে প্রসিদ্ধি লাভ করিয়াছে।

রাজধানী রক্ষার জন্ত বিশেষ প্রয়াস স্বীকারের প্রয়োজন ছিল না;—সমুদ্র এবং সমুদ্রের খাড়ি দুর্গ-পরিধার ত্রায় নগররক্ষা করিত,—নৌসমরকুশল নাবিকবর্গ অল্পসংখ্যক রণপোতের, সাহায্যে আক্রমণ-পথ অবরুদ্ধ করিয়া রাখিত। নগর আক্রান্ত হইবার আশঙ্কামাত্রও

তিরোহিত হইয়া গিয়াছিল। যাহারা একদা স্বেচ্ছায় পাইবামাত্র আক্রমণ করিতে সাহস করিত, সেই বীরবংশোদ্ভব হিন্দুমুসলমান ফিরিঙ্গির দাসত্ব গ্রহণ করিয়া, কায়ক্লেশে জীবিকার্জন করিতে অভ্যস্ত হইয়া উঠিয়াছিল। যে সকল অর্ণবপোত সহসা সাগরগর্ভ হইতে সমুখিত জলমৈতের ত্রায় পক্ষ বিস্তার করিয়া বন্দরাভিমুখে অগ্রসর হইত, তাহাদিগের সমুদ্রত পতাকারাজি পৰ্তুগালের বাণিজ্য-সাম্রাজ্যেরই বিজয় ঘোষণা করিত। এক দিকে অতুল ঐশ্বর্য্য, অত্র দিকে অসীম প্রতাপ এবং অকুতোভয় অধিষ্ঠান ফিরিঙ্গি-বণিকের বিলাস-বাসনা বর্দ্ধিত করিয়া তুলিতেছিল।

সেকালে ইউরোপের সম্মুখে যে ভোগাভিলাষের আদর্শ বর্তমান ছিল, তাহা প্রাচ্য আদর্শ বলিয়া কথিত হইত। কেবল ইউরোপ কেন, এসিয়ার অগ্রাগ্র দেশেও ভারতবর্ষের বাহাড়ম্বরের অনুকরণ-লালসা প্রবল হইয়া উঠিয়াছিল। সপ্তদাগরগণ ভোগাভিলাষের অনুকূল বহুমূল্য পণ্য-সম্ভার পুঞ্জীকৃত করিয়া, ইউরোপের ভোগাভিলাষ প্রবল করিয়া তুলিয়াছিল। ইউরোপের কিয়দংশে মুসলমান-শাসন প্রবর্তিত হইবার পর, ক্রমে ক্রমে সমগ্র ইউরোপ ভোগাভিলাষে অধিক উন্নত হইয়া উঠিতেছিল। ঐশ্বর্য্যলাভ করিতে পারিলেই ইউরোপীয়গণ ভারতীয় হাবভাবের অনুকরণ করিতে ইতস্ততঃ করিতেন না। তখন তাহারা ভারতবর্ষের নামে নাসিকা কুঞ্চিত করিতেন না; তাহাকে ভূস্বর্গ ভাবিয়া তাহার দিকে ধাবিত হইবার জগ্গই আগ্রহ প্রকাশ করিতেন।

ক্ষুদ্র রাজ্য পৰ্তুগাল ভারত-বাণিজ্যে অসীম ঐশ্বর্য্য লাভ করিয়া ভোগাভিলাষী হইবামাত্র, শারীরিক শ্রমে বিরত হইয়াছিল। তজ্জগ্গ কৃষিশিল্পের অনুশীলনভার ক্রমে ক্রমে ক্রীতদাসগণের উপরেই গুস্ত হইয়া পড়িয়াছিল। যাহারা কষ্ট-সহিষ্ণু, পরিশ্রম-নিপুণ বীরজাতি বলিয়া পরিচিত ছিল, তাহারা নবাবী করিবার জগ্গ লালায়িত হইয়া

উঠিবামাত্র, সকলেই ঐশ্বর্য বিকাশের বাহ্যাদ্বয়কে মানবজীবনের পরম পুরুষার্থ ভাবিয়া, প্রাণপণে ঐশ্বর্য-সঙ্গে যত্নশীল হইয়াছিল। গোয়া নগরীতে ইহা বিশেষভাবেই পরিস্ফুট হইয়া উঠিয়াছিল।

নাগরিকগণের উচ্চ অট্টালিকা রাজপ্রাসাদকে লজ্জিত করিতে আরম্ভ করিল। রাজপথপার্শ্বে যে সকল প্রমোদশালা নির্মিত হইতে লাগিল, তাহার অভ্যন্তরগত অট্টহাস্তে দিগ্‌মণ্ডল প্রতিধ্বনিত হইতে আরম্ভ করিল। জনসমাজ প্রকাশ্যভাবেই প্রাচ্য হাবভাব প্রকাশিত করিয়া, প্রাচ্যের অহুঙ্করণে বসন-ভূষণের আড়ম্বর প্রকাশে অভ্যস্ত হইয়া উঠিল। নাতিশীতোষ্ণ সমুদ্রবেলা কি এক অলৌকিক মোহ-মদিরায় নরনারীকে নিয়ত আবিষ্ট করিয়া রাখিতে আরম্ভ করিল,— তাহার কথা বিবিধ কাব্যে পুনঃ পুনঃ বর্ণনা করিয়াও, ফিরিঙ্গি-কবির রচনা-লালসা নিরস্ত হইতে পারিল না। চিরবসন্তের চিত্তমনোহর ১পল সৌন্দর্য্য নরনারীকে যে পথে আকর্ষণ করিল, তাহার আলোচনা করিতে গিয়া, ইউরোপীয় ইতিহাস-লেখকগণ লজ্জায় অধোবদন হইয়া থাকেন।

গৃহমধ্যে পর্তুগীজ স্ত্রীপুরুষ অধিক বসন ভূষণের ব্যবহার করিতেন না, বালক-বালিকারাও উলঙ্গ দেহেই গৃহপ্রাঙ্গণে ক্রীড়া করিয়া বেড়াইত। কিন্তু রাজপথে বাহির হইতে হইলে, আড়ম্বরের অবধি থাকিত না। মহিলাবর্গ দোলারোহণে বহির্গত হইতেন; তাঁহাদের পরিচ্ছদের এবং দোলার আবরণবস্ত্রের চাকচিক্যে রাজপথ বলমল করিয়া উঠিত। সঙ্গে সঙ্গে বহুসংখ্যক সুসজ্জিত দাসদাসী পদব্রজে অহুগমন করিত। বসন-ভূষণে কেবল স্বর্ণ রৌপ্য মণিমাণিক্যের ছড়াছড়ি,—তাহার উপর সূচিক্রণ উত্তরীয় বিস্তৃত করিয়া, ফিরিঙ্গি সুন্দরীগণ হাত্রে লাগ্রে আশ্রশোভা উদ্ভাসিত করিয়া তুলিতেন। নগ্ন চরণপ্রান্তে মণিমাণিক্য-ধচিত বিচিত্র পাছকা ঐশ্বর্য বিকাশের

অলৌকিক আড়ম্বর বিকশিত করিয়া তুলিত। পুরুষগণ অস্বারোহণে বাহির হইতেন; সঙ্গে সঙ্গে আশা সোঁটা ছত্র চামরাদি ধারণ করিয়া, ভৃত্যগণ তাঁহাদিগের অনুগমন করিত। যাহারা নিতান্ত নিধন, তাহারাও সম্ভ্রমরক্ষার্থ নিতান্ত পক্ষে একজন ছত্রধর ভাড়া করিয়া লইত। দেখিলে মনে হইত,—প্রত্যেক ফিরিজি যেন এক একটি ক্ষুদ্র নবাব!

রমণীগণকে অন্তঃপুরে রাখিয়া, পুরুষগণ নিরস্তুর বাহিরে বাহিরে প্রমোদশালায় বিলাসবাসনা চরিতার্থ করিতে অভ্যস্ত হইয়া, পশুত্বের দিকে অগ্রসর হইতে লাগিল। স্বামিসহবাসে বকিতা অন্তঃপুরচারিণী রমণীগণ নারীধর্মের মর্যাদা রক্ষার্থ উৎসাহ লাভ করিতে পারিল না। ধর্ম কর্ম ভাসিয়া গেল; তাহা কেবল প্রথারক্ষার্থ ভজনালয়কে অধিক আড়ম্বরপূর্ণ করিয়া তুলিতে লাগিল। সেকালের পর্যটকগণ গোয়া নগরীর যে সকল বিলাস-ব্যসনের বর্ণনা লিপিবদ্ধ করিয়া গিয়াছেন, তাহা পাঠ করিতে করিতে শিহরিয়া উঠিতে হয়।

পুরুষেরা একাদিক্রমে বহুদিন পর্যন্ত আমোদশালায় সময় অতিবাহিত করিতেন; পরিত্যক্তা পরিণীতাগণ অন্তঃপুরে বসিয়া, তাহারই প্রতিশোধ লইবার ব্যবস্থা উদ্ভাবিত করিতেন। তাঁহারা কখন কখন স্বামীকে ঔষধপ্রয়োগে অচেতন রাখিয়া, তাঁহার সমক্ষে তাঁহারই শয্যাকক্ষের অবমাননা করিতেও কুণ্ঠিতা হইতেন না! মানব কতদূর পর্যন্ত দানব হইতে পারে, গোয়া নগরী তাহারই প্রদর্শনী-ক্ষেত্রে পরিণত হইতে লাগিল।\*

\* The travellers who visited Goa during its prime tell strange tales of the hardihood with which the Portuguese matrons pursued their amours,—not scrupling to stupify the husband with drugs, and admitting the paramour into his chamber.—Sir, W. Hunter's History of British India, vol I-p. 157.

এই সকল কারণে ফিরিজির নাম ভারতবর্ষের সকল স্থানেই<sup>\*</sup> বিভীষিকার আধার হইয়া উঠিতে লাগিল। লোকে ফিরিজির নামে এখনও যে সকল কাহিনীর আলোচনা করিয়া থাকে, তাহা সম্যক্ লিপিবদ্ধ করিবার উপায় নাই। স্বদেশ হইতে বহুসংখ্য যোজন দূরে আসিয়া, আশাতীত অসীম ঐশ্বর্যের সন্ধান লাভ করিলামাত্র, এইরূপে ফিরিজি-বণিকের অধঃপতনের সূত্রপাত হইল।

ভারতবর্ষে ফিরিজি-সেনার সংখ্যা কখনই অধিক ছিল না। অধিক সেনাবলের প্রয়োজন অনুভূত হইবামাত্র, ফিরিজি-বণিক্ ভারতবর্ষের অধিবাসিগণকে সেনাদলে গ্রহণ করিয়া, শিক্ষাদান করিতে বাধ্য হইয়া-ছিলেন। ইহারাই জলে-স্থলে ফিরিজি-বণিকের বাণিজ্যের এবং বিজয়-গৌরবের প্রধান রক্ষক হইয়া উঠিয়াছিল।

ফিরিজির সংসারে ক্রীতদাসের প্রাধান্য ছিল। তাঁহারা ভারতবর্ষে আসিয়াও বহুসংখ্যক ক্রীতদাস প্রতিপালিত করিতেন। এই সকল ক্রীতদাসের মধ্যে অনেকে গৃহকার্যে নিযুক্ত ছিল, কেহ কেহ সেনাদলেও প্রবেশ লাভ করিয়াছিল। তাহাদের হস্তে রাজ্যরক্ষার ভার ত্রাস্ত করিয়া, ফিরিজি-বণিক্ যখন আলস্যে ও বিলাসে অভিভূত হইয়া, নবাবী করিতে প্রবৃত্ত হইলেন, ঠিক সেই সময়ে ইউরোপের ইতিহাসে এক যুগান্তরের সূত্রপাত হইল।

ইউরোপ ধীরে ধীরে জাগিয়া উঠিতেছিল। সে জাগরণের মূলে ভারতবর্ষের প্রভাবই প্রচ্ছন্নভাবে বর্তমান ছিল। ভারত-বাণিজ্যে আধিপত্যলাভ সেকালের ইউরোপের পক্ষে ঐশ্বর্যালাভের একমাত্র পথ বলিয়া পরিচিত হইয়া উঠিয়াছিল। সেই পথে ধাবিত হইবার জন্য সকল জাতিই সমানভাবে লালায়িত হইয়া উঠিয়াছিল।

\* পর্তুগালরাজ ভারত-বাণিজ্যের জলপথ অধিকার করিয়া ভারত-সাগরে প্রাধান্য লাভ করিলেও, কেবল বাহুবলে সে প্রাধান্য দীর্ঘকাল

রক্ষা করিবার উপযুক্ত শক্তিশালী ছিলেন না। ইউরোপের যে কোনও জাতি বাহুবলে তাঁহাকে অচিরাতঃ উৎখাত করিতে পারিত। পোপের শাসন-লিপিই তাঁহাকে প্রাধান্ত স্থাপন ও প্রাধান্ত সংরক্ষণে সহায়তা করিয়াছিল।

যতদিন পোপের শাসনলিপি লঙ্ঘন করিবার সাহসের অভাব ছিল, ততদিন ইউরোপীয় জনসমাজ উত্তমাশা অন্তরীপের পথে একমাত্র পর্তুগালেরই অবিসম্বাদিত অধিকার থাকা স্বীকার করিয়া লইয়া অগ্র পথে ভারতবর্ষে উপনীত হইবার বিবিধ চেষ্টায় ব্যাপৃত হইয়াছিল। সে চেষ্টা সফল হইল না। পশ্চিম সমুদ্রপথে ক্রমাগত পশ্চিমাভিমুখে পোত চালনা করিয়া ভারতবর্ষে উপনীত হইবার চেষ্টা আমেরিকার আবিষ্কার সাধন করিয়াই আপাততঃ নিরস্ত হইতে বাধ্য হইয়াছিল। উত্তর সমুদ্রপথে পোতচালনা করিয়া ভারতবর্ষে উপনীত হইবার চেষ্টা বহুলোকের অকালমৃত্যুর কারণ হইয়াছিল। এই সকল চেষ্টা বর্তমান থাকিতেও পর্তুগালের বাণিজ্যাধিকার বিলুপ্ত হয় নাই। ইউরোপের অন্যান্য দেশের লোক পর্তুগাল হইতেই ভারতীয় পণ্যদ্রব্য ক্রয় করিয়া স্বদেশে বিক্রয় করিত, এবং সেই সংকীর্ণ বাণিজ্যের যৎসামান্য লাভ পাইয়া পরিতৃপ্ত থাকিতে বাধ্য হইত;—পোপের শাসন লঙ্ঘন করিয়া উত্তমাশা অন্তরীপের পথে ভারত-যাত্রার আয়োজন করিবার কল্পনামাত্রও উৎসাহলাভ করিত না।

ভারতবর্ষ কোথায়? এই চিন্তায় একদিন সমগ্র ইউরোপে যে প্রবল অনুসন্ধিৎসা প্রবুদ্ধ হইয়া উঠিয়াছিল, পর্তুগালের কৃপায় সে কৌতূহল পরিতৃপ্ত হইয়াছিল। পর্তুগাল হইতে দলে দলে ফিরিঙ্গি-বণিক্ ভারতবর্ষে গমন করিত, আবার তাহারা দলে দলে পর্তুগালে প্রত্যাবৃত্ত হইয়া আলৌকিক ঐশ্বর্য্য-বিস্তারে ইউরোপীয় জনসমাজকে বিশ্বম্বাবিষ্ট করিত। সুতরাং ভারতবর্ষ কোথায় এবং তদ্দেশে যাতায়াতের

উপায় কি, তাহা কাহারও অপরিজ্ঞাত ছিল না। কিন্তু পোপের অলঙ্ঘ্য শাসনে একমাত্র পর্তুগাল ভিন্ন অত্র কোনও খৃষ্টান দেশের পক্ষে সে পথে ভারতবর্ষে যাতায়াত করিবার অধিকার ছিল না। তখন অত্র পথের চিন্তা—অত্র পথের আবিষ্কার-কামনা উত্তরোত্তর অধিক প্রবল হইয়া উঠিতেছিল।

ইউরোপের অত্রাণ দেশের লোক যখন এই কামনায় অকাতরে অর্থ-ব্যয় করিয়া দরিদ্র হইয়া পড়িতেছিল, পর্তুগাল তখন ভারতবাণিজ্যের একাধিপত্যের সন্তোষে ও ঐশ্বর্য্যগর্বে সমগ্র ইউরোপে সর্ব্বাপেক্ষা অধিক ধনশালী বলিয়া পরিচিত হইয়া উঠিয়াছিল। পর্তুগাল বৃহৎ রাজ্য হইলে, অত্রাণ রাজ্যের লোকে নিরস্ত হইতে বাধ্য হইত। পর্তুগাল ক্ষুদ্র রাজ্য; কেবল পোপের পদমর্য্যাদার কাল্পনিক বিভীষিকাই তাহাকে মর্য্যাদা দান করিতেছিল। তাহাকে মানিয়া লইয়া অত্র পথে ভারত-বাণিজ্যে অংশলাভ করা, এবং তাহাকে অগ্রাহ্য করিয়া ভারত-বাণিজ্যে আত্মপ্রতিষ্ঠা সংস্থাপিত করা, প্রায় একই সময়ে ইউরোপের অত্রাণ দেশের লোকের চিন্তাক্ষেত্র আন্দোলিত করিয়া তুলিতেছিল। যে যুগে এই যুগান্তরের হৃদ্রপাত হইতেছিল, সে যুগে পর্তুগালের অধীশ্বর এবং পোপ তুল্যরূপেই তাহার প্রতি অনাস্থা প্রকাশিত করিয়া নিশ্চিন্ত হৃদয়ে কালযাপন করিতেছিলেন।

যাহারা এইরূপে সমগ্র ইউরোপে এক অজ্ঞাতপূর্ব্ব উত্তেজনার সৃষ্টি করিয়া যুগান্তর আনয়নের কারণ হইয়া উঠিয়াছিল, সেই পর্তুগীজগণ বিলাসাতীশ্যে অল্পদিনের মধ্যেই অবসর হইয়া পড়িতে লাগিল। তাহাদের দিগ্বিজয় আর অধিকদূর অগ্রসর হইবার জন্ত আগ্রহ প্রকাশ করিল না; তাহাদের বীরকীর্ত্তি আর যথাযোগ্য উৎসাহ লাভ করিতে পারিল না; তাহাদের সকল চিন্তা কেবল সন্তোষের অভিনব উপায় উদ্ভাবনের জন্তই তন্ময় হইয়া পড়িল।



ভারতবর্ষও এই যুগ-সন্ধিকালে নিতান্ত অবসন্ন হইয়া পড়িয়াছিল। তাহার রাজশক্তি শিথিল এবং বাণিজ্যশক্তি অন্তর্হিত হইয়া গিয়াছিল; তাহার অধ্যবসায় কেবল রাষ্ট্রবিপ্লবের অবসরে নিত্য নূতন রাজ্য গঠনের জন্তই ব্যগ্র হইয়া উঠিয়াছিল। পাঠানশক্তি খসিয়া পড়িতেছে; মোগল-শক্তি ভাল করিয়া প্রতিষ্ঠালাভ করিতে পারে নাই; এইরূপ যুগসন্ধি কালে ভারতবাসিগণ স্বার্থসাধনের আপাতরম্য প্রলোভনে প্রলুব্ধ হইয়া জাতিগত স্বার্থ বিস্মৃত হইয়া গেল।

সেকেন্দার শাহ এসিয়াতিমুখে দিগ্বিজয়ে ধাবিত হইবার সময়ে সমগ্র এসিয়াকে গ্রীকদেশের অনুকরণে গঠিত করিয়া তুলিবার সংকল্প করিয়া-ছিলেন। তাহার সে সংকল্প অঙ্কুরেই বিনষ্ট হইয়া গিয়াছিল। এসিয়া গ্রীকবেশ ধারণ করে নাই;—বরং গ্রীকদেশেই নানা বিষয়ে এসিয়ার ভাব প্রভাব বিস্তৃত করিবার সুযোগ লাভ করিয়াছিল। ফিরিঙ্গি-বণিক ভারতবর্ষে রাজধানী সংস্থাপিত করিয়া, ভারতবর্ষে ফিরিঙ্গি প্রভাব দৃঢ় প্রতিষ্ঠিত করিবার আশায়, এক অভিনব উপায় অবলম্বন করিতে প্রবৃত্ত হইলেন। ভারতবর্ষের নিম্নশ্রেণীর রমণীগণের সহিত ফিরিঙ্গি-সেনার বিবাহের ব্যবস্থা প্রচলিত হইল। রাজা তাহাতে উৎসাহ দান করিবার অভিপ্রায়ে নবদম্পতীর কল্যাণ কামনায় রাজকোষ হইতে বিবাহের ব্যয় নির্বাহের ব্যবস্থা করিয়া দিলেন। কিন্তু ইহাতে হিতে বিপরীত হইল। নিম্নশ্রেণীর রমণীগণের সংসর্গে আসিয়া, ফিরিঙ্গি-সেনা দিন দিন অধিক অধোগতি লাভ করিতে লাগিল। তাহাদের সন্তান-সন্ততি স্বেচ্ছাচার-পরায়ণ হইয়া, ফিরিঙ্গির নাম অধিকতর ঘৃণাস্পদ করিয়া তুলিল। বাহা বহু অধ্যবসায়ে গঠিত হইয়াছিল, তাহা বিলাস-তরঙ্গে ভাসিয়া যাইতে লাগিল; কেহ কেহ তাহার জন্ত আর্তনাদ করিতে লাগিলেন; কিন্তু কেহই তাহার গতি রোধ করিতে পারিলেন না।

যতদিন বাণিজ্য-ব্যাপারে রাজার লাভ অধিক ছিল, ততদিন সেনাদল

যথাসময়ে বেতন প্রাপ্ত হইত। রাজার লাভ সঙ্কুচিত হইবামাত্র বেতন-প্রাপ্তির অসুবিধা ঘটতে লাগিল। তখন তাহারা আর কি করিবে? কেহ ভারতবাসীর নিকট বন্দুক বিক্রয় করিয়া, কেহ বা স্বেযোগ প্রাপ্ত হইবামাত্র দেশ লুণ্ঠনে প্রবৃত্ত হইয়া, কেহ দ্বারে দ্বারে ভিক্ষা করিয়া অন্নসংস্থান করিতে বাধ্য হইল। যাহারা এইরূপে রাজকার্য্য পরিত্যাগ করিতে বাধ্য হইল, তাহাদের সম্মানসম্মতির দুর্দশার অবধি রহিল না। এইরূপে গোয়া নগরী এক দিকে ঐশ্বর্য্য গর্বে উন্নত, অন্য দিকে দুঃখদৈন্তে অভিভূত হইয়া পড়িল। যাহারা ধনী, তাঁহারা ধনাতিশয়া,—যাহারা দরিদ্র, তাহারা ধনাভাবে ধর্ম্মজ্ঞানশূন্য;—সুতরাং সমগ্র রাজধানী ধর্ম্মজ্ঞানশূন্য হইয়া উঠিল।

ফিরিজি-বণিকের অধীনে নিয়োগ প্রাপ্ত হইয়া যে সকল ভারতীয় সেনা ফিরিজির দিগ্বিজয় সাধনের সহায়তা করিয়াছিল, তাহাদের মধ্যেও কেহ কেহ ধনশালী হইয়া উঠিয়াছিল। যাহারা এইরূপে ধনশালী হইবার স্বেযোগ লাভ করিয়াছিল, তাহারা ফিরিজির বিলাস-লালসার অনুকরণ করিতে শিক্ষা করিয়াছিল। যাহারা নিধন অবস্থায় রাজদত্ত সামান্য বেতনের বা লুণ্ঠনের লোভে সেনাদলে নিয়োগ লাভ করিতেছিল, তাহারা উচ্ছৃঙ্খল হইয়া উঠিতে লাগিল! শৌর্য্যে বীর্য্যে সমর-কোশলে এই সকল ভারতীয় সেনা সর্ব্বাংশেই ফিরিজি সেনার সমকক্ষ হইয়া উঠিয়াছিল; \* কিন্তু ইহাদের প্রভুভক্তি বা সমরকোশল ইহাদিগকে রক্ষা করিতে পারিল না। ইহারাও ছত্রভঙ্গ হইয়া পড়িতে লাগিল।

\* Certify to your Highness that they are as good as our.—  
*Petro de Faria's letter 18 January 1522.*

যে নৌ-সেনাবল ফিরিঙ্গি-বণিকের প্রবল সহায় বলিয়া পরিচিত ছিল, তাহাও দিন দিন দুর্বল হইয়া পড়িতে লাগিল। পোতাধ্যক্ষগণ বাণিজ্য-ব্যাপারে অর্থোপার্জন আশায় বন্দরে বন্দরে যাতায়াত করিয়া, সমগ্র নৌ-সেনাকে বাণিজ্যলুন্ড করিয়া তুলিলেন। তাহারাও বিলাসের স্বাদ প্রাপ্ত হইয়া, ধীরে ধীরে নাগরিকগণের সমকক্ষ হইয়া উঠিল।

## অষ্টাদশ পরিচ্ছেদ

### প্রতিদ্বন্দ্বী

The Portuguese soon found that they had other rivals in the East than the Turk.—*Sir W. Hunter.*

এক সময়ে মুসলমানেরাই ফিরিজি-বণিকের একমাত্র প্রবল প্রতিদ্বন্দ্বী বলিয়া পরিচিত ছিল। তাহারা যথাসাধ্য ফিরিজি-বণিকের ভারত-বাণিজ্যের গতিরোধের চেষ্টা করিয়াছিল;—পদে পদে পরাভূত হইয়াও, ফিরিজি-দলনের সংকল্প সম্পূর্ণরূপে পরিত্যাগ করে নাই। কিন্তু ভারতবাণিজ্যে ফিরিজি-বণিকের একাধিপত্য দিন দিন যেরূপ প্রবল হইয়া উঠিতেছিল, তাহাতে মুসলমানের পক্ষে সহসা বিজয়লাভের সম্ভাবনা ছিল না। ফিরিজি-বণিক রাজ্যবিস্তৃত করিয়া, রাজধানী সংস্থাপিত করিয়া, রাজ-দুর্গে জলস্থল সুরক্ষিত করিয়া, ভারত-বাণিজ্যের সর্বময় প্রভু হইয়া উঠিয়াছিলেন। তাঁহাদের অভ্যুদয়ে বাধাপ্রদানে অশক্ত হইয়া, মুসলমানগণ ক্রমে ক্রমে নিরুণম হইয়া পড়িয়াছিল। কিন্তু ইউরোপের অত্যাগ্র দেশে আর এক শ্রেণীর প্রতিদ্বন্দ্বী ধীরে ধীরে প্রবল হইয়া উঠিতেছিল।

পৃথিবীর আকার কিরূপ,—তাহার প্রকৃত তথ্য অধিক দিন প্রাচ্য-সমাজের অপরিজ্ঞাত ছিল না। অরণ্যভীত পুরাকাল হইতে বৃহৎ বাহুজগতের বিবিধ বৃহৎ পদার্থের সহিত পরিচিত হইবার সুযোগলাভ করিয়া, প্রাচ্যসমাজ জলে স্থলে অন্তরীক্ষে বিবিধ বৈজ্ঞানিক সত্য পূর্য্যবেক্ষণ করিয়া সর্বত্র পৃথিবীর গোলত্ব স্বীকার করিয়া লইয়াছিল। কিন্তু পাঁচশত বৎসর পূর্বেও এ বিষয়ে ইউরোপে অজ্ঞতার অভাব ছিল না। পৃথিবীর গোলত্বে ইউরোপীয় খৃষ্টান সমাজ কিছুমাত্র আস্থাস্থাপন

করিত না। যাহারা ভূমধ্যসাগরের স্থলবেষ্টিত জলপথে ক্ষেপন-সঞ্চালনে তরলী-চালনা করিয়া, উপকূল-প্রদেশের বাণিজ্য-ব্যাপার লইয়াই পরিতৃপ্ত ছিল,—সাহস করিয়া মহাসাগরে পোতচালনা করিতে অগ্রসর হইত না,—তাহাদের পক্ষে পৃথিবীর গোলঘে আস্থাস্থাপন করিবার কারণ উপস্থিত হইত না।

কেবল পৰ্তুগাল যখন সীমামুক্ত মহাসাগর-পথে বাণিজ্য-যাত্রায় বহির্গত হয়, তখন কে কোন্ পথে গমন করিবে, তদ্বিষয়ে কলহের আশঙ্কা উপস্থিত হইবামাত্র, শান্তিসংস্থাপন-লালসায় ধর্ম্মাচার্য্য পোপ এক শাসনলিপি প্রচারিত করিয়া, দুই প্রতিদ্বন্দীর জন্য দুইটি পৃথক্ সমুদ্রপথ নির্দিষ্ট করিয়া দিয়াছিলেন। তদনুসারে দক্ষিণ-পশ্চিম সমুদ্রপথে স্পেন, এবং দক্ষিণপূর্ব সমুদ্রপথে পৰ্তুগাল, চিরস্থায়ী বাণিজ্যযাত্রার অধিকার লাভ করিয়াছিল। একের পথে অণ্ডের পোত-চালনার অধিকার ছিল না; এবং স্পেন-পৰ্তুগাল ভিন্ন অণ্ড কোনও দেশের পক্ষে এই এই দুইটি সমুদ্রপথের কোনও পথেই প্রবেশাধিকার স্বীকৃত হইত না। একজন নিয়ত পশ্চিমাভিমুখে, আর একজন নিয়ত পূর্বাভিমুখে পোত-চালনা করিতে থাকিলে, কাহারও সহিত কাহারও কোনকালেও সংঘর্ষ উপস্থিত হইবার আশঙ্কা থাকিবে না, এইরূপ ধারণার বশবর্তী হইয়াই পোপ তাঁহার সুবিখ্যাত শাসনলিপি প্রচারিত করিয়াছিলেন; স্পেন এবং পৰ্তুগালও ইহাতে উৎফুল্ল হইয়া, নির্দিষ্ট সমুদ্রপথে পোত-চালনায় ব্যাপৃত হইয়াছিল। পোপের এই ব্রাহ্ম ধারণা-প্রসূত শাসন-লিপিতে তৎকালের খৃষ্টান সমাজের অজ্ঞতা পরিস্ফুট হইয়া রহিয়াছে।

স্পেন-পৰ্তুগাল একটু অধিকদূর অগ্রসর হইলেই, পরস্পরের উপর আপত্তি হইবে,—আবার কলহ কোলাহলে খৃষ্টান সমাজের অকল্যাণ উপস্থিত হইবে,—এরূপ আশঙ্কা তৎকালে কাহারও হৃদয়ে স্থানলাভ করিতে পারে নাই। পোপের শাসনপত্রে উত্তর সমুদ্র-পথের উল্লেখ

ছিল না। সে পথে স্পেন-পর্তুগালের অগ্রসর হইবার অধিকার ছিল না। সুতরাং ইউরোপের অগ্রাগ্র উত্তমশীল খৃষ্টান-সমাজ পূর্ব-দক্ষিণ ও পশ্চিম-দক্ষিণ সমুদ্রপথ পরিত্যাগ করিয়া, উত্তর-পূর্ব ও উত্তর-পশ্চিম সমুদ্রপথেই ধাবিত হইতে আরম্ভ করিয়াছিল। এই দুইটি অব্যাহত সমুদ্রপথে ভারতবর্ষে উপনীত হইয়া, ভারত-বাণিজ্যে লাভবান হইবার আশায়, ওলন্দাজ, ফরাসী এবং ইংরেজ অধ্যবসায়ের পরাকাষ্ঠা প্রদর্শন করিতেছিল। পুনঃ পুনঃ প্রত্যাগত হইয়াও, পুনঃ পুনঃ বিজয়লাভের লুকাখাসে এই সকল উত্তমশীল জাতি অকাতরে জীবন বিসর্জন করিতেছিল;—একদল পরাভূত হইয়ামাত্র, অগ্রদল ছুটিয়া বাহির হইতেছিল।

ভিনিসীয় বণিকগণ প্রাচ্য বাণিজ্যের চিরপরিচিত পুরাতন পথ পরিত্যাগ করিয়া, অভিনব পথের আবিষ্কার সাধনের জন্ত কিছুমাত্র ব্যাকুলতা প্রকাশিত করে নাই। তাহারা লোহিত সাগরের পথে ভারত-বাণিজ্যে অধিকার লাভের আশায়, খ্রীষ্টান হইয়াও মিশরের মুসলমান সুলতানের সহিত যোগদান করিয়া, পর্তুগীজগণের অনিষ্ট সাধনের চেষ্টা করিতেছিল। সে চেষ্টা সফল হয় নাই; কিন্তু তাহার জন্ত সময়ে সময়ে ভিনিসীয়গণের বিরুদ্ধে পোপের নিকট অভিযোগ উপস্থিত হইতেছিল। ভিনিসীয়-মিসরীয় চক্রান্তে যে ফিরিজি-বণিকের প্রকৃত আশঙ্কার কারণ বর্তমান ছিল না, তাহা সকলকেই স্বীকার করিতে হইয়াছিল।

যতদিন ইউরোপীয় খৃষ্টান-সমাজে খৃষ্টধর্ম্মাচার্য্যের শাসনলিপির মর্যাদা অক্ষুণ্ণ ছিল, ততদিন অগ্র কোনও খৃষ্টান প্রতিদ্বন্দ্বীর পক্ষে ভারত-বাণিজ্যে অধিকার বিস্তৃত করিবার কোনরূপ সম্ভাবনা বর্তমান ছিল না। কেবল স্পেনের পক্ষে ক্রমাগত পশ্চিমাভিমুখে পোতাচালনা করিতে করিতে ভারতবর্ষে উপনীত হইবার যে সম্ভাবনা ছিল, তাহা

সম্ভাবনামাত্র। সে পথ নিতান্ত দুর্গম; তাহাতে অগ্রসর হইবার জ্ঞাত স্পেনরাজ্যের বিশেষ আগ্রহ পরিলক্ষিত হইত না। যাহারা উত্তর-পূর্ব ও উত্তর-পশ্চিম সমুদ্রপথে ভারতবর্ষে উপনীত হইবার জ্ঞাত ব্যর্থচেষ্টায় শক্তিক্ষয় করিতেছিল, তাহাদের চেষ্টা যে কখনও সফল হইবে, তাহাতে কেহই আস্থাস্থাপন করিতে সাহস পাইত না। সে পথের যে সকল কাহিনী ইউরোপে প্রচারিত হইতেছিল, তাহাতে সকলেই বুঝিয়াছিল—মেরুমণ্ডলের চিরতুষারাবৃত বজুর পথে ভারতবর্ষে উপনীত হইবার সম্ভাবনা থাকিলেও তাহা কার্য্যে পরিণত হইবার সম্ভাবনা নাই। এই সকল কারণে, ফিরিজি-বণিক নিরুদ্বেগেই ভারতবর্ষে নবাবী করিতে প্রবৃত্ত হইয়াছিলেন।

যাহারা আত্মসম্মত সকল অবস্থার বিচার করিয়া দেখিত, তাহারা সকলেই একবাক্যে স্বীকার করিত,—ফিরিজি-বণিকের প্রাচ্য-বাণিজ্যাধিকার বাবচন্দ্রদিবাকর অক্ষুণ্ণ প্রতাপে বর্তমান থাকিবে। তাহা যে কখনও শিথিল হইতে পারে,—তাহা যে কখনও ফিরিজি-কবল হইতে স্থলিত হইয়া পড়িতে পারে,—তাহা যে কখনও অন্য কোনও প্রতিদ্বন্দ্বীর সৌভাগ্যবর্দ্ধন করিতে পারে,—পর্তুগীজ ইতিহাস-লেখকগণ একদিনের জ্ঞাত স্বপ্নেও তাহার কল্পনা করিতে পারিতেন না। তাঁহাদিগের বিশেষ অপরাধ ছিল না। তৎকালের সমগ্র সভ্যসমাজের সকল প্রকার অবস্থা পর্যালোচনা করিলে, সকলকেই ইহা একবাক্যে স্বীকার করিয়া লইতে হইত,—ইহা স্বতঃসিদ্ধ সিদ্ধান্তে পরিণত হইয়াছিল। তখন পর্য্যন্ত একমাত্র পর্তুগালই সমগ্র ভূমণ্ডলের মধ্যে সর্ব্বশ্রেষ্ঠ নাবিকদলের জন্মভূমি বলিয়া সর্ব্বত্র সুপরিচিত ছিল। কি পোতনির্মাণ-কৌশলে, কি পোতচালন-নৈপুণ্যে, কি বাহুবলে, কি অকুতোভয়তায়, কি অসীম সাহসে, কি অভুল অধ্যবসায়ে, সকল বিষয়েই পর্তুগাল এমন বিভীষিকার সঞ্চার করিয়া দিয়াছিল, যে পর্তুগালের অধিবাসিগণ যেন অপরাধেয়

জলদৈত্যের ত্রায় অপ্রতিহত প্রভাবে সগর্বে সর্বত্র বিচরণ করিত ! ভারতসাগরের ক্ষুদ্র বৃহৎ অসংখ্য দ্বীপপুঞ্জে ও বাণিজ্য-বন্দরে যে সকল সুদৃঢ় পর্বতগীর্জা হ্রগ রচিত হইয়াছিল, তাহা যে কালক্রমে ধূলিপরিণত হইতে পারে, কে তাহা বিশ্বাস করিতে পারিত ? তখন পর্য্যন্ত খৃষ্টধর্ম্মাচার্য্য পোপের প্রবল প্রতাপ সমগ্র খৃষ্টান সমাজের ভাগ্যান্বিতা বলিয়া সুপরিচিত ছিল। পোপের শাসন ঈশ্বরের শাসনের ত্রায় ‘অবিচারনীয়া আজ্ঞা’ বলিয়া প্রতিপালিত হইত। তাহা যতই কঠোর হউক, যতই পক্ষপাত-হ্রষ্ট হউক, যতই অসমীচীন হউক, খৃষ্টান-জনসমাজের নিকট তাহাই বিধাতার আদেশ বলিয়া প্রতিষ্ঠা লাভ করিয়াছিল। লোকে কষ্টসঙ্কিত অর্থ-বিনিময়ে পোপের নিকট হইতে নরক-যন্ত্রণা হইতে পরিত্রাণ লাভের লিখিত মুক্তিপত্র ক্রয় করিত ! সুতরাং পোপের শাসন রাজশাসনকে অবলীলাক্রমেই পদানত করিয়া রাখিয়াছিল। তাহা যে কখন শিথিল হইবে বা সম্পূর্ণরূপে উৎখাত হইয়া পড়িবে, কে তাহা কল্পনা করিতে সাহস করিত ? নখর সংসারে কিছুই চিরস্থায়ী হয় না ; তথাপি সাম্রাজ্যের স্থায়িত্বে বিশ্বাস সকল যুগে সকল দেশে সমান ভাবে প্রবল থাকিতে দেখা যায়। পর্বতগালেও সেই বিশ্বাস অটল হইয়া উঠিয়াছিল।

১৫২১ খৃষ্টাব্দে একটি আকস্মিক ঘটনায় এই অটল বিশ্বাস সহসা টলিয়া উঠিল। স্পেনদেশের একখানি অর্ণবযান দক্ষিণ আমেরিকা প্রদক্ষিণ করিতে গিয়া, ভারতসাগরে উপনীত হইবামাত্র, পর্বতগালের বাণিজ্য-কলহ পুনরায় জাগরিত হইয়া উঠিল।

যে সুবিখ্যাত নাবিক এই অসম্ভব ব্যাপার সম্ভব করিয়াছিলেন, তাঁহার নাম ম্যাগেলেন। তিনি কিছুদিন আলবুকার্কের অধীনে পর্বতগালাধিকৃত ভারতসাগরে পোতাধ্যক্ষের কার্য্যে নিযুক্ত ছিলেন। সেই সময়েই তিনি বুঝিতে পারিয়াছিলেন যে, পোপের শাসনলিপি লঙ্ঘন



না করিয়াও, স্পেনের পক্ষে পশ্চিমসমুদ্রপথে পোতচালনা করিতে করিতে ভারতবর্ষে উপনীত হইবার সম্ভাবনা আছে। সুতরাং ভূমণ্ডল প্রদক্ষিণ করিয়া ইহা প্রতিপন্ন করিবার জন্ত ম্যাগেলেনের হৃদয়ে এক উচ্চাকাঙ্ক্ষা উদ্ভিক্ত হইয়া উঠিয়াছিল। ফিরিঙ্গি-বণিক্ এ বিষয়ে তাঁহাকে সাহায্য করিতে স্বভাবত অসম্মত দেখিয়া, তিনি পৰ্তুগালের আশ্রয় ত্যাগ করিয়া, স্পেনের আশ্রয় গ্রহণ করিয়াছিলেন।

১৫১৯ খৃষ্টাব্দে স্পেনরাজ্যের পাঁচখানি অৰ্ণবযান ম্যাগেলেনের অধীনে পশ্চিম-সমুদ্রপথে ভারতযাত্রা আরম্ভ করিয়াছিল। ম্যাগেলেন ফিলিপাইন দ্বীপপুঞ্জে উপনীত হইয়া, ভূপ্রদক্ষিণ পরিসমাপ্ত করিয়া, পৃথিবীর গোলদ্ব প্রমাণে পোপের শাসনলিপির অসারত্ব প্রতিপাদিত করিলামাত্র ফিলিপাইন দ্বীপপুঞ্জে নিহত হইলেন ; তাঁহার সম্বন্ধ-পরিচালিত চারিখানি অৰ্ণবযান বিনষ্ট হইয়া গেল। একখানিমাত্র নানা বিঘ্ন-বাধা অতিক্রম করিয়া উত্তমাশা অন্তরীপ অতিক্রম করিয়া, স্পেনরাজ্যে প্রত্যাবর্তন করিল। পশ্চিম-সমুদ্রপথে ভারত-যাত্রা করিয়া, ক্রমাগত পশ্চিমাভিমুখে পোতচালনা করিতে থাকিলে, আবার যাত্রাস্থানে প্রত্যাবর্তন করা যায়,—এই অভিজ্ঞতা ইউরোপীয়গণের নিকট মানব-জ্ঞানের এক বৃদ্ধ দ্বার উন্মুক্ত করিয়া দিল। সে দিন তাহাদের ইতিহাসের কি স্মরণীয় দিন ! সে দিন স্পেনরাজ্যের সম্মুখে ভারত-বাণিজ্যের তোরণদ্বার সহসা উন্মুক্ত হইয়া পড়িল,—পৰ্তুগালের অক্ষুণ্ণ বাণিজ্যধিকারে প্রবল প্রতিদ্বন্দ্বীর আবির্ভাব হইল,—পোপের শাসন-লিপির মর্যাদা অক্ষুণ্ণ রহিল ; কিন্তু তাহার উদ্দেশ্য পণ্ড হইয়া গেল,—সমগ্র ইউরোপে এক দ্বন্দ্বযুগ প্রবর্তিত হইল।

পৰ্তুগাল কি বলিবে ? এতকাল অগ্নি কোন ইউরোপীয় অৰ্ণবপোত ভারতসাগরে উপনীত হইলামাত্র পোপের শাসনলিপির বলে—অনধিকার-প্রবেশের অপরাধে—পৰ্তুগীজ কর্তৃক নির্দয়রূপে নুষ্ঠিত হইত।

এখন স্পেনরাজ্য হইতে যে সকল অর্ণবপোত ভারতসাগরে উপনীত হইতে আরম্ভ করিল, অনধিকার-প্রবেশের অজুহাতে তাহার অঙ্গে হস্তক্ষেপ করিবার অধিকার রহিল না; কারণ তাহা দ্বারা পোপের শাসন লঙ্ঘিত হয় নাই!

পর্তুগাল-রাজ্য কিংকর্তব্যবিমূঢ় হইয়া পড়িলেন। স্পেনের অধিপতি পঞ্চম চার্লস তখন সমগ্র ইউরোপে পোপের দক্ষিণ হস্ত বলিয়া সুপরিচিত। তিনিই তখন সমগ্র খৃষ্টান-সমাজের সর্বপ্রধান সম্রাট,— খৃষ্টধর্ম্মাচার্য্য পোপ এবং খৃষ্টান সমাজের সর্বপ্রধান সম্রাট চার্লস তখন সর্ববাদিসম্মত প্রবল পুরুষ। তাঁহাদিগের উভয়ের বিরুদ্ধে খড়গ ধারণ করা পর্তুগালের ঝায় ক্ষুদ্র রাজ্যের পক্ষে অসম্ভব।

সম্রাট চার্লস তখন ইউরোপের স্থলযুদ্ধে নিতান্ত ব্যতিব্যস্ত। আমেরিকার একাংশে তাঁহার অধিকার বিস্তৃত হইয়াছিল; তথা হইতে বর্ষে বর্ষে রৌপ্য সংগৃহীত হইয়া রাজকোষে প্রেরিত হইত। আমেরিকা অপেক্ষাকৃত নিকটে—রৌপ্য অপেক্ষাকৃত অল্পায়াসে মুদ্রারূপে ব্যবহৃত হইতে পারিত। ভারতবর্ষ বহুদূরে,—বাণিজ্যের লাভ অধিক হইলেও, পণ্যদ্রব্যের ক্রয়বিক্রয়ে অর্থোপার্জন করা নিতান্ত অনায়াসসাধ্য নহে। এরূপ ক্ষেত্রে ভারত-বাণিজ্যে অধিকার বিস্তারে অবসর প্রাপ্ত হইয়াও, সম্রাট চার্লস তাহাতে অধিক ঔৎসুক্য প্রকাশ করিলেন না। পর্তুগাল-রাজ্য অর্থদান করিয়া ভারত-বাণিজ্যের একাধিপত্য রক্ষার্থ প্রস্তাব উত্থাপিত করিবারাত্র, সম্রাট অর্থ-বিনিময়ে মোলাকাস দ্বীপপুঞ্জে স্পেনের বাণিজ্য্যাদিকার পর্তুগালরাজ্যের নিকট বিক্রয় করিলেন।

ম্যাগেলেনের ভূপ্রদক্ষিণ-ব্রত সফল হইবামাত্র ইউরোপের ইতিহাসে যে যুগান্তরের স্বত্রপাত হইয়াছিল, তাহাতে অনেক পুরাতন ব্যবস্থা পরিবর্তিত হইতে আরম্ভ করিল। এতদিন এসিয়া কেবল পর্তুগালের

বলিয়াই পরিচিত ছিল। এখন আফ্রিকা হইতে মোলাকাস পর্য্যন্ত পৰ্তুগালের, এবং তাহার পূৰ্বদিকে যাহা কিছু, তৎসমস্ত স্পেনের বলিয়া নির্দিষ্ট হইল। এতদিন এসিয়ার সাগরবক্ষে কেবল পৰ্তুগালের অৰ্ণবযানই অব্যাহত গতিতে গতায়ত করিতেছিল; এখন পৰ্তুগালের ত্রায় স্পেনের অৰ্ণবপোতও তুল্যরূপ অব্যাহতগতিতে গতায়ত আরম্ভ করিয়া দিল। কালে ইহাতে অনর্থ উপস্থিত হইতে পারে বলিয়া আশঙ্কায় আবির্ভাব হইতে না হইতেই, একটি আকস্মিক ঘটনায় সে আশঙ্কা নিরস্ত হইয়া গেল। ১৫৮০ খৃষ্টাব্দে পৰ্তুগাল স্পেন রাজ্যের অন্তর্ভুক্ত হইয়া গেল; সুতরাং এসিয়ার সমুদ্রপথে আবার কিয়ৎকালের জন্ত একটি মাত্র ইউরোপীয় রাজ্যের অৰ্ণবযান গতায়ত করিতে লাগিল।

পৃথিবীর ইতিহাসে দেখিতে পাওয়া যায়—যাহা দীর্ঘকালে ধীরে ধীরে গোপনে গোপনে সঞ্চিত হইতে থাকে, সুসময় প্রাপ্ত হইবামাত্র তাহা অতি অল্পক্ষণের মধ্যেই যুগান্তর উপস্থিত করিয়া থাকে। খৃষ্টীয় ষোড়শ শতাব্দীর শেষ পাদ এইরূপ একটি অল্পক্ষণ; কিন্তু অল্প হইলেও চিরস্মরণীয়। সেই অল্পক্ষণে যাহা সংঘটিত হইয়াছিল, অত্য়পি তাহার প্রভাব বিনুপ্ত হয় নাই; বরং তাহার প্রভাবে মানবচিত্ত দিন দিন অধিক স্বাধীনতা অবলম্বনে অধিক উন্নত হইয়া উঠিয়াছে। সেই অল্পক্ষণে রাজা ফকির হইয়াছে, ফকীর রাজমুকুট কুড়াইয়া পাইয়াছে!

তখনও ইউরোপের অবস্থা সৰ্ব্বাংশে প্রশংসনীয় হয় নাই; কৃষিশিল্প তখনও যথাযোগ্য সমাদর লাভ করে নাই;—শিক্ষা ও সভ্যতা তখনও মানব-সমাজের সকল স্তরে যথাযোগ্য প্রভাব বিস্তার করিতে পারে নাই,—তখনও এক দিকে অদম্য জ্ঞানানুরাগ, অত্য়দিকে চিরনিদ্রাতুর অন্ধ অজ্ঞানতা সমগ্র খৃষ্টান সমাজকে যুগপৎ বিপরীত পথে আকর্ষণ করিতেছিল; বরং বর্করতা পরিহার করিবার প্রাণপণ চেষ্টা যেন পুরাতন বর্করতাকে অধিক প্রবল করিয়া তুলিয়াছিল। তখন

নররক্তে জলস্থল কলঙ্কিত হইয়া উঠিয়াছে ;—বাহুবলের প্রবল প্রাহুর্ভাব সর্বত্র প্রভাব বিস্তারের জন্ত আন্দোলন করিয়া বেড়াইতেছে । ধর্ম্ম আত্মরক্ষার আশায় নিষ্ঠুরতার আশ্রয় গ্রহণ করিয়াছে ;—অধিকুণ্ড সকল তর্কের মীমাংসামাত্র গ্রহণ করিয়া চিতাধূমে গগনমণ্ডল আচ্ছন্ন করিয়া ফেলিয়াছে ;—মানব দানববলে বিধাতার বিচিত্র বিশ্বরচনা বিধ্বস্ত করিবার জন্ত বীর দর্পে আক্ষালন করিতে উৎসাহ লাভ করিয়াছে !

ইহাতে সমগ্র খৃষ্টান সমাজে এক অভিনব আত্মকলহের সূত্রপাত হইয়াছিল । সে কলহ নূতন-পুরাতনের অপরিহার্য্য আত্মকলহ । একদিন যে খৃষ্টান-সমাজ এক বাক্যে মুসলমানের কণ্ঠচ্ছেদ করিবার জন্ত জয় জয় রবে অসি হস্তে জলে স্থলে ধর্ম্মানুরাগের পরিচয় প্রদান করিতে ব্যাকুল হইয়া উঠিয়াছিল, সেই খৃষ্টান-সমাজ দ্বিধা বিভক্ত হইয়া, মুসলমানকে ছাড়িয়া পরম্পরের বিরুদ্ধে খড়্গ ধারণ করিবার জন্ত কোলাহল করিতে প্রবৃত্ত হইয়াছিল ।

যাহারা পুরাতনগহী, তাহারা ধর্ম্মাচার্য্য পোপের চরণধূলি মন্তকে গ্রহণ করিয়া, খৃষ্টান সমাজকে বাহুবলে মুক্তি-ক্ষেত্রের দিকে আকর্ষণ করিতেছিল ;—যাহারা নূতনগহী, তাহারা পোপের ক্ষমতা অস্বীকার করিয়া, বাহুবলে মানবাত্মার স্বাধীনতা ঘোষণার জন্ত খৃষ্টান সমাজকে দ্বন্দ্বযুদ্ধে আহ্বান করিতেছিল । উভয় দলের এই কলহের মধ্যে আধুনিক ইউরোপের অলৌকিক অভ্যুদয় লাভের মূল তথ্য নিহিত রহিয়াছে । পুরাতনের মোহ ইউরোপকে পোপের শাসন-স্তম্ভে বাঁধিয়া রাখিতে পারিলে, ইউরোপ নবজীবন লাভ করিতে পারিত না ।

যে জ্ঞান এক সময়ে প্রাচ্যরাজ্য হইতে সমগ্র সভ্যসমাজে বিকীরিত হইত, তাহা মুসলমানের দিগ্বিজয়ের সঙ্গে সঙ্গে ইউরোপের দক্ষিণাংশে উপনীত হইয়া, সহসা বাধা প্রাপ্ত হইয়াছিল । ধর্ম্মাঙ্ক খৃষ্টান-সমাজ

তখনও সমুন্নত গণিত বিজ্ঞানের অত্যাঙ্কল আলোক-সম্পাত সহ্য করিবার উপযুক্ত দৃষ্টিশক্তি লাভ করিতে পারে নাই। তখনও বিত্তা কেবল ধর্মগ্রন্থনিহিত ক্রিয়াকাণ্ডের মন্ত্রার্থবিচারে পর্য্যবসিত হইয়া, অল্পসংখ্যক ধর্মবাজকের নিকট মর্যাদা লাভ করিতেছিল। জনসমাজের জ্ঞাত যে বিত্তা উপার্জনের কিছুমাত্র প্রয়োজন আছে, তাহা স্বীকার করা দূরে থাকুক, তাহার আলোচনার প্রয়োজনও উপস্থিত হইতে পারিত না।

দীর্ঘকালের মোহনিত্রার অবসানে ইউরোপ যখন জাগিয়া উঠিল, তখন জ্ঞানলাভের জ্ঞাত ব্যাকুলতা উপস্থিত হইল। সে ব্যাকুলতা কোনও একটা মাত্র বিষয়ে সীমাবদ্ধ রহিল না। সকল বাধাই ভাঙ্গিয়া গেল; বক্তাশ্রোতের ত্রায় জ্ঞানশ্রোত সর্বত্র ব্যাপ্ত হইয়া পড়িল। পোপের অটল সিংহাসন টলিয়া উঠিল; তাঁহার বিধিত্ত অধিকার অস্বীকৃত হইতে লাগিল; চিন্তার স্বাধীনতা যখন বাক্যের স্বাধীনতা লাভ করিল, তখন কর্মের স্বাধীনতা অনায়াসে পোপের শাসনপাশ ছিন্ন করিতে প্রবৃত্ত হইল। পোপ পদেপদে পরাভূত হইয়া, তর্জ্জন-গর্জ্জনে অভিশাপে অভিযোগে খৃষ্টান-সমাজকে পদানত রাখিবার জ্ঞাত প্রয়াস স্বীকারে আলগ্ন প্রকাশ করিলেন না; কিন্তু নবজীবনের নূতন স্পন্দন খৃষ্টান-সমাজের শৃঙ্খল-মোচন করিয়া তাহার সম্মুখে এক অভিনব কীর্তিক্ষেত্র উন্মুক্ত করিয়া দিল।

ইউরোপের কোনও দেশেই রাজকার্য্য পরিচালনায় স্বাধীনতার অভাব ছিল না। রোমক সাম্রাজ্যের অধঃপতনের পর ইউরোপের সকল দেশেই স্বতন্ত্র হইয়া উঠিয়াছিল। কিন্তু জনসমাজের চিন্তক্ষেত্রে ধর্ম্মাচার্য্য পোপের বিধিত্ত অধিকার সম্বন্ধে যেরূপ ধারণা বদ্ধমূল হইয়া গিয়াছিল, তাহাতে স্বাধীন চিন্তা, স্বাধীন উক্তি, স্বাধীন কার্য্য বিলুপ্ত হইয়া গিয়াছিল। বাহ্যিক রাজকার্য্য পরিচালনায় স্বাধীন, তাহারাই এই কারণে পরাধীনের ত্রায় কালযাপন করিতে বাধ্য হইয়া

পড়িয়াছিল। তাহারা যখন জাগিয়া উঠিল, তখন কুসংস্কার বর্জন করিতে প্রবৃত্ত হইল। মানুষ হইয়া উঠিবার আগ্রহে তাহারা গৃহকোঠর ছাড়িয়া বিপুল বিশ্বরাজ্যে ছুটিয়া বাহির হইল। একদিকে নূতন নূতন দেশভ্রমণ, অত্রদিকে নূতন নূতন জ্ঞানের সহিত সাক্ষাৎকার, নবপ্রবুদ্ধ ইউরোপীয় খৃষ্টান সমাজকে দিন দিন জ্ঞানে ও কর্মে শক্তিশালী করিয়া তুলিতে লাগিল।

জার্মানী হইতেই ইউরোপের এই নবজাগরণের সূত্রপাত হয়। ইহার প্রভাব ক্রমে ফ্রান্সে, ইংলণ্ডে এবং হল্যান্ডে ব্যাপ্ত হইয়া পড়ে। এই কয়টি উত্তমশীল দেশের অভ্যদয়লোলুপ স্বাধীনচেতা প্রধান পুরুষগণ পোপের শাসনপাশ বিচ্ছিন্ন করিয়া, খৃষ্টান-সমাজে একটি উন্নতিশীল অভিনব সম্প্রদায়ের সৃষ্টি করিয়া, স্বাধীনভাবে সৌভাগ্যান্বয়ে বহির্গত হইল। স্পেন পর্তুগাল পোপের পদমর্যাদা ও শাসন-ক্ষমতা রক্ষা করিবার পক্ষপাতী হইয়া, অত্যাচারে, স্বেচ্ছাচারে, উৎপীড়নে, খৃষ্টান-সমাজকে পুরাতনের জীর্ণ-খুঁটায় বাঁধিয়া রাখিবার জন্তই চেষ্টা করিতে থাকিল। তাহারা পোপের শাসন অস্বীকার করিবার সাহস লাভ করিল, তাহারা নূতন পথে, নূতন শক্তিতে, নূতন উৎসাহে ধাবিত হইতে লাগিল।

কি নূতন, কি পুরাতন, সকল দলই ভারত-বাণিজ্যে অধিকার লাভের জন্ত লালায়িত ছিল। কারণ, তখন পর্য্যন্ত ভারত-বাণিজ্যই অর্থোপার্জনের প্রধান পথ, আত্মোন্নতি সাধনের প্রধান সোপান বলিয়া সর্বত্র সুপরিচিত ছিল। এতদিন পোপের শাসনলিপি লঙ্ঘন করিয়া আর কেহ উত্তমাশা অন্তরীপ অতিক্রম করিতে সাহস প্রকাশ করিতে পারিত না। সকলেই অত্র কোনও নূতন পথের আবিষ্কার সাধনের জন্ত বিবিধ চেষ্টায় প্রবৃত্ত হইয়া, কখনও আশায় উৎবুল্ল হইয়া উঠিত, কখন বা নিরাশায় অভিভূত হইয়া পড়িত। এখন পোপের শাসন-পাশ

বিচ্ছিন্ন হইবামাত্র উন্নতিশীলমল উত্তমাশা অন্তরীপের পথে ভারতযাত্রার  
আয়োজন করিতে প্রবৃত্ত হইল।

খৃষ্টীয় ষোড়শ শতাব্দীর প্রারম্ভে পর্তুগীজগণ ভারত বাণিজ্যের  
প্রতিদ্বন্দ্বিহীন অধিপতি বলিয়া সুপরিচিত হইয়াছিলেন। শতবর্ষের  
অবসর লাভ করিয়া, তাঁহারা একাধিপত্য দৃঢ় প্রতিষ্ঠিত করিবার জন্য  
যথাযোগ্য আয়োজন করিয়াছিলেন। কিন্তু শত বর্ষ পূর্ণ হইবার পূর্বেই  
ভারত-বাণিজ্যে বহুসংখ্যক প্রবল প্রতিদ্বন্দ্বীর আবির্ভাব হইতে লাগিল।  
তখন ইচ্ছায় অনিচ্ছায় সকলকেই স্বীকার করিতে হইল,—বীরভোগ্যা  
বসুন্ধরা।

## উনবিংশ পরিচ্ছেদ

### প্রবল সংঘর্ষ

We are of the true<sup>a</sup> faith, what you from the West may be ; for we come from the place where the followers of Christ were first called Christians.—Reply of the Syrians to the Portuguese.

স্পেন-পর্তুগাল পরস্পরের নিকটবর্তী দেশ হইলেও, এই দুই দেশের লোকের মধ্যে চরিত্রগত পার্থক্যের অভাব ছিল না। তজ্জগৎ তাহারা এক রাজার অধীনে আসিয়া শক্তিশালী করিতে পারিল না। আপাততঃ উভয়ের মধ্যে সমস্ত কলহ নিরস্ত হইল বটে, কিন্তু তাহাতে উভয় দেশের লোক ক্রমশঃ দুর্বল হইয়া পড়িতে লাগিল। যে উৎসাহ ও অধ্যবসায় একদিন পর্তুগালের সম্মুখে দিগ্বিজয় লাভের পথ উন্মুক্ত করিয়া দিয়াছিল, তাহা অবসর হইয়া পড়িল ; কেবল ধর্ম্মানুকর্তাই দিন দিন প্রবল হইয়া উঠিল। ইউরোপের নব জাগরণে স্পেন-পর্তুগাল জাগিয়া উঠিল না ; —ইউরোপের নবজীবন লাভে স্পেন-পর্তুগাল নবজীবন লাভ করিল না। কালস্রোতের বিপরীত পথের অনুরাগী হইয়া এই দুই দেশ জীবন্মৃত হইয়া পড়িল।

মানবচিন্তা স্বভাবতঃ স্থিতিশীল হইলেও, ঘটনাচক্রে গতিশীল হয়। তাহা সহসা চিরভাঙ্গ স্থিতিশীলতা পরিত্যাগ করিতে পারে না ; কিন্তু একবার যদি পরিত্যাগ করিতে পারে, তাহার গতিশীলতা উত্তরোত্তর অধিক শক্তি লাভ করিয়া থাকে। ইউরোপের যে সকল দেশ গতিশীল হইল, তাহারা পুরাতনকে পশ্চাতে ফেলিয়া রাখিয়া নূতনের সেবার জন্ত ব্যাকুল হইয়া উঠিল। স্পেন-পর্তুগাল যখন এই গতিশীলতার গতিরোধের উপায় উদ্ভাবনের জন্ত আয়োজন করিতেছিল, তখন ওলন্দাজ



ও ফরাসী—এবং তাহাদের দৃষ্টান্তে উৎসাহ প্রাপ্ত ইংরাজ আত্মরক্ষা সাধনের সুযোগ লাভের জন্ত শক্তি-সঞ্চয়ে প্রবৃত্ত হইল।

স্পেন-পর্তুগালের সহিত ইংলণ্ডের মিত্রতার অভাব ছিল না। ইংলণ্ডের অষ্টম হেনরী সেই পুরাতন মিত্রতার মর্যাদা রক্ষা করিয়াই রাজ্য-শাসন করিয়া গিয়াছিলেন। রাজ্ঞী-মেরী তাঁহার অল্পকালের শাসনসৌভাগ্যের সময়ে সে মিত্রতার মাত্রা বৃদ্ধি করিবার জন্ত চেষ্টা করিয়া গিয়াছিলেন। রাজ্ঞী এলিজাবেথের শাসন-সময়ে তাহার ব্যতিক্রম ঘটবার সম্ভাবনা উপস্থিত হইল।

কিছুদিন ইতস্ততের অভাব ছিল না। ইংলণ্ডের অভ্যদয়লোলুপ নবীনপন্থী নবজাগরণোন্মত্ত নাগরিকগণ প্রথম হইতেই অশান্ত হইয়া উঠিয়াছিলেন। কিন্তু রাজ্ঞী এলিজাবেথ অনেকদিন পর্য্যন্তও তাহাতে উৎসাহ প্রদর্শন করিতে সাহস করেন নাই। অবশেষে স্পেনের সহিত ইংলণ্ডের সমর-কলহ উপস্থিত হইবামাত্র সকল ইতস্ততঃ ভাসিয়া গেল।

১৫৮৮ খৃষ্টাব্দে স্পেনরাজ্যের ইতিহাস-বিখ্যাত “আরমান্ডা” নামক নৌ-বাহিনী ইংলণ্ড আক্রমণ করিতে আসিয়া দৈবভূক্ষিপাকে পরাভূত হইয়া গেল। ইহাই ইংরাজদিগের সৌভাগ্যলাভের প্রথম সোপান; কারণ ইহাতেই ইংলণ্ডের আত্মশক্তি প্রবুদ্ধ হইয়া উঠিয়াছিল। ইংরাজেরা এতকাল আত্মশক্তির উপর নির্ভর করিয়া একাকী কোনও বৃহৎপায়ে অগ্রসর হইতে সাহস করিতেন না। জনসাধারণ কখন কখন উন্মত্ত হইয়া উঠিলেও রাজশক্তি তাহার পক্ষ সমর্থন করিত না। বাহুবল অপেক্ষা দৌত্য-কৌশলের উপর অধিক নির্ভর করিয়া ইউরোপীয় অত্যাচার দেশের সহিত সংঘর্ষ পরিহার করাই প্রধান শাসননীতি বলিয়া মর্যাদা লাভ করিয়াছিল। এবার যখন ‘আরমান্ডা’ বীরদর্পে ইংলণ্ড আক্রমণের জন্ত অগ্রসর হইতে লাগিল, তখন অন্তোপায়

ইংলণ্ডের রাজশক্তি এবং প্রজাশক্তি আত্মরক্ষার যথাযোগ্য আয়োজন করিতে বাধ্য হইল, এবং দেশের সর্বত্র এক অশান্তিপূর্ণ আশঙ্কা ও উদ্বেগ সকলকে একমতাবলম্বী করিয়া তুলিল। এই স্বত্রে ইংলণ্ডে এক নবশক্তি জাগরিত হইয়া উঠিল, তাহা আত্মশক্তির উপর নির্ভর করিতে শিখাইয়া ইংলণ্ডকে তাহার ভৌগোলিক ক্ষুদ্রতা বিন্ধিত হইবার পথ প্রদর্শন করিল। সকলেই বুঝিতে পারিল,—আত্মশক্তির উপর নির্ভর করিতে সাহস না পাইলে ইংলণ্ডকে সকলের পশ্চাতে পড়িয়া থাকিতে হইবে। নাবিকগণ জলপথ রক্ষার জন্ত, নাগরিকগণ সমুদ্রতীর রক্ষার্থ, দেশের সকল শক্তি একত্র মিলিত করিয়া আত্মরক্ষার আয়োজন করিতে বাধ্য হইল। ঐ আসিতেছে—ঐ আসিল—সর্বত্র এই রব এক আতঙ্কের সৃষ্টি করিয়াছিল; আরম্ভা-নৌবাহিনীর রণপোতগুলি যে ইংলণ্ডের পক্ষে অপরাাজেয়, এইরূপ একটি অতিরঞ্জিত ধারণা ইংলণ্ডকে অধিক আকুল করিয়া তুলিল। কিন্তু আরম্ভা অর্দ্ধপথেই ছত্রভঙ্গ হইয়া গেল; ঝটিকা-বেগ সহ করিতে না পারিয়া সে নৌবাহিনীর অনেক রণতরঙ্গী সমুদ্রগর্ভে নিমজ্জিত হইল; অনেক রণতরঙ্গী বিপর্য্যস্ত হইয়া পড়িল; ফলে ইংলণ্ড জয় করা দূরে থাকুক, ইংলণ্ডের উপকূল পর্য্যন্ত অগ্রসর হইবার জন্তও চেষ্টা না করিয়া, ‘আরম্ভা’ স্বদেশে প্রস্থান করিতেই বাধ্য হইল। এই স্বত্রে ইংলণ্ড অকুতোভয় হইল। তাহাই ইংলণ্ডের বিজয়-লাভ।

এতদিন ইংরাজেরা পোপের শাসনলিপির মর্যাদা রক্ষা করিয়া, ভারত-বাণিজ্যের পৃথক পৃথক সন্ধান-চেষ্টায় শক্তিক্ষয় করিতেছিলেন। এখন পোপের শাসনলিপি লঙ্ঘন করিবার প্রয়োজন অনুভূত হইল। তাহা অনুদার,—তাহা পক্ষপাতদুষ্ট,—তাহা স্বাধীন বাণিজ্যের গতি-রোধক,—তাহা অসমীচীন,—এবং কাহারও কাহারও বিবেচনায় তাহা পোপের অনধিকার-চর্চা বলিয়া প্রতিভাত হইল। এতদিন খৃষ্টান

নরনারী তাঁহাকেই ঈশ্বর-প্রেমিত অবতার এবং অসাধারণ পুরুষ মনে করিয়া ভয়ভক্তি-বিনম্রমস্তকে বিনা বিচারে আদেশ প্রতিপালন করিত,— তাঁহার অনুচরবর্গের নিকট মুক্তিপত্র ক্রয় করিয়া অর্থদানে সৌভাগ্যবর্দ্ধন করিত,— তাঁহার নামাঙ্কিত মুক্তিপত্র স্বর্গরাজ্যের প্রবেশপত্র মনে করিয়া সযত্নে সঞ্চয় করিয়া রাখিত ;—যাহারা তাহাতে আস্থা-স্থাপন করিতে অসম্মত হইত, তাহাদিগকে অগ্নিকুণ্ডে নিক্ষেপ করিয়া ধর্ম রক্ষা করিত । ইউরোপে এমন দেশ ছিল না, যেখানে এই সংকীর্ণ ধর্ম্মানুষ্ঠান মানব-সমাজকে নিপীড়িত করিতে কিছুমাত্র ইতস্ততঃ করিত । বরং পাশব অত্যাচারে উৎপীড়িত নরনারী অগ্নিকুণ্ডে ভস্মীভূত হইবার সময়ে খৃষ্টান জনসমাজ সেই বর্ষরোচিত নৃশংস অনুষ্ঠানকে ধর্ম্মানুষ্ঠান মনে করিয়া ভগবানের নামে জয়ধ্বনি তুলিয়া, আনন্দপ্রকাশ করিতে ক্রটি করিত না । খৃষ্টধর্ম্মের প্রকৃত তত্ত্ব লোকসমাজে অপরিচিত ছিল ;— তাহা যে ভাষায় লিখিত, তাহাও জনসমাজে অপ্রচলিত ছিল ;— ধর্ম্মাচাৰ্য্যগণ তাহার যখন বেক্রপ ব্যাখ্যা করিয়া অর্থোপার্জন করিতেন, জনসমাজ তাহাকেই আগ্রহের বস্তু বলিয়া গ্রহণ করিত । মানসিক স্বাধীনতাশূন্য অগণ্য অজ্ঞানান্ধ অসহায় রূপাপাত্র নরনারীর উপর পোপের এই অকীর্ত্তিকর আধ্যাত্মিক প্রভুত্ব অক্ষুণ্ণ রাখিবার জন্ত রাজত্ববর্গ পুরোহিতগণের প্ররোচনায় জনসমাজের জ্ঞানালোচনায় যথাসাধ্য বাধা প্রদান করিতেন । কোনও নূতন তত্ত্ব অধিগত বা আবিষ্কৃত হইলে, তাহা প্রকাশ্যভাবে জনসমাজে প্রচারিত হইতে পারিত না ;—গ্রন্থাকারে মুদ্রিত হইলে, সে গ্রন্থ পোপের আদেশে তৎক্ষণাৎ ভস্মীভূত হইত !

ধর্ম্মের নামে পোপের অনুচরবর্গ খৃষ্টান-সমাজের জনসাধারণের জন্ত বেক্রপ শিক্ষা প্রচলিত রাখিতে প্রাণপণ করিতেন, তাহা প্রচলিত থাকিলে, ইউরোপ দিন দিন অধিক মাত্রায় বর্ষরতার লীলাভূমি হইয়া উঠিত । কিন্তু জ্ঞানের অমোঘ প্রতাপ অজ্ঞানতাকে পরাভূত করিল ;—বন্ধন-

বিমুক্ত মানবচিত্ত আধ্যাত্মিক দাসত্বশৃঙ্খল ভগ্ন করিয়া, স্বাধীন চিন্তায়, স্বাধীন কার্যের মুক্তক্ষেত্রে বিচরণ করিতে আরম্ভ করিল। স্পেনরাজ্যের অধীশ্বর পোপের শাসনক্ষমতা অক্ষুণ্ণ রাখিবার অভিপ্রায়ে অনুদার হিত-শীলদের পক্ষাবলম্বন করায়, গতিশীলদের সহিত তাঁহার কলহ উপস্থিত হইয়াছিল। ‘আরমাডা’-সাহায্যে ইংলণ্ডবিজয়ের সুখস্বপ্ন ভাঙ্গিয়া গেল। সঙ্গে সঙ্গে ইংরাজ আত্মশক্তি বিকাশে প্রবল হইয়া উঠিতে লাগিল।

স্পেন-পর্ভুগালের সহিত ইংলণ্ডের মিত্রতা বর্তমান থাকিতে, ইংলণ্ডের পক্ষে স্বাধীনভাবে ভারত-বাণিজ্যে অগ্রসর হইবার উপায় ছিল না। জনসমাজ যখনই সেরূপ অধিকার পরিচালনার জন্ত রাজারুমোদন ভিক্ষা করিত, ইংলণ্ডের অধিপতিকে মিত্রতারক্ষার্থ তখনই প্রজাবর্গকে বিমুখ করিতে হইত। তৎকালে অন্তোপায় হইয়া ইংরাজগণ কেবল পরোক্ষ-ভাবে ভারত-বাণিজ্যের ফললাভের জন্ত চেষ্টা করিয়াই নিরস্ত হইতে বাধ্য হইতেন। ভারতবর্ষ হইতে যে পণ্যদ্রব্য ইউরোপে আনীত হইত, তাহা প্রথমে লিস্বন নগরে, পরে তথা হইতে হল্যান্ডের অন্তর্গত আণ্টোয়ার্প নগরে বিক্রয়ার্থ পুঞ্জীকৃত হইত। ইংরাজেরা আণ্টোয়ার্প হইতে পণ্য ক্রয় করিয়া স্বদেশে বিক্রয় করিতেন। ইহাতে ভারত-বাণিজ্যের প্রধান লাভ পর্ভুগালের করতলগত থাকিত,—ওলন্দাজগণ বাহা কিছু লাভ প্রাপ্ত হইতেন, তাহা আণ্টোয়ার্পের যেরূপ ভাগ্যোন্নতি সাধিত হইয়াছিল, তাহা সমগ্র ইউরোপকে বিস্মিত করিয়া তুলিয়াছিল। ভারতীয় পণ্য-দ্রব্যের ক্রয়বিক্রয় ব্যাপারেই আণ্টোয়ার্প ইউরোপে বাণিজ্যবন্দরগুলির শীর্ষস্থানে আরুঢ় হইয়াছিল।

ইংলণ্ড একটি ক্ষুদ্র দ্বীপ। পৃথিবীতে সেরূপ ক্ষুদ্রদ্বীপের অভাব নাই। দেশের আয়তনের প্রতি লক্ষ্য করিলে, তাহাকে নিতান্ত নগণ্য বলিলে অত্যাক্তি হয় না। রোমক সাম্রাজ্যের অন্তর্ভুক্ত থাকিবার সময়ে ইংলণ্ড সত্যসত্যই নগণ্য ছিল। সে দেশের লোকের পক্ষে অভ্যুদয় লাভ করা

দূরে থাকুক, কেবল বাঁচিয়া থাকিবার জন্তই বহু বিদেশের উপর নির্ভর করিতে হইত। একে চারিদিকে সমুদ্র-পরিধা, তাহাতে আবার খাণ্ডব্যের জন্তও বিদেশের সাহায্য আবশ্যক। এরূপ অবস্থায় ইংলণ্ডের অধিবাসিগণকে বাধ্য হইয়াই জলপথে বাণিজ্য-ব্যাপারে লিপ্ত হইতে হইয়াছিল। হলাস্ত্র দ্বীপ না হইলেও, ইংলণ্ডের মতই একটি ক্ষুদ্র রাজ্য। তাহার পক্ষেও ইংলণ্ডের ত্রায় বহির্বাণিজ্যে লিপ্ত হইবার প্রয়োজন ছিল। এই দুই দেশের লোক বাণিজ্য-ব্যাপারে অর্থোপার্জনের আশায় ভ্রম-ভ্রমণে বহির্গত হইয়াছিল। পোপের শাসনে বাধ্য হইয়া ইহারা কেবল উত্তর-সমুদ্রপথেই ভারতবর্ষে উপনীত হইবার চেষ্টা করিতেছিল।

উত্তর-সমুদ্রপথে প্রাচ্য-বাণিজ্যে অধিকার বিস্তারের উপায় আবিষ্কৃত হইলে, ইংলণ্ডের বা হলাণ্ডের পক্ষে পোপের শাসন লঙ্ঘন করিবার প্রয়োজন উপস্থিত হইত না। কিন্তু চিরতুবারাবৃত মেরুমণ্ডলের চির-বন্ধুর যাত্রা-পথে অগ্রসর হইবার সম্ভাবনা যতই তিরোহিত হইতে চলিল, পোপের শাসন ততই অগ্রায় অত্যাচার বলিয়া প্রতিভাত হইতে লাগিল। পৰ্তুগালের আনীত প্রাচ্য পণ্যব্যব কুড়াইয়া লইয়া জীবিকার্জনের পথ উন্মুক্ত রাখিতে পারিলেও, পোপের শাসন লঙ্ঘন করিবার কল্পনা কার্য্যে পরিণত করিতে বিলম্ব ঘটিতে পারিত। ঘটনাক্রমে আণ্টোয়ার্পের বাণিজ্যশ্রোত সহসা শুষ্ক হইয়া গেল। ধর্ম্মবিপ্লবে ওলন্দাজগণ উদার নীতির পক্ষাবলম্বন করায়, অনুদার স্পেন-পৰ্তুগালের সহিত কলহ উপস্থিত হইবামাত্র, নিসবন হইতে আণ্টোয়ার্পে পণ্যসংগ্রহ করিবার উপায়ও রহিত হইয়া গেল। তখন ওলন্দাজ এবং ইংরাজ ফিরিঙ্গির বাণিজ্যপোত লুণ্ঠন করিবার জন্ত জলপথে নস্রাবৃত্তি অবলম্বন করিতে বাধ্য হইলেন। উত্তমাশা অন্তরীপের প্রাচ্য-বাণিজ্যপথ বিবদমান গুপ্তান বণিকবর্গের কলহকোলাহলে মুখরিত হইয়া উঠিল;—অগ্রায়ের গতিরোধ করিয়া ত্রায়সংস্থাপন লালসায় বাঁহারা

তাহাতে প্রবৃত্ত হইলেন, তাঁহারাও অত্যাগ মার্গই অবলম্বন করিতে বাধ্য হইলেন, স্মৃতরাং বাহুবলই সকল তর্কের মীমাংসাতার গ্রহণ করিল। এক সময়ে সমগ্র খৃষ্টান-সমাজ পোপের আদেশ শিরোধার্য্য করিয়া, মুসলমানের বিরুদ্ধে খড়গধারণ করিয়াছিল। পর্তুগীজগণ যখন ভারত-সাগরে উপনীত হইয়া মুসলমানদলনে কৃতিত্ব প্রদর্শন করিতে আরম্ভ করেন, তখন তাঁহাদের প্রাচ্য-বাণিজ্যরাজ্য ধর্ম্মরাজ্য এবং প্রাচ্যবাণিজ্য-নীতি ধর্ম্মনীতি বলিয়া খৃষ্টান-সমাজের সাধুবাদ লাভ করিয়াছিল। সে পুরাতন ধারণা পরিবর্তিত হইয়া গেল,—সে পুরাতন মিত্রতাও বিনষ্ট হইয়া গেল। যাহা তাহার স্থান অধিকার করিল, তাহা—ক্ষমাশূন্য সাম্রাজ্য, অশান্ত আফলন—দয়াশূন্য মমতাশূন্য বাহুবললালা!

এক দিকে সমগ্র ইংরাজজাতির জীবনমরণের সমস্তা, অন্য দিকে বিলুপ্তপ্রায় পুরাতন মৈত্রীভাব,—রাজ্ঞী এলিজাবেথ দীর্ঘকাল উভয়কুল রক্ষা করিতে পারিলেন না। তাঁহাকে অবশেষে প্রকাশ্যভাবে অনুমতি প্রদান করিতে হইল।

পর্তুগাল নবজীবন লাভ করিয়া, অতি অল্পদিনের মধ্যেই সমগ্র ইউরোপে এক অভিনব আকাজ্জার উদ্বেক করিয়া দিয়াছিল। রাজ্য ক্ষুদ্র হইলেই যে বৃহৎ বিজয়লাভে অনধিকারী হয় না, পর্তুগাল তাহা প্রমাণ করিয়া দিয়া ইউরোপের অগ্ৰাণ ক্ষুদ্র রাজ্যগুলিকেও বৃহৎ বিজয়লাভের উচ্চাকাঙ্ক্ষা প্রকাশিত করিতে সাহসী করিয়া তুলিয়াছিল। সকলেই গৃহকোটর ছাড়িয়া, “বায়ু উল্কাপাত বজ্রশিখা” ধরিয়া “স্বকার্য্য সাধনে” অগ্রসর হইয়াছিল। অনেকে অনেক অজ্ঞাত দেশের আবিষ্কার-সাধনে কৃতকার্য্য হইয়াছিল;—সকলেই পৃথিবীতে আত্মশক্তি বিস্তৃত করিবার জন্ত উত্তেজনা অনুভব করিতেছিল। যে দেশের লোক ইউরোপের বাহিরে যে অজ্ঞাত দেশের আবিষ্কার সাধনে কৃতকার্য্য হইয়াছিল, তাহারা তাহা লইয়া পরিতৃপ্ত থাকিতে সম্মত হইলে, ভারত-

সাগরে পৰ্তুগালের প্রভু হরণের জন্ত কাহারও আকাঙ্ক্ষা জাগিয়া উঠিতে পারিত না। কিন্তু সকলেই ভারতবর্ষে উপনীত হইবার জন্তই ভূবন-ভ্রমণে বহির্গত হইয়াছিলেন। যে সকল অজ্ঞাত দেশ আবিষ্কৃত হইতেছিল, তাহা ভারতবর্ষ নহে, ইহা বুঝিবামাত্র তাহার গোরব কাহাকেও তৃপ্তিদান করিতে পারিল না; কেবল স্পেনরাজ্য কথঞ্চিৎ তৃপ্তিলাভের পরিচয় প্রদান করিয়াছিল; আর সকলেই ভারতবর্ষে উপনীত হইবার পথের সন্ধানে ব্যাপৃত হইয়া রহিয়াছিল। পৰ্তুগাল এইরূপে সমগ্র ইউরোপে যে অশান্ত আকাঙ্ক্ষা জাগাইয়া তুলিয়াছিল, তাহা সকল দেশেই উত্তরোত্তর অধিক প্রবল হইয়া উঠিয়াছিল, কেবল পৰ্তুগালেই তাহা দিন দিন অবসন্ন হইয়া পড়িতেছিল।

ইতিহাস-লেখক বলিয়া থাকেন,—পৰ্তুগালের এই অশান্ত-পূৰ্ব গোরব পৰ্তুগালের অধিবাসিগণের গোরব বলিয়া কথিত হইতে পারে না; তাহা পৰ্তুগালের রাজবংশের গোরব; তাহাকে জাতিগত গোরব বলিয়া অভিহিত করা যায় না। যে রাজবংশে জন্মগ্রহণ করিয়া, রাজকুমার হেনরী অপূৰ্ব আত্মত্যাগে পৰ্তুগীজ-জাতির প্রাণপ্রতিষ্ঠা করিয়াছিলেন, সেই রাজবংশের তিরোধানের সঙ্গে সঙ্গে তাহার কীর্তিকলাপও তিরোহিত হইয়া গিয়াছিল। ইহাকে ব্যক্তিগত বা বংশগত গোরব বলিয়াই গ্রহণ করা কর্তব্য। সুতরাং স্পেনরাজ্যের অন্তর্ভুক্ত হইবার পর পৰ্তুগালের অপদার্থ অধিবাসিগণ আবার অবসন্ন হইয়া পড়িয়াছিল। স্পেন রাজ্যের অধিপতি ধর্ম্মকলহে লিপ্ত থাকিয়া ভারত-বাণিজ্যের একাধিপত্য রক্ষার্থ যথাযোগ্য আয়োজন করিতে পারেন নাই;—ওলন্দাজ এবং ইংরাজেরাও অবসন্ন বুঝিয়া স্পেনের ধর্ম্ম-কলহকে বাণিজ্য-কলহে পরিণত করিবার জন্ত যথাসাধ্য চেষ্টা করিয়াছিলেন। ফলে, তাঁহারাই জলে স্থলে প্রবল হইয়া উঠিতে লাগিলেন;—স্পেন-পৰ্তুগালের পক্ষে তাহার গতিরোধ করিবার সম্ভাবনা

দিন দিন তিরোহিত হইয়া গেল। পৰ্তুগালের অভ্যুদয় জাতিগত অভ্যুদয় হইলে, তাহা এত অল্পকালে এমন ভাবে অধঃপতিত হইতে পারিত না।

ফিরিজি-বণিকের অসংযত অত্যাচারে মুসলমান-শক্তি কিছুদিনের জন্ত সঙ্কুচিত হইলেও, একেবারে বিনষ্ট হয় নাই। পারস্যের অধিপতি সহসা ভারত-বাণিজ্যের অধিকার পরিত্যাগ করিতে অসম্মত হইয়া, উপযুক্ত অবসরের প্রতীক্ষার দিন গণনা করিতেছিলেন। তাঁহার প্রজাবর্গ স্বরণাভীত পুরাকাল হইতে পারস্যসাগর-পথে ভারতীয় পণ্য-দ্রব্য বহন করিয়া অর্থোপার্জন করিত। সে পথে ফিরিজি-বণিকের আধিপত্য প্রবল হইলেও, পারস্যাদিপতি পুনরায় প্রভুত্ব সংস্থাপনের জন্ত চেষ্টা করিতেছিলেন। আরব দেশের মুসলমান-বণিকেরাও নিশ্চিন্ত ছিলেন না। ফিরিজি-বণিকের অভ্যুদয়লাভের পূর্বে সমস্ত অবস্থা তাঁহাদিগের অল্পকাল ছিল। কিন্তু মিশরের অধিকার লাভের জন্ত একদল মুসলমান আর একদল মুসলমানের সহিত কলহ-কোলাহলে লিপ্ত হইয়া আরব-বাণিজ্যকে ফিরিজি-বাণিজ্যের নিকট পরাভব স্বীকার করিতে বাধ্য করিয়াছিল। ভারতবর্ষের মুসলমান-শক্তি তাঁহাদিগকে রক্ষা করিতে পারে নাই; কারণ, সে শক্তি তখনও সমুদ্রোপকূল পর্য্যন্ত ভাল করিয়া অধিকার করিতে অবসর লাভ করে নাই। তদ্দেশে পাঠান-দিগের যাহা কিছু আধিপত্য বর্তমান ছিল, রাষ্ট্র-বিপ্লবে তাহা বিপর্য্যস্ত হইয়াছিল। মোগল শাসনশক্তি প্রতিষ্ঠালাভ করিয়া, ভারতবর্ষের পশ্চিম উপকূলে অধিকার বিস্তৃত করায়, ফিরিজি-বণিকের পক্ষে পুনরায় জলে-স্থলে মুসলমানের সহিত শক্তি পরীক্ষার প্রয়োজন উপস্থিত হইতেছিল।

• ভারত-সাগরে ফিরিজি-বণিকের প্রবল প্রতাপ চূর্ণ করিবার জন্ত এসিয়ার বিভিন্ন স্থানে যখন এইরূপ আয়োজনের স্বত্রপাত হইতেছিল, সেই সময়ে ওলন্দাজ ও ইংরাজগণ ভারতসাগরে উপনীত হইলেন।



ফিরিঙ্গি-বণিকের পক্ষে এক সঙ্গে এই সকল প্রবল প্রতিদ্বন্দীর আক্রমণ-বেগ সহ করিবার সম্ভাবনা ক্রমশঃ তিরোহিত হইয়া গেল।

আর সেদিন নাই। রণকুশল পোতাধ্যক্ষগণ বাণিজ্য-বন্দরের রাজ-প্রাসাদতুল্য উচ্চ অটালিকায় বাস করিয়া, বিবিধ বিলাস লালসায় কালাতিপাত করিতে গিয়া অকর্ষণ্য হইয়া পড়িয়াছিলেন। সেনাদলও তাহাদের পূর্ব শিক্ষা বিস্মৃত হইয়া নেতৃবর্গের পদাঙ্ক অনুসরণ করিতে শিক্ষা করিয়াছিল। সংঘম ভাসিয়া গিয়াছিল,—সন্তোষ প্রবল হইয়া সকল শক্তি অবসর করিয়া ফেলিয়াছিল।

ইউরোপের অবস্থাও আশাপ্রদ ছিল না। শাস্তি বিনষ্ট হইয়া গিয়াছিল; পোপের পদমর্যাদা যায় যায় হইয়া উঠিয়াছিল। ইংরাজেরা তাহার অবশুস্তাবী পতনকাল লক্ষ্য করিয়া, ওলন্দাজগণের দেখাদেপ্তি ভারতসাগরে উপনীত হইয়া, ফিরিঙ্গি-বণিকের দুর্বল হস্ত হইতে ভারত-বাণিজ্যের একাধিপত্য কাড়িয়া লইবার জন্য কৃতসংকল্প হইয়াছিলেন।

## বিংশ পরিচ্ছেদ

### পরিণাম

From the moment of their landing on the shores of India the first settlers cast off all those bonds which had restrained them in their native villages ; they regarded themselves as privileged beings—privileged to violate all the obligations of religion and morality, and to outrage all the decencies of life. They who went thither were often desperate adventurers, who sought those golden sands of the East to repair their broken fortunes ; to bury in oblivion a sullied name ; or to wring, with lawless hand, from the weak and unsuspecting, that wealth which they had not the character or capacity to obtain by honest industry at home. They cheated, they gambled, they drank ; they revelled in all kinds of debauchery'—*Key's Christ in India*. p. 46.

সতানিষ্ঠ-ইংরাজ লেখকগণ মুক্তকণ্ঠে ব্যক্ত করিয়া গিয়াছেন যে, বাহারা ফিরিঙ্গি-বাণিকের আয় ভারত-বাণিজ্যে অধিকারলাভে কৃতসংকল্প হইয়া, ইংলণ্ড হইতে বাণিজ্য-যাত্রায় বহির্গত হইতেছিল, সেই প্রথম ঔপনিবেশিকগণ যে মুহূর্ত্তে ভারত-সাগরতটে পদার্পণ করিয়াছিল, সেই মুহূর্ত্তেই সকল বন্ধন মুক্ত করিয়া ফেলিয়াছিল ; স্বদেশে যে বন্ধন সংযম শিক্ষা দিত, তাহা একেবারে পরিত্যক্ত হইয়াছিল। তাহারা আপনাদিগকে সাধারণ মনুষ্য অপেক্ষা বিশেষ অধিকারশালী অসাধারণ মনুষ্য বলিয়া মনে করিত ; এবং ধর্ম্মের ও নীতির সকল দায়িত্বই দলন করিত ; মানবজীবনের সকল শ্রীলতারই মর্যাদা নষ্ট করিত। বাহারা যাইত, তাহারা প্রাচ্য-সুবর্ণবালুকা কুড়াইয়া লইয়া তাঁহাদের ধ্বংসপ্রাপ্ত মৌভাগ্যের জীর্ণ-সংস্কারের চেষ্টা করিত,—কলঙ্ক-মলিন নামগোত্র বিস্মৃতি-গর্ভে সমাধি-নিহিত করিতে চাহিত ; অথবা আয়-পথে, চরিত্র-

বলে বা কার্যদক্ষতার স্বদেশে থাকিয়া যে ধন সংপথে উপার্জন করিতে পারিত না, তাহারা দুর্বল এবং অসংদিগ্ধ ব্যক্তিগণের নিকট হইতে অবৈধ হস্তে সেই ধন কাড়িয়া লইবার জন্ত অগ্রসর হইত। তাহারা প্রতারণা করিত, দ্যুতক্রীড়া করিত, মত্তপান করিত, এবং সকল প্রকার ব্যভিচারেই বিভোর হইয়া রহিত।

তথাপি, এই শ্রেণীর লোক ভিন্ন অসমসাহসিকতায় প্রাচ্য-সাগরের বাণিজ্য-কলহে আত্মবিসর্জন করিবার জন্ত আর কাহারো অগ্রসর হইবে? শুণ্ডার দল যতই নিন্দনীয় হউক, এরূপ ক্ষেত্রে তাহারাই অগ্রসর হইতে লাগিল। যে কোন উপায়েই হউক, ফিরিঙ্গি-বণিকের দুর্বল হস্ত হইতে বাণিজ্যাধিকার কাড়িয়া লইবার জন্ত কৃতসংকল্প হইয়াই, ইহারা ভারত-বাতায় বহির্গত হইয়াছিল।

সে সংকল্প প্রকাণ্ডভাবে ব্যক্ত করিবার সাহস থাকিলে, ইংরাজ তাহার ক্রটি করিতেন না। কিন্তু তখনও প্রকাণ্ডভাবে শুণ্ড সংকল্প ব্যক্ত করিবার সময় উপস্থিত হয় নাই। আরম্ভে নোবাহিনী ছত্রভঙ্গ হইবার পর, স্পেন-পর্তুগালের নৌবল কিছু দুর্বল হইয়া পড়িয়াছিল; তথাপি ইউরোপীয় সাগরপথে স্পেন-পর্তুগালকে সহসা পরাভূত করিবার সম্ভাবনা ছিল না। ইংরাজেরা তাহা জানিতেন। কিন্তু তাঁহারা ইহাও জানিতেন,—ইউরোপে বাহাই হউক, এশিয়ায় নৌবল প্রবল করিবার জন্ত স্পেন-পর্তুগাল সহসা যথাযোগ্য আয়োজন করিবার অবসর প্রাপ্ত হইবে না। তজ্জন্ত ইংরাজেরা এশিয়া সম্বন্ধে আশাবিত হইয়া, বলিতে লাগিলেন,—তাঁহারা আর অধিক দিন পোপের শাসন-লিপির মর্যাদা রক্ষা করিয়া আত্ম-বঞ্চিত হইতে অসম্মত; পোপের এরূপ পক্ষপাতপূর্ণ শাসনলিপি প্রচারিত করিবার ক্ষমতা নাই!

এতকাল পরে, এই কথা ব্যক্ত করিবার সময়ে, ফিরিঙ্গি-বণিকের দূত-সংস্থাপিত বাণিজ্যাধিকারকে অস্বীকার করিবার উপায় ছিল না।

শাসন-লিপি প্রচারে পোপের অধিকার থাকুক আর না থাকুক, তাহার সুযোগ লাভ করিয়া ফিরিঙ্গি-বণিক যে প্রাচ্য-বাণিজ্যরাজ্য সংস্থাপিত করিয়াছিলেন, তাহাকে অনধিকার-প্রবেশ বলিয়া গণ্য করিবার সম্ভাবনা ছিল না। তজ্জন্ত ইংরাজকে স্বীকার করিতে হইল,—পৰ্তুগীজগণ সৰ্ব্বাগ্রে ভারত-বাণিজ্যে অধিকার বিস্তার করিয়া, যেখানে যেখানে টুকুটি সংস্থাপিত করিয়াছেন, ইংরাজেরা তাহার মৰ্য্যাদা রক্ষা করিতে বাধ্য।

এই হুত্রে ইউরোপীয় আন্তর্জাতিক রাষ্ট্রনীতি নূতন আকার ধারণ করিল। এতদিন সমগ্র খৃষ্টান-ইউরোপ অবনত-মস্তকে পোপের শাসন-লিপিকে ব্যক্তিবিশেষের বা জাতিবিশেষের সৰ্ব্ববাদিসম্মত অধিকারপত্র বলিয়া স্বীকার করিয়া আসিয়াছে। কেবল তর্কে-বিতর্কে মুখে মুখে স্ত্রীকার করা নহে; কেহ কখন তাহার বিরুদ্ধাচরণ করিয়া কার্য্যক্ষেত্রে উত্তম প্রকাশ করে নাই; বরং তাহাকে মানিয়া চলিতে গিয়া নির্বিরোধে নানারূপ ক্ষতিস্বীকার করিয়া আসিয়াছে। এখন তাহা প্রকাশভাবে অস্বীকার করিবার সময়ে, পূর্বসংস্থাপিত অধিকার যে হুত্রে প্রতিষ্ঠালাভ করিয়া থাকুক না কেন, তাহাকে ত্রায়াহুমোদিত অধিকার বলিয়াই স্বীকার করিতে হইল।

এই নীতি ইউরোপে যথাযথভাবে প্রতিপালিত হইলেও, এশিয়ায় আসিয়া, ইহার মৰ্য্যাদা রক্ষা করা সকল সময়ে সকল অবস্থায় সুবিধাবাদের অনুকূল হইবে না বুঝিতে পারিয়া, ইংরাজেরা এশিয়াধণ্ডে তাহার মৰ্য্যাদারক্ষা করিতে সম্মত হইলেন না। এই সময় হইতে ইউরোপের এবং এশিয়ার রাষ্ট্রনীতির পার্থক্য প্রতিষ্ঠালাভ করিতে লাগিল। ইউরোপে বাহাই হউক, এশিয়ায় সুবিধাবাদই প্রাধান্য লাভ করিল; এবং তাহার পক্ষ সমর্থনের জন্ত যুক্তিতর্কের অভাব ঘটিল না! ইউরোপ এশিয়া নহে,—এশিয়া এশিয়া। সে দেশে আসিয়া, ইউরোপীয় রাষ্ট্রনীতির মৰ্য্যাদা সর্বদা রক্ষা করিবার বাধ্যবাধকতা স্বীকার করিতে অসম্মত

হইয়া, কার্যকালে বাহুবলের নিকট আয়বলকে বলিদান করিতে হইল। ইউরোপের সন্ধিপত্র এসিয়ায় অস্বীকৃত ও পদদলিত হইয়া, এই নীতি-পার্থক্যকে দিন-দিন স্থায়িত্বদান করিতে লাগিল। পার্থক্য এইখানেই নিরন্ত হইল না। ইউরোপের ধর্মনীতিও এসিয়ায় আসিয়া, ভিন্ন মূর্তি ধারণ করিতে লাগিল। যাহা ইউরোপে সর্ববাদিসম্মত সদাচার, তাহাও এসিয়ায় আসিয়া, পদে পদে পদদলিত হইতে আরম্ভ করিল; কারণ ইউরোপ এসিয়া নহে; এসিয়া এসিয়া।

উত্তমাশা অন্তরীপ ভূনগলকে দুইভাগে বিভক্ত করিয়া ফেলিল; পূর্ব ভাগ স্বার্থ, সুবিধা, বাহুবল, স্বৈচ্ছাচার দিন দিন প্রবল হইতে লাগিল। তাহাতে পূর্বপ্রতিষ্ঠিত অধিকার অধিক দিন মর্যাদা রক্ষা করিতে পারিল না। যে ওলন্দাজগণ ইউরোপে ইংরাজ-বাণিজ্যের আশ্রয়দাতা এবং ইংরাজের প্রাচ্যবাণিজ্য-বিস্তার-চেষ্টার প্রধান পথপ্রদর্শক, এসিয়ায় আসিয়া, ইংরাজগণ সেই ওলন্দাজদিগের সহিত কলহ করিতেও কুন্তিত হইলেন না।

এসিয়াপ্রবাসী, বিলাসজীবী, চরিত্রহীন ফিরিজি-বণিক্ কাহারও নিকট হইতে আত্মরক্ষার উপযোগী সাহায্যলাভ করিতে পারিলেন না। ইউরোপে পোপের সিংহাসন টলিয়া উঠিয়াছিল। তাহাকে অধঃপতন হইতে রক্ষা করিবার জন্ত স্পেন-পর্দু গাল ইউরোপীয় কলহ-কোলাহলে অবসর-শূন্য হওয়ায়, প্রাচ্যবাণিজ্যরক্ষার্থ যথাযোগ্য চেষ্টা করিবার অবসর লাভ করিল না। ফিরিজি-বণিক্ সৌভাগ্যের দিনে জলে স্থলে দক্ষ্যবৃত্তি করিয়া এসিয়ানিবাসিগণকে যেরূপ উৎপীড়িত করিতে প্রবৃত্ত হইয়াছিলেন, তাহাতে তাঁহারা এসিয়ার কাহারও নিকট সাহায্য পাইবার সুযোগ লাভ করিলেন না। এক সঙ্গে ইউরোপ হইতে নানা প্রবল জাতি এসিয়াথণ্ডে আপতিত হইবামাত্র, ফিরিজি-বণিকের প্রাচ্য-বাণিজ্য-মর্যাদার যে ছায়ানাত্র অবশিষ্ট ছিল, তাহা সহজেই বিলুপ্ত হইয়া গেল।

তঁাহাদিগের বাণিজ্যপোত লুপ্তিত হইতে লাগিল ; বাণিজ্যকেন্দ্র আক্রান্ত হইতে লাগিল ; নূতন নূতন বাণিজ্যকেন্দ্র সংস্থাপিত হইয়া, পুরাতনকে ধ্বংসাবশেষমাত্রে পর্য্যবসিত করিল । অবশেষে ফিরিজি-বণিকের প্রাচ্য-বাণিজ্যসাম্রাজ্য জলবুদ্বুদের ছায় ভারত-সাগরে বিলীন হইয়া গেল ।

এসিয়াকে বুঝিতে হইলে, ইউরোপের এই ইতিহাস অধ্যয়ন করিতে হইবে । ইউরোপকে বুঝিতে হইলেও, এসিয়ার এই ইতিহাস অধ্যয়ন করিতে হইবে । এসিয়া ইউরোপকে নবজীবন দান করিয়াছে ; ইউরোপীয় প্রতিযোগিতায় এসিয়ার শেষ নিঃশ্বাস অবরুদ্ধ হইয়া গিয়াছে ! এসিয়া না থাকিলে, ইউরোপ এত বড় হইয়া উঠিত না ;—ইউরোপ না থাকিলে, এসিয়া এত ছোট হইয়া পড়িত না !

## উপসংহার

ইউরোপ বড় হইয়া উঠিয়াছে, এশিয়া ছোট হইয়া পড়িয়াছে,— ইহা সৰ্ববাদিসম্মত। ফিরিঙ্গি-বণিকের ইতিহাস এই বিচিত্র ভাণ্য-পরিবর্তনের ইতিহাস,—তাহাও সৰ্ববাদিসম্মত। কিন্তু ইহার কারণ কি, তৎসম্বন্ধে মতভেদের অভাব নাই।

অদৃষ্টবাদের সিদ্ধান্ত নিরতিশয় সরল সিদ্ধান্ত; তাহার সমালোচনা অনাবশ্যক। অদৃষ্টবাদ আলম্ব্যবাদ;—তাহা কোন ঘটনায়ই কার্য্যকারণ-শৃঙ্খলার আবিষ্কার সাধনের জন্ত কিছুনাত্র শ্রম স্বীকার করিতে সম্মত হয় না। কারণ, যাহা ঘটবার, তাহাই ঘটয়া থাকে,—ইহাই সূত্র।

যাঁহারা ইহাতে আস্থা স্থাপন করিতে অসমর্থ, তাঁহারা ইহার বিবিধ কারণ-পরম্পরার আলোচনা করিয়া গিয়াছেন। সে ইতিহাসে ভারতবর্ষ সকলের নিকট সমানভাবে পক্ষপাতশূণ্য সুবিচার লাভ করিতে পারে নাই। ভারতবাসী দুর্বল, ভীক ও কাপুরুষ বলিয়া বর্ণিত হইয়াছে, এবং তাহাদের অযোগ্যতাই তাহাদের অধঃপতনের কারণ বলিয়া উল্লিখিত হইয়া, সৰ্বত্র সত্য সিদ্ধান্ত বলিয়া মৰ্যাদালাভ করিয়াছে। পরিণামের প্রতি দৃষ্টিপাত করিয়া, অনেক ভারতবাসীও ইহাকেই সত্য সিদ্ধান্ত বলিয়া মানিয়া লইতে বাধ্য হইয়াছেন। তজ্জন্ত বিচারবিমূঢ়তা, আত্মশক্তি সম্বন্ধে এক অন্ধ অবিশ্বাসের সৃষ্টি করিয়া, ভারতবাসীকে কালক্রমে সত্য-সত্যই দুর্বল, ভীক ও কাপুরুষ করিয়া তুলিয়াছে। ভারতবাসীর এই চিত্ত-দুর্বলতা অধঃপতনের “পরিণাম”; ইহা তাহার “কারণ” বলিয়া, স্বীকৃত হইতে পারে না।

এশিয়া একটি মহাদেশ। তাহা নানা দেশে বিভক্ত। তাহাতে

নানা জাতি, নানা ভাষা, নানা ধর্ম বর্তমান। তথাপি এসিয়া 'অনেক' বিষয়ে পৃথক হইয়াও, কোন কোন বিষয়ে এক। তখনও এবং এখনও তাহার প্রমাণ এসিয়ার সকল দেশেই দেদীপ্যমান। বাণিজ্য বিষয়ে এসিয়ার সকল দেশ একই নীতির অনুসরণ করিত। তাহার মূলমন্ত্র—বিশ্বাস। তজ্জন্ত এসিয়ার অন্যান্য দেশের অধিবাসিগণের ত্রায় ভারতবর্ষের অধিবাসিগণ সকল দেশের, সকল জাতির, সকল ধর্মের বণিক্-সম্প্রদায়কে তুল্যভাবে বিশ্বাস করিত,—তুল্যভাবে আশ্রয় দান করিত,—তুল্যভাবেই বাণিজ্যাধিকার প্রদান করিত। সমুদ্রোপকূলের বাণিজ্য-বিপণীশ্রেণী সৈন্তশ্রেণীর সাহায্যে সুরক্ষিত রাখিবার প্রয়োজন অনুভূত হইত না। যাহারা বাণিজ্য-বন্দরে যাতায়াত করিত, তাহারাও এই নীতির অনুসরণ করিয়া, বিশ্বাসের মর্যাদা অক্ষুণ্ণ রাখিয়াই ভারত-বাণিজ্যে অর্থোপার্জন করিত। তাহারা সকলেই এসিয়াবাসী; অনেক বিষয়ে পৃথক্ হইলেও, এ বিষয়ে এক হইয়া একই নীতির অনুসরণ করিত। কারণ, তাহারা যে চির-পুরাতন সভ্যতা-সদাচারের পুরুপাতী ছিল, তাহাতে স্বাধীনতা ছিল, বেচ্ছাচার ছিল না;—প্রতিযোগিতা ছিল, অনধিকারচর্চা ছিল না;—যে আসিত, ভারতবাসিগণ তাহাকেই স্বাগত সম্ভাষণে অভ্যর্থনা করিয়া লইত। স্বদেশ-বহিষ্কৃত ইহুদী, স্বরাজ্য-বহিষ্কৃত পারসী, সেন্টটমাস্-সম্প্রদায়ভুক্ত খৃষ্টান, আরব, মীশর, পারসিক দেশের মুসলমান, ভারত-বাণিজ্য-বন্দরে তুল্য-রূপেই আশ্রয় লাভ করিয়াছিল, এবং সময়ে সময়ে রাজকার্য্যেও নিয়োগ লাভ করিয়াছিল। এ বিষয়ে ভারতবর্ষেই প্রকৃত সামানীতি, মর্যাদা লাভ করিয়াছিল। ফিরিজি-বণিক্ ভারতবর্ষে উপনীত হইয়া, ভারতবাসীর এই চরিত্র-গুণের প্রচুর পরিচয় প্রাপ্ত হইয়াছিলেন। ইহা না থাকিলে, ফিরিজি-বণিকের প্রথম অভিযানই শেষ অভিযানে পর্য্যবসিত হইত। যাহারা স্বদেশ হইতে অপরিচিত সমুদ্রপথে বাণিজ্য যাত্রা



করিয়াছিল, তাহারা পণ্যভাণ্ডার লইয়া স্বদেশে প্রত্যাবর্তন করিতে না পারিলে, পৰ্তুগাল হইতে দ্বিতীয় অভিযান অকূলে আত্মবিসৰ্জনের জন্ত যাত্রা করিতে সাহসী হইত না।

রোমক-শাসনশৃঙ্খলমুক্ত ইউরোপীয় রাজ্যসমূহ যে সভ্যতা-সদাচারের অনুসরণ করিতে শিক্ষালাভ করিয়াছিল, তাহাতে বিশ্বাস অপেক্ষা বাহুবল অধিক প্রাধান্য লাভ করিয়াছিল। সুতরাং সাম্যবাদ অপেক্ষা সুবিধাবাদই অধিক প্রতিষ্ঠালাভ করিয়াছিল। ভারত-মাগরে উপনীত হইবামাত্র ফিরিঙ্গি-বণিক তাহার প্রচুর পরিচয় প্রদান করিয়াছিলেন। ভারতবর্ষ তাহার জন্ত প্রস্তুত ছিল না। অল্পসংখ্যক ফিরিঙ্গি-সেনাব্যবসায় আক্রমণে বহুসংখ্যক ভারতবাসী পরাভূত হইত। তাহাতে বাহুবলে অনুশীলনের অভাব সূচিত হইত; বাহুবলের একান্ত অভাব সূচিত হইত না। কারণ, সেই ভারতবাসী যখন ফিরিঙ্গি-সেনাদলে নিয়োগ প্রাপ্ত হইয়া বাহুবলের অনুশীলনে প্রবৃত্ত হইয়াছিল, তখন তাহারা অল্পায়াসেই ফিরিঙ্গি-সেনার সমকক্ষ হইয়া উঠিয়াছিল। সুতরাং ভারতবাসীকে দুর্বল, ভীক, কাপুরুষ বলিয়া ইতিহাস রচনা করিলে, সে ইতিহাসে সত্যের মর্যাদা সুরক্ষিত হইতে পারে না। নিজস্ব পরিতৃপ্ত প্রাচ্য-সভ্যতা পরার্থ-লোলুপ প্রতীচ্য-সভ্যতার সহিত প্রথম সংঘর্ষেই পরাভূত হইয়া গিয়াছিল। ইহাই ফিরিঙ্গি-বণিকের অভ্যুদয় লাভের মূল তথ্য।

যে নীতিতে ফিরিঙ্গি-বণিকের অভ্যুদয়, সেই নীতিতেই তাহার অধঃপতন। তাহা সাম্যবাদ নহে, সুবিধাবাদ;—গায়বল নহে, বাহুবল। তাহা পরিণামে যোগ্যতমকেই বিজয় দান করিয়াছে।





